




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.53







Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.53



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.53






Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.53

*Ald. 2/2*



*Ex Libris Joannis Nenoini*

*1874*















PA

IN

P

AD

VE

PAVLI MANVTII  
IN ORATIONEM  
CICERONIS  
PRO P. SEXTIO  
commentarius,

AD ANTONIVM AELIVM,  
POLAE EPISCOPVM.



VENETIIS, M. D. LIX.



AN T

P O

Pa

Cv m alia

rerum l

arque e

dum est

fime: tu

uel max

interpre

ut ex ec

memor

striam l

infinite

ita mul

tur, qu

cissimos

inuenit

modi c

nam. V

non ca

eo labo

lioqui

<sup>B</sup>  
ANTONIO AELIO,

POLAE EPISCOPO,

Paulus Manutius S. D.

CUM alia multa, quæ uigebant olim,  
rerum laudandarum studia perijsse,  
atque extincta prorsus esse, dolen-  
dum est, Aeli, uir optime, ac doctis-  
sime: tum hanc, in qua sitam omnes  
uel maximam utilitatem intelligunt,  
interpretandi rationem ita amisimus;  
ut ex eorum, quibus nostra patrumq;  
memoria suam hoc in genere indu-  
striam locare studium fuit, magno ac  
infinito prope numero, non tamen  
ita multos, qui tolerabiles uidean-  
tur, qui uero excellant, quam pau-  
cissimos, aut fortasse neminem liceat  
inuenire. atque huius quidem incō-  
modi culpa unde manauerit, expo-  
nam. Primum illud in cōtrouersiam  
non cadit; quo quidque præstantius,  
eo laboriosius, ac difficilius esse. a-  
lioqui nihil iam excelleret. quod

a 2 enim



enim consequeretur multi, in eo dignitas non esset, & ex copia uilitas existeret. est igitur in magnis rebus magna, quæ nos ab earum quasi possessiones arcet, constituta difficultas. hæc porro simplex nō est, sed in duo genera diuiditur. quædam enim, sicuti existimantur, ita difficilia sunt: quædam, cum non existimentur, tamen sunt. ubi difficultas & est, & apparet; inde multitudo uoluntatem & studium libenter abducit. rem quidem ipsam, quāti est, opinione æstimamus, & uehementer expetimus: magnis uero laboribus & uigilijs ut ematur, nō facile quisquam à seipso impetrat. amat enim hominis natura moderatam quietem, eaq; alitur, & crescit; nimias contentiones, quibus frangitur, & minuitur, recusat. ubi uero facile in speciem aliquid ostenditur, difficultas inclusa latet; cuiusmodi non esse pauca, inanis multorum docuit experientia: eò frequentes, bona spe inuitati, accurrunt; facileq;

cileq;  
bus ue  
futuru  
dat, at  
uitem  
tus, h  
ration  
randi.  
stimer  
gilium  
ita com  
ri ab er  
uiris ni  
Marij,  
rint; si  
tarcho  
trastule  
tes ab  
rim, in  
occulti  
ingeni  
rix uis  
nihil a  
die, à  
ctos,



3

cileq; ad eas res aggrediuntur, in quibus uel mediocrem operam si ponāt, futurum, ut ex animi sententia succedat, arbitrantur. quos deinde, graui temeritatis infamia, refellit euentus. huius generis hæc est, de qua orationem instituimus, ratio interpretandi. quis enim est, qui se non existimet Liuium posse, Salustium, Virgilium, ipsum mehercule Ciceronē ita commodè explicare, ut desiderari ab eruditis beneq; intelligentibus uiris nihil queat? atque hi, cum in C. Marij, aut in L. Syllæ nomen incidērint; si Marij, aut Syllæ uitam, à Plutarcho sumptam, in sua scripta totam trāstulerint; tum se suas præclare partes absoluisse existimant: cum interim, in quo doctrinæ, quæ paulo sit occultior, appareant notæ, in quo ingenij lumen eluceat, in quo prudentiæ uis, aut iudicij signa cernantur, nihil afferunt. exire uidemus quotidie, à postremi ordinis hominibus factos, speciosis magnaq; pollicenti-

a 3 us



bus titulis insignes , minimi pretij cō  
mentarios : quos non modo qui scri-  
bunt , falsa de se ipsis opinione dece-  
pti , uerum etiam qui typis impressos  
edunt , ijs , qui hoc de genere iudica-  
re possunt , inconsultis , quodam mo-  
do deformant præclara studia littera-  
rum , & de posteritate ipsa pessime  
merentur . sed cetera , quæ ferenda  
non sunt , feramus tamen , ac dissimu-  
lemus , sane multa : commentarios ue-  
ro illos , qui passim leguntur , in Cice-  
ronis orationes , ( quem librum ? la-  
tinorum omnium facile principem )  
grauem inquam illam immensi uolu-  
minis molem quis est qui ferre ullo  
modo possit ? loca sunt in Ciceronis  
orationibus male mendis affecta quæ  
plurima : sanari nullum uideas . sunt  
ob antiquitatis obscuram notitiam  
difficilia : quis est , de tot interpre-  
tum numero , qui lumine explanatio-  
nis illustret ? denique communia tan-  
tum , quæq; omnibus pene patent , ea  
sumunt ad explicandum : ex abditis ,  
quò

quò si  
non est  
riunt .  
magis  
ta exp  
rimas  
scient  
ita cō  
animu  
quæda  
ro opti  
to , C  
nos el  
ignom  
tauale  
um sup  
omnin  
mniun  
tando  
mere :  
tantum  
scienti  
abest  
à natu  
is sum



quò sine labore & ingenio accessus  
 non est, doctrinæ fontibus nihil hau-  
 riunt. contraq; , multa corrumpunt  
 magis , dum emendare conatur ; mul-  
 ta exponendo peruertunt, & pulcher-  
 rimas sæpe sententias turpissimis in-  
 scientiæ maculis inquinant. quæ me  
 ita comouit indignitas, itaq; meum  
 animum , ut uere dicam , misratio  
 quædam affecit, quasi ob illatam ui-  
 ro optimo, egregieq; de litteris meri-  
 to , Ciceroni , qui Romanæ termi-  
 nos eloquentiæ longissime protulit,  
 ignominiam ; ut statuerim, si cum ui-  
 ta ualetudo , & cum ualetudine oci-  
 um suppetat, triennium, aut quod  
 omnino res exiget spatij, in hoc o-  
 mnium pulcherrimo libro interpre-  
 tando , studiosorum gratia, consu-  
 mere : non quòd ego is sim, qui mihi  
 tantum arrogem, ut alijs detractam  
 scientiæ laudem ad me transferam :  
 abest hoc à consuetudine mea, abest  
 à natura plurimum : sed neque rursus  
 is sum, qui , cum ceteros probe noue

2 4 rim,



rim, ipse me prorsus ignorē; & qui,  
cum alios accusem propterea, quia  
non præstant ea, quæ ab eorum stu-  
dio postulantur, ego me, si quid præ-  
stare posse mihi uideor, uelim cōtem-  
nere. non ita laudem fugio: etsi nec  
nimis appetō. alterum stupidæ cu-  
iusdam sapientiæ, alterum insanæ am-  
bitionis esse uitium semper duxi. ne-  
que uero, si quid mihi elegantiori-  
bus in litteris assumpsero, longe ad-  
modum ab ijs finibus, quos mode-  
stia ratio præscribit, discedere mihi  
uidebor. scis tu Aeli, pro nostra ue-  
tere amicitia, & familiaritate, per  
quot annos, quibus laboribus hæc,  
quæ ab humanitate nomen accepe-  
runt, studia coluerim. sciebat opti-  
me omnium, & mihi, cum uiueret,  
hoc nomine tribuebat plurimū, Ber-  
nardinus Maffeus Cardinalis, meus  
ille, in omni mihi uita desūdus, Mas-  
seus, Urbis delicia, lepor, humani-  
tas, exemplum antiqui officij, flos om-  
nium uirtutum. is amabat hæc stu-  
dia

dia mi  
bus (p  
tur, &  
quæcu  
quanti  
nis fac  
tidie,  
berent  
scis, l  
bat om  
ferebat  
Cicero  
maleba  
tiquit  
mum  
quasi e  
ceret a  
quā, q  
beret,  
expon  
est. ego  
tis post  
qui nu  
li, app  
ui. et



dia mirifice, eaq; quibus poterat re  
 bus (poterat autem plurimis) tueba-  
 tur, & fouebat. bene autem de hac,  
 quaecunque in nobis est, uel potius  
 quantulacunque est, latinæ oratio-  
 nis facultate existimabat: meq; quo-  
 tidie, quantum possem ut latine scri-  
 berem, urgebat: & scribebat ipse, ut  
 scis, luculenter, & egregie. proba-  
 bat omnino meum consilium, & ef-  
 ferebat maxime, de commentarijs in  
 Ciceronis orationes: sed exerceri  
 malebat prius industriam meam in an-  
 tiquitatibus Romanis, ipso potissi-  
 mum auctore institutis. interim, ut  
 quasi ex unius partis forma de toto li-  
 ceret ædificio conijcere, unam ali-  
 quā, quæ specimen ingenij mei præ-  
 beret, orationem subficiuis horis ut  
 exponendam susciperem, hortatus  
 est. ego sumpsi pro Sextio: nec mul-  
 tis post eum sermonē mensibus hunc,  
 qui nunc in tuo nomine, Antoni Ae-  
 li, apparebit, commentarium absol-  
 ui. et quod, ille si uiueret, fecissem,  
 ut



ut hoc ei, quidquid est, muneris de-  
ferrem, studio meo cōmotus, illius  
uirtute impulsus; idem nunc, iisdem  
adductus caussis, tecum facio liben-  
tissime. nam cum amicitia inter nos  
est, quanta inter duos, quorum & uo-  
luntates, & iudicia consentiant, es-  
se potest maxima: tum habes uirtu-  
tem, non eam, quæ petitur à libris,  
quæ uno scientiæ nomine definitur,  
sed eam, quæ oritur ex animi præstan-  
tia, & multas in se laudes continet,  
studium in suscipiendis Ecclesiæ caus-  
sa laboribus, cōstantiam in perferen-  
dis; humanitatem in excipiendis ho-  
minibus, benignitatem in subleuan-  
dis; comitatem in consuetudine fa-  
miliarium, grauitatem in congressu  
et sermone clarorum tuiq; similium  
uirorum; denique uoluntatis propē-  
sionem ad optima quæque singula-  
rem. itaque te summus ille artium ho-  
nestarum patronus, decus Italiæ, A-  
lexander Farnesius Cardinalis in ocu-  
lis fert; tibi arcana cōmunicat; tuis  
in

in cōfil  
multum  
gilantia  
apud il  
eodē in  
dandar  
tis Mar  
eò faue  
te Deo  
laudabi  
ma dig  
me ueh  
inter u  
tissima  
grueba  
ces an  
arte ob  
uolenti  
illa Mar  
illa uirt  
quo fat  
riam ill  
que on  
er) &  
res in



in cōsilijs , si quid deliberandum est ,  
 multum , si quid perficiendum , in ui-  
 gilantia plurimum ponit . tu , quo  
 apud illum Maffeus olim loco fuit ,  
 eodē ipse nunc es : rectissimamq; lau-  
 dandarum actionum uiam , obserua-  
 tis Maffei uestigijs , ingressus , pergis  
 eò fauentibus hominibus , approbā-  
 te Deo , ubi debitum ijs , qui bene ac  
 laudabiliter uixerint , præmium sum-  
 ma dignitas persoluitur . Mouit etiā  
 me uehementer illa ratio ; quòd erat  
 inter uos coniunctio animorum ar-  
 ctissima ; conueniebant sensus , con-  
 gruebat uoluntas : præterea simpli-  
 ces animi , & puri , nulla simulationis  
 arte obducti , nulla inuidiæ aut male-  
 uolentiæ labe suffusi . quare , quoniā  
 illa Maffei suauitas , illud ingenium ,  
 illa uirtus erepta morte , nimium ini-  
 quo fato , nobis est ; ( tametsi memo-  
 riam illius uiri neque mihi mors , ne-  
 que omnino dies ulla unquam eripi-  
 et ) & quando , quæ illius erant par-  
 tes in ornandis liberalibus discipli-  
 nis ,



nis, ex translata ad te uidetur, præ-  
clariq; muneris quasi uicarius reli-  
ctus es: ego quoque, quod in illum  
studij, quod habui uoluntatis, ac be-  
neuolentiæ, (id erat tantum, ut acce-  
dere nihil posset) totum illud in te  
unum, illi quamsumillimum, contuli:  
& qui te antea, multis erga me meri-  
tis, multis ingenij tui suauitatibus  
adductus, unice dilexissem, tamen  
id, quod in amore summum uideba-  
tur, auctum, cum hoc accessit, etiã  
atque etiã, plenissimeq; cumulatam  
intelligo. Tibi igitur offero, fructũ  
ingenij mei, in orationẽ pro Sextio  
cõmentarium, operis uniuersi, quod  
maiores à me uigilias postulat, ima-  
ginem: quod ipsum, Maffeo promif-  
sum, idem tibi, qui eius in locum suc-  
cessisti, iam nunc animo dicamus.  
uerum hoc serius fortasse præstabi-  
tur. de re enim, quod ad me attinet,  
cõstitutum est, et, ut uides, aggres-  
sus iam sum: de tempore, is, à quo  
nostrorum consiliorum pendet euen-  
tus,

rus, rer  
rit Deus  
triquitat  
instituer  
tem ut  
letudo  
afsidui  
infirma  
peditus  
te desid  
adeft,  
te mex  
speram  
re expe



7  
tus, rerum omnium moderator uide-  
rit Deus. habeo nunc in manibus An-  
tiquitates. eas nisi pertexuero, nihil  
instituire in animo est. pertexere au-  
tem ut possim, duo sunt optanda, ua-  
letudo, & ocium: quod utrunque,  
assiduis annorum superiorum studiis  
infirmatus, & rei familiaris cura im-  
peditus, nunc quidem magna ex par-  
te desidero. accipe interim hoc, quod  
adeft, argumentum obseruantiae in  
te meae; & illud, quod aliquando, ut  
speramus, futurum est, suo tempo-  
re expecta.

## ARGVMEN.



ARGVMENTVM ORATIONIS  
PRO P. SEXTIO.

P. SEXTIVS, cum, Lentulo & Metello cos. tribunus pl. esset, omnem uim tribunatus sui ad Ciceronem patriæ restituendum maximo animo contulit. eius conatibus cum P. Clodius, qui Ciceronem urbe expulerat, homo seditiosus, ac turbulentus, obsisteret; factum, ut VII I. kal. Feb. inter eos qui Ciceroni fauebant, et Clodianos magna pugna, armatis utrinque hominibus, committeretur. eo nomine, anno post, Marcellino, & Philippo cos. P. Sextio M. Tullius Albinouanus detulit nomen, eumq; lege Lutatia de ui apud M. Aemilium Scaurum prætorē postulauit. defensus Sextius cum ab alijs, tum à duobus præstantissimis oratoribus, Q. Hortensio, et M. Tullio Cicerone, atque absolutus est. itaque ipse Cicero lib. I I. epist. ad Q. fratrem, Sextius, inquit, noster absolutus est I I I. id. Mart. & quod uehementer interfuit reip. nullam uideri in eiusmodi causa dissensionem esse, omnibus sententijs absolutus est. Exulauit tamen postea hic ipse Sextius: quò crimine condemnatus, pro certo dici posse non arbitror: puto tamen, quòd à Pompeio aduersus Cæsarem stetisset: id quod constare potest uel è lib. V I I. epist. ad Atticum. quidquid sit, certe, nisi post interitum Pompeij, non exulauit. extat epistola, qua ei Cicero consolationem adhibet, lib. V. earum, quæ familiares nominantur.

DE GE-

DE C  
ORA

CAVSSA  
nem & de  
nero parte  
in ea gene  
biam & a  
bat in eo;  
contra leg  
quòd, ma  
suam, ne n  
sario præsu  
pitudine bo  
stio est. Q  
ne contron  
defensor n  
pellatur. q  
nitium, s  
ut quidem  
cum enim i  
cio; facile  
esse putem.  
quale sit, q  
quam gene  
nescit. Et  
stribuitur  
Sextius a  
uita adue



## DE GENERE, ET STATU

## ORATIONIS PRO SEXTIO.

**CAVSSA P.** Sextij, quia continet accusatio-  
nem & defensionem, est in genere iudiciali: quia  
uero partem habet honestatis, & turpitudinis,  
in ea generis parte sita est, quam rhetores du-  
biam & ancipitem nominarunt. turpitude pate-  
bat in eo; quod Sextius armatorum multitudine  
contra leges in publico usus erat: honestas in eo,  
quod, multis ante uulneribus acceptis, uitam  
suam, ne uim iterum eandem pateretur, neces-  
sario praesidio munierat. pugnat igitur cum tur-  
pitudine honestas: utra uincat, apud iudices qua-  
estio est. Quod ad statum pertinet: cum de nomi-  
ne controuersia sit, quia uim fuisse accusator ait,  
defensor negat, status est is, qui definitiuus ap-  
pellatur. quod si quis causam Sextij non ad defi-  
nitium, sed ad generalem statum reuocet: hic,  
ut quidem ego sentio, non omnino nihil uiderit.  
cum enim in ipsam rei naturam diligenter inspi-  
cio; facile fit, ut in hac causa generalem statum  
esse putem: quia, cum de Sextij facto conueniat;  
quale sit, quaeritur, iustum scilicet, an iniustum.  
quam generali statu contineri quaestionem nemo  
nescit. Et quoniam hic status duas in partes di-  
stribuitur, iudiciale hic agnosco: quia, cum  
Sextius aequum & rectum fuisse dicat, praesidium  
uitae aduersus uim comparare; aequi & recti na-  
tura



tura queritur. Rursus, cum iuridicialis in absoluta, & assumptiuam diuidatur: hic, exclusa absoluta, locum habet assumptiua: quia res ipsa per se satis est infirma, sed defensione nititur extrinsecus petita. Assumptiua autem eam partem intelligo, quae dicitur remotio: quia factum reus non negat, sed crimen à se remotum in P. Clodiu transfert. Cum uero in purgatione tria considerentur, imprudentia, casus, et necessitas: necessitatis partem Sextius assumit: cum se, necessitate coactum, armatorum hominum praesidio usum esse confirmet. quid enim faceret, cum in templo Castoris multis uulneribus concisus, ac pene occisus, uitam non iure & legibus, sed ui & armis aduersus inimicorum audaciam ac furorem tuendam esse didicisset? Est igitur Sextij causae status generalis, iuridicialis, assumptiuus, ex concessione, cum purgatione per necessitatem. quod si ad Hermogenis doctrinam, sane in hoc genere praecelaram, respiciamus: status erit qualitatis: quia de qualitate rei, utrum iusta fuerit, an iniusta, consideratur. erit autem in qualitate auctoris: quia Sextius uniuersum factum in se ipsum refert, cum se quidem armis usum esse dicat, uerum ob eam causam, quae iustissima est, ut salutem suam uitamq; seruaret.

DE

DE E  
Ex o  
stratio l  
non sunt,  
ui ac nati  
genera su  
que gener  
iudiciali,  
ceps apper  
& turpita  
lentia sum  
pitudo &  
eis animu  
honestati,  
dendum u  
se, si cum  
cum iudic  
honestatio  
in partem  
tram accep  
ro inter ca  
uolentiam  
eilla, quae  
reo potest  
iudicatur  
unde com  
tur Cicero  
necessaria



## DE EXORDIO ORATIONIS.

EXORDIA oratoribus in genere demonstratiuo libera sunt, in deliberatiuo & iudiciali non sunt, sed causis deferuntur, & à causarum vi ac natura ducuntur. et quia causarum plura genera sunt: inde fit, ut exordiorum plura quoque genera nascantur. causa Sextij est in genere iudiciali, et est huius generis in ea parte, quæ anceps appellatur. In ancipiti causa, cum honestas & turpitudine sibi inuicem aduersentur, à beneuolentia sumitur exordium. cum enim, ut dixi, turpitudine & honestas uersentur in causa; eaq; iudicis animum diuersè trahant: addendæ sunt uires honestati, quo plus ad commouendum ac persuadendum ualeat. fit autem firmitior honestas cause, si cum iudicis beneuolentia coniungitur. nam cum iudicis animus, dubia quadam turpitudinis honestatisq; specie dissimiliter affectus, neutram in partem propendeat: facile, si quid ad alterutram accesserit momenti, commouebitur. cum uero inter eas rationes, quæ ad conciliandam beneuolentiam ualent, minime omnium ea sit imbecilla, quæ à rei persona proficiscitur: nihil enim reo potest esse optabilius, quàm ut ijs, à quibus iudicatur, carus sit: propterea de quatuor locis, unde comparatur beneuolentia, eo primum utitur Cicero, qui est omnium utilissimus, maximeq; necessarius. Et quoniam non satis est, si à perso-

B

na rei

DE



na rei beneuolentiam quæramus, sed ab ijs ipsis  
rebus quærere debemus, quæ inter præclare fa-  
cta maxime excellunt: hoc ipsum quoque acutif-  
simi orator ingenij & uidit facile, & obseruauit.  
nam cum recte facta possint esse quamplurima;  
cumq; inter hæc ipsa nihil præstantius habeatur,  
quàm de patria bene mereri: optimam ac perfe-  
ctissimam comparandæ beneuolentiæ rationē ini-  
uit, cum à commemoratione beneficiorum, quæ  
Sextius in remp. contulit, orsus est. Iam, cum e-  
iusdē generis non omnia beneficia sint: quod erat  
omnium maximum, id nominauit. est autem o-  
mnium maximum ipsa reip. salus, atque liber-  
tas. quam duobus in locis exordij sui Cicero, pri-  
mum recte, deinde aperte, P. Sextij summo stu-  
dio summaq; uirtute conseruatam significat: re-  
cte, cum ait; Qui auderent se, & salutem suam  
in discrimen offerre pro statu ciuitatis, et pro cō-  
muni libertate: aperte, cū illa pronunciat; Vno  
aspectu intueri potestis eos, qui cum senatu, cum  
bonis omnibus remp. afflictam excitarint, & la-  
trocinio domestico liberarint, mæstos, sordidatos,  
reos. Et quoniam in defensionibus id primū est,  
ut reum subleuemus; alterum, ut aduersarios de-  
primamus; ut alteri beneuolentia, alteris odium  
concilietur: in hoc exordio & utrunque, &, quo  
conueniebat, loco factum est. nam cum reo iam  
consulisset in eo, Intueri potestis eos, qui remp.  
afflictam excitarint, mæstos, sordidatos, reos:  
proxime

proxime  
& huma-  
nerter  
etiam uo-  
bus perie-  
ex una p-  
ra graui-  
constitue-  
sed prox-  
quos res u-  
paratione  
quod ad  
iam signi-  
cum bene-  
odio in a-  
cum hone-  
& illud n-  
dam bene-  
runt; quæ  
ostendisset  
ximum de  
afflictam  
dignissima  
ad elicien-  
reos, de  
nis, de lib-  
de aduerj  
mana uio-  
rint, quo-



proxime intulit, Eos autem, qui omnia diuina,  
 & humana uiolarint, uexarint, perturbarint,  
 euerterint, non solum alacres latosq; uolitare, sed  
 etiam uoluntarios fortissimis atque optimis ciui-  
 bus periculum moliri, de se nihil timere. ita, cum  
 ex una parte summum Sextij beneficium, ex alte-  
 ra grauissimas aduersariorum in remp. iniurias  
 constituat; eaq; non disperse, & ex interuallo,  
 sed proxime, nulla interiectione commemoret;  
 quo res utraque ex propinqua rei contrariae com-  
 paratione maior appareat: consecutus est id,  
 quod ad absolutionem rei quasi uiam munire  
 iam significauimus, ut et honestatem causae indi-  
 cum beneuolentia confirmaret, & turpitudinem,  
 odio in aduersarios concitato, ita debilitaret, ut  
 cum honestate congressa facile cederet. Est autem  
 & illud non uulgaris artificij; idq; ad comparan-  
 dam beneuolentiam ualere antiqui rhetores dixe-  
 runt; quod, cum maximum Sextij beneficium  
 ostendisset, maximum eiusdem incommodum pro-  
 ximum demonstrauit. ad illud enim, Qui remp.  
 afflictam excitarint, quod amplissimis praemijs  
 dignissimum esse beneficium uidebatur, apposuit,  
 ad eliciendam misericordiam, Maestos, sordidatos,  
 reos, de capite, de fama, de ciuitate, de fortu-  
 nis, de liberis dinicantes. Eodemq; consilio, cum  
 de aduersarijs dixisset, Qui omnia diuina & hu-  
 mana uiolarint, uexarint, perturbarint, euertere-  
 rint, quod erat crimen poena grauissima notan-

dum; adiunxit, ad commouendam indignationē,  
Non solum alacres letosq; uolitare, sed etiam uo-  
luntarios fortissimis atque optimis ciuibus pericu-  
lum moliri, de se nihil timere. quo facto aduer-  
sarijs & odium ex improbitate quæsiuit, qui o-  
mnia diuina, humanaq; uiolarint; & inuidiam  
ex potentia, quia deinde, alacres letiq; uolitantes,  
periculum alijs creent, de se nihil extimescant.

CICE-

CICE

Si quis ar-  
fer, quæ  
dignita-  
ciues fo-  
tur, quæ  
discrim-  
pro con-  
miretur  
tem ciui-  
dum, au-  
tem. na-  
casu co-  
tueri po-  
bonis e-  
rint, &  
multos  
fama, d-  
dimicar-  
na, & h-  
turbati-  
letosq;  
fortissi-  
culum  
cum m-  
est fere  
trones



II  
CICERONIS ORATIO H.  
PRO P. SEXTIO.

**S**i quis antea, iudices, mirabatur, quid esset, quòd pro tantis opibus reip. tantaq; dignitate imperii nequaquam satis multi ciues forti, & magno animo inuenirentur, qui auderent se, & salutem suam in discrimen offerre pro statu ciuitatis, & pro communi libertate: ex hoc tempore miretur potius, si quem bonum, & fortem ciuem uiderit, quàm si quem aut timidum, aut sibi potius, quàm reip. consulentem. nam, ut omittatis de uniuscuique casu cogitando recordari, uno aspectu intueri potestis eos, qui cum senatu, cum bonis omnibus remp. afflictam excitarent, & latrocinio domestico liberarent, mæstos, sordidatos, reos, de capite, de fama, de ciuitate, de fortunis, de liberis dimicantes; eos autem, qui omnia diuina, & humana uiolarint, uexarint, perturbarint, euerterint, non solum alacres lætosq; uolitare, sed etiam uoluntarios fortissimis, atque optimis ciuibus periculum moliri, de se nihil timere. in quo cum multa sunt indigna, tum nihil minus est ferendum, quàm quòd iam non per latrones suos, non per homines egestate,

B 3 &



COMMENTARIUS

& feelere perditos, sed per uos nobis, per optimos uiros optimis ciuibus periculū inferre conantur; & quos lapidibus, quos ferro, quos facibus, quos uī, manu, copiis delere non potuerunt, hos uestra auctoritate, uestra religione, uestris sententiis se oppressuros arbitrantur.

Commentarius Pauli Manutii.

NON est mihi consilium, in hac oratione explicanda facere id, quod à nimium multis hoc tempore factitari uideo, qui annotandis atque enumerandis figuris, quasi colligendis in littore lapillis, pueri liter occupati, si metaphoras aliquot, metonymiasq; annotauerint, magnum se, ac memorabile præstitisse aliquid arbitrantur: interea neque deprauatis locis medicinam adhibent ullam, & ubi ex intima historia, antiquitatis ue cognitione promendum aliquid est, aut tacent, aut ita se gerunt, ut, eos in rebus Romanis plane hospites esse facile intelligas. ego istiusmodi artificium aut omnino prætermittam silentio, aut per admodū paucis locis strictim & modice attingam, cū alijs de caussis, tum quia de hoc toto genere alius mihi locus, aliud ad dicendum tempus constitutum est; quo ea cum studiosis communicare in animo habeo, quæ non de uulgaribus rhetorum hausta libris, sed, duobus eloquentiæ luminibus, Demosthene ac Cicerone, diligenter & accurate inuicem

IN O  
cem confen  
ta, non nū  
cogitant, a  
Si quis ant  
hoc Cicerō  
rum euent  
demonstre  
nisi absolu  
cuius reper  
lute public  
gnitatem  
premia spe  
mur. Co  
nata conu  
tatis non  
quam in co  
eunda per  
petus ex ca  
enim magis  
quod ex eo  
Lentulus,  
xantur. et  
tius, & M  
uerat C. Ca  
bat, imper  
in oration  
num, ut  
postulat.  
tudo deside



cem conferendis, obseruata à me, atque annotata, non nihil utilitatis ijs, qui de eloquentiæ laude cogitant, allatura esse confido.

**S**i quis antea: proprium pene, ac perpetuum hoc Ciceroni est, ut, quas causas defendit, earum euentum ad publicam utilitatem pertinere demonstret. sicut hic statim à principio ostendit; nisi absoluator Sextius, fore, ut uix ullus postea ciuis reperiatur, qui se in discrimen offerre pro salute publica uelit. Opibus reip. opes reip. dignitatem imperij nominauit; quòd, ubi opes, ibi præmia speramus ubi dignitas, laude commouemur. Communi: publicam causam cum priuata coniunxit; ut hoc dicat. si quis de statu ciuitatis non laborat; suæ tamen libertatis causa, quam in communi esse inclusam intelligit, ad subeunda pericula, ad repellendos improborum impetus excitetur. Ex hoc tempore: multo enim magis, quàm antea, dominatur improbitas. quod ex eo patet, quia P. Sextius, T. Milo, P. Lentulus, optime de rep. meriti, acerbissime uexantur. erant autem rei, de ni uterque, Sextius, & Milo. de Lentulo rogationem promulgauerat C. Cato tribunus pl. ut Ciliciæ, quam regebat, imperium ei abrogaretur. quæ colliguntur in orationis epilogo. Bonum, & fortem: Bonum, ut sentiat; fortem, ut audet quæ reip. ratio postulat. in multis enim recte sentientibus fortitudo desideratur. Sibi potius: qui bonus ciuis



COMMENTARIUS

esse non potest: cum ad remp. boni ciues omnia referant. Vt omittatis: uelim, quæ abierunt, omittatis: spectate, quæ adsunt. Eos: quos intelligit, iam nominaui. Liberarint: me restituto, debilitatis perditorum uiribus. Sordidatos, reos: reos, de Sextio, & Milone dictum. reus enim Lentulus non erat. sordidatos, & ad eosdem, & ad Lentulum præterea refero. nam, Catonis rogatione de abrogando ei imperio promulgata, uestitum filius mutauit ad misericordiam commouendam. ad Q. fratrem lib.

II. epist. De capite: non de uita, (ciuem enim Romanum nullo crimine, perduellione excepto, interfici licebat) sed, De capite, hoc est de ciuitate. nam de ui damnatos exilij pœna sequebatur. ideoq; capitalis causa dicebatur, & capite diminuti qui ciuitatem amittebant. De liberis: quibus priuantur in exilium legibus eiekti. Volitare: uerbum hoc securitatem quandam, arrogantiam, impudentiaq; coniunctam, significat. sic infra: Cum illa coniunctio ex latebris, atque ex tenebris erupisset, palamq; armata uolitaret. & in Pisonem: Sex. Clodium, qui nunquam antea pretextatus fuisset, ludos facere, & pretextatum uolitare passus es. Optimos uiros optimis ciuibus: optimos uiros, religiosissimos, & sanctissimos in iudicandis rebus. optimis ciuibus, studiosissimis reip. præclareq; de ea meritis. non est autem eadem uirtus optimi uiri, & optimi ciuis:

IN O  
nis: quod  
corum.

Ego autem  
gendis  
rum, qu  
ficio esse  
cogor in  
potissim  
ra & milit  
ta est. &  
risimo u  
sa est P. S  
termis  
rendum  
tamen a  
propugn  
deatur,  
teris ciu  
tuo, iuc  
hoc extr  
tius quã  
quentia  
se suscep  
aut liber  
peto à  
conced  
iustæ ira  
que eni



uis : quod declarat *Aristoteles* III. *politi-*  
*corum*.

## O R A T I O.

**E**GO autem, iudices, qua uoce mihi in a-  
gendis gratiis, commemorandoq; eo-  
rum, qui de me optime sunt meriti, bene-  
ficio esse utendum putabam, ea nunc uti  
cogor in eorum periculis depellendis: iis  
potissimum uox hæc seruit, quorum ope-  
ra & mihi, & uobis, & populo R. restitu-  
ta est. & quanquam à Q. Hortensio, cla-  
rissimo uiro, atque eloquentissimo, caus-  
sa est P. Sextii perorata; nihilq; ab eo præ-  
termissum est, quod aut pro rep. conque-  
rendum fuit, aut pro reo disputandum:  
tamen aggrediar ad dicendum; ne mea  
propugnatio ei potissimum defuisse ui-  
deatur, per quem est perfectum, ne ce-  
teris ciuibus deesset. atque ego sic sta-  
tuo, iudices, à me hac in causa, atque  
hoc extremo dicendi loco, pietatis po-  
tius quàm defensionis, querelæ quàm elo-  
quentiæ, doloris quàm ingenii partes es-  
se susceptas. itaque, si aut acrius egero,  
aut liberius, quàm qui ante me dixerunt;  
peto à uobis, ut tantum orationi meæ  
concedatis, quantum & pio dolori, &  
iustæ iracundiæ concedendum putetis. ne  
que enim officio coniunctior dolor ul-  
lus



COMMENTARIUS

Ilus esse potest, quàm hic meus, susceptus ex hominis de me. optime meriti periculo: neque iracundia magis ulla laudanda, quàm ea, quæ me inflammat eorum scelere, qui cū omnibus salutis meæ defensoribus bellum esse sibi gerendum iudicauerunt. sed quoniam singulis criminibus ceteri responderunt, dicam ego de omni statu P. Sextii, de genere uitæ, de natura, de moribus, de incredibili amore in bonos, de studio conseruandæ salutis communis, atque ocii; contendāq; si modo id consequi potero, ut in hac confusa, atque uniuersa defensione nihil à me, quod ad uestram quæstionem, nihil, quod ad reum, nihil, quod ad remp. pertineat, prætermissum esse uideatur. & quoniam in grauisimis temporibus ciuitatis, atque in ruinis euersæ atque afflictæ reip. P. Sextii tribunatus est à fortuna ipsa collocatus: non aggrediar ad illa maxima atque amplissima prius quàm docuero, quibus initiis, ac fundamentis hæ tantæ summis in rebus laudes excitatæ sint.

COMMENTARIUS.

Ego autem: *commemoratio hæc fraudatæ expectationis suæ efficax in primis est ad misericordiam concitandā. In hac causâ, atque hoc extremo*



extremo dicendi loco: cum plures eandem causam agerent, extremum sibi fere concedi solitum à ceteris dicendi locum, ipse in Oratore testatur his uerbis: Quid ego de miserationibus loquar? quibus eo sum usus pluribus, quòd, etiam si plures dicebamus, perorationem mihi tamen omnes relinquebant: in quo ut uiderer excellere, non ingenio, sed dolore assequebar. Confusa, atque uniuersa: in qua non de uno aut altero crimine agitur, sed de omni statu P. Sextij, de genere uitæ, de natura &c. quæ ipsa tamen ita agemus, ut, quod ad uestram quæstionem pertinet, (queritis autem de ui, & uis in hoc iudicio iudicatur) quod item ad ipsum reum, hoc est ad ea, quæ reo obyciuntur, crimina, quod etiam ad remp. nihil prætermittamus. Grauisimis temporibus ciuitatis, atque in ruinis euersæ, atque afflictæ reip. non est superuacaneum, rei publicæ, quia dixerit, ciuitatis: sed est amplificatio quædam: quia plus est in republica, quàm in ciuitate: similiter ut cum dixit, ruinis; cum dixisset iam, grauissimis temporibus. plus enim aliquanto significant ruinæ, quàm grauissima tempora. et est hoc Ciceroni, ob eximiâ ingenij ubertatem, usitatum, maximeq; frequens in orationibus ornamentum. Euersæ, atque afflictæ reip. plus est, afflictæ, quàm euersæ. nam euersa non stant, erigi tamen uidentur posse: afflictæ uero neque stant, neque, fractis iam ac debilitatis



# COMMENTARIUS

tis uiribus, erigi amplius possunt. A fortuna ipsa: amicissima reipublicæ, quæ fecerit, ut, quo anno maxime ciuitas consilio atque ope ciuium optimorum indigebat, is Sextio petendi tribunatus annus esset. quodam igitur modo eius anni laudem & gloriam cum Sextio fortuna communicauit. itaque prius exponam ea, quæ ad Sextium tota referuntur, minime a fortuna pendent. Illa maxima, atque amplissima: quæ gessit in tribunatu, pro salute Ciceronis, lege Clodia exulantis, hoc est, ut ipse accipi uult, pro salute reip. significat enim, sua causa remp. Sextio debere: quandoquidem eam euersam atque afflictam tum fuisse dixit, cum à Clodio pulsus exularet. Et apte, maxima, atque amplissima: ut & maximi momenti, & late diffusa significet. quo modo & in epistola ad Lentulum magna, & ampla negotia nominauit. Summis in rebus: quas in quaestura, & in tribunatu Sextius gessit: quæ infra enumerabuntur.

## ORATIO.

PARENTE P. Sextius natus est, iudices, homine, ut plerique meministis, & sapiente, & sancto, & seuerio; qui cum tribunus pl. primus, inter homines nobilissimos, temporibus optimis factus esset, reliquis honoribus non tam uti noluit, quam dignus uideri. eo auctore duxit, honestissimi & spectatissimi uiri, C. Albini filiam: ex qua

IN  
qua hic  
bus his  
probat  
rus max  
bino so  
tem ill  
tiam n  
ut uos  
duirar  
iudicar  
mi & ca  
nis. cla  
omnib  
profect  
lariq; p  
alienis  
rum su  
ad eum  
rato asp  
at aliqu  
ret: et  
nam, qu  
stentau  
tate, de  
mil. de  
nentia  
reip. d  
minora



IN ORAT. PRO SEXTIO. 15

qua hic est puer, & nupta iam filia. duobus his grauisimis antiquitatis uiris sic probatus fuit, ut utrique eorum & carus maxime, & iucundus esset. ademit Albino soceri nomen mors filiae, sed caritatem illius necessitudinis, & beneuolentiam non ademit. hodie sic hunc diligit, ut uos facillime potestis ex hac uel assiduitate eius, uel sollicitudine, & molestia iudicare. duxit uxorem patre uiuo optimi & calamitosissimi uiri filiam L. Scipionis. clara in hoc P. Sextii pietas extitit, & omnibus grata, quod & Masfiliam statim profectus est, ut focerum uidere, consolariq; posset fluctibus reip. expulsus, in alienis terris iacentem, quem in maiorum suorum uestigiis stare oportebat: & ad eum filiam eius adduxit, ut illo insperato aspectu, complexuq; si non omnem, at aliquam partem mæroris sui deponeret: et maximis officiis & illius ærumnam, quoad uixit, et filiae solitudinem sustentauit. Possum multa dicere de liberalitate, de domesticis officiis, de tribunatu mil. de prouinciali in eo magistratu abstinentia: sed mihi ante oculos obuersatur reip. dignitas, quæ me ad sese rapit, hæc minora relinquere hortatur.

Com-



COMMENTARIVS

**Sapiente :** non loquitur de illa summa sapientia ;  
quam qui habet , nullam uirtutem desiderat : ( cur  
enim adderet , sancto ? ) sed communem quandam  
in rebus gerendis prudentiam intelligit . & , sa-  
piente dixit , cum ad rerum actionem respiceret :  
sancto , ad ipsius uitam : se uero , ad domesticam  
disciplinam . Tribunus pl . primus inter ho-  
mines nobilissimos temporibus optimis  
factus esset : considerandum , cur dixerit , Pri-  
mus , inter homines nobilissimos , temporibus opti-  
mis . non modo enim tribunus pl . Sextij pater fa-  
ctus est , sed primus inter eos , qui simul facti sunt ;  
neque primus modo inter collegas , sed primus in-  
ter eos collegas , qui nobilitate florebant : neque  
hoc modo , sed etiam temporibus optimis . nam si  
et tribunus pl . et primus , & inter homines no-  
bilissimos factus esset , nec tamen optimis tempo-  
ribus : non ita laudabile uideretur . potuisset enim  
& primus , & inter homines nobilissimos tribu-  
natum consequi non uirtute , sed malis artibus ,  
puta ambitione , pecunia , ui . ergo non sine caus-  
sa copiosus Cicero . cuius uerba , qui non intelli-  
gunt , quò spectent , & quàm apte in senten-  
tiam conueniant : uerbosum , si dijs placet , ap-  
pellant . quibus ipsis quia deest , quod loquantur ,  
aut scribunt ; aut , si quid habent , non suppetit .  
unde ornent : diuitias orationis , inopiæ suæ conscij ,  
in alijs ferre non possunt . Reliquis honoribus :

gesto

IN  
gesto trib  
consulatu  
ry non pe  
Cicero co  
cum poss  
rit : qui p  
tione , qu  
ficat , cu  
uideri . F  
laudat et  
nissimo  
gnis . C. A  
buit , sed  
mus , qua  
puer : L.  
mentio est  
blum inf  
Sexti . aut  
cuius legem  
adeft in in  
misericord  
Antiquit  
grauissim  
tem comp  
ribus semp  
mo antiqu  
mibi est at  
iucundus  
dus , quia



gesto tribunatu, petebant aedilitatem, praetura, consulatum, censuram. quos honores pater Sextij non petijt: qua causa, ignoratur: sed oratorie Cicero conuertit in laudem: quod, eos consequi cum posset, moderatione tamen quadam abstinuerit: qui plus in ipsa re, hoc est in recta uiuendi ratione, quam in honorum specie, poneret. hoc significat, cum ait: Non tam uti noluit, quam dignus uideri. Honestissimi, & spectatissimi uiri: laudat et familiam, & hominem. honestissimi, honestissimo loco nati: spectatissimi, sua uirtute insignis. C. Albini: hic, ut opinor, honores non habuit, sed senator fuit: ut in quadam epistola legimus, quae est libro fam. XIII. 241. Hic est puer: L. Sextius: ut ex ea, cuius proxime facta mentio est, epistola cognoscitur. quanquam Publium infra nominat, cum ait, Recita quæso P. Sexti. aut igitur in ea epistola Publius, non Lucius, legendum: aut hic Lucius, non Publius. Hic: qui adest in iudicio. paruulos enim filios ad eliciendam misericordiam in iudicium adducere moris erat. Antiquitatis: magis laudat, quam si tantum, grauissimis uiris, dixisset. est enim ad antiquitatem comparatio. quam præstare nostris temporibus semper existimamus. itaque dicimus, homo antiqua uirtute, antiqui officij: & illud, nihil mihi est antiquius, pro, præstantius. Et carus, & iucundus: carus, quia filius, & gener: iucundus, quia bene moratus, & bono ingenio prædi-

tus.



COMMENTARIUS

us. Optimi, & calamitosissimi: cur bonitatem cum miseria coniunxit? ut indignum ea calamitate Scipionem ostenderet. Scipionis: Asiatici: qui cum C. Norbano consul fuit. epitome Liuiana lib. LXXXV. Philippica XII. & XIII. ad Atticum lib. IX. Orosius. Massiliam: sic et Milo, qui P. Clodiu interfecit, Massiliam in exilium abiit. Fluctibus: bellis ciuilibus. & proprie fluctibus, quia, sicut fluctibus iactatur nauis, sic bellis ciuilibus agitatur, & quasi fluctuat resp. In alienis terris iacentem: respondet ad hoc id, quod sequitur: ut ita opponas; in alienis terris, maiorum suorum uestigijs; iacentem, stare. Domesticis officiis: quae contulit in suos: quae praetermitto, non quia minima, sed quod illa, quae contulit in rempublicam, multo pluris aestimanda. Tribunatu mil. tribunorum militarium, inquit Pedianus, duo genera, primum eorum, qui Rufuli dicuntur: hi in exercitu creari solent. alij sunt Comitiiati; qui Romae comitijs designantur. Magistratu: *καταχρησικῶς* magistratum appellat. tribunatus enim militum honor quidem est, magistratus autem non est: ut in libro de magistratibus docebimus. Abstinencia: cum ceteri militum praefecti prouincias rapinis exhaurire consueissent: unde Scaptius ille in epistolis ad Atticum.

ORATIO.

QVAESTOR hic C. Antonij, collegae mei,  
indices

IN  
iudices  
liorum  
cii, ut  
minus  
lerit, e  
de Ant  
quam  
riculo  
omni  
se ipso  
aut dist  
collega  
mea in  
summa  
tis: par  
sua ita  
bonus  
uidere  
latebris  
lamq; a  
citu Ca  
rimas b  
& iceler  
& inde  
nii, pr  
tum, &  
gri Gal  
uerfatu  
non sol



iudices, fuit sorte, sed societate consiliorum meus. impediō non nullius officii, ut ego interpretor, religione, quominus exponam quā multa ad me detulerit, quanto ante prouiderit. atque ego de Antonio nihil dico, prāter unum, nunquam illum in illo summo timore ac periculo ciuitatis neque communem metū omnium, neque propriam non nullorū de se ipso suspicionem aut inficiādo tollere, aut dissimulando sedare uoluisse. in quo collega sustinendo atque moderando si meā in illum indulgentiā, coniunctā cum summa custodia reip. laudare uere solebat: par prope laus P. Sextii esse debet, qui suū ita cōsulē obseruauit, ut & illiquāstor bonus, & uobis omnibus optimus ciuis uideretur. idem, cum illa coniuratio ex latebris, atque ex tenebris erupisset, palamq; armata uolicaret, uenit cum exercitu Capuam; quam urbem propter plurimas belli opportunitates ab illa impia & scelerata manu attēdari suspicabamur; & inde M. Aulanium, tribunum mil. Antonii, prācipitem eiecit, hominem perditum, & non obscure Pisauri, & in aliis agri Gallici partibus in illa coniuratione uersatum. idemq; C. Marcellum, cum is non solum Capuam uenisset, uerum etiā

C      se quasi



COMMENTARIVS

se, quasi armorum studio, in maximam familiam coniecisset, exterminandum ex illa urbe curauit. qua de causa & tum conuentus ille Capuæ, qui, propter salutem illius urbis consulatu conseruatam meo, me unum patronū adoptauit, huic apud me P. Sextio maximas gratias egit: & hoc tempore iidem homines, nomine commutato coloni decurionesq;, fortissimi atque optimi uiri, beneficium P. Sextii testimonio declarant, periculumq; decreto suo deprecantur.

COMMENTARIVS.

*Quæstor: gesto tribunatu militum, quæsturam petebant: isq; primus in urbe gradus honoris erat. hæc agemus in libro de magistratibus. Collegæ mei: in consulatu: quo gesto, in Macedoniam iuit pro consule: & ex ea reuersus, accusatus à M. Cælio, condemnatus est. in oratione pro Cælio. Sorte: sorte enim quæstores ibant in prouincias. Societate consiliorum: quia cum Cicerone consule de republica, quæ ad patefaciendam & opprimendam Catilinæ coniurationem pertinebant, communicauit, & ad eum C. Antoni, cuius erat quæstor, consilia detulit. ad quem lib. VII. fam. 108. ita scripsit. Si falsa fuerunt, quæ tu ad me, ut ais, detulisti: quid ego tibi debeo? sin uera: tu es optimus testis, quid mihi populus R. debeat. Non nullius officii religione:*

IN  
gione:  
ma nece  
fisse, qui  
derit. ue  
ad me Se.  
fecisse, s  
potius re  
ti satisf  
De An  
ni. nam  
posse aliq  
Catilina  
se facit, in  
hominem  
buerit, in  
monio co  
tio de illu  
mania uia  
ergo tu cui  
mas: ego,  
lius conu  
nim deo  
bis licet  
fuisse, ut  
ipso erat,  
te sedaret  
uertendur  
Cicero uen  
dat, Ant



gione: quia, cum sit quæstoris & consulis maxima necessitudo, uidetur ab officio Sextius discessisse, qui consilia sui consulis alteri consuli prodiderit. uel expone sic. non explicabo quæcunque ad me Sextius detulit: quia contra officium uidear fecisse, si, quæ Sextius ad me secreto detulit, ut potius republicæ saluti quàm consulis sui uoluntati satisfaceret, ea nunc omnia commemorem. De Antonio nihil dico: occurrit suspicioni. nam quòd intelligit, ex eo, quod dictum est, posse aliquem colligere, & existimare participem Catilinæ cōiurationis Antonium fuisse: ingeniose facit, ut hanc suspicionem neque confirmet, ne hominem eum, quem in consulatu collegam habuerit, in exilio satis misere uiuentem, suo testimonio condemnet; neque tollat, ne, quæ à Sextio de illius consilijs ad se delata significat, ficta & inania uideantur. propterea, ne obijciat aliquis, ergo tu cum Catilina consensisse Antonium confirmas: ego, inquit, nihil dico, neque participem illius coniurationis fuisse, neque non fuisse: hoc unum dico; si negare uoluisset, se Catilinæ partibus herere; aut saltem dissimulare; futurum fuisse, ut ille metum ciuitatis, & eam, quæ de ipso erat, suspicionem aut omnino tolleret, aut certe sedaret. neutrum tamen fecit. & est animaduertendum, quòd, cum hic quasi lubrico in loco Cicero uersetur, quia, si Sextij quæsturam laudat, Antonium uituperat; si Antonium excu-

C 2      sat,



COMMENTARIUS

sat, Sextij causam non subleuat; lubrico, ut dixi, in loco constitutus, ad Sextium, cuius periculum agebatur, potius, quam ad Antonium, inclinat: & cum ait, nunquam illum neque negare, neque dissimulare uoluisse, non alienum à Catilinæ consilijs fuisse tacite significat: aperte non exponit, ne miserum hominem suo testimonio premat. Sustinendo: retinendo; ne longius progrediretur; ne coniuratorum in societatem sese totum daret. est enim hic, sustinere, pro retinere, ut in epistola ad Varronem: Expectabam omnino iam diu, meq; sustinebam, ne ad te prius ipse quid scriberem, quam aliquid accepissem. & in libro de amicitia: Est prudentis, sustinere, ut cursum, sic impetum benevolentiae. & ad Atticum, sustinere equos, sustinere currum. Moderando: ut, si minus eum ad tuendam reip. causam possem traducere, à studio tamen coniurationis abducerem. hoc est enim, moderando, quo uerbo uitij correctio significatur; ut modus imponatur in ea re, quæ immoderate facta turpitudinem habet. moderatus autem Cicero, quia Macedoniam illi decernendam curauit: ut, cum æris alieni causa sensisset cum Catilina putaretur, rursus lucri spe ad reipublicæ studium sese conuerteret. quod & Plutarchus in Ciceronis uita notauit. Par prope laus: callide, Prope, addidit: ne Sextium sibi in laude conferat; quod ille quidē quæstorum multum rempublicam inuenit, non tamen

IN  
men, q  
consulis  
lici: Ga  
termina  
quis fuit  
consulat  
Marcell  
tio fit in  
rum ste  
gladiato  
res, rade  
do, hoc e  
arma tra  
familia  
miliam e  
ro) in an  
cellus, q  
adiunger  
studio. C  
erat aute  
fectur.e.  
trouos sibi  
queque in  
biorum  
bantur.  
in orati  
non satis  
huic. N  
consule c



men, quantū ipse consul. Antonii: C. Antonij  
 consulis, labe coniurationis infecti. Agri Gal  
 lici: Galliae cisalpinae, quae ad Rubiconē amnem  
 terminabatur. C. Marcellum: non eum,  
 qui fuit M. Marcelli, uiri clarissimi, frater, &  
 consulatum est adeptus, de quo in oratione pro  
 Marcello, & epist. fam. lib. x. sed eū, de quo men  
 tio fit in oratione in Catilinam. Quasi armo  
 rum studio: quasi & ipse una cum ijs in ludo  
 gladiatorio exerceri uellet. nam serui gladiato  
 res, rudes in armis, exercebantur à lanistis in lu  
 do, hoc est in loco, ubi non cedis, sed artis causa  
 arma tractabantur. cum igitur Capuae maxima  
 familia, hoc est maximus seruorum numerus, (fa  
 miliam enim pro seruis non semel usurpat Cice  
 ro) in arte armorum ludicra uersaretur: C. Mar  
 cellus, qui eos ad coniuratorum partes cuperet  
 adiungere, admiscuit se ad eos, simulato armorū  
 studio. Conuentus: sic dicitur de praefecturis.  
 erat autem omnis Italia coloniae, municipia, prae  
 fecturae. Patronum: in ditione Romana pa  
 tronos sibi ciues subiectae urbes deligebant, quem  
 quaeque maxime probabat. sic Allobroges Fa  
 biorum, Syracusani Marcellorum patrocinio ute  
 bantur. de Capua uero à se consule seruata etiam  
 in oratione meminit pro Milone. P. Sextio:  
 non satis constat, abundet, nec ne; cum dixerit,  
 huic. Nomine commutato: quia Cicerone  
 consule conuentus Capuae dicebatur: tunc enim



COMMENTARIUS

erat praefectura ; quod legimus in Velleio : cum autem haec oratio est habita , coloni dicebantur , post coloniam C. Caesare consule , lata ab ipso lege , missam . qua de re Dio , Appianus , Plutarchus , ipse Cicero . Decuriones : erant decuriones in colonia , quod senatus Romae ; duumviri autem id , quod consules . hos & in municipiis putato fuisse . uideo enim eos cum quatuor uiris coniungi , in epistola libri XIII . fam . quatuor uiri porro municipiis , non coloniis , praerant . quod ad Atticum lib . v . & x . constat . Fortissimi , atque optimi : propria , & absoluta colonorum laus . nam & fortes esse debent , ut eum , quod missi sunt , locum tueri possint ; & boni , ut uelint .

ORATIO.

RECITA , quaeso , P. Sexti , quid decreuerint Capuae decuriones : ut iam uirilis tua uox possit aliquid significare inimicis nostris , quidnam , cum se corroborarit , effectura esse uideatur . DECRETUM DECURIONVM : non recito decretum officio aliquo expressum , uicinitatis , aut clientelae , aut hospitii publici , aut ambitionis , aut commendationis gratia ; sed recito memoriam perfuncti periculi , praedicationem amplissimi beneficii , uicem officii praesentis , testimonium praeteriti temporis . Atque illis temporibus iisdem

IN  
dem  
raffer;  
depre  
hostib  
extrax  
cessui  
cum h  
ad ur  
te ad  
troci  
teras,  
prater  
T E R A  
uentu  
qui tur  
res ea  
bant,  
& con  
quam  
pl. for  
defend  
pulum  
facile  
eorum  
culo  
exerci  
confe



dem cum iam Capuam metu Sextius liberasset; urbem senatus atque omnes boni, deprehensis atque oppressis domesticis hostibus, me duce, ex periculis maximis extraxissent: ego litteris eum Capua accersiui cum illo exercitu, quem tum secum habebat. quibus hic litteris lectis, ad urbem confestim incredibili celeritate aduolauit. atque ut illius temporis atrocitatem recordari possitis, audite litteras, & uestram memoriam ad timoris prateriti cogitationem excitate. LITTERAE CICERONIS COS. hoc aduentu P. Sextii tribunorum pl. nouorum, qui tum extremis diebus consulatus mei res eas, quas gesseram, uexare cupiebant, reliquiq; coniurationis impetus, & conatus sunt retardati. ac posteaquam est intellectum, Catone tribuno pl. fortissimo atque optimo ciue, remp. defendente, per se ipsum senatum populumq; R. sine militum praesidio tueri facile maiestatem suam, & dignitatem eorum, qui salutem communem periculo suo defendissent: Sextius cum illo exercitu summa celeritate est Antonium consecutus.



COMMENTARIUS.

P. SEXTI: patet, non esse reum, sed puerum, rei filium: cuius tamen in uoce uirile quiddam fuisse dicit. Officio aliquo: officium refert ad illa tria, uicinitatis, clientelæ, officij publici. est autem inter uicinos, clientes, & hospites, ipso uicinitatis, clientelæ, hospitij iure, in conferendis officijs mutua uoluntas. Vicinitatis: oppidorum: ut, si Arpinates, exempli causa, aliquem Tusculanum, in uitæ aut fortunarum discrimen adductum, decreto commendarent, uicinitate adducti. Clientelæ: ut, si Siculi aliquem è Claudia Marcellorum familia, in periculo constitutum, missis Romam publicis litteris subleuandum curarent. Hospitii publici: erant enim ciues Romani non modo priuatorum hominum, sed oppidorum etiam, ac ciuitatum hospites. non aliqua, inquit, huiusmodi de causa petitum à nobis hoc decretum, impetratumq; est. id enim ualet, expressum: quasi studiose petentibus concessum: cum hoc sponte cupideq; ab ipsis Campanis factum sit, ad grati animi memoriam significandam. Ambitionis: ut, cum aliquem candidatum officiose commendamus. Commendationis: quo gratior aliquis sit, bonamq; opinionem nostro testimonio consequatur. Perfuncti periculi: passim dixit: quo scilicet Capua Sextij uirtute ac uigilantia liberata est. Vicem: parem gratiam: quia præsent  
ti

IN  
ti officio  
neratur  
coniu  
ro in Ca  
pario,  
tem:  
stes dep  
expon  
liquiq;  
sunt.  
Q. Met  
extremo  
te priu  
gnosce  
duobus  
purno  
minia al  
roin ora  
mer. ut  
Bestiam  
extremis  
prohibere  
quod ex D  
norm: p  
autem al  
est, tribu  
qui con  
urbe con  
Catone.



ti officio acceptum à Sextio beneficium remun-  
 neratur. Domesticis hostibus: quinque  
 coniuratis, de quibus Salustius, Dio, ipse Cice-  
 ro in Catilinam, Lentulo, Cethego, Gabinio, Ce-  
 pario, Statilio. Illius temporis atrocita-  
 tem: quenam atrocitas, cum iam domestici ho-  
 stes deprehensi oppressiq; essent? ipse se paulo post  
 exponit, cum ait, Tribunorum pl. nouorum, re-  
 liquiq; coniurationis impetus conatusq; retardati  
 sunt. Tribunorum pl. nouorum: maxime  
 Q. Metellum Nepotem significat: qui Ciceronem  
 extremo consulatus die concionis habendæ potesta-  
 te priuauit. in quo Plutarchi ἀντιστοχία licet co-  
 gnoscere; qui Ciceronem concionandi potestate à  
 duobus tribunis pl. Q. Metello Nepote L. Cal-  
 purnio Bestia priuatum esse dicat: cum ea se igno-  
 minia ab uno tribuno pl. esse affectum, ipse Cice-  
 ro in oratione in Pisonem, & fam. lib. v. confir-  
 met. ut omittam id, quod à Salustio docemur,  
 Bestiam Cicerone consule tribunum pl. fuisse. ut  
 extremis consulatus diebus Ciceronem concione  
 prohibere non potuerit: cum v. Idus Decembris,  
 quod ex Dionysio & Liuiο constat, ultimus tribu-  
 norum pl. in magistratu dies fuerit. Metellum  
 autem anno, qui Ciceronis consulatum secutus  
 est, tribunatum pl. gessisse, nemo nescit. Reli-  
 qui coniurationis impetus: cum adhuc in  
 urbe coniurationis occultæ reliquiae superessent.  
 Catone: qui Vticensis postea cognominatus.  
 hic,



hic, cum audisset, Q. Metellum Nepotem tribunatum esse petiturum, quem de republica non optime cogitare compertum habebat, ex itinere in urbem rediit, ut tribunatum peteret, indeq; perniciosus Metelli collegæ rogationibus aut conatibus obsisteret. Plutarchus, alii.

## ORATIO.

Hic ego quid prædicem, quibus hic rebus consulem ad rem gerendam excitari? quot stimulos admouerit homini studioso fortassis uictoriæ, sed tamen nimium communem Martem belliq; casum metuenti? longum ea dicere; sed hoc breue dicam. si M. Petreii non excellens animo & amore reip. uirtus, non summa auctoritas apud milites, non mirificus usus in re militari extitisset; neque adiutor ei P. Sextius ad excitandum Antonium, cohortandum, impellendum fuisset datus: illo in bello esset hiemi locus; neque unquam Catilina, cum è pruina Appennini, atque è niuibus illis emerfisset, atque æstatem integram nactus, Italiæ caulas, & pastorum stabula præclara cepisset, sine multo sanguine, ac sine totius Italiæ uastitate miserrima concidisset. Hunc igitur animum ad tribunatum attulit P. Sextius: ut quæsturam Macedoniæ relinquam, & aliquando ad hæc propiora ueniam.



niam. quanquam non est omittenda singularis illa integritas provincialis; cuius ego nuper in Macedonia uidi uestigia, non pressa leuiter ad exigui prædicationem temporis, sed fixa ad memoriam illius provinciae sempiternam. uerum hæc ita prætereamus, ut tamen intuentes, & respectantes relinquamus. ad tribunatum, quia ipse ad sese iam dudum uocat, & quodam modo absorbet orationem meam, contento studio, cursuq; ueniamus. de quo quidem tribunatu ita dictum à Q. Hortensio, ut eius oratio non defensionem modo criminum uideretur continere, sed etiam memoria dignam reip. capeßendæ auctoritatem, disciplinamq; præscribere. sed tamen, quoniam tribunatus quidem totus P. Sextii nihil aliud nisi meum nomen causamq; sustinuit; necessario mihi de iisdem rebus esse arbitror, si non subtilius disputandum, at certe, iudices, dolentius deplorandum.

## COMMENTARIUS.

**N**IMIVM communem Martem &c. *latenter significat Antonium consulem non alienum à coniuratis fuisse, qui à pugna prorsus abhorreret. M. Petreii: hic Antonii consulis legatus, ipso Antonio consule absente, quòd ex podagra*



gra laboraret, Catilinam cum sua manu uicit, ac trucidauit. idem postea Magni Pompeii legatus in Hispaniis fuit, cum duobus collegis, Varro-  
ne, & Afranio. ad extremum in Africa cum Iu-  
ba rege pugnans, cum quo de mutua cade consen-  
serat, ne in C. Caesaris potestatem ueniret, occi-  
sus est. Excellens animo, & amore reip.  
cum ad naturalem animi magnitudinem eximia  
quædam uis amoris in remp. accederet. Esset  
hiemi locus: hieme non esset bello finis imposi-  
tus. Stabula: unde se, suasq; copias alere pos-  
set. Quæsturam Macedoniæ: quæstor fuit  
Antonii consulis, eiusdemq; Macedoniam pro-  
consulari imperio regentis. quam prouinciam  
cum haud satis abstinenter administrasset, accusa-  
tus, & condemnatus est. ad Atticum libro 1.  
pro M. Cælio, in Vatinius, Florus. Nuper:  
cum abessem, lege Clodia pulsus. Auctorita-  
tem: quia, cum res à Sextio in tribunatu gestas  
commemoraret, uidebatur reliquis ciuibus præ-  
scribere, quid pro salute patriæ bonorumq; ci-  
uium in magistratu esset agendum. auctoritatem  
autem dixit, uel quia Sextii, qui præclare tribu-  
natum gessisset, uel quia ipsius, qui narraret, Hor-  
tensii auctoritas ad excitandos ciuium animos ua-  
lere plurimum deberet. Disciplinam: quid ci-  
ues P. Sextii exemplo discerent, & in quo se  
exercerent. Nisi meum nomen: quia nihil  
egit in tribunatu Sextius, nisi de Cicerone reuo-  
cando.

ORATIO.

QVA in  
homin  
deret,  
latus e  
rem?  
tius te  
fi qui  
unt,  
quand  
scunt,  
offeru  
ferri p  
quam  
obtul  
currit  
quam  
pam,  
tragi  
reficie  
rientu  
sata. F  
tu, &  
tus ar  
rerum  
uniue  
furib  
sed m  
tis ini



QVA in oratione si asperius in quosdam homines inuehi uellem; quis non concederet, ut eos, quorum sceleris furore uiolatus essem, uocis libertate perstringerem? sed ut agam moderate, & huic potius tempori seruiam, quàm dolori meo: si qui occulte à salute nostra dissentiant, lateant: si qui fecerunt aliquid aliquando, atque iidem nunc tacent & quiescunt, nos quoque simus obliti: si qui se offerunt insolenter, & insectantur; quoad ferri poterunt, perferemus: neque quenquam offendet oratio mea, nisi qui se ita obtulerit, ut in eum non inuasisse, sed incurrisse uideamur. sed necesse est, antequàm de tribunatu P. Sextii dicere incipiam, me totum superioris anni reip. naufragium exponere. in quo colligendo, ac reficienda salute communi omnia reperientur P. Sextii dicta, facta, consilia uersata. Fuerat ille annus in reip. magno motu, & multorum timore tanquam intentus arcus in me unum, sicut uulgo ignarorum loquebantur; re quidem uera, in uniuersam remp. translatione ad plebem furibundi hominis ac perditum, mihi irati, sed multo acrius ocii, & communis salutis inimici. hunc uir clarissimus, mihiq;

mul-

*impetui, scilicet  
seipsum se se  
oblituisse, ut  
en offendere  
maius in reip.  
imponere et  
noiere quesi-  
uit.  
alij est*



C O M M E N T A R I V S

multis repugnantibus amicissimus , Cn. Pompeius omni cautione, fœdere, execratione deuinxerat , nihil in tribunatu contra me esse facturum.

C O M M E N T A R I V S.

V T eos: satis patet, Clodium, Pisonem, Gabiniū præcipue significari. Sceleris furore uiolatus: his tribus uerbis respondent illa, uocis libertate perstringerem. Potius tempori: quod postulare uidetur, ut ea tantummodo, quæ cum Sextii causa coniuncta sunt, exponat. Se offerunt insolenter, & infectantur: duo significat hominum genera, de quibus proxime dixit; unum eorum, quos latere uellet; alterum, quos tacere, & quiescere: qui si, inquit, non latebunt, sed se offerent insolenter; non tacebunt, & quiescent, sed infectabuntur; cos, quoad licebit, perferemus. Superioris anni: quo Cicero lege Clodia pulsus est. Reip. naufragium: recte: nam contra leges tribunus pl. factus est P. Clodius, & contra leges Cicero eiectus est. leges autem cum negliguntur, quasi naufragium respublica facit. In quo colligendo, ac reficienda salute communi: pergit in metaphora. nam post naufragium primum dispersæ res colliguntur: deinde reficitur nauis: nisi si uitempestatis fracta penitus, demersaq; est. Dicta, facta, consilia uersata: hæc addidit, ne extra causam futura narratio uideatur. Ille annus:



annus: is, quo C. Caesar consul P. Clodium Pul-  
 chrum ad plebem traduxit, iratus Ciceroni, quia  
 statum reipublicæ quodam in iudicio paulo liberius  
 deplorauerat. Suetonius. idemq; ipse Cicero si-  
 gnificat in oratione pro domo sua. Intentus ar-  
 cus: quod, quemadmodum arcus intentus sa-  
 gittam emissurus uidetur, sic ille annus aliquam  
 iniuriam in me coniecturus putaretur. cum igitur  
 ad plebem à Cæsare consule traductus est Clodius,  
 tum in Ciceronem tanquam arcus intentus: iniu-  
 ria uero, tanquam sagitta ex arcu, coniecta est  
 anno insequenti, Clodio tribuno pl. facto, Pifo-  
 ne & Gabinio consulibus. Mihi irati: quod  
 in ipsum, de incestu accusatum, testimoniū dixe-  
 rat. libro I. ad Atticum, Plutarchus, alii.  
 Multis repugnantibus: Pompeii gratiam au-  
 cupatur. cupit enim ei persuasum esse, nullam  
 apud se acceptæ iniuriæ memoriam superesse, cum  
 sibi contra Clodium auxilio non fuit. Cautio-  
 ne, fœdere, execratione: de hoc ad Atti-  
 cum libro II. sic. Pompeius affirmat non esse pe-  
 riculum: adiurat. addit etiam, se prius occisum  
 iri ab eo, quàm me uiolatum iri.

## O R A T I O.

Ille nefarius, ex omnium scelerum col-  
 luuione natus, parum se fœdus uiolatu-  
 rum arbitratus, nisi ipsum cautorem alic-  
 ni periculi suis propriis periculis terruif-  
 set; hanc tetram immanemq; belluam,  
 uinctam



uinctam auspiciis, alligatam more maiorum, constrictam legum sacratarum catenis, soluit subito legum uinculis consul, uel, ut ego arbitror, exoratus, uel, ut non nemo putaret, mihi iratus, ignarus quidem certe & imprudens impendentiū tantorum scelerum ac malorum. qui tribunus pl. felix in euertenda rep. fuit, nullis suis neruis. qui enim in eiusmodi uita nerui esse potuerunt, hominis fraternis flagitiis, sororiis stupris, omni inaudita libidine infamis? sed fuit profecto quādā illa reip. fortuna fatalis, ut ille cæcus atque amens tribunus pl. nancisceretur, quid dicam consules? hocce ut ego appellem nomine euerfores huius imperii? proditores uestre dignitatis? hostes bonorum omnium? qui ad delendum senatum, affligendum equestrem ordinem, extinguenda omnia iura, atque instituta maiorum se illis fascibus, ceterisq; insignibus summi honoris atque imperii ornatos esse arbitrabantur. quorum, per deos immortales, si nondum scelera uulneraq; inusta reip. uultis recordari, uultum, atque incessum animis intueamini. facilius facta eorum occurrent mentibus uestris, si ora ipsa oculis proposueritis. Alter unguentis affluens, calamistrata coma, despicie

IN  
spicie  
uexat  
rorum  
sus, o  
to ad  
natus  
equit  
taba  
ne de  
bat;  
prou  
adept  
fore

Ex om  
dissim  
ex ne  
sceler  
non en  
natur  
lem po  
gigni  
Quide  
tem,  
glutin  
ricul  
luerat  
ab hon  
Propt



spiciens conscios stuprorum, ac ueteres  
 uexatores ætutulæ suæ, Puteali & fœnera-  
 torum gregibus inflatus, atque percul-  
 sus, olim, ne Scyllæo illo æris alieni in fre-  
 to ad columnam adhæresceret, in tribu-  
 natus portum perfugerat, contemnebat  
 equites R. minitabatur senatui: uendi-  
 tabat se operis, atque ab iis se ereptum,  
 ne de ambitu causam diceret, prædica-  
 bat; ab iisdemq; se, etiam inuito senatu,  
 prouinciam sperare dicebat; eamq; nisi  
 adeptus esset, se incolumem nullo modo  
 fore arbitrabatur.

## COMMENTARIUS.

Ex omnium scelerum colluione natus: non  
 dissimile illud de eodem, in Pisonem: *Animal*  
*ex nefariis stupris, ex ciuili cruore, ex omnium*  
*scelerum & flagitiorum impunitate concretum.*  
*non enim Clodium dicit sceleratis parentibus esse*  
*natum, sed, multis sceleribus iam commissis, ta-*  
*lem postremo fuisse, qualē existere, & tanquam*  
*gigni necesse esset. simile & illud in I I I. Phil.*  
*Quid est in Antonio præter libidinem, crudelita-*  
*tem, petulantiam, audaciam? ex his totus con-*  
*glutinator est. Ipsum cautorem alieni pe-*  
*riculi: Pompeium, qui mihi à Clodio cauere uo-*  
*luerat: cum non intelligeret, ne sibi quidem ipsi*  
*ab homine omnium perditissimo caueri posse.*  
 Propriis periculis: de quibus in oratione pro

D Milone



COMMENTARIUS

*Milone*, & in *Pediani commentario* 36. *Vinctam* auspiciis: quia, si patricii fierent plebei, contra auspicia uidebatur. quæ cum patriciorum tantum essent, ut & *Liuius*, & ipse *Cicero* non semel significat; nimirum, si ad plebem homines patricii traducerentur, interitura auspicia uidebantur, cum, à quibus haberentur, patricij deessent. *Alligatam* more maiorum: nō uetabat lex ulla è patriciis plebeios fieri: sed apud maiores omnino pauci facti erant. itaque *Clodio* ad plebem transire cupienti mos maiorum obistere uidebatur. *Legum sacratarum cathenis*: leges sacratæ dictæ, quæ in *Sacro monte* plebis caussa lata sunt. in iis hoc maxime saneitum est, ne tribunatus plebis homini patricio mandari posset. quam ob causam soluisse uidetur eas leges *Cæsar* consul, cum *Clodium* ad plebem traduxit, ut deinde, quod factum est, tribunus pl. crearetur. *Subito*: cur subito? quia, ut ait *Suetonius*, & ipse pro demo sua, quo die *Cicero* in iudicio *C. Antonii* de statu reipublicæ questus est, eo *Cæsar* consul, cum antea nihil eiusmodi cogitasset, *Clodium* ad plebem traduxit. *Legum uinculis*: cathenis, proxime dixit. *Exoratus*: *Cæsaris* culpam artificiose in alios transfert. *Mihi iratus*: hæc uere *Cæsarem* induxit caussa, ut *Clodium* plebeium faceret. non enim aliorum precibus exoratus, sed ira incitatus, quia *cicero C. Antonium* in iudicio defendens, paulo liberius de statu

tureipm  
plebem  
ipsum  
inquit,  
cum C.  
quadam  
ri cau  
quodda  
ita era  
autem  
ritatis  
in orati  
negat C.  
dissimu  
inquit  
tus mil  
debat  
rus:  
dentia  
pam in  
concilia  
Secleru  
dus pat  
Catone  
me re  
sunt: a  
infra,  
& in ca  
rio 74:



tu reipublicæ questus erat, Clodium traduxit ad plebem. quod ut ita esse demostremus, recitentur ipsius uerba in oratione pro domo sua. Hora, inquit, fortasse sexta diei questus sum in iudicio, cum C. Antonium collegam meum defenderem, quædam de rep. quæ mihi uisa sunt ad illius miseri causam pertinere. hæc homines improbi ad quosdam uiros fortes longe aliter, atque à me dicta erant, detulerunt. & infra, cum ait: Ipse autem Cæsar, quem maxime ignari homines ueritatis mihi esse iratum putabant, erat ad portas. in oratione autem de prouinciis consularibus non negat Cæsarem sibi fuisse iratum, sed iræ causam dissimulat, & pro uera falsam ponit. Traduxit, inquit ibi, ad plebem inimicum meum; siue iratus mihi, quòd me secum ne beneficijs quidem uidebat posse coniungi; siue exoratus &c. Ignarus: quod erat improbitatis crimen, imprudentiæ uitium facit oratorie. nam ut augere culpam in inimicis, sic in iis, quos defendere sibiq; conciliare student, imminuere oratores solent. Scelerum ac malorum: quæ tribunus pl. Clodius patrauit, nam ut omittam de Cicerone pulso, Catone in Cyprum amandato, perniciosissimæ reipublicæ leges ab illo tribuno pleb. latæ sunt: de quibus in hac ipsa oratione mentio fit infra, & in oratione de prouinciis consularibus, & in ea in Pisonem, inque Pediani commentario 74: Qui tribunus pl. hoc ad illud, Hanc

D 2 tam



COMMENTARIUS

*tam tetram immanemq; belluam, referri posse uideo. tamen, quia non satis cohæret cum superioribus, planeq; disiunctum uidetur, uereor ut emendatus sit locus: non quod ex his uerbis mendosum ullum esse suspicer: sed quod aliquid fortasse desit. Felix in euertenda republica: felicem uocat, non ad ueritatem, sed ad Clodii mentem ac uoluntatem spectans. tantum enim abest, felix ut esse possit, ut miserrimus omnium sit, qui pessime de patria meretur. felix igitur, quia consecutus est id, quod uolebat Clodius, ut rempublicam perderet. Nullis suis neruis: non ad uim corporis, sed ad auctoritatem opesq; refert. quod indicat subscripta dictio, infamis. nam si infamis Clodius; qui potuit auctoritate tantum ualere, ut rempublicam euerterit? euertit igitur, non suis neruis, sed auxilio consulum, Gabinii & Pisonis. Fraternalis flagitiis: quæ flagitia commisit in fratrem? multa scilicet, quæ litteris tradita non sunt, sed illud maxime, de quo in oratione pro Milone ita scriptum est: Appium fratrem, hominē mihi coniunctum fidelissima gratia, absentem de possessione fundi deiecit. Sororibus stupris: tres Clodii sorores nupserunt, una Q. Marcio Regi, altera Q. Metello Celeri, tertia L. Lucullo. de duabus, Metelli & Luculli uxoribus, à Clodio fratre stupratis, præcipua significatio est in oratione pro Cælio, in ea pro Milone, in Plutarcho. de ea, quam Q. Marcius habuit in matrimonio,*  
*nihil*

IN C  
 nihil pro  
 cestu pa  
 tarchum  
 bidine  
 cutus est  
 cestu au  
 historia  
 in Iulii  
 uiana.  
 qui, qu  
 sciceret  
 cuiusdam  
 les essent  
 consensit  
 natu,  
 mine,  
 non sep  
 nunquam  
 quare m  
 dicere sol  
 sul. quod  
 bus, quon  
 prium m  
 dignita  
 neq; in p  
 tuenda r  
 delende  
 senatum  
 pudiatum



nihil proprie legi: sed communiter de omnium incestu patet in epist. fam. lib. 1. & apud Plutarchum in uita Ciceronis. Omni inaudita libidine: non hoc ad sorores, de quibus iam locutus est, sed ad sacra Bonæ deæ, quæ Clodius incestu aut uiolauit, aut uiolare conatus est. patet historia in epistolis ad Atticum lib. 1. in Suetonio in Iulii uita, in Dione, Plutarcho, epitome Liuiana. Cæcus, atque amens: Cæcus mente, qui, quid rectum, quid fas piūq; esset, non dispiceret. Nancisceretur: fuit enim fortunæ cuiusdam, ut eodem anno duo perditissimi consules essent, quorum uterque cum tribuno pl. Clodio consensit. itaque in oratione post reditum in senatu, Audieram, inquit, è sapientissimo homine, atque optimo ciue, & uiro, Q. Catulo, non sepe unum consulem improbum, duos uero nunquam, excepto illo Cinnano tempore, fuisse. quare meam causam semper fore firmissimam dicere solebat, dū uel unus in republica esset consul. quod uere dixerat, si illud de duobus consulibus, quod ante in rep. non fuerat, perenne ac proprium manere potuisset. Proditores uestre dignitatis? ad iudices, ut ad bonos uiros, beneq; in patriam animatos, loquitur; quorum in tuenda republica omnis dignitas esset posita. Ad delendum senatum: acerbo utitur uerbo, ut senatum à consulibus prorsus contemptum ac repudiatum significet. sic infra: Senatum de rep.

D 3 tollere:



COMMENTARIUS

tollere: pro, senatum spernere, eiusq; uoluntatem minime spectare. cum enim Ciceronem senatus defensum uellet; consules oppugnarunt. idem legē in Ciceronem promulgata, cum uestitum mutasset; consules, ut ad suum uestitum rediret, edixerunt. Affligendum equestrem ordinem: spectat ad illud, quod L. Lamiam, principem equestris ordinis, pro salute Ciceronis acerrime pugnantem, Gabinius consul in concione relegauit, edixitq; ut ab urbe abesset millia passuum ducenta. de quo in oratione post reditum in senatu, & epist. fam. lib. XI. 205. Ceterisq; insignibus: toga praetexta, curuli sella: quae, praeter fasces, insignia consulum erant. pro Cluentio, & in Pisonem, quae consulatum in urbe summum honorem esse, summamque potestatem significant. Si nondum scelera: alius enim mihi locus ad ea uobis in memoriam reuocanda constitutus est. Unguentis affluens: Gabinium significat, qui ob mollitiem odoratis liquoribus perfundebatur. de quo & in oratione post reditum in senatu, Ille, inquit, unguentis oblitus irrisit squallorem uestrum. & in oratione in Pisonem. Erant illi compti capilli, & maddentes cincinnorum fimbriae. Calamistrata coma: de eodem in eadem oratione. Cur in lustris, & helluationibus huius calamistrati saltatoris tam eximia uirtus tam diu cessauit? & post reditum in senatu, de eodem: Unguentorum odor,

uini

IN  
uini an  
gis. est  
in ciner  
illi tan  
torquet  
consul  
etas ill  
gnitas  
uultu  
uis?  
le audi  
esse, q  
lis in l  
ditum  
amato  
sum  
cione  
tilina  
Puteal  
ubi can  
cum a  
scribas  
fos add  
igitur  
cens eo  
magno  
sam pe  
alieno  
quem



mini anhelitus, frons calamistri notata uestigiis. est autem calamistrum tenue ferrum, quo in cinere calefacto crispantur capilli, unde fiunt illi tanquam annuli, qui cinciuni uocantur. in torquebat igitur sibi capillos calamistro Gabinius consul, mollior, atque effeminatior, quam ætas illius, & eius, quam sustinebat, personæ dignitas ferebat. de quo in ea pro domo sua. Quo uultu Cincinnatus ganeo patriæ preces repudiavit? Stuprorum: Gabinium in pueritia male audisse præposteræ libidinis uitio, eaq; passum esse, quæ honeste nominari non possunt, etiam aliis in locis Cicero significat, ut in oratione post reditum in senatu sic: Quorum alter à me Catilinam amatorem suum, alter Cethegum, consobrinum suum, reposcebat. Et ibidem paulo post: In concionem ascendit, eaq; dixit, quæ, si eius uir Catilina renixisset, dicere non esset ausus. Puteali: Puteal basilica fuit, à Scribonio Libone facta: ubi causæ scænebres agebantur. significat igitur, cum ait, Puteali eorum iudiciorum ministros, ut scribas, uiatores, rabulas: deinde litigatores ipsos addit; cum ait, sceneratorum gregibus. erat igitur in consulatu inflatus, maximeq; sibi placens eorum comitatu Gabinius, à quibus antea magnopere timuerat, cum sceneratoribus immensam pecuniam deberet. concidisset enim graui ære alieno oppressus, nisi tribunus pl. factus esset. in quem magistratum, tanquam in portum, persu-

D 4 git:



COMMENTARIUS

git: tum ne à creditoribus appellari posset: (nam magistratum gerenti molestus esse privatae rei causa nemo poterat) tum ut legem aliquam in eo magistratu pretio ferret. quod eum fecisse, significatur in oratione post reditum in senatu. apte igitur, & congruenter ad sententiam traducit si multitudinem maris: quod aes alienum Gabinio fuerit tanquam mare illud nauigantibus infestissimum, Scyllae & Charybdis: quo certe obrutus esset, nisi in tribunatus quasi portum perfugisset. crederem autem, illud, Atque perculsus, mendosum esse. neque enim tota horum uerborum structura satis apte cohaeret. sententia quidem obscura non est. Ad columnam: puto eos, quibus, unde creditoribus satisfacerent, non erat, ad columnam Maniam perductos esse, ut ibi per aliquot horas turpiter & magna cum infamia populo paterent. quam ignominiam ut uitaret Gabinius, tribunatum petiit, & obtinuit. aut igitur hoc, aut illud intellige, ad illam columnam proscribi solita esse debitorum bona. quam rem & in oratione post reditum in senatu satis plane his uerbis exposuit. Qui nisi in aram tribunatus confugisset; neque uim praetoris, nec multitudinem creditorum, nec bonorum proscriptionem effugere potuisset. quo in magistratu nisi rogatione de piratico bello tulisset; profecto, et egestate, et improbitate coactus, piraticam ipse fecisset. Et quoniam, Siciliensis freti mentione facta, de columna subiunxit: Rhegiâ colum-

IN  
columna  
in Sicilia  
ficaret,  
causa,  
Mania  
iecti sic  
amissi  
tur, q  
Cont  
miam  
prum:  
disturba  
non mo  
uito se  
ei sena  
tribuna  
bus, pe  
debat e  
as alien  
ne in P  
non poss  
lia cum  
raffe. E  
nium Ci  
bita est  
nius, ne  
Syriam  
lo mod  
gnitatem



columnam potuit intelligere; quam Plinius ait in Siciliensi freto fuisse: ut, cum Mænam significaret, simul tamen ad Rhegiam, similitudinis causa, respiceret: quæ naufragis idem erat, quod Mænia debitoribus: cū ad illam è naufragio proiecti sic adhærescerent, ut ad Mænam, fortunis amissis, debitores. Rhegia uero columna dicebatur, quod ab urbe Rhegio non longe distaret.

Contemnebat equites R. utpote qui L. Lamiā, ut iam diximus, edicto relegauit. Ereptum: metu accusatoribus iniecto, aut fortasse disturbato iudicio. De ambitu: ob consulatum non more maiorum, sed pecunia quæsitum. Inuito senatu: sperabat enim, etiam si provinciā ei senatus denegaret, fore tamen, ut rogatio à tribuno pl. Clodio, adiuantibus corruptis hominibus, perferretur. idq; sibi maxime necessarium uidebat esse: qui sine ingentibus rapinis contractū æs alienum dissoluere non posset. de hoc in oratione in Pisonem sic: Gabinium sine provincia stare non posse: spem habere à tribuno pl. si tua consilia cum illo coniunxisses: à senatu quidem desperasse. Et argute, oratorio more, inducit Gabinium Cicero ea dicentem, quæ, quo tempore habita est hæc oratio, facta iam erant. nam Gabinius, neglecta senatus auctoritate, lege Clodia in Syriam provinciam ierat. Se incolumem nullo modo fore: ad rem familiarem, & ad dignitatem refero. nam de utraque actum ini uidebat,



COMMENTARIVS

bat, nisi ad diripiendas pecunias provinciam statim post consulatum habuisset. hoc est, quod dixit in ea in Pisonem, Sine provincia stare non posse.

ORATIO.

ALTER, ò dii boni, quàm teter incedebat, quàm truculentus, quàm terribili aspectu. unum aliquem te ex barbatis illis, exemplum imperii ueteris, imaginem antiquitatis, columem reip. diceres intueri. uestitus aspere, nostra hac purpura plebeia, ac pene fusca, capillo ita horrido, ut Capua, in qua ipse tum, imaginis formandæ causâ, duumviratum gerebat, Seplasiâ sublaturus uideretur. nam quid ego de supercilio dicam, quod tum hominibus nō supercilium, sed pignus reip. uidebatur? tanta erat grauitas in oculo, tanta frontis contractio, ut illo supercilio resp. tanquam Atlante cælum, niti uideretur. erat denique hic omnium sermo. Est tamen reip. magnum firmumq; subsidium. habeo, quem opponam labi illi, atque cœno. uultu mediusfidius collegæ sui libidinem, leuitatemq; franger. habebit senatus, in hunc annum quem sequatur: non deerit auctor, & dux bonis. mihi denique homines præcipue gratulabantur, quòd habiturus essem contra tribu-

tribun  
amic  
grau  
fellit  
impe  
stare  
arbit  
ex di  
prot  
terit  
in alt  
esset,  
impe  
dem i

Quam  
tusq;  
in circ  
tatem  
cie, bo  
con  
vultus  
mus, e  
ter, e  
gestit  
blicam  
lit nem  
fessit  
Marcel



tribunum pl. furiosum, & audacem cum  
amicum, & affinem, tum etiam fortem &  
grauem consulem. atque eorum alter fe-  
fellit neminem. quis enim clauum tanti  
imperii tenere, & gubernacula reip. tra-  
ctare in maximo cursu ac fluctibus posse  
arbitraretur hominem emersum subito  
ex diuturnis tenebris lustrorum, ac flu-  
prorum, uino, ganeis, lenociniis, adul-  
teriisq; confectum, cum is præter spem  
in altissimo gradu alienis opibus positus  
esset, qui non modo tempestatem intueri  
impendentem temulētus, sed ne lucem qui-  
dem insolitam aspicere posset?

## COMMENTARIUS.

Quàm teter: *Gabinus* & nitenti uultu, cerussa-  
tisq; buccis, ut est in oratione in *Pisonem*, & coma  
in cincinnos intorta significare nequitiam & leui-  
tatem uidebatur: *Piso* contra tristi obscuraq; fa-  
cie, horrido capillo, seueritatem illam ueterem,  
& constantiam præseferbat. *Gabinus*, quod  
uultus indicabat, id præstitit: fuit enim nequissi-  
mus, atque improbissimus consul. *Piso* longe ali-  
ter, quàm homines opinabantur, consulatum  
gessit, nefarie scilicet, maximeq; contra rempu-  
blicam. itaque paulo post, *Alter*, inquit, fefel-  
lit neminem: alter multos plane in omnes partes  
fefellit. Teter opponitur clauo: unde illud de *M.*  
*Marcello* in epistola *Ser. Sulpicij*: Vir clarissi-  
mus



mus ab homine teterrimo est interfectus . Ex  
 barbatis illis : qui olim rempublicam summa  
 cum laude administrarunt . Sic pro Cælio : Ali-  
 quis mihi ab inferis excitandus est ex barbatis il-  
 lis , non hac barbula , qua ista delectatur , sed illa  
 horrida , quam in statuis antiquis , & imaginibus  
 uidemus . barbas alere ante minoris Africani  
 tempora Romani consueuerunt . is radi primus  
 instituit : itaque post inualuit consuetudo , ut , qui  
 non raderentur , quasi lasciui homines , nimiumq;  
 delicati , non optime audirent . itaque cum pro-  
 bro scripsit illud Cicero ad Atticum lib . 1 . Con-  
 cursabant barbatuli iuuenes , totus ille Catilinæ  
 grex , duce filiola Curionis . Nostra hac pur-  
 pura plebeia , ac pene fusca : tunica , & to-  
 ga Romani utebantur , tunica carnem tegente , to-  
 ga tunica superinducta . tunica solis erat senatori-  
 bus purpurea , cum lato clauo : toga quo quisque  
 colore uellet , solis magistratibus purpureo præ-  
 texta limbo . nostra igitur , qua nos senatores uti-  
 mur . plebeia , ac pene fusca , alterum de tunica  
 prauitate dixit , alterum de colore . nam neque filo  
 erat tunica Pisonis , ut reliquæ tunicae senatoria ,  
 subtili , ac diligenter contexto ; sed plebeiis tunicis ,  
 crasso filo satis temere factis , admodum similis :  
 & , quod ad colorem attinet , ita longe aberat à  
 purpureo , ut ad fuscum accedere uideretur .  
 Imaginis formandæ causâ duuinuiratum  
 gerebat : colonijs duuinuiri , & ex ipsa colonia ,

&amp;

IN  
 & ex or  
 tuorur  
 populo  
 praera  
 mani  
 in præ  
 Coloni  
 ti sunt  
 gnus  
 cum h  
 reditu  
 tione p  
 aperta  
 laribus  
 Imag  
 poner  
 urbe  
 Sepla  
 ta uen  
 disse un  
 Seplaf  
 habebat  
 sia in o  
 graria  
 stulit  
 suas p  
 soni , c  
 gnore  
 Graui



& ex ordine decurionum creati; municipijs qua-  
 tuorui, ex ipsis municipijs; præfecturis missi à  
 populo, aut prætore, ut ait Festus, ciues Romani,  
 præerant. quid autem differrent inter se ciues Ro-  
 mani, coloni, municipes, & ij, qui conuentus  
 in præfecturis dicebantur, alio loco docebimus.  
 Colonia, Capuam C. Cæsare consule deductæ, crea-  
 ti sunt duumui, L. Piso, & Cn. Pompeius Ma-  
 gnus, ille socer, hic gener C. Cæsaris. de Pifone  
 cum hic, tum in oratione in ipsum, & in ea post  
 reditum in senatu satis constat. de Pompeio in ora-  
 tione post reditum in senatu, & in ea pro Milone,  
 aperta mentio est: etiam in ea de prouincijs consu-  
 laribus, in Pisonem, pro domo sua, significatur.  
 Imaginis formandæ: ut fingeret, ac com-  
 poneret uultum ad illam seueritatem, quam in  
 urbe postea consul præ se ferre medicaretur.  
 Seplasia: platea fuit Capuæ, in qua unguen-  
 ta uenibant. at Piso ita capillo erat horrido, ut o-  
 disse unguenta uideretur. ideoq; de tollenda ab eo  
 Seplasia pro ea potestate, quam Capuæ duumuir  
 habebat, argute Cicero comminiscitur. de Sepla-  
 sia in oratione in Pisonem, & Pedianus, & in a-  
 graria. 11. Pignus reip. à fœneratoribus tran-  
 stulit: quòd, ut hi, accepto pignore, pecunias  
 suas putant se tuto committere; sic respublica Pi-  
 soni, cui se commiserat, supercilio, tanquam pi-  
 gnore, confidere, optimeq; sperare uidebatur.  
 Grauitas in oculo: uel, oculo, pro oculis di-  
 xit,



COMMENTARIUS

xit, quod Pisonis oculi non temere mobiles, sed stables; & attenti significationem quandam optimæ mentis hominibus afferrent; sicuti contra, quibus arguti, & , ut ita dicam, uolucres oculi sunt, leues homines minimeq; sapientes plerique reperiuntur: uel, quod facile suspicor, in alterum Pisonis oculum, aliquo uitio deprauatum, tacite ludit. nam & in oratione in ipsum, Sex. Claudium; inquit, qui nunquam antea prætextatus fuisset, ludos facere, & prætextatum uolitare passus es, hominem impurum, atque non modo facie, sed etiâ oculo tuo dignissimum. quasi dixerit: hominē ita turpi uita, ut tibi turpis facies, turpisq; oculus est. ecce aliud exemplum, quod eodem, ut opinor, spectat, in oratione post reditum in senatu, L. Piso, tu ne ausus es isto oculo, non dicam isto animo; ista fronte, non uita; tanto supercilio. & cetera. Amicum & affinem: amicum ita, ut suis comitijs primum custodem prærogatiuæ Ciceronem præfecerit. de quo in oratione in ipsum his uerbis: Tu non modo ad eum Ciceronem, (mitto enim domestica, quæ negari non possunt: hæc commemoro, quæ sunt palam) non modo, inquam, ad eum, cui primam comitijs tuis dederas tabulā prærogatiuæ, quem in senatu sententiam rogabas tertium. nunquam aspirasti, sed omnibus consilijs, quæ ad me opprimendum parabantur, non interfuisti solum, uerum etiam crudelissime præfuisi. & in ea post reditum

I  
tum in se  
quem con  
feceras,  
tiam rog  
disti. A  
gi, L. P  
catam.  
bus:  
quem  
que man  
bus ad  
lustrum  
subitam  
finem.  
translat  
sul in pe  
in mari

ALTER  
fellit: e  
litate ip  
mendat  
ti fauere  
homine  
quia ua  
& bene  
tiam m  
quia tac  
que incu



tum in senatu . Tu misericors me affinem tuum, quem comitibus prærogatiuæ primum custodem præfeceras , quem kalendis Ian. tertio loco sententiam rogaras , constriktum inimicis reipub. tradidisti . Affinem : ob Tulliam C. Pisoni Frugi , L. Pisonis propinquo , in matrimonium collocatam . post reditum in senatu . Alienis opibus : Pompeius Magnus A. Gabinium , quem hic Cicero significat , neque sua uirtute , neque maiorum commendatione insignem , suis opibus ad consulatum produxit . Insolitam : quia lustrorum ac stuprorum in tenebris diu latuerat . subitam autem post tenebras lucem oculi non sustinent . & est præclara à mari ad rempublicam translatio : quam ita regere ac tueri debet consul in periculo constitutam , ut gubernator nauem in mari fluctuantem .

## O R A T I O .

ALTER multos plane in omnes partes fefellit : erat enim hominum opinioni nobilitate ipsa , blanda conciliatrix , commendatus . omnes boni semper nobilitati fauemus , & quia utile est reip. nobiles homines esse dignos maioribus suis , & quia ualet apud nos clarorum hominum & bene de rep. meritorum memoria etiam mortuorum . quia tristem semper , quia taciturnum , quia subhorridum atque incultum uidebant ; & quòd erat eo nomine ,



nomine, ut ingenerata familiæ frugalitas uideretur; fauebant, gaudebant, & ad integritatem maiorum spe sua hominē uocabant, materni generis obliti. ego autem (uere hoc dicam iudices) tantum esse in homine sceleris, audaciæ, crudelitatis, quantum ipse cum rep. sensi, nunquam putauī: nequam esse hominem, & leuem, & falsa opinione, errore hominū, ab adolescentia commendatum sciebam. etenim animus eius uultu, flagitia parietibus tegebantur. sed hæc obstructio nec diuturna est, nec obducta, ita ut curiosis oculis perspicere non possit. uidebamus genus uitæ, desidiam, inertiam: inclusas eius libidines, qui paulo propius accesserant, intuebantur. denique etiam sermonis ansas dabat, quibus reconditos eius sensus tenere possemus. laudabat homo doctus philosophos nescio quos: neque eorum tamen nomina poterat dicere: sed eos tamen laudabat maxime, qui dicuntur præter ceteros esse auctores, & laudatores uoluptatis: cuius, & quo tempore, & quo modo, non quærebat: uerbum ipsum omnibus modis animi, & corporis deuorabat: eosdemq; præclare dicere aiebat, sapientes omnia sua causâ facere, rempublicam capessere hominem bene sanum nō oportere,

IN O  
tere, ni  
plena, e  
tem, qu  
dum, r  
nem in  
se duc  
ricula  
petene  
cebat

Nobilitat  
sed quia  
simos ha  
triant  
concili  
apta su  
citanda  
ne: non  
ab exem  
ne dictu  
sones app  
quàm Ca  
que pro  
milia fr  
tentiam  
nem: Q  
genii aut  
colore ip  
ribus non



tere, nihil esse præstabilius ociosa uita, & plena, & conferta uoluptatibus: eos autem, qui dicerent dignitati esse seruiendum, reip. consulendum, officii rationem in omni uita, non commodi, esse ducendam, subeunda pro patria pericula, uulnera excipienda, mortem optetendam, uaticinari atque insanire dicebat.

COMMENTARIUS.

**Nobilitate ipsa:** non quòd esset patricius Piso, sed quia maioribus ortus clarissimis. nam nobilissimos homines etiam eos, qui plebeijs familijs nati erant, appellatos esse animaduerti. Blanda conciliatricula. ut ad conciliandum amorem aptæ sunt blanditiæ, sic ad opinionem hominũ excitandam nobilitas ualet plurimum. Eo nomine: nomen pro familia ueteres usurpabant, ut ab exemplis planum sit: hic tamen pro cognomine dictum uidetur. ut cognomen Frugi, quo Pisones appellabantur, intellexerit potius Cicero, quàm Calpurniæ gentis nomen. quò spectant ea, quæ proxime sequuntur, uerba: Vt ingenerata familiæ frugalitas uideretur. præterea nostram sententiam confirmat illud in oratione in ipsum Pisonem: Quod minimum specimen in te ingenii, ingenii autem? immo ingenui hominis, ac liberi? qui colore ipso patriam aspernaris, oratione genus, moribus nomen. quo in loco non pro familia, sed pro

E cognom-



COMMENTARIUS

cognomine nomen esse positum, Pedianus interpres significat his uerbis. Tametsi hæc oratio inscribitur, in L. Pisonem: tamen non puto uos ignorare, hunc Pisonem ex ea familia esse, quæ Frugi appellata sit. & ideo dicit aspernari eum moribus nomen. Frugalitas: ob cognomen. sunt autem frugi homines, ut in re domestica, sic in republica continentes, & temperati, ideoq; præter ceteros iusti. Piso igitur, qui publicam rem pessime curauit, degenerasse à suo cognomine uidetur. Materni generis obliti: L. Piso matrem habuit, non Romanam, sed homine Gallo natam: qui cum Placentiæ confedisset, in eam ciuitatem ascitus, postea Romam uenit, & Pisoni Cæsonino, eius Pisonis filio, quem ab Heluetiis interfectum Cæsar scribit, filiam collocauit. hinc illa in Pisonem; O familiæ non dicam Calpurniæ, sed Caluentiæ, neque huius urbis, sed Placentini municipii, neque paterni generis, sed brachatæ cognationis dedecus. Hoc autem ideo dixit, quod Piso ex materno genere cognatos haberet homines brachatos, hoc est Gallos transalpinos, qui brachis utebantur. & in eadem oratione: O tenebræ, o lutum, o sordes, o paterni generis obliti, materni uix memor. & in ea post reditum in senatu: Is non me (quanquam equidem non cognoram eum propter Pisonis affinitatem, quem longe hinc ab hoc genere cognatio materna transalpini sanguinis abstulisset) sed uos

IN  
nos popul  
tia, quod  
cilioq; de  
nis focer  
nus. V  
ridus, in  
inertia  
quam de  
hil agat  
etiam ag  
ergo in de  
luntate n  
ditur in e  
si, ut es,  
inertiam  
bis, etiam  
obliuiscan  
xit enim  
infra: V  
re adium  
cum nomi  
manu app  
poterat  
strina, se  
ligeret, T  
rum nomi  
raret, ex  
quadam p  
nus illud p



uos populumq; R. non consilio, neque eloquentia, quod in multis sæpe accidit, sed rugis, supercilioq; decepit. Is autem, qui patris huius Pisonis socer fuit, Caluentius est appellatus. Pedianus. Vultu: quia tristis, taciturnus, subhorridus, incultus. quod proxime dixit. Desidiam, inertiam: plus inertia uituperationis habet, quàm desidia. desidem enim appellamus, qui nihil agat, quasi desidentem: inertem autem, qui etiam agendi arte, non modo uoluntate, careat. ergo in desidia uoluntas, in inertia simul cum uoluntate notatur inscitia. hoc paulo clarius ostenditur in epistola ad Cornificium, his uerbis. Quòd si, ut es, cessabis; lacessam: ne tua ignauia etiam inertiam afferat: id est, ne, dū nihil unquam scribis, etiam scribere dediscas, & scribendi artem obliuiscare. Paulo propius: in ædes ipsius. dixit enim iam: Flagitia parietibus tegebantur. et infra: Videbam, quibus cum hominibus in interiore ædium parte uiueret. Tenere: apte uerbum cum nomine cōiunxit: nam ansa est, quam in uasè manu apprehendimus. Neque eorū nomina poterat dicere: satis plane indicat, non doctrina, sed uoluntate, quia scilicet uoluptatē diligeret, Pisonem fuisse Epicurcum. qui enim eorum nomina, quorum sectam sequebatur, ignoraret, ex hominum sermonibus, & ex naturali quadam propensione potius, quàm ex libris, genus illud philosophiæ cognouisse putandus est. Est

E 2 igitur



igitur & Epicureus Piso, id est non admodum lau-  
danda philosophia studiosus; & indoctus tamen  
Epicureus, aperta enim ironia in proximis uerbis:  
Laudabat homo doctus, quod infra quoque patet,  
cum subiungit: cuius, & quo tempore, & quo  
modo, non querebat, non enim libros legebat Epi-  
cureorum: in quibus uoluptas quidem una ante  
omnes res, non omnis tamen, nec omni tempore,  
aut modo, laudabatur. Omnibus modis: con-  
tra quam reliqui Epicurei, qui, doctrina à li-  
bris accepta, non omnibus modis amplectendam  
uoluptatem existimabant. Omnia sua causa  
facere: hoc quoque, et quæ continuo sequuntur,  
ad Epicureos referenda, congruit autem cum hoc  
loco locus in epistola ad Trebatium, in qua scripsit  
hec. Indicauit mihi Pansa meus Epicureum te  
esse factum, sed quonam modo ius ciuile defendes,  
cum omnia tua causa facias, non ciuium? & pau-  
lo post ibidem: Quid fiet populo Vlubrano, si tu  
statueris πολιτῶν δαίμων non oportere? Eos autem:  
philosophos ab Epicuro dissentientes, Stoicos, Aca-  
demicos, Peripateticos, qui honestatem uel unam,  
uel maxime expetendam affirmabant. Vaticini-  
nari: non est hic, diuinare, sed, allucinari, er-  
rare, ut in epistola ad Caelium: Sed ego fortasse  
uaticinor, & hec omnia meliores habebunt exitus.

**E**x his assidue eius quotidianisq; sermonibus, & quod uidebam, quibus cum hominibus



nibus in interiore ædium parte uiueret, & quòd ita domus ipsa fumabat, ut multa eius sermonis indicia redoleret, statuebam sic, boni nihil ab illis nugis expectandum, mali quidem certe nihil pertimescendum. sed ita est iudices. ut, si gladium paruo puero, aut si imbecillo seni, aut debili dederis, ipse impetu suo o nemini noceat; sin ad nudum uel fortissimi uiri corpus accesserit, possit acie ipsa & ferri uiribus uulnerare: ita, cum hominibus eneruatis, atque exanguibus consulatus, tanquam gladius, esset datus; qui per se pungere neminem unquam potuissent, hi, summi imperii nomine armati, rempublicam contrucidauerunt: fœdus fecerunt cum tribuno pl. palam, ut ab eo prouincias acciperent, quas ipsi uellent; exercitum, & pecuniam, quantam uellent, ea lege, si ipsi prius tribuno pl. afflictam remp. tradidissent: id autem fœdus meo sanguine ictum sanciri posse dicebant. qua re patefacta, ( neque enim dissimulari tantum scelus poterat, nec latere ) promulgantur uno eodemq; tempore rogationes ab eodem tribuno de mea pernicie, & de prouinciis consulum nominatim.

E 3 Com-



COMMENTARIUS.

**M**ALI nihil: cum se Piso totum gulæ, uentri, crapulæ dedisse uideretur, nihil de perturbanda rep. cogitare. Imbecillo seni, aut debili: quasi, non modo imbecillo, sed debili quoque: ut maior sit in imbecillo infirmitas, quam in debili. Cum tribuno pl. P. Clodio. Pro- uincias acciperent, quas ipsi uellent: non enim in eo legum ratio habita est: quia Gabinus Syriam accepit, cum ei iam Cilicia data esset: Pi- so autem Achaïam, Thessaliam, cunctam Græ- ciam, quos populos Cæsar, eius gener, sua lege liberos esse iusserat. de quo sic in oratione pro do- mo sua: Quis provinciam homini post homi- nes natos turpissimo, sceleratissimo, contamina- tissimo, quis illam optimam fertilemq; Syriam, quis bellum pacatissimis gentibus, quis pecuniam ad emendos agros constitutam, exceptam ui ex Cæ- saris rebus actis, quis imperium infinitum dedit? cui quidem cum Ciliciam dedisses, mutaſti pa- ctionem, & Ciliciam ad prætorem item extra or- dinem tranſtulisti: Gabinio, pretio amplificato, Syriam nominatim dedisti. quid? homini teter- rimo, crudelissimo, fallacissimo, omnium scele- rum libidinumq; maculis notatissimo, L. Pisoni non ne nominatim populos liberos, multis S. C. e- tiam recenti lege soceri ipsius liberatos, uinctos, conſtrictos tradidisti? Quo in loco manifestum in omnes impressos libros irrepsit mendum. nō enim,  
lege

IN  
lege socer  
Cæsar, P  
lerat. qu  
uerba: C  
nis, quos  
tui pepig  
optima  
ge autem  
legam  
Thessali  
in ea de  
fimo trit  
cum tu n  
tum, in  
pecuniis  
& cont  
niam e  
Clodius  
gratula  
domo su  
blicam  
meq; u  
prouin  
minatim  
uincys e  
leio, et e  
ceronem  
pta erat  
demnaſſe



lege sociari, legendum est, sed, lege generi: quia C. Caesar, Pisonis gener, in consulatu eam legem iulerat. quod in oratione in Pisonem declarant illa uerba: Obtinuisti provinciam consularem finibus iis, quos lex cupiditatis tuæ, non quos lex generi tui pepigerat. nam lege Caesaris, iustissima, atque optima, populi liberi plane, & uere erant liberi: lege autem ea, quam nemo legem præter te, & collegam tuum putauit, omnis erat tibi Achaia, Thessalia, Athenæ, cuncta Græcia addita. Et in ea de provincijs consularibus. Emisti à scdis- simo tribuno pl. tum in illo naufragio huius urbis, cum tu idem, qui gubernare debueras, euerteres; tum, inquam, emisti grandi pecunia, ut tibi de pecunijs creditis ius in liberos populos cōtra S. C. & contra legem generi tui dicere liceret. Pecuniam quantam uellent: quam deinde cum iis Clodius partitus est. unde infra, Omitto, inquit, gratulationes, epulas, partitionem ararij. Et pro domo sua, & in Pisonem. Afflictam rempublicam: consulum præsidio nudatam, minimeq; ualentem. De mea pernicië, & de provinciis consulum nominatim: non, nominatim de mea pernicië, sed, nominatim de provincijs consulum. nā lex Clodij, ut in Dione, Vel leio, et epistola quadam ad Atticum legimus, Ciceronem non nominabat, sed in eos generaliter scripta erat, si qui ciues Romanos indicta causa condemnassent. in quo tamen præcipuum Ciceronis



COMMENTARIVS

factum notabatur, qui coniuratos sine populi iudicio damnauerat. provincias autem consulum in ea lege nominatas esse, indicant illa, quæ proxime recitauimus ex oratione pro domo sua. Vos equites: praesentes iudices. nam ex tribus ordinibus iudicia constabant senatorio, equestri, plebeio. Summo imperio: ipsis consulibus. paulo ante: Hi, summi imperij nomine armati, temp. contrucidandam putauerunt.

ORATIO.

**H**ic tum senatus sollicitus, uos equites excitati, Italia cuncta permota, omnes denique omnium generum, atque ordinum ciues summæ reip. à consulibus, atque à summo imperio petendum esse auxilium arbitrabantur; cum illi soli essent, præter furiosum illum tribunum, duo reip. turbines, qui non modo præcipitanti patriæ non subuenirent, sed etiam nimium tarde concidere mœrerent. flagitabatur ab his quotidie cum querelis bonorum omnium, tum etiam precibus senatus, ut meam causam susciperent, agerent aliquid, denique ad senatum referrent. hi non modo negando, sed etiam irridendo, amplissimum quenque illius ordinis insequabantur. hic subito, cum incredibilis in Capitolium multitudo ex tota urbe, cunctaq; Italia conuenisset, uestem mutant

IN O  
dam om  
priuato  
bus resp  
runt. et  
Concor  
sentaba  
flens ut  
lem or  
uerus  
tum su  
plissim  
ciuium  
ut cont  
go, pat  
quasi q  
nisset  
quites  
uos pre  
purissim  
bus à la  
li fide, m  
Mummi  
natusq;  
mutand

In æde Ce  
rone con  
dendis. i  
sentabat



IN ORAT. PRO SEXTIO. 37

dam omnes, meq; etiam omni ratione  
 privato consilio ( quoniam publicis duci-  
 bus resp. careret ) defendendum puta-  
 runt. erat eodem tempore senatus in æde  
 Concordiæ, quod ipsum templum repræ-  
 sentabat memoriam cōsulatus mei, cum  
 flens uniuersus ordo cincinnatum consu-  
 lem orabat. nam alter ille horridus, & se-  
 uerus consulto se domi continebat. qua-  
 tum superbia cœnum illud, ac labes, am-  
 plissimi ordinis preces, & clarissimorum  
 ciuium lacrymas repudiavit? me ipsum  
 ut contempsit helluo patriæ? nam quid e-  
 go, patrimonii, dicam? quod ille, cum  
 quasi quæstum faceret, amisit. cum ue-  
 nisset ad senatum, uos, uos, inquam, e-  
 quites R. & omnes boni, ueste mutata,  
 uos pro meo capite ad pedes lenonis im-  
 purissimi proiecistis, cum, uestris preci-  
 bus à latrone illo repudiatis, uir incredibi-  
 li fide, magnitudine animi, constantia, L.  
 Mummius ad senatum de rep. retulit, se-  
 natusq; frequens uestem pro mea salute  
 mutandam censuit.

COMMENTARIUS.

in æde Concordiæ: qua in æde factum est Cice-  
 rone consule senatus consultum de coniuratis occi-  
 dendis. ideo subiicit: Quod ipsum templum repræ-  
 sentabat memoriam consulatus mei. qua de re in

Phi -



COMMENTARIUS

**Philippica v.** In hac, inquit, cella Concordiæ,  
(ò dij immortales) in qua me consule salutare  
sententiæ dictæ sunt, quibus ad hanc diem uixi-  
mus, cum gladiis homines collocati stant. Cin-  
cinnatum consulem: ad contemptum: quod  
amplissimus ordo nequissimum consulem, qui sibi  
calamistro comam in cincinnos interqueret, cum  
lacrymis oraret. Consulto se domi conti-  
nebat: dissimulat causam, qua Piso domo non  
exibat. non enim consulto se domi continuit, ut hic  
Cicero ad creandam inuidiam fingit; sed aduersa  
ualetudine impeditus: quod in Dionis historia le-  
gimus lib. 38. idemq; ex oratione in ipsum facile co-  
gnoscitur. Quod ille, cum quasi quæstum  
faceret, amisit: salte simul & acerbe. mirum  
enim, qui quasi meretrix diuulgato corpore quæ-  
stum faciat, eum patrimonium amittere. notat  
impudicitiam, & nequitiam Gabinij. L. Mum-  
mius: tribunus pl. qui deinde retulit ad sena-  
tum de reditu Ciceronis, ut est infra. Vestem  
mutandam: non modo senatui, ut hic Cicero ui-  
detur significare, sed populo quoque Mummius  
persuasit, ut, tanquam in aliqua publica calami-  
tate, pro salute Ciceronis uestem mutaret. Dio  
lib. 38.

ORATIO.

O' diem illum, iudices, funestum senatui bo-  
nisq; omnibus, reip. luctuosum, mihi ad  
domesticum mœrorem grauem, ad poste-  
ritatis

ritatis  
quisq;  
mere ill  
nos om  
sum sen  
stem?  
precat  
quem  
essent  
gnies  
effecti  
luctu  
nus, o  
rumq;  
simos  
R. de  
opera  
cerit:  
resp. n  
natu, n  
uultu,  
torum  
cionem  
quale  
set: er  
tum a  
equite  
nas, q  
Capito



ritatis memoriam gloriosum. quid enim  
 quisquam potest ex omni memoria su-  
 mere illustrius, quàm, pro uno ciue & bo-  
 nos omnes priuato consensu, & uniuersum  
 senatum publico consilio mutasse uestem?  
 quæ quidem tum mutatio non deprecationis  
 causa est facta, sed luctus. quem enim de-  
 precarentur, cum omnes essent sordidati?  
 cumq; hoc satis esset signi esse improbum,  
 qui mutata ueste non esset? hac mutatione uestis  
 facta, tanto in luctu ciuitatis, (omitto, quid  
 ille tribunus, omnium rerum diuinarum  
 humanarumq; prædo, fecerit, qui adesse  
 nobilissimos adulescentes, honestissimos  
 equites R. deprecatores salutis meæ, iusserit,  
 eosq; operarum suarum gladiis, & lapidibus  
 obiceret: de consulibus loquor, quorum  
 fide resp. niti debuit) exanimatus euolat  
 ex senatu, non minus perturbato animo,  
 atque uultu, quàm si ante annis paucis  
 in creditorum conuentum incidisset:  
 aduocat cōcionem: habet orationem  
 talem consul, qualem nunquam  
 Catilina uictor habuisset: errare  
 homines, si etiam tum senatum  
 aliquid in rep. posse arbitrarentur:  
 equites uero R. daturos illius dies  
 pœnas, quo, me consule, cum gladiis  
 in cliuo Capitolino fuissent: uenisse  
 tempus iis, qui



COMMENTARIUS

qui in timore fuissent, (coniuratos uidelicet dicebat) ulciscendi se. si dixisset hoc solum, omni supplicio esset dignus; nam oratio ipsa cōsulis perniciofa potest rēp. labefactare: quid fecerit, uidete. L. Lamiam, qui cum me ipsum pro summa familiaritate, quæ mihi cum fratre, cum patre eius erat, unice diligebat, tum pro rep. uel mortem oppetere cupiebat, in concione relegauit, edixitq; , ut ab urbe abesset millia passuum ducenta, quòd esset ausus pro ciue, pro bene merito ciue, pro amico, pro rep. deprecari.

COMMENTARIUS.

Bonos omnes: *hominum uiginti millia pro salute Ciceronis uestem mutarunt. Rerum diuinorum: potissimum ob uiolata sacra Bonæ deæ. historia satis nota. Adesse: cum legem perferre uellent. erat enim consuetudo, ut, ante quàm ferretur lex, prodirent, qui uellent, ad suadendum, aut dissuadendum. de quo satis multa diximus in lib. de comitijs. Gladiis, & lapidibus: hac ipsa de re in oratione pro domo sua his uerbis: Cum eos, qui in conuentu uirorum bonorum uerba de salute mea fecerant, adesse iussisti, eorumq; aduocationem manibus, ferro, lapidibus discussisti, tum profecto ostendisti uim tibi maxime displicere. In creditorum conuentum: æris alieni plurimum habuisse Gabinium, supra diximus.*  
Illius

IN  
Illius die  
esse, ad  
pitoline  
Capitoli  
Cicero a  
presidi  
tione i.  
nestiss  
ues, qu  
quentia  
paulo an  
te iamd  
adducam  
des, reli  
hac i  
uerbis.  
si eius m  
sus: non  
cluiq; C  
titurum  
modum f  
tem R. pr  
pro fami  
mum, et  
autem d  
binus a  
multis pe  
lippica  
est, quod



Illius dies : dies , hoc loco , non diei , legendum  
 esse , admonet Gellius libro **IX**. In cliuo Ca- cap. 14  
 pitolino : circa templum Concordiæ , in cliuo  
 Capitolino , cum in eo templo de coniuratis consul  
 Cicero ad senatum retulisset , armati equites R.  
 præsidij caussa circumsteterant . de quibus in ora-  
 tione **I**. in Catilinam . Illi , inquit , equites R. ho-  
 nestissimi atque optimi uiri , ceteriq; fortissimi ci-  
 ues , qui circumstant senatum , quorum tu & fre-  
 quentiam uidere , & studia perspicere , & uoces  
 paulo ante exaudire potuisti . quorum ego uix abs-  
 te iamdiu manus ac tela contineo , eosdem facile  
 adducam , ut te hæc , quæ iampridem uastare stu-  
 des , relinquentem usque ad portas prosequantur .  
 & hac ipsa de re in ea post reditum in senatu his  
 uerbis . In concionem ascendit , ea quæ dixit , quæ ,  
 si eius uir Catilina reuixisset , dicere non esset au-  
 sus : nonarum Dec. quæ me consulem fuissent ,  
 cliuiq; Capitolini pœnas ab equitibus R. esse repe-  
 titurum : neque solum id dixit , sed , quos ei com-  
 modum fuit , compellauit : L. uero Lamiam , equi-  
 tem R. præstanti dignitate hominē , & salutis meæ  
 pro familiaritate , reip. pro fortunis suis amicissi-  
 mum , consul imperiosus exire urbe iussit . Quod  
 autem de cliuo Capitolino , ut inique factum Ga-  
 binus accusabat , idem & M. Antonius Ciceroni  
 multis post annis obiecit : in quem illa sunt in Phi-  
 lippica **II**. At etiam ausus es , ( quid autem  
 est , quod tu non audeas ? ) cliuum Capitolinum ,  
 dicere ,



COMMENTARIUS

dicere, me consule, plenum seruorum armatorum fuisse. ut illa, credo, nefaria senatus consultum fierent, uim afferebam senatui. ò miserum, siue tibi illa nota non sunt; nihil enim boni nosti; siue sunt, qui apud tales uiros tam impudenter loquere. quis enim eques R., quis præter te adolescens nobilis, quis ullius ordinis, qui se ciuem meminisset, cum senatus in hoc templo esset, in cluiuo Capitolino non fuit? Vere. quod enim Cicero tuendi senatus causa fecerat, id, quasi contra leges regio more commissum, Gabinius & Antonius accusarunt. Quod autem dixit, Illius dies: intellige illum diem, quo senatus consultum de necandis coniuratis, referente Cicerone, factum est. quanquam non illo tantum die cum gladiis in cluiuo Capitolino equites R. fuisse, satis constat ex iis uerbis, quæ ex oratione I. in Catilinam recitauimus: quæ habita est aliquot diebus ante illum diem, quem hic Cicero significat.

ORATIO.

QVId hoc homine facias? aut quò ciuem tam importunum, aut quò potius hostem tam sceleratum reserues? qui, ut omitteram cetera, quæ sunt ei cum collega immanis impuroq; coniuncta atque communia, hoc unum habet proprium, ut expulerit ex urbe, relegarit, non dico equitem R. non ornatissimū, atque optimum uirum, non amicissimum reip. ciuem, nō illo

illo ipse  
bonis  
gentem  
edicto  
cerbiu  
id, qu  
conful  
ditus  
liares  
nulla  
minati  
termin  
penatib  
uoler,  
tim? hi  
stis in  
nem iu  
futurum  
unquam  
lere, ec  
uium de  
tis edicti

Quid hoc  
nostro sat  
tam inuen  
tem loco  
Quid hoc  
perfidiosum



illo ipso tempore una cum senatu, & cum bonis omnibus casum amici reiꝑ; pub. lu gentem, sed ciuem R. sine ullo iudicio aut edicto ex patria consul eiecerit. nihil acerbius socii Latini ferre soliti sunt, quàm id, quod perraro accidit, ex urbe exire à consulibus iuberi. atque illis tum erat reditus in suas ciuitates, ad suos lares familiares: & in illo communi incommodo nulla in quenquam propria ignominia nominatim cadebat. hoc uero quid est? exterminabit ciues R. edicto cōsul à suis diis penatibus? expellet à patria? deliget quē uolet, damnabit, atque eiiciet nominatim? hic, si unquam uos eos, qui nunc estis in rep. fore putasset; si denique imaginem iudiciorum, aut simulacrum aliquod futurum in ciuitate reliquum credidisset; unquam ausus esset senatum de rep. tollere, equitum R. preces aspernari, ciuium denique omnium, nouis, & in auditis edictis, ius, libertatemꝑ; peruertere?

## COMMENTARIUS.

Quid hoc homine facias? antiqua locutio, huic nostro satis usitata: quam & à comicis usurpata inuenimus. subaudiri uidetur, de. huic autem loco simillimus est ille ex primo accusationis: Quid hoc homine faciat? aut quam ad spem tam perfidiosum, tam importunum animal reseruetis?

NEC



COMMENTARIUS

nec dissimile illud in epistola ad Terentiam: Quid Tulliola mea fiet? Sine ullo iudicio, aut edicto: quo modo, sine edicto, cum infra pateat, edicto Gabinij pulsum esse Lamiam? Exterminabit, inquit, ciues R. edicto consul à suis dijs penatibus? & paulo ante edixisse Gabinium dixit, ut ab urbe abesset Lamia millia passuum ducenta. aut igitur pro, aut, legerem suo; ut ad grauiorē inuidiam excitandam dixerit, sine ullo iudicio magistratus, uel populi, suo edicto consul ciuem R. eiecit ex patria: aut omnino ipsam particulam, aut, quasi superuacaneam tollerem. de quo tamē ut antiqui libri consulantur, statuo. Socii Latini: dicebant ueteres, socij Latini, & socij & Latini, item socij Latini nominis, socij & Latini nominis; cum tamen de solis Latinis intelligerent. exempla sunt & apud hunc nostrum, & apud Liuium quamplurima. Id quod perraro accidit: bis omnino; quod quidem ego legendo obseruauerim; primum, edicto Proculi Virginij consulis, cū Sp. Cassium Viscellinum collegam haberet, anno ab urbe condita CCLXVII. qua de re scriptum est apud Dionysium Halicarnasseum lib. VIII. his uerbis: Επισημήναντος δὲ τοῦ πληθους ὡς τὰ κράτιστα ὑποδεμένῳ, καὶ καταλύειν ἐκ τῆ νόμου τὸ ποιοῦν διχοσασίαν μέρος, ἀξιοῦντος, ἀπορῶν ὅτι χρηὴ πρᾶττειν ὁ Κᾶσιος, καὶ οὔτε ἀναθέσθαι τὴν γνώμην προαιρούμενος, οὔτε μένειν ἐπ' αὐτῆς, ἀντιπράττοντων τῶν δημάρχων, δυνάμενος, τότε μὲν διέ-

λυσε

IN  
 αὐτῇ τῇ  
 ἀπὸ τοῦ  
 ὑπομένε  
 τῆς κυρ  
 τε, καὶ  
 ἐν τῇ  
 τῇ ἐν  
 κατὰ  
 Κᾶσιος  
 μετέχον  
 μος. δὲ  
 νιος κο  
 dum L  
 re. Απ  
 ro in B  
 ditos a  
 raut ex  
 narente  
 aut om  
 dicioris  
 peccasse  
 εἰς τὴν  
 ram. I  
 binus e  
 ste mut  
 posuera  
 Et si me



IN ORAT. PRO SEXTIO. 41

λυσε τὴν ἐκκλησίαν : ταῖς δὲ ἐξῆς ἡμέραις ἀρρώστιαν  
 σκηπτόμενος, ἐκέτι κατέβαινε εἰς τὴν ἀγορὰν, ἀλλ'  
 ὑπομένων ἐνδον ἐσπαραγματῶετο βία, καὶ χειροκρα-  
 τία κυρῶσαι τὸν νόμον. καὶ μετεπέμπετο Λατίνων-  
 τε, καὶ ἐρνίκων ὅσους ἐδωῶτο πλείους ἐπὶ τὴν ψη-  
 φηφορίαν. οἱ δὲ σωήεσαν Ἀθρόοι. καὶ δι' ὀλίγου με-  
 σὴ ξένων ἦν ἡ πόλις. ταῦτα μαθὼν Οὐεργίνιος κηρύτ-  
 τειν ἐκέλευσε κατὰ τοὺς σενωποὺς, ἀπιέναι τοὺς μὴ  
 κατοικῆντας ἐν τῇ πόλει, χθόνον ὀρίσας ἐ πολυῷ. ὁ δὲ  
 Κάσιος τὰναντία ἐκέλευε κηρύττειν, παραμένειν τὰς  
 μετέχοντας τῆς ἰσοπολιτείας, ἕως ἂν ἐπικυρωθῇ ὁ νό-  
 μος. *deinde anno post v. c. DCXXXI, cū C. Fan-  
 nius cos. uocatos à C. Graccho ad suffragiū feren-  
 dum Latinos, eodem die exire urbe iussit. qua de  
 re Appianum aperte, nec obscure admodum Cice-  
 ro in Bruto. Eos, qui nunc estis: magna præ-  
 ditos auctoritate, et cum potestate iudicandi. spe-  
 ravit enim fore, ut boni iacerent, improbi domi-  
 narentur. Imaginem iudiciorum: si iudicia,  
 aut omnino imaginem, aut simulacrum ullum iu-  
 dicatorū fore credidisset; in remp. non tam nefarie  
 peccasset. peccauit autem, quia credidit, extin-  
 ctis iudicijs, pœnam delinquentibus nullam futu-  
 ram. Ius libertatemq;: ius & libertatem Ga-  
 binus eripuit ciuibus, cum eos, suum dolorem ue-  
 ste mutata significantes, ad uestitum, quem de-  
 posuerant, redire iussit.*

ORATIO.

ET SI me attentissimis animis summa cum  
 F      beni-



COM MENTARIVS  
benignitate auditis iudices : tamen ue-  
reor, ne quis forte uestrum miretur, quid  
hæc mea oratio tam longa, ac tã alte re-  
petita uelit, aut quid ad P. Sextii cauſſam,  
eorum, qui ante huius tribunatum remp.  
uexarunt, delicta pertineant. Mihi autem  
hoc propositum eſt ostendere, omnia cõ-  
ſilia P. Sextii, mentemq; totius tribuna-  
tus hanc fuiſſe, ut afflicta, & perditæ reip.  
quantum poſſet, mederetur. ac ſi in ex-  
ponendis uulneribus illis de me ipſo plu-  
ra dicere uidebor, ignoſcitote. nam & il-  
lam meam cladem uos, & omnes boni ma-  
ximum eſſe reip. uulnus iudicaſtis : & P.  
Sextius eſt reus non ſuo, ſed meo nomi-  
ne : qui cum omnem uim ſui tribunatus  
in mea ſalute conſumpſerit ; neceſſe eſt  
meam cauſſam præteriti tẽporis cum hu-  
ius præſenti deſenſione eſſe coniunctam.  
Erat igitur in luctu ſenatus : ſqualebat ci-  
uitas, publico conſilio mutata ueste: nul-  
lum erat Italiae municipium, nulla colo-  
nia, nulla præfectura, nulla Romæ ſocie-  
tas uectigalium, nullum collegium, aut  
concilium, aut omnino aliquod commu-  
ne conſilium, quod tum non honorificen-  
tiſſime decreuiſſet de mea ſalute : cum ſu-  
bito edicunt duo conſules, ut ad ſuum ue-  
ſtitum ſenatores redirent. quis unquam  
conſul

I  
cõſul  
hibuit  
ruit p  
binium  
ut neg  
mi cui  
prode  
etiam  
mines  
ne ue  
ſignific  
tio ad  
ba dum u  
qui pr  
re, au

Ante hu  
ante, q  
geſſit.  
ſima Cl  
nomin  
inque p  
cauſſas  
deſendo  
ſonis m  
re; &  
ptus. I  
cuſatur  
tra leges



cōsul senatum ipsius decretis parere prohibuit? quis tyrannus miseros lugere vetuit? parum ne est Piso, (ut omittam Gabinium) quòd tantum homines fefellisti, ut negligeres auctoritatem senatus? optimi cuiusque consilia contemneres? remp. proderes? consulare nomen affligeres? etiam ne edicere audeas, ne mæreret homines meam, suam, reip. calamitatem? ne ue hunc suum dolorem ueste mutata significarent? nam, siue illa uestis mutatio ad luctum ipsorum, siue ad deprecandum ualet; quis unquam tã crudelis fuit, qui prohiberet quenquam aut sibi mære, aut ceteris supplicare?

## COMMENTARIUS.

Ante huius tribunatum: quia Gabinius anno ante, quàm Sextius tribunus pl. fuit, consulatum gessit. Illam meam cladem: iniuriam iniquissima Clodii lege illatam. Non suo, sed meo nomine: non quòd ipse deliquerit, sed quòd me iniquè pulsum restituerit. Necesse est meam causam &c. necesse, inquit, est, cum Sextium defendo, de me ipso dicere: quia & multas defensionis mee partes ab illius tribunatu cogor petere; & tribunatus in mea salute totus est consumptus. Reus non suo, sed meo nomine: accusatur enim à meis inimicis, non quòd ipse contra leges aliquid commiserit, sed quòd in tribuna-



COMMENTARIVS

*tu de mea salute laborarit. Municipium: inter municipium, coloniam, & præfecturam, quid intersit, dictum est in libro de ciuitate Romana. Societas uectigalium: societates eorum, qui uectigalia redimebant, equitum R. omnes erant. Collegium: de collegiis paulo infra dicemus. Concilium: conuentus hominum, ad aliquid agendum institutus. Ad luctum ipsorum: siue, inquit, uestem mutauerant, ut meam pariter & suam lugerent calamitatem, siue ut meam salutem deprecarentur; neutram ob causam facere id, quod fecisti, æquum fuit: cum nemo unquã tam crudelis fuerit, qui prohiberet quenquam aut mærare in suo dolore, aut ceteris in amici periculo supplicare.*

O R A T I O.

**Q**UID? sua sponte homines in amicorum periculis uestitũ mutare non solent? pro te ipso Piso nemo ne mutauit? ne isti quidem, quos legatos, nõ modo nullo S.C. sed e tiam repugnante senatu, tute tibi legasti? ergo hominis desperati, & proditoris reip. casum lugebunt fortasse, qui uolent: ciuis florentissimi beneuolentia bonorum, & optime de salute patriæ meriti periculum coniunctum cum periculo ciuitatis lugere senatui non licebit? lidẽ cõsules ( si appellandi sunt cõsules, quos, nemo est, qui non modo ex memoria, sed

ex

IN  
ex fasti  
fœdere  
Flamit  
peste p  
omnia  
remp.  
proba  
tibus  
ne aut  
ret, n  
bus fe  
lex Ael  
gation  
uersam  
libus i  
habe  
ne col  
consci  
ad mat  
citare

Pro te i  
nam hoc  
perio ad  
Cum sci  
Pisonem  
mis atq  
le pond  
nem omat



## IN ORAT. PRO SEXTIO. 43

ex fastis euellendos non putet) pacto iam  
 fœdere prouinciarum, producti in circo  
 Flaminio in concionem ab illa furia, ac  
 peste patriæ, maximo cū gemitu uestro,  
 omnia, quæ tum contra me, contraq;  
 remp. dixerant, uoce ac sententia sua cō-  
 probauerunt. Iisdem consulibus seden-  
 tibus, atque inspectantibus, lata lex est,  
 ne auspicia ualerent, ne quis obnuncia-  
 ret, ne quis legi intercederet, ut omni-  
 bus festis diebus legem ferri liceret, ut  
 lex Aelia, lex Fusia ne ualeret. qua una ro-  
 gatione, quis est, qui non intelligat, uni-  
 uersam remp. esse deletam? Iisdem consu-  
 libus inspectantibus, seruorum delectus  
 habebatur pro tribunali Aurelio, nomi-  
 ne collegiorum, cum uicatim homines  
 conscriberentur, decuriarentur, ad uim,  
 ad manus, ad cædem, ad direptionem in-  
 citarentur.

## COMMENTARIUS.

RO te ipso: apostrophe ad Pisonem absentem.  
 nam hoc tempore Macedoniam proconsulari im-  
 perio administrabat. quod significant illa uerba:  
 Cum sciat, illa duo reip. pene fata, Gabinium, &  
 Pisonem, alterum haurire quotidie ex pacatissi-  
 mis atque opulentissimis Syriæ gazis innumerabi-  
 le pondus auri. & quæ sequuntur. ut illam ratio-  
 nem omittam; quòd hæc oratio pro Sextio habita

F 3 est



COMMENTARIUS.

est Marcellino & Philippo cos. Piso autem sequen-  
ti anno, Pompeio & Crasso cos. rediit è provin-  
cia: quod in argumento orationis in ipsum Pedia-  
nus probat. Apparet autem in hoc loco, Piso-  
nem ante consulatum reum fuisse: quo crimine,  
incertum est. loquitur enim Cicero de iis, quorum  
in periculis amici uestitum mutare solent. Nul-  
lo s. c. cum antea, qui in provincias ibant, le-  
gatos, quos secum adducerent, à senatu petere  
consueissent: quam consuetudinem primus negle-  
xit P. Vatinius, & post eum anno proximo Piso  
& Gabinius, legis, ut opinor, Clodiae priuilegio.  
sunt enim in ea in Vatinium hæc uerba. Quis le-  
gatos unquam audiuit sine S.C? ante te nemo, post  
continuo fecit idem in duobus prodigiis reipublicæ  
Clodius. Idem in hac ipsa pro Sextio significatur.  
Quis, inquit, provinciam, quis pecuniam, quis  
legationem ab senatu petebat? Hominis des-  
perati: qui ut recte agat, aut sentiat, sperari  
non potest. eodem sensu dicebant, homo perditus:  
quasi, qui rectam mentem prorsus amisisset. Lu-  
gebunt fortasse: addidit, fortasse, ut dubita-  
ri posse indicet, an aliquis omnino in hominis despe-  
rati & proditoris reipublicæ casu lacrymas datu-  
rus sit. Ex fastis: libris, in quibus consulum  
nomina scribebantur. ad Atticum lib. 1111.  
Pactio iam fœdere provinciarum: ut pro-  
uincias acciperent à Clodio tribuno pl. quas uel-  
lent, ea lege, si ipsi prius ei permitterent, ut, quæ  
uellet

IN  
uellet in  
ca perni  
minio  
minius,  
cus Ne  
opinor  
pertine  
tam e  
uictor  
que co  
do à c  
tuor le  
banati  
antea  
retur  
tiam  
tam h  
in Pise  
auspic  
spicior  
tione,  
nere po  
mo, u  
rentur  
cum,  
lamita  
qui au  
let. ut  
Ne au



uelleret, in remp. perficeret, hoc est ut leges reipubli-  
 cae perniciosissimas perferre posset. Circo Fla-  
 minio: tres fuere Romae circi, Maximus, Fla-  
 minius, qui & Apollinaris dictus est; item cir-  
 cus Neronis. Tum contra me &c. confert,  
 opinor, in duos consules, quod ad unum Gabinium  
 pertinebat. à quo consule talem orationem habi-  
 tam esse, iam dixit, qualem nunquam Catilina  
 uictor habuisset. sic infra, quod unius erat, utri-  
 que consuli adscripsit. Cum, inquit, equester or-  
 do à consulibus citaretur. Lata lex est: qua-  
 tuor leges reip. perniciosas tulit P. Clodius in tri-  
 bunatu pl. de annonae, ut populo frumentum, quod  
 antea semissibus & trientibus dabatur, gratis da-  
 retur: alteram; ut collegia resituerentur: ter-  
 tiam, ut infirma censorum potestas esset: quar-  
 tam hanc, de qua hic Cicero loquitur. uide infra  
 in Pisonem, Peditum 74: Dionem lib. 38. Ne  
 auspicia ualerent: significat Dio lib. 38, au-  
 spiciorum duo fuisse genera, unum sine obnuncia-  
 tione, alterum cum obnuntiatione. utroque ge-  
 nere potestas agendi cum populo tollebatur: pri-  
 mo, uel si nulla omnino signa de caelo monstra-  
 rentur, nec obnuntiaretur quidquam: altero,  
 cum, caelesti aliquo signo uiso, quod publicam ca-  
 lamitatem portendere uideretur, obnuntiaret is,  
 qui auspicabatur, ei, qui agere cum populo uel-  
 let, utrumque genus hic attigit Cicero, cum ait,  
 Ne auspicia ualerent, ne quis obnuntiaret. Ne



quis legi intercederet: hoc erat, tribuniciâ potestatem tollere. nam nouem tribunis pl. legem ferentibus unius obfistebat intercessio. sed quia senatus caussa ius intercedendi comparatum erat, ut esset quo tribuniciæ rogationes impediri possent: Clodius, optimatibus infensus, amator nouitatis, liberam & solutam in ferenda lege tribunorum potestatem esse uoluit. itaque intercessionem lege lata sustulit, non tamen omnem intercessionem, sed tantum cum intercederetur legi. nam præterea, & senatus consultis, & iudicijs tribunis pl. intercedebant. in quo ius tribunicium immiui Clodius noluit: quia totum ad impediendam senatus & optimatum uoluntatem pertinebat. Omnibus festis: non dubito, quin, fastis, legendum sit. nam, cum diebus fastis omnibus quidem lege agere, non omnibus tamen cum populo agere liceret: Clodius fastos omnes comitiales esse iussit, hoc est, ut, quod quibusdam fastis licebat, id omnibus liceret. item in ea de prouincijs consularibus, Vobis, inquit, statuendum, legem Aeliam manere, legem Fusiam non esse abrogatam, non omnibus fastis legem ferri licere; cum lex feratur, de celo seruari, obnunciari, intercedi licere. Lex Aelia & Fusia ne ualeret: dicit idem, quod proxime. nam lex Aelia & Fusia de auspicijs & obnuntiatione erat. sed legem nominat, ut inuidiam in Clodium augeat. Nomine collegiorum: collegia, hoc est infimorum hominum, cer-



certas artes pariter exercentium, conuentus, iam inde à Numa rege esse instituta, in Plinij naturali historia, & in Plutarcho scriptum est. postea, cum horum collegiorum numerus esset auctus; omnia, præter pauca atque certa, ut fabrorum fictorumq; , quæ ciuitatis utilitas desiderabat, pluribus legibus sublata sunt, neque solum legibus, sed etiam senatus consultis, ut L. Cæcilio Q. Marcio cos. nec enim hominum humilium coitiones in ciuitate satis tutæ uidebantur. Clodius autem, ut inopem plebem, quæ paruo negotio ad facinus impellitur, sibi conciliaret, utpote qui nouitatem & uim meditaretur; collegia non solum uetera restituit, sed etiam noua innumerabilia constituit. de quo & in hac ipsa oratione infra, & in Pisonem Cicero meminit. præterea Dio libro 38. Pedianus in commentario Cornelianæ. Hæc autem collegia non è solis peregrinis, aut è seruis, sed è peregrinis, qui postea ciues fiebant; è nouis ciuibus, ex ueteribus Romanis inopia laborantibus, è seruis constabant. est enim ridiculum, eos putare fuisse peregrinos, quorum patres & maiores multis ante annis artem aliquam sedentariam administrassent. peregrini quidem & erant, & dicebantur, ante quàm essent censi: sed, cū Romæ domicilium iam per aliquot annos habuissent, professi apud prætorem, ciuium Romanorum iura consequerantur; & uel easdem, quas antea, artes administrabant, uel in militiam proficisciebantur. in  
qua



COMMENTARIVS

qua cum non nulli fortem fidelemq; operam reipublicæ nauassent; equestris loci dignitatem, si modo HS quadringenta millia possiderent, consequebantur, uel tribuni militum fiebant: ex quo postea tribuni pl. facile creabantur: unde ad alios magistratus erat ascensus. Romanos autem cives, alios magistratibus, alios militiæ, alios mechanicis artibus operam dedisse, facile mihi & Plinius persuadet, qui de collegijs ærariorum fabrum, & figulorū, à Numa rege institutis, mentionem facit; & L. Florus idem aperte demonstrat: cuius hæc sunt uerba: A Ser. Tullio rege populus Romanus relatus in censum, digestus in classes, decurijs atque collegijs distributus: summaq; regis solertia ita est ordinata respublica, ut omnia patrimonij, dignitatis, ætatis, artium, officiorumq; discrimina in tabulas referrentur, ac si maxima ciuitas minima domus diligentia contineretur. Collegia nominat, & artes: quæ duæ dictiones manifeste declarant, contra quàm Dionysius Halicarnassensis quodam in loco affirmat, artes illas, quæ in officinijs tractantur, etiam ab ijs, qui multis ante annis iure ciuium Romanorum uterentur, esse cultas. hoc & Cicero demonstrat in oratione pro domo sua: ait enim sic: Nullum est in hac urbe collegium, nulli pagani, aut montani, ( quoniam plebi quoque urbanae maiores conuenticula, & quasi concilia quedam esse uoluerunt ) qui non amplissime non modo de salute mea, sed etiam de

IN  
de dignita  
multo post  
bernus, fre  
vi. epist. a  
Turpionem  
qui fuit ant  
non ne in or  
concionem,  
mechanicas  
nam cum ex  
ciuem illam  
Plancus, ut  
gnata testiu  
uocata concu  
sistabernis,  
pateretur el  
nater, qu  
rium, ut in  
eo paupertat  
ni, qui ad C  
fuisse feru  
episcum co  
e feruis, ex  
plebe, ex n  
in urbem u  
que P. Clo  
in Pisonem  
fuit, Di  
largia nom



de dignitate decreuerint. Et in eadem, non ita multo post: Quem tu populum, nisi clausis tabernis, frequentare non poteras. Præterea libro VI. epist. ad Att. iudicem esse Romæ significat Turpionem sutorium. quid autem? Pedianus, qui fuit antiquitatum Romanarum bene peritus, non ne in orationis pro Milone commentario & concionem, & populum nominat, cum de ijs, qui mechanicas artes tractarēt, manifeste loquatur? nam cum exponit illud, Contra hesternam concionem illam; subiungit hæc: Idem T. Munatius Plancus, ut sæpe diximus, post audita & obfignata testium uerba, dimissosq; interim iudices, uocata concione cohortatus erat populū, ut, clausis tabernis, postero die ad iudicium adesset, nec pateretur elabi Milonem. At M. Aemilii Scauri pater, quamuis patricius, negotium carbonarium, ut in libello de uiris illustribus narratur, ob paupertatem exercuit: & C. Terentii Varronis, qui ad Cannas male pugnavit, patrem laniū fuisse ferunt. quo quid sordidius? Erant igitur opificum collegia ex quatuor hominū generibus, è seruis, ex inopi ueterum ciuium Romanorum plebe, ex nouis ciuibus, ex iis, qui cum proxime in urbem uenissent, censi nondum erant. sed illa, quæ P. Clodius restituit, qui etiam, ut ait Cicero in Pisonem, noua quædam è seruitiorum sæce constituit, Dio historiæ suæ lib. 34. τὰ ἐταίρικὰ κολλήγια nominat: quòd nihil aliud essent, quàm opificum



COMMENTARIUS

opificum sodalitates: quales Venetiis uidemus esse  
 quamplurimas. quod etsi ita sit: ad aliam tamen  
 sententiam conuertendum est illud, quod in libro  
 de senectute ex persona Catonis Cicero pronun-  
 ciat: Sodalitates paulo ante me quæstorem con-  
 stitutæ sunt. non enim de collegiis opificum est in-  
 telligendum, sed de sodalitatibus honestorum ci-  
 uium, animi causa constitutis. & , quemadmo-  
 dum sodalitates, item collegia non semper de ar-  
 tificum cætibus dicuntur. non enim, quod lib. 11.  
 ad Quintum fratrem scriptum est, M. Furium  
 Flaccum, equitem Romanum, Capitolini &  
 Mercuriales de collegio eiecerunt; sic exponendū  
 est, ut de collegio eorum, qui mechanicas artes  
 exercere nt, sed de collegio aliquo sacerdotum e-  
 iectum esse Flaccum intelligamus. non enim su-  
 spicari aliter possumus; cū eques Romanus esset;  
 artes autem quæstuarie ab infima plebe tracta-  
 rentur, argentaria tamen excepta; quam à Q.  
 Cæcilio, equite Romano, Pōponii Attici auun-  
 culo, esse administratam, libro 1. ad Atticum  
 Cicero significat: si modo fœnerator, & argenta-  
 rius idem fuit. erat igitur inter quæstuaras artes  
 paulo honestior, uel, ut dicam uerius, paulo mi-  
 nus turpis argentaria: cui tamen operam dare,  
 probro ducebatur. itaque Octauio, qui postea  
 est Augustus appellatus, auum argentarium M.  
 Antonius & Cassius Parmensis exprobrare so-  
 liti sunt. Pro tribunali Aurelio: in tribu-  
 nali

IN O  
 nali Aureli  
 ante ut in P  
 nis Statoris  
 no: Numid  
 Quis etiam in  
 sic: Pro sign  
 tribunali.  
 Quis pro in a  
 quari: illa f  
 ad Quirites e  
 cum homines  
 bi, centuriari  
 in tribunali  
 modo liberos,  
 concitatos. F  
 exoracione c  
 notauimus:  
 in foro, arma  
 comportarent  
 amosum qu  
 putur de iis,  
 scribebantur.  
 et de iis, qui  
 gentur, ut eo  
 & quanquan  
 tur, certus n  
 uidetur: de  
 & alibi cum  
 constat. dix



*nali Aurelio. nam, pro, et ante significat, et in :  
ante ut in Philippica II. Hasta posita pro æde Io-  
uis Statoris : In, ut apud Salustium in Iugurthi-  
no : Numida pro muris dies noctesq; agitare. Fe-  
stus etiam ueteres ita locutos auctor est : ait enim  
sic : Pro significat in, ut pro Rostri, pro æde, pro  
tribunali. Quod si quis, cur in hoc loco, pro, po-  
tius pro in accipiam, quàm pro ante, causam  
quærit : illa fuit, quod in oratione post reditum  
ad Quirites eadem de re sic est scriptum : Ego,  
cum homines in tribunali Aurelio palam conscri-  
bi, centuriariq; uidiſsem. Et pro domo sua : Cum  
in tribunali Aurelio conscribebas palam non  
modo liberos, sed etiam seruos ex omnibus uicis  
conciatos. Fuit autem hoc tribunal in foro : quod  
ex oratione cognouimus in Pisonem : in qua hæc  
notauiſmus : Cum seruorum delectus haberetur  
in foro, arma in templum Castoris luce et palam  
comportarentur. Vicatim : quod per uicos fa-  
cinorosum quenque legeret. Decuriarentur : lo-  
quitur de iis, qui collegiorum nomine uicatim cõ-  
scribebantur. nam, decuriare, commune uerbum  
est de iis, qui quamlibet ob causam ita congre-  
gantur, ut eorum ordo quidam, & descriptio sit.  
& quanquam, cum decuria, uel decuriare dici-  
tur, certus numerus, hoc est decem, significari  
uidetur : de plurimis tamen, & hic à Cicerone,  
& alibi cum ab ipso, tum ab aliis usurpatum esse  
constat. dixit igitur, decuriarentur, pro, in col-  
legia*



COMMENTARIUS

legia conscriberentur, in ordines cogerentur. sic in oratione pro domo sua: Cum desperatis ducibus decuriatos ac descriptos haberes exercitus perditorum. libro autem 11. ad Quintū fratrem, cū non de his collegiis, sed de ambitiosa hominum coitione intelligat, Eodem, inquit, die senatus consultum factum est, ut sodalitates, decuriatq; discederent.

ORATIO.

**I**ISDEM consulibus arma in templum Cāstoris palam cōportabantur; gradus eiusdem templi tollebantur; armati homines forum, & conciones tenebāt; cædes, lapidationes fiebant; nullus erat senatus, nihil reliqui magistratus; unus omnem omnium potestatem armis, & latrociniiis possidebat, non aliqua vi sua, sed cum duos consules à rep. prouinciarum fœdere retraxisset: insultabat, dominabatur, aliis pollicebatur, terrore, ac metu multos, plures etiam spe, & promissis tenebat. quæ cū essent eiusmodi iudices; cū senatus duces nullos, ac pro ducibus proditores, aut potius apertos hostes haberet; equester ordo reus à cōsulibus citaretur; Italiæ totius auctoritas repudiaretur: alii nominatim relegarentur; alii metu, ac periculo terrerentur; arma essent in templis, armati in foro; eaq; nō  
 silentio



silentio consulum dissimularentur, sed et  
 uoce, & sententia comprobarentur; cū  
 omnes urbem nondum excisam, & euer-  
 sam, sed iam captam, atque oppressam  
 uideremus: tamen his tantis malis, tanto  
 bonorum studio, iudices, restitissimus:  
 sed me alii metus, atque aliæ curæ, suspi-  
 cionesq; mouerunt. exponam enim ho-  
 dierno die, iudices, omnem rationem fa-  
 cti, & consilii mei; neque huic uestro tan-  
 to studio audiendi, neque uero huic tantæ  
 multitudini, quanta mea memoria nun-  
 quā ullo in iudicio fuit, deero. Nā si ego  
 in causa tā bona, tanto studio senatus, cō-  
 sensu tam incredibili bonorum omnium,  
 tam parato, tota denique Italia ad om-  
 nem contētionem expedita, cessi tribu-  
 ni pl. despiciatissimi hominis, furori, con-  
 temptissimorum cōsulum leuitatem, au-  
 daciamq; pertimui; nimium me timidū,  
 nullius animi, nullius consilii fuisse con-  
 fiteor.

## COMMENTARIUS.

In templum Castoris: hinc apparet, leges in  
 templis latas esse. nam in Cāstoris templum  
 propterea comportabantur arma, ut legem  
 Clodius, si quis intercedere aut impedire uellet,  
 ui perferret. cognoscitur maxime ex ea pro do-  
 mo sua, et in Pisonem. Reus à consulibus ci-  
 taretur:



taretur: significat illud, quod in concione Gabinius consul dixerat: Equites R. daturos illius dies pœnas, quo Cicerone consule cum gladiis in clivo Capitolino fuissent. Reus igitur, præclarissimi facti. Italiæ totius: quæ meâ causam suis decretis susceperat. Nominatim relegarentur: patet L. Lamiam significari. In templis: de templo Castoris proxime dixit. Alii metus, aliæ curæ: quæ sunt hæc? illa, de quibus infra, quod Clodius ea, quæ contra Ciceronem faceret, se facere aucturibus Pompeio, Crasso, Cæsare, in concionibus clamabat. qui cum tacerent, confiteri uidebantur. his igitur, inquit, cessi, nō, homini despiciatissimo, Clodio, non contemptissimis consulibus, Pisoni, & Gabinio. Ad omnem contentionem expedita: quod ex decretis poterat intelligi.

O R A T I O.

Q V I D enim simile fuit in Q. Metello? cuius causam, etsi omnes boni probabant, tamen neque senatus publice, neque ullus ordo proprie, neque suis decretis Italia tota susceperat. ad suam enim magis quandam ille gloriam, quàm ad perspicuam salutem reip. spectarat, cum unus in legē per uim latam iurare noluerat. denique uidebatur ea conditione tam fortis fuisse, ut cum patriæ caritate constantiæ gloriam commutaret. erat autem ei res cū exercitu



exercitu C. Marii inuicto: habebat inimi-  
cum C. Marium, conseruatorem patriæ,  
sextum iam illum consulatum gerentem:  
res erat cum L. Saturnino iterum tribu-  
no pl. uigilante homine, & in causâ popu-  
lari si nō moderate, at certe populariter  
abstinēterq; uersato. cessit; ne aut uictus  
à fortibus uiris cum dedecore caderet,  
aut uictor multis & fortibus ciuibus rēp.  
orbaret, meam causam senatus palam, e-  
quester ordo acerrime, cuncta Italia pu-  
blice, omnes boni proprie enixeq; susce-  
perant. eas res gesseram, quarū non unus  
auctor, sed dux omnium uoluntatis fui-  
sem, quæq; non modo ad singularem me-  
am gloriam, sed ad salutem communem  
omnium ciuium, & prope gentium per-  
tinerent; ea conditione gesseram, ut me-  
um factū semper omnes præstare tueriq;  
deberent. erat autem mihi contentio nō  
cum uictore exercitu, sed cū operis con-  
ductis, & ad diripiendam urbem concita-  
tis. habebam inimicum non C. Marium,  
terrorem hostium, spem, subsidiumq; pa-  
triæ, sed duo importuna prodigia, quos  
egestas, quos æris alieni magnitudo, quos  
leuitas, quos improbitas tribuno pl. con-  
strictos addixerat.

G C O M-



Quid enim simile fuit in Q. Metello? discendum, inquit, fuit Q. Metello illi Numidico: quod eius causam non senatus publice suscepit: quod ei res esset cum exercitu C. Marii inuito, cum ipso C. Mario, conservatore patriæ, sextum consule, cum L. Saturnino iterum tribuno pl. homine uigilante: quod, si pugnare uellet, aut ipsius interitum ex inimicorum uictoria, aut, si ipse uinceret, magnam reip. calamitatem è fortissimorum uirorum cæde prospiceret. mea ratio fuit alia. cum enim & meam causam senatus, equester ordo, cuncta Italia publice suscepisset; & mihi res esset, non cum C. Mario, sed cum duobus contemptissimis consulibus, non cum L. Saturnino, sed cum tribuno pl. P. Clodio, omnium hominum nequissimo, atque turpissimo; quos homines si occiderem, nemo neque meum factum reprehenderet, neque illorum morte mæreret: hæc cum ita essent, ualde me timidum, atque imprudentem confiterer fuisse, si horum hominum metu discessissem. cur igitur cessi? mouerunt me illa, quæ de Pompeio, Crasso, Cæsare Clodius prædicabat: quæ illi tacendo confiteri uidebantur. Neque ullus ordo: non modo equester, qui meam causam suscepit, sed nullus omnino. Salutem reip. non enim in eo seruabatur respublica, si unus Metellus in legem, quam Saturninus, Mario gratificans, per uim ferret, iurare nollit. nihilo enim minus, ipso non iurante, lata lex est. Appianus lib. 1.

lib. 1. Pl.  
caritate  
sedamus  
abit; quia  
ritatem, se  
gna laus  
quam de se  
cero, cum  
constantie  
gloria fruct  
Metellus, n  
litem intell  
gloria, quæ  
semper enim  
nam retulen  
tarchus, V  
Marium:  
nam, multa  
Marius inte  
Metello, in  
Marius con  
uinciam pop  
minem man  
lam de indu  
in mandan  
quam senat  
eo potissim  
Textorum  
lib. 11. d.



lib. I. Plutarchus in Mario. Ut cum patriæ caritate: patriæ caritas postulat, ut ab ea ne discedamus. at Metellus uoluntarium in exilium abiit; quia suam gloriam pluris, quàm patriæ caritatem, fecit. poterat enim aliquis obijcere. magna laus Metello debetur, qui de patria maluit, quàm de sententia, decedere. uerum, inquit Cicero, cum aspectu patriæ carissimo se priuauit, constantiæ laudem quæsiuit, patriæq; amissionem gloriæ fructu compensare uisus est. cessit igitur Metellus, non quòd in eo sitam esse reipublicæ salutem intelligeret, sed quòd ei carior constantiæ gloria, quàm aspectus patriæ, fuit. Inuieto: semper enim Marius ex hostibus reipublicæ uictoriam retulerat, Numidis, Germanis, Italis. Plutarchus, Velleius, Appianus. Inimicum C. Marium: iam inde à bello Iugurthino. cuius gloriam, multis præclaris factis Metello debitam, Marius interceptit. nam cum senatus Numidiam Metello, in qua bellum iam gerebat, decreuisset; Marius consul designatus effecit, ut eam sibi prouinciam populus mandaret; cum Metellum, hominem inanem, imperio nimis gaudentem, bellum de industria ducere criminaretur. erat autem in mandanda prouincia maior populi potestas, quàm senatus. Conseruatorem patriæ: in eo potissimum, quòd innumerabiles Cimbrorum Teutonumq; copias cecidit. de legibus quoque lib. II. duos ex Arpinati municipio reipublicæ



COMMENTARIVS

conseruatores à Cn. Pompeio uocatos significat, ipsum, & C. Marium. sunt etiam in epitome Liuii hæc uerba: Primores ciuitates, qui aliquantulum ut nouo homini ad tantos honores euecto inuiderant, conseruatam ab eo rempublicam fatebantur. Sextum illum consulatum: oppressis Glauca & Saturnino insignem. primo consulatu Iugurthā debellauit: secundi primo die, id est kalendis Ianuarii, de eo triumphans urbem ingressus est: tertium in apparatu belli Cimbrici consumpsit: quarto trans alpes circa aquas Sextias cum Cimbris, quæ Germanorum genus fuit, prospera fortuna confligit: quinto citra alpes in campis Raudis eosdem uicit: sexto Glauciam prætorem, & Saturninum tribunum pl. perniciem reipublicæ molientes, occidit: septimo paucis post, quàm inierat, diebus uita decessit. Saturnino: Metelli inimico; quòd ab eo censore notatus erat. Appianus lib. 1. fuit è gente Appuleia, homo seditiosus: ideo Clodius Appuleia uocatur in epistola quadam ad Atticum, ob ingenii similitudinem: muliebri autem genere potius, quàm uirili, ob mollitiem & libidines. Plutarchus, Appianus, Velleius, epitome Liuiana. In caussa populari: quia legem agrariam ferebat. Si non moderate: quòd A. Numium, tribunatum petentem, & C. Memmium, consularis candidatum, Glaucie competitorem, occidendos curauerat. Plutarchus, epitome Liuii,

Ap.



IN  
Appian  
rus. Po  
nihil omi  
stinentes  
et si non n  
lerabilem  
dus, alienu  
tro, non (n  
oris adult  
communi  
rum, quàm  
Omnes pr  
lantate gessi  
tur is, qui a  
fiare autem  
ideo se non n  
cem aliene  
ris alieni n  
fiare facile  
sunt, memi  
ob uiguent  
tas: de Pise  
dorem, crue  
Sec mihi  
quòd à se  
niam ad p  
M. Scauri  
sciebat, c



*Appianus, Cicero in I I I I. in Catilinam. Florus. Populariter: populi cum gratia: quia nihil omisit, ut populi commodo consulere. Abstinenterq;: hoc uerbo usus est, ut Saturninū, etsi non moderatum, tamen præ P. Clodio tolerabilem fuisse demonstraret. non enim ille, ut Clodius, alieni appetens, non testamentarius, non latro, non (ut hoc etiam ad libidines referatur) sororis adulter, stuprorum sacerdos. Ad salutem communem: cum Metellus ad suam magis gloriam, quam ad salutem reipublicæ, spectasset.*

*Omnes præstare: quod eas res ex omnium uoluntate gessissem. præstare alienum factum dicitur is, qui alieni facti defensionem suscipit. præstare autem debet is, qui, ut fieret, auctor fuit. ideo se non unum earum rerum auctorem, sed duccem alienæ uoluntatis dixit fuisse. Egestas, æris alieni magnitudo: hæc ad Gabinium spectare facile cognoscet is, qui, quæ supra dicta sunt, meminerit. Leuitas: ad eundem refero, ob unguenta, cincinnos, choreas. Improbitas: de Pisone dictum: quem sceleratum, audacem, crudelem appellauit.*

## O R A T I O.

**N**EC mihi res erat cum Saturnino, qui, quod à se quæstore Ostiensi per ignominiam ad principem & senatus, & ciuitatis M. Scaurum rem frumentariam translata sciebat, dolorem suum magna cōtentio



COM MENTARIVS

ne animi persequeretur; sed cum scurrarum locupletum scorto, cum sororis adultero, cum stuprorum sacerdote, cum uenefico, cum testamentario, cum sicario, cum latrone. quos homines si, id quod facile factu fuit, & quod fieri debuit, quodq; à me optimi & fortissimi ciues flagitabant, ui armisq; superassem: non uerebar, ne quis aut uim ui repulsam reprehenderet, aut perditorum ciuium, uel potius domesticorum hostium morte mæreret. sed me illa mouerunt. omnibus in concionibus illa furia clamabat, se, quæ faceret contra salutem meam, facere auctore Cn. Pompeio, clarissimo uiro, mihiq; & nunc, & quoad licuit, amicissimo. M. Crassus, quocū mihi erant omnes amicitiae necessitudines, uir fortissimus, ab eadem illa peste infestissimus esse meis fortunis prædicabatur. C. Cæsar, qui à me nullo meo merito alienus esse debebat, inimicissimus esse meæ saluti ab eodem quotidianis concionibus dicebatur. his se tribus auctoribus in consiliis capiendis, adiutoribus in re gerenda esse usurum dicebat: ex quibus unum habere exercitum maximum in Italia, duos, qui priuati tum essent, & præesse, & parare, si uellent, exercitum posse, idq; facturos esse

IN O  
esse, dic  
puli, nec  
nem, nec  
ctionem,  
peratore  
go? inimi  
improbe  
me mouit  
tio, sed e  
oratio ran  
c  
Questore Ot  
tione legima  
enim ad hunc  
in annona ca  
procuratori  
tum præfect  
rem. Appa  
in Ostiensis a  
propterea qu  
tarentur, on  
bem cursus es  
moratione p  
tio fieret, q  
quia scilicet  
periosam, m  
lib. 11. hcc  
nam diffie  
mopiam ita



esse, dicebat. nec mihi ille iudicium populi, nec legitimam aliquam contentionem, nec disceptionem, aut causæ dictionem, sed uim, arma, exercitus, imperatores, castra denunciabat. quid ergo? inimici oratio, uana presertim, tam improbe in clarissimos uiros coniecta, me mouit? me uero non mouit illius oratio, sed eorum taciturnitas, in quos illa oratio tam improba conferebatur.

## COMMENTARIUS.

Quæstore Ostiensi: recitanda sunt; quæ in oratione legimus de aruspicum responsis: pertinent enim ad hunc locum. Saturninum, inquit, quod in annonæ caritate quæstorem à sua frumentaria procuratore senatus amouit, eiq; rei M. Scaurum præfecit, scimus dolore factum esse popularem. Apparet ex utroque loco, eum, cui quæstura Ostiensis obtigisset, rei frumentariæ præfuisse: propterea quod, cum frumenta nauibus importarentur, omne nauigiorum genus, quibus ad urbem cursus esset, portus excipiebat Ostiensis. ideo in oratione pro Muræna, huic prouinciæ, cum sortitio fieret, quæstores acclamare solitos esse dicit: quia scilicet non tacitam esse, & quietam, sed negotiosam, molestamq; scirent. Paterculus etiam lib. II. hæc de Ti. Nerone scripsit: Quæstor maximam difficultatem annonæ, ac rei frumentariæ inopiam ita Ostiæ, atque in urbe moderatus est, ut

G 4 per



per id, quod agebat, quantus euasurus esset, eluceret. Principem senatus, & ciuitatis: senatus, quod cum in recitando senatu censores primum legissent: ciuitatis, ob summos honores eximia cum laude administratos. erat autem ferè, qui princeps senatus, idem ciuitatis: quod censores principem eum legere solerent, cuius inter omnes ciues dignitas emineret. M. Scaurum: è patricia Aemiliorum gente, magni animi uirum, & constantiae laude insignem. epist. fam. lib. I. et Pedianus 68: Scurrarum: homines intemperantes, nullam pudoris partem retinentes, scurras à similitudine nominat: quod scurræ impudentes sunt, nec in facetijs modum seruant. Sororis adultero: uxoris L. Luculli, qui Tigranem Mithridatemq; acie uicit. pro Milone, Plutarchus in Lucullo, Cæsare, Cicerone. Velleius lib. II. Stuprorum sacerdote: iocose: quod, ut Pompeiâ C. Cæsaris uxorem stupraret, ad aras Bonæ deæ quasi sacerdos accessisset: ut, quemadmodum sacrorum sacerdotes sunt, sic ipse stuprorum sacerdos esset. simile illud libro I. ad Atticum 16: M. Luculli uxore Memmius suis sacris initiauit. historiam hac de re nemo paulo humanior ignorat. Testamentario: de corruptis aut suppositis à Clodio testamentis nihil, quod cum hoc loco consentiret, hætenus inuenimus; sed in eum, cuius esset ad omne facinus immanis audacia, conuenire nefaria quæque possunt. Quos homines: Clodium,

II  
Clodium  
tissimi c  
tarcho sc  
excusat Pe  
amici non  
gnatum de  
cerum licu  
auspiciæ  
tribunum  
xime, et in  
sa fuisse, qu  
nes detulern  
dit in ea pro  
insensum C  
cero contra  
gatus in Ga  
quasi de Clo  
at, quod in  
no esse uolu  
ipse ponit, e  
rem duabus  
piendis: d  
me eiciende  
Cisalpinam  
exercitu in  
maximur  
liares. P  
tone. De  
Præstie:



*Clodium, Pisonem, Gabinium. Optimi & fortissimi ciues: maxime L. Lucullus: ut in Plutarcho scriptum est. Quoad licuit: latenter excusat Pompeium, quod aliquando sibi officium amici non præstiterit, nec à Clodio inique oppugnatum defenderit. non enim ei per Cæsarem socerum licuit: qui, ut ea, quæ consul contra leges & auspicia gesserat, confirmarentur, alienare à se tribunum pl. popularem nolebat. infra, & proxime, et in Pisonem. Nullo meo merito: falsa fuisse, quæ ab illo in Cæsarem dicta certi homines detulerunt, & hic significat, & aperte ostendit in ea pro domo sua. Plutarchus autem non ideo infensum Ciceroni Cæsarem fuisse dicit, quia Cicero contra eum locutus esset, sed quia cum eo legatus in Galliam ire, quod pollicitus iam erat, quasi de Clodio nihil timens recusasset. Velleius ait, quod inter x x. viros diuidendo agro Campano esse uoluisset. ego eam causam, quam Cicero ipse ponit, quam & Suetonius confirmat, ueriores duabus reliquis existimo. In consiliis capiendis: de pernicie mea. In regerenda: in me eiciendo. Vnum: C. Cæsarem: qui Galliam Cisalpinam, quæ Italiae pars olim fuit, cum exercitu imperioq; obtinebat. Exercitum maximum: legiones quatuor, præter auxiliares. Plutarchus in Pompeio, Cæsare, Caetone. Duos: Cn. Pompeium, M. Crassum. Præesse: magistratus habere. Facturos: ut ipsum*



COMMENTARIUS

ipsum, si opus esset, adiuuarent in re gerenda. Iudicium populi: populum enim in causa capitali, centuriatim coactum, iudicem esse oportebat: idq; & sacratis legibus, & xii. tabulis sancitum erat. quod infra patet, & libro de legibus iii. Legitimam: si non ad populum, et ante aliquem magistratum, publicumue consiliū. Disceptionem: propria uox ad explicandā inter litigantes contentionem. itaque in epistola ad Metellum, Nihil, inquit, illi tam propositū fuit, quā me non iudicio, ac disceptione, sed ui, atque impressione euertere. et pro Plancio his uerbis: Erat non iure, non legibus, non disceptādo decertandum. Causæ dictionem: ciuem enim Romanum indicta causa condemnari, leges uetabant. quo nomine & ipse Cicero à P. Clodio tribuno pl. lege lata pulsus est. coniuratos enim, indicta causa, necari è s. c. iusserat. Vim, arma, exercitus, imperatores, castra: duo prima uerba ad ipsum Clodium, tria postrema ad Cæsarem refero. Vana: quæ nihil ueri contineret. Eorum taciturnitas: nam etsi, cum tacerent, quid sentirent, intelligi non poterat: mouebar tamen, quia tacendo loqui uidebantur, inficiando confiteri. pro Plancio.

ORATIO.

QVI quanquam ob aliam causam tacebant, tamen hominibus omnia timentibus tacendo loqui, non inficiando confiteri

IN O  
teri uidet  
more per  
mnes res  
coribus,  
pibus ciu  
pularē a  
bi propio  
quebantur  
libus mea  
cebat: & e  
rabat, neq  
suscepta d  
uirum, stud  
conseruanc  
adeam rem  
set cautior  
medomi p  
ei suspicio  
nunciis, al  
ille, cum a  
ne quid me  
uendum pu  
maxime igt  
seiratum p  
cum imper  
tus; inq; ex  
mici mei fi  
uiderem,  
natum, sit



geri uidebantur. illi autem aliquo tum ti-  
 more perterriti, quòd acta illa, atque o-  
 mnes res superioris anni labefactari à præ-  
 toribus, infirmari à senatu atque princi-  
 pibus ciuitatis putabant, tribunum po-  
 pularem à se alienare nolebant, suaq; si-  
 bi propiora pericula esse, quàm mea, lo-  
 quebantur. Sed tamen & Crassus à consu-  
 libus meam causam suscipiendam esse di-  
 cebat: & eorum fidem Pompeius implo-  
 rabat, neque se priuatum causæ publice  
 susceptæ defuturum esse dicebat. quem  
 uirum, studiosum mei, cupidissimum reip.  
 conseruandæ, domi meæ certi homines  
 ad eam rem compositi monuerunt, ut es-  
 set cautior; eiusq; uitæ à me insidias apud  
 me domi positas esse dixerunt; atque hâc  
 ei suspiciônem alii litteris mittendis, alii  
 nunciis, alii coram ipsi excitauerunt; ut  
 ille, cum à me certe nihil timeret, ab illis,  
 ne quid meo nomine molirentur, sibi ca-  
 uendum putaret. Ipse autem Cæsar, quem  
 maxime ignari homines ueritatis mihi es-  
 se iratum putabant, erat ad portas, erat  
 cum imperio: erat in Italia eius exerci-  
 tus; inq; eo exercitu ipsius tribuni pl. ini-  
 mici mei fratrem præfecerat. Hæc ego cū  
 uiderem, (neque enim erant occulta) se-  
 natum, sine quo ciuitas stare non posset,  
 omnino



COMMENTARIVS

omnino de ciuitate esse sublatum; consules, qui publici consilii duces esse deberent, perfecisse, ut per ipsos publicum consilium funditus tolleretur; eos, qui plurimum possent, opponi omnibus concionibus, falso, sed formidolose tamen, auctores ad perniciem meam; conciones haberi quotidie contra me; uocem pro me, ac pro reip. neminem mittere; intenta signa legionum existimari ceruicibus ac bonis uestris, falso, sed putari tamen; coniuratorum ueteres copias, & effusam illam ac superatam Catilinæ manum importunam, nouo duce, & insperata commutatione rerum esse renouatam: hæc cum uiderem, quid agerem iudices? scio enim, tum non mihi uestrum studium, sed meum prope uestro defuisse.

COMMENTARIVS.

Ob aliam causam tacebant: hæc ad Cæsarem potius causa pertinebat, quàm aut ad Pompeium, aut ad Crassum. cum enim uehementer timeret Cæsar, ne, quæ anno superiore contra auspicia peregerat, ea non à consulibus Pisone & Gabinio, quorum alterum socerum, alterum suis partibus addictum habebat, sed à prætoribus infirmarentur: tribunum pl. P. Clodium alienare à se nolebat. is enim prætoribus, de tollendis Cæsaris



ris actis rogationem ferentibus, uel intercessione poterat, quia tribunus pl. erat, uel, quia facinorosus & audax, etiā uel armisq; resistere. hanc igitur ob causam Cæsar tacebat. Crassus autem & Pompeius, quia Cæsari fauebant, alter amicitia & coitione in rempublicam facta, alter etiam afinitate deuinctus. Acta illa: ea, quæ proximo anno consul gesserat. qua de re in oratione in Pisonē his uerbis: Adducta res in certamen te consule putabatur, utrū, quæ superiore anno ille gessisset, manerent, an rescinderentur. Labefactari: rescindi; quod in legibus ferendis neque auspiciorum neque ueterum legum habita ratio esset. Prætoribus: C. Memmio L. Domitio Ahenobarbo: de quibus hæc in Suetonii Iulio scripta sunt: Functus consulatu, C. Memmio, L. Domitio prætoribus de superioris anni actis referentibus, cognitionem senatui detulit: nec illo suscipiente, triduoq; per irritas altercationes absumpto, in provinciam abiit: & statim quæstor eius in præiudicium aliquot criminibus arreptus est. & in Nerone. Huius filius prætor Cæsarem abeuntem consulatu, quem aduersus auspicia legesq; gessisse existimabatur, ad disquisitionem senatus uocauit. Infirmari à senatu: si decerneret, leges omnes à Cæsare consule, aut à tribuno pl. illius satellite Vatinio contra auspicia esse latis: quod olim de legibus à tribuno pl. M. Liuius Drusus latis decretum erat. Peditanus 56. Principibus ciuitatis: Cæsaris



COMMENTARIUS

Cæsaris inimicos intelligit, M. Bibulum, M. Catonem, L. Domitium; item alios, opinor, viros bonos, ut L. Cottam, P. Seruilium Isauricum, Q. Hortensium, forte & duos Lucullos, Pompeii ob ereptam Mithridatici belli gloriam inimicos. Tribunum popularem: quia, cum à patricius ad plebem transiit, magnam à populo gratiam iniit. Suaq; sibi propiora esse pericula, quàm mea, loquebantur: hoc, ut proxima superiora, ad Cæsarem spectat: cuius erant illa acta, quorum causa timebat. itaque in Pisonem, Fuit, inquit de Cæsare, sibi amicior, quàm mihi. Publice susceptæ: à consulibus. in Pisonem. Compositi monuerunt: compositi, fraude & insidiis consulum: monuerunt, litteris, & nunciis ij, qui familiares non erant; coram autem ii, quibus iure familiaritatis hoc licebat: de quibus loquitur in ea in Pisonem. Meo nomine: ueritus est, ne illi ipsi, à quibus monebatur, aliquid in ipsum molirentur; quòd fore sperarent, ut homines id à Cicerone commissum existimarent, à quo insidias eius uitæ positas prædixerant. Ignari homines ueritatis: non ideo tacuisse Cæsarem significat, quia sibi esset inimicus, sed quia, ne acta sua rescinderentur à pratoribus, timeret. Erat ad portas: non enim prius ad bellum profectus est Cæsar, quàm Ciceronem Clodius Italia expulit. quod à Plutarcho scriptum est. Fratrem: Ap. Pulchrum, qui

IN C  
qui legati  
cum uid  
ta: genus  
dem enim  
ta: separa  
cuius in im  
sed casu, e  
ri: cum e  
locutus sit  
rant obscur  
Qua cum e  
merem: neq  
ci consilii  
appellat, se  
num ordina  
pem ordina  
tres illos,  
num: Cæsa  
le: quòd iis  
quare cupier  
ad Lentulum  
me seruare e  
rim. Nec al  
contendere  
armis? u  
inertes:  
medicina  
quid deit



qui legatus fuit in exercitu Caesaris. Hæc ego cum uiderem: neque enim erant o occulta: genus loquendi Græcis quoque usitatum. iisdem enim uerbis usus est Demosthenes in ea *περὶ τῆς σεφάνης*: ταῦτα δὲ ὁρῶν ὁ φίλιππος: ὃ γὰρ ἦν ἀφανῆ. cuius in imitationem non de industria, ut opinor, sed casu, & ex legendi consuetudine Cicero incurrit: cum etiam in epistola ad Lentulum itidem locutus sit. Quæ cum uiderem: neque enim erant obscura. nec dissimiliter in agraria x i.

Quæ cum ego non solum suspicarer, sed plane cernerem: neque enim obscure gerebantur. Publici consilii: senatus: quem diuersis nominibus appellat, senatum, publicum consilium, summum ordinem, amplissimum ordinem, principem ordinem. Eos, qui plurimum possent: tres illos, quos proxime nominauit. Legionum: Caesaris. Meum prope uestro defuisse: quod iis, pro ipsius salute contra Clodium pugnare cupientibus, non permisit. ex quo sunt illa ad Lentulum: Meos ciues, & a me seruatos, & me seruare cupientes, armatis seruis obiici noluerim. Nec alibi semel idem gloriatur.

## O R A T I O.

Contenderem contra tribunum pl. priuatis armis? uicissent improbos boni, fortes inertes: interfectus esset is, qui hac una medicina sola potuit à reip. peste depelli. quid deinde? quid reliquiarum restaret?  
quid



COMMENTARIVS

quid denique? erat dubium, quin ille sanguis tribunicius, nullo presertim publico cōsilio profusus, consules, ultores, & defensores esset habiturus? cum quidem in concione dixisset, aut mihi semel per-eundum, aut bis esse uincendum. quid erat, bis uincere? id profecto, ut, cum amentissimo tribuno pl. cum decertassem, cum consulibus, ceterisq; eius ultoribus dimicarem. ego uero, si mihi uni per-eundum fuisset, ac non accipienda plaga, mihi insanibilis, illi mortifera, quam reip. imposuisssem semel perire tamen, iudices, maluisssem, quàm bis uincere. erat enim illa altera eiusmodi contentio ut neque uicti, neque uictores remp. tenere possemus. quid, si in prima contentione, uī tribunicia uictus, in foro cum multis bonis uiris concidisssem? senatum consules, cerdo, uocassent, quem totum de ciuitae delerant: ad arma uocarent, qui ne uestitu quidem defendi remp. siuissent: à tribuno pl. post interitum meum discedissent, qui eandem horam meæ pestis & suorum præmorum esse uoluissent.

COMMENTARIVS.

Hac una medicina: aduersus enim illius furorem non satis in iudiciis & legibus esse præsidii, sæpe  
res



res docuerat. Sola: cum dixerit, Hæc una; uidetur abundare, sola. sed non est ita. nam, ut res augeatur, ita loqui Cicero solitus est. de quo infra, his uerbis: *Vnus est solus inuentus, qui ab hac tam impensa uoluntate bonorum palam dissideret.* Et in ea in Pisonē, his uerbis: *Ciues Romani, qui in his locis negotiantur, te unum, solum, suum depeculatorem, nexatorem, prædonem, hostem uenisse senserunt.* A' reip. peste: ab ea peste, quam Clodius reipublicæ importabat. Accipienda plaga: locus obscuratur mendo: maximeq; corruptam suspicor dictionem, Illi.

Quàm bis uincere: quandoquidem sine magna ciuium strage uincere non possem. Illa altera: cum consulibus. Neque uicti: quia, bonis ciuibus interfectis, respublica stare non poterat. qui enim superessent? non ad seruos res uenisset? quod ipse, quasi ad huius loci expositionem, infra dixit. Neque uictores: grauem enim plagam è cæde consulum accepisset respublica, pessimo exemplo in ciuitatem inducto.

Eandem horam: quia, ut ait infra, eodem die, atque etiam eadem hora leges duæ, altera de Ciceronis pernicie, altera de prouincijs consulum, latæ sunt.

## O R A T I O.

Vnum enim mihi restabat illud, quod forsitan non nemo uir fortis, & acris animi magniq; dixerit: restitisses: repugnasses:

H mor-



COM MENTARIVS

mortem pugnans oppetisses : de quo te ;  
 te , inquam , patria obtestor , & uos pena-  
 tes patriiq; dii ; me uestrarum sedium  
 templorumq; caussa , me propter salutem  
 meorum ciuiũ , quæ mihi semper fuit mea  
 carior uita , dimicationẽ cædemq; fugisse .  
 etenim si mihi , in aliqua naue cū meis ami-  
 cis nauiganti , hoc , iudices , accidisset , ut  
 multi ex multis locis prædones clasibus  
 eam nauem se oppressuros minitarentur ,  
 nisi me unũ sibi deditissent ; si id uectores  
 negarent , ac mecum simul interire , quàm  
 me tradere hostibus , mallent : iecissem  
 me ipse potius in profundum , ut ceteros  
 conseruarem , quàm illos mei tam cupi-  
 dos non modo ad certam mortem , sed  
 in magnum uitæ discrimen adducerem .  
 cum uero in hanc reip. nauem , ereptis se-  
 natui gubernaculis , fluitantem in alto  
 tempestatibus seditionum , ac discordia-  
 rum , armatæ tot classes , nisi ego unus de-  
 ditus essem , incursuræ uiderentur ; cum  
 proscriptio , cædes , direptio denuncia-  
 rentur ; cum alii me suspicione periculi  
 sui non defenderent , alii uetere odio bo-  
 norum incitarentur , alii inuiderent , alii  
 obstare sibi me arbitrarentur , alii ulcisci  
 dolorem suum aliquem uellent , alii rem  
 ipsam publicam , atque hunc bonorum  
 statum ,



statum, ociumq; odissent, & ob hasce  
causas, tot, tamq; uarias, me unum depo-  
scerent: depugnarem potius cum sum-  
mo, non dicam exitio, sed periculo cer-  
te uestro, liberorumq; uestrorum, quam  
non id, quod omnibus impendebat, unus  
pro omnibus susciperem, ac subirem? ui-  
cti essent improbi: at ciues, at ab eo pri-  
uato, qui sine armis etiam remp. consul  
conseruaret. sin uicti essent boni, qui su-  
peressent? non ad seruos uidetis rem uen-  
turam fuisse?

## COMMENTARIUS.

De quo te, te, inquam, patria obtestor:  
quod obiici nobis ab aduersario potest, id, prae-  
ripere, & aut argumento refellere, aut excusando  
eleuare, oratoriae artis est. quare cum hoc loco  
Cicero illa, quae sibi exprobari posse intelligebat,  
*κατὰ τὴν προσωποποιήσαν* induxisset, illa, inquam,  
Restitisses, repugnasses, mortem pugnans oppe-  
tisses: conuersus ad patriam, deosq; penates ac  
patrios, ignominiam auertit iureiurando. quod  
facere solemus, cum peccatum, aut infamiam in  
nos coniectam redarguere testibus non licet. ita-  
que & Virgilianus Aeneas, ueritus ne sibi uitio  
daretur, quod extrema illa nocte, cum Achiuo-  
rum manu Troia caderet, multis circa se uiris for-  
tibus interfectis, ipse quoque mortem pugnans  
non appetisset, ad ignauiae, timiditatisq; tollen-

H 2 dam



COMMENTARIVS

dam suspicionem illa prouinciat :

*Iliaci cineres , & flamma extrema meorum ,  
Testor , in occasu uestro nec tela , nec ullas  
Vitauisse uices Danaum ; & , si fata fuissent  
Ut caderem , meruisse manu .*

**V**estrarum sedium , templorumq; caussa : ne  
homines impij ac nefarij , è pugna ciuium occasio-  
ne arrepta , uestris sedibus , ac templis sceleratas  
faces inferrent . Si mihi in aliqua naue cum  
meis amicis nauiganti : argumentum à mi-  
nori : quoniam in naui minus est , quàm in re-  
publica ; & in aliquot amicis , quàm in maximo  
bonorum ciuium numero . Vectores : non nau-  
tas , qui & uehunt nauem , & uehuntur ipsi ; sed  
eos , qui uehuntur tantum , amicos uidelicet suos .  
**C**um uero in hanc reipublicæ nauem : nisi  
ante iam de naue meminisset , haud satis uerecun-  
da trallatio uideretur . non enim repente & cum  
impetu irrumpit , sed pedetentim & placide in  
orationem ingreditur metaphora , presertim ubi  
paulo illustrior est , nec uno , aut altero uerbo ter-  
minatur . quare non offenduntur nouitate au-  
res nostræ , cum , in hanc reipublicæ nauem , au-  
diunt : nihil enim ad illas accidit insolens , cum na-  
uis mentionem proxime senserint . neque solum  
non offenduntur , sed etiam , cum id , quod expe-  
ctarunt , iis infunditur , delectantur , & uolupta-  
tis quadam quasi titillatione perfruuntur . quan-  
do autem expectare uidentur aures ? tum scilicet ,  
cum



cum is, qui metaphoram inducturus est, aditum sibi prius & uiam ad nouæ rei mentionem similitudine patefacit: ut hic: Etenim si mihi in aliqua naue cum meis amicis nauiganti: quasi dicat: Quemadmodum amicorum mecum nauigantium uitam libenter interitu meo conseruarem; sic ego uos discessu meo à dimicatione ac cæde liberaui: ut igitur amicis in illa naui consulere; sic in hac rei publicæ naue, hoc est in ipsa rep. tanquam naue periclitante, ciuibus consultum à me uolui. nec est prætermittendum, quod in illo suo pererudito, atque aureo libello Demetrius notauit, cum à principe ciuitatis ad gubernatorem nauis, aut ad aurigam apte metaphoram deducatur; propterea quod omnes hi rectores sunt; recte etiam, cum de ciuitate, aut de republica loquimur, à naui, aut etiam à curru metaphoram posse capi. Ereptis senatui gubernaculis: à consulibus destituto: qui senatus quasi quadam gubernacula sunt. Fluitantem: recte apposuit id, quod nauibus gubernaculo priuatis in tempestate solet accidere. fluitant enim, neque cursum tenent. Armatae tot classes: perditorum ciuium exercitus. Proscriptio: proscribuntur ij, quorum interfectoribus, proposita tabula, præmia promittuntur. quibus interfectis, eorum bona publicantur. ideo, cū dixisset Cicero, Proscriptio, recte subiunxit, cædes, direptio. hæc enim proscriptionem consequuntur. respexit ad Syllani tem-



poris proscriptionem. Suspicionem periculi sui: bonos viros intelligit: qui cum eum defensum omnes cuperent, metu tamen perterriti deseruerunt. Vetere odio bonorum: improborum civium duplex odium fuisse significat, in homines, & in statum civitatis: in homines, ut hic ostendit: in statum civitatis, ut infra, cum ait, Alij rem ipsam publicam, atque hunc bonorum statum, oculumque odissent. Inuiderent: novi enim hominis gloriam vix ferebant. Obstare: quia contra extraordinarias potentias libere loqueretur. Dolorem suum: ex aliqua Cicero-  
nis iniuria susceptum. & hoc in C. Caesarem praecipue coniectum uideri potest: qui etiam P. Clodius, iracundia ac dolore percitus, ad plebem traduxerat pro domo sua, Suetonius in Iulio. Non dicam, exitio: poterat enim accidere, ut uinceremus: sed erat admodum periculosa uictoria. Impendebat: quid? perniciēs, si uinceremur. Susciperem: uoluntario discessu, omisso dimicandi consilio. Conseruarat: patefacta, & oppressa coniuratione.

ORATIO.

An mihi ipsi, ut quidam putant, fuit mors æquo animo oppetenda? quid? tum mortem ne fugiebam? an erat res ulla, quam mihi magis optandam putarem? aut, ego illas res tantas in tanta improborum multitudine cum gerebam, non mihi mors, non



IN ORAT. PRO SEXTIO. 60

non exilium ob oculos uersabantur? non hæc denique à me tum, tanquam fata, in ipsa re gerenda concinebantur? an erat mihi in tanto luctu meorum, tanta disunctione, tanta acerbitate, tãta spoliatione omnium rerum, quas mihi aut natura, aut fortuna dederat, uita retinenda? tã eram rudis? tam ignarus rerum? tã expers consilii, aut ingenii? nihil audierã? nihil uiderã? nihil ipse legendo quærendoq; cognoueram? nesciebam uitæ breuem esse cursum, gloriæ sempiternum? cum esset omnibus definita mors, optandum esse, ut uita, quæ necessitati deberetur, patriæ potius donata, quàm reſeruata naturæ, uideretur? nesciebam inter sapientissimos homines hanc contentionem fuisse, ut alii dicerent animos hominum sensusq; morte restringui; alii autem, tum maxime mentes sapientum ac fortium uirorum, cum è corpore excessissent, sentire, ac uigere? quorum alterum fugiendū non esse, carere sensu; alterum etiam optandum, meliore esse sensu. Denique cū omnia semper ad dignitatem retulissem, nec sine ea quidquam expetendum esse homini in uita putassem; mortem, quam etiam uirgines Athenis, regis, opinor, Erechthei filiæ, pro patria contempsisse dicuntur,

H 4 ego,



COMMENTARIUS

ego, uir consularis, tantis rebus gestis, timere? presertim cum eius essem ciuitatis, ex qua Q. Mucius solus in castra Porsenæ uenisset, eumq; interficere proposita sibi morte conatus esset: ex qua P. Decius primum pater, post aliquot annos patria uirtute præditus filius se, ac uitam suam instructa acie pro salute populi R. uictoriaq; deuouisset: ex qua innumerabiles alii, partim adipiscendæ laudis, partim uitandæ turpitudinis causa, mortem in uariis bellis æquissimis animis oppetissent: in qua ciuitate ipse meminisse patrem huius M. Crassi, fortissimum uirum, ne uideret uictorem uiuus inimicum, eadem sibi manu uitam exhausisse, qua mortem sæpe hostibus obtulisset.

COMMENTARIUS.

Illas res tantas: in consulatu gestas. Hæc: que sum perpeffus. Concinebantur: ut à uate facta pronunciante. est enim canere uerbum de futura prædicentibus usurpatum. unde illud in Catilinam: Quæ ita nobis consulibus facta sunt, ut hæc, que nunc sunt, canere dii immortales uiderentur. & Virgilius libro, ut opinor, secundo, Sola mihi tales casus Cassandra canebat. Aut natura, aut fortuna: liberos natura, rem fortuna dat. utrunque significat. Quærendo q;: percunctando à peritis. nam tum à libris, tum



tum à uiua hominum uoce doctrina comparatur. Sapiientissimos homines: non puto Platonem & Aristotelem significari. quin, utrunque in animorum immortalitate consentire, Græci omnes interpretes, præter unum Alexandrum, existimant. ex una igitur parte Platonem, & opinor, Aristotelem, de animorum æternitate idē sentientes, posuit: ex altera Epicurum, quiq; & ante, & post in ea hæresi fuerunt. Regis Erechthei filiæ: de quibus apud Aristidem ita scriptum legimus ἐν τῷ παναθηναϊκῷ. λέγεται γὰρ Ἐρεχθίδης μὲν ἐν τῷ πρὸς Ἀμολπον πολέμῳ τὴν θυγατέρα ὑπὲρ τῆς πόλεως ἐπιδύναι, τοῦ θεῦ χηίσαντος, προσαγαγὰν δ' αὐτὴν κοσμήσασα ἡ μητὴρ ὥς περ εἰς θεορίαν πέμπουσα. quo in loco interpres hæc adscribit. τὴν θυγατέρα, τὴν ἄγλαυρον λέγει: περὶ ἧς δημοδένης ἐν τῷ περὶ παραπρεσβείας: καὶ τῶν ἐφήβων τῆς ἀγλαύρου ὄρκον. αἱ δὲ ταύτης ἀδελφαὶ σιωνεῖλον ἑαυτὰς τῇ ἀδελφῇ, ἥ τε ἔρση, καὶ ἡ πανδρώση. ὄρκῳ γὰρ ἀλλήλας κατέκλεισαν κοινωνεῖν ἐν ἀπασι πρὸς αὐτάς. ex utriusque uerbis, & quæ fuerint Erechthei filiæ, cognoscitur, et qua de caussa mortem obierint. præterea hic ipse noster in III. de natura deorum, In plerisque ciuitatibus, inquit, intelligi potest, augendæ uirtutis caussa, quo libentius reipublicæ periculū adiret optimus quisque, uiuorum fortium memoriam honore deorum immortalium consecratam. ob eam enim ipsam causam Erechtheus Athenis, filiæq; eius in numero



mero deorum sunt. Tusculana autem quaestio-  
 ne prima, Repetunt, inquit, ab Erechtheo: cu-  
 ius etiam filia cupide mortem expetuerunt pro  
 uita ciuium. Et de finibus lib. v. Quis urbis con-  
 seruatore Codrū, quis Erechthei filias non ma-  
 xime laudat? Præterea in funebri oratione pro mi-  
 litibus Atheniensibus, quæ λόγος ἐπιτάφιος inscri-  
 bitur, ἦδεσαν ἅπαντες ἐρεχθεῖ δαι τὸν ἐπώνομον αὐ-  
 τῶν ἐρεχθεῖα ἔνεκα τῆ σωσαι τὴν χῶραν τὰς αὐτῆ παῖ-  
 δας, ἃς ὑακινθίδας καλῶσιν, εἰς πρῶτον θάνατον  
 δόντα ἀναλῶσαι. Q. Mucius: historia patet a-  
 pud Liuium lib. i. i. Pater: qui se Latino bello in  
 armatas iecit hostium cateruas. Liuius lib. vii. i.  
 Post aliquot annos; Etrusco bello. Liuius  
 lib. x. tertium Decium hic omisit: qui & ipse,  
 patris auiq; exemplum secutus, Pyrrhi bello,  
 quod aduersus Romanos pro Tarentinis gessit,  
 mortem pro salute patriæ pugnans oppetiit, duos  
 etiam tantum nominat in i. Paradoxo. at lib. i. i.  
 de finibus, tres commemorat. Patrem huius  
 M. Craffi: eius, qui periit in Parthis. Inimi-  
 cum: L. Cinnam. Illa audiuius, inquit, in  
 oratione pro Scauro, hoc uero meminimus, ac pe-  
 ne uidimus, eiusdem stirpis ac nominis P. Cras-  
 sum, ne in manus incideret inimicorum, se ipsum  
 interemisse. Et Pedianus hæc adiungit. Hic Cras-  
 sus fuit pater Craffi eius, qui æmulus potentia Cn.  
 Pompeij fuit. periit autem in dominatione L. Cin-  
 na: In proæmio autem lib. i. i. de oratore. Non,  
 inquit



inquit L. Crasso, propinquum suum, maximi ani-  
mi uirum, suapte interfectum manu uidit. Idem  
& in epitome Liuiana lib. LXXX.

## O R A T I O.

**H**AEC ego, & multa alia cogitans, hoc ui-  
debam; si causam publicam mea mors pe-  
remisset, neminem unquam fore, qui au-  
deret suscipere contra improbos ciues  
reip. salutem: itaque non solum si ui in-  
terissem, sed etiam si morbo extinctus es-  
sem, fore putabam, ut exemplum reip.  
conseruandae mecum simul interiret. quis  
enim unquam, me a senatu populoque; Re-  
tato bonorum omnium studio restituto,  
quod certe, si essem interfectus, accide-  
re non potuisset, ullam reip. partem cum  
sua minima inuidia auderet attingere?  
seruaui igitur reip. discessu meo, iudices:  
eadem a uobis liberisque uestris, uastita-  
tem, incendia, rapinas meo dolore lu-  
ctuque depuli, & unus remp. seruaui, se-  
mel gloria, iterum aerumna mea. neque  
enim in hoc me hominem esse inficiabor  
unquam, ut me optimo fratre, carissimis  
liberis, fidisima coniuge, uestro conspe-  
ctu, patria, hoc honoris gradu sine dolo-  
re caruisse glorier. quod si fecissem; quod  
a me beneficium haberetis, cum pro uo-  
bis ea, quae mihi essent uilia, reliquissem?  
hoc,



COMMENTARIUS

hoc, meo quidem animo, summi in patriam amoris mei signum esse debet certissimum, quòd, cum abesse ab ea non possem sine summo dolore, hunc me perpeti, quàm illam labefactari ab improbis, malui.

COMMENTARIUS.

Cum sua minima inuidia: *quis non modo cum maxima, sed ne minima quidem sua cum inuidia, ullam reipublicæ partem suscipere ausus esset, cū discessum meum miserrimum luctuosumq; uidisset, reditum autem gloriosum, me ante extincto, uidere non potuisset? Vastitatem: uastare, non est rapere, sed rapere simul, & destuere. Semel gloria, iterum ærumna mea: gloriâ coniurationis oppressæ, ærumnam exilii sui significat. Me hominem esse: hoc totum, & in ea scriptum est pro domo sua. Hoc honoris gradu: nullum tunc administrabat magistratum: sed honorem & dignitatem illam dicit, qua post magistratus egregie gestos uiri præstantes in patria fruuntur. Labefactari: quod factum esset, si dimicare potius, quàm cedere maluissem.*

ORATIO.

MEMINERAM, iudices, diuinum illum uirum, atque ex iisdem, quibus nos, radicibus natum ad salutem imperii huius, C. Marium, summa senectute, cum prope uim iustorum armorum profugisset, primo  
senile

senile  
merfunt  
simorun  
diam co  
cum on  
oras Af  
que ille  
incertis  
seruauit  
ti in sena  
loreip. u  
consulari  
exteris n  
ne, si me  
didissem  
tuto, uiu  
publicæ  
quod si in  
relligit in  
turam? n  
tium, nat  
funt, ut p  
caros esse  
uictoria  
ciuium c  
odacium  
hendum,  
terinend  
ces, perd



senile corpus paludibus occultasse de-  
mersum, deinde ad infimorum ac tenuis-  
simorum hominum Minturnis misericor-  
diam confugisse, inde nauigio perparuo,  
cum omnes portus, terrasq; fugeret, in  
oras Africæ desertissimas peruenisse. at-  
que ille uitam suam, ne inultus esset, ad  
incertissimam spem, & ad reip. statum re-  
seruauit: ego, qui, (quemadmodum mul-  
ti in senatu me absente dixerunt) pericu-  
lo reip. uiuebam, quiq; ob eam causam  
consularium litteris de senatus sententia  
exteris nationibus commendabar, non  
ne, si meam uitā deseruissem, remp. pro-  
didissem? in quo quidem nunc, me resti-  
tuto, uiuit mecum simul exemplum fidei  
publicæ, exemplum reip. defendendæ.  
quod si immortale retinetur, quis non in-  
telligit immortalem hanc ciuitatem fu-  
turam? nam externa bella regum, gen-  
tium, nationum iampridem ita extincta  
sunt, ut præclare cum iis agatur, quos pa-  
catos esse patiamur. denique ex bellica  
uictoria non fere quenquam est inuidia  
ciuium consecuta. domesticis malis, &  
audacium ciuium consiliis sæpe est resi-  
stendum, eorumq; periculorum est in rep.  
retinenda medicina: quam omnem, iudi-  
ces, perdidissetis, si meo interitu senatui  
populoq;



COMMENTARIVS  
populoq; R. doloris sui de me declaran-  
di potestas esset erepta.

COMMENTARIVS.

Ex iisdem, quibus nos, radicibus: *uterque enim Arpini natus est. Summa senectute: hanc enim miseriam sustinuit Marius post v 1. cōsulatū, anno ætatis suæ, si Velleio credimus 70. à quo dissentit Plutarchus: qui eum annū agentem 68. periisse tradit. Prope uim iustorum armorum: prope iusta uocat arma, quibus L. Sylla duodecim, ut ait Velleius, nouarum pessimarumq; rerum auctores, inter quos Marium cum filio, & P. Sulpicio tribuno pl. urbe exturbauit. nulla in ciues arma iusta sunt: sed illa prope iusta, Plutarchus, Velleius, Pedianus, epitome Liuii. Paludibus occultasse: historiam apud Plutarchum, Appianum, Velleium, Liuii epitomē licet uidere. Desertissimas: peruenit enim in ea loca, ubi æmula quondā Romane urbis Carthago fuerat, ibiq; uitam inopem in tugurio ruinarum Carthaginiesium tolerauit. Velleius. Incertissimam spem: qui enim ab omni re tum nudus esset, eius incertissima spes, maximeq; dubia uidebatur. Ad reip. statum: ad id tempus, quo, mutatione rerū facta, alius, atque is, qui tunc erat, status reipublicæ uideretur esse. quod cum accidisset, Sylla ad Mithridaticum bellum profecto; ipse suam pristinam dignitatem recuperauit, interfectis ijs, qui Syllæ partes*



partes tuebantur. Periculo reip. cum in mea  
uita periculum adiret respublica, mecumq; simul  
periclitaretur: cum eadem utrique fortuna im-  
penderet: cum accidere mihi ad illa seiunctum ni-  
hil posse uideretur: Consularibus litteris:  
non consulum, sed eorum, qui consules fuerant:  
quorum apud exterarum nationes uigebat auctori-  
tas. Exemplum reip. defendendæ: non enim  
deerunt, qui exemplo meo excitati rempublicam  
defendant: cum, etsi me iniquorum fraude pul-  
sum, eundem tamen ab ipsa republica omnium  
ordinum hominumq; consensu restitutum memi-  
nerint. quod nisi factum esset; exemplum defen-  
dendæ reipublicæ mecum simul interiisset. Re-  
tinenda medicina: quæ ita retinetur, si bonos  
& fortes uiros respublica fouet, & ab impetu in-  
sidiiq; tuetur improborum. nec alienum hoc à  
Sextii causa uidetur: cui propter ea, quæ in tribu-  
natu pl. pro Cicerone, hoc est pro rep. gesserat,  
excitatam accusationis procellam non semel si-  
gnificat.

## O R A T I O.

Quare moneo uos adolescentes, atque hoc  
meo iure præcipio; qui dignitatem, qui  
remp. qui gloriâ spectatis, ne, si qua uos  
aliquando necessitas ad remp. contra im-  
probos ciues defendendam uocabit, se-  
gniores sitis, & recordatione mei casus à  
consiliis fortibus refugiatis. primum nō  
est periculum, ne qui unquam sint in ciui-  
tate



tate eiusmodi consules, presertim si erit  
 his id, quod debetur, persolutum: dein-  
 de nunquam iam, ut spero, quisquam im-  
 probus consilio & auxilio bonorum se op-  
 pugnare remp. dicet, illis tacentibus; nec  
 armati exercitus terrorem opponet to-  
 gatis; neque erit iusta causa ad portas se-  
 denti imperatori, quare terrorem suum  
 falso iactari opponi q; patiatur. nunquam  
 enim erit tam oppressus senatus, ut ei ne  
 supplicandi quidem, ac lugendi sit pote-  
 stas; tam captus equester ordo, ut equi-  
 tes R. à consule relegentur. quæ cum o-  
 mnia, atque etiam multo alia maiora,  
 quæ consulto prætereo, accidissent; ui-  
 detis me tamen in pristinam meam digni-  
 tatem, breui temporis dolore interie-  
 cto, reip. uoce esse reuocatum. Sed ut  
 reuertar ad illud, quod mihi in hac omni  
 est oratione propositum, omnibus malis  
 illo anno scelere consulum remp. esse  
 confectam: primum illo ipso die, qui mi-  
 hi funestus fuit, omnibus bonis luctuo-  
 sus, cum ego me è complexu patriæ, con-  
 spectuq; uestro eripuisssem, &, metu pe-  
 riculi uestri, non mei, furori hominis,  
 sceleri, perfidiæ, telis, minisq; ces-  
 sisssem; patriamq; , quæ mihi erat carissi-  
 ma, propter ipsius patriæ caritatem re-  
 liquisssem;



liquissem; cum meum illum casum tam horribilem, tam grauem, tam repentinum non solum homines, sed tecta urbium, ac templa lugerent, nemo uestrum forum, nemo curiam, nemo lucem aspiceret uellet; illo, inquam, ipso die, die dico? immo hora, atque etiam puncto temporis eodem mihi rei quæ publicæ perniciēs, Gabinius & Pisoni prouincia rogata est.

## COMMENTARIUS.

*Meo iure præcipio: hoc enim ego præter ceteros posse uideor facere; cum omnium maxime, quam grato animo respublica ciues optime meritos amplectatur, in me ipso sim expertus. Mei casus: cum eiectus sum. reditus enim gloria, non discessus calamitas, cogitanda uobis est. Per-solutum: si, ut meriti sunt, ita punientur.*

*Bonorum: bonos uocat, Cæsarem, Pompeium, Crassum: quos excusat, ut in consules & Clodium culpam conuertat uniuersam. iam enim, habendam sibi rationem oculi simul & dignitatis, malo doctus constituerat. itaque, quod eorum animos, qui plurimum poterant, possit offendere, nihil temere pronunciat. Imperatori: quis non uidet Cæsarem significari? Captus: impeditus, infirmus, nullo apud consules loco. spectat enim ad casum L. Lamiæ. Breui: quia per xvii. tantum menses patria caruit, discessit enim ab urbe mense Martio, redijt pri-*

I

die



COMMENTARIUS

die nonas Septembris . Perfidia: quia , cum Pompeio sæpe pollicitus esset , se nihil in tribu-  
tu contra Ciceronem esse acturum , promissio non  
stetit: de quo in epist. ad Att. lib. 11. Rogata est:  
nam & de me , hoc est de ipsa republica , & de  
consulum prouincijs lata lex est .

ORATIO .

Pro dii immortales , custodes , & conserua-  
tores huius urbis , atque imperii , quæ-  
nam illa in rep. monstra , quæ scelera ui-  
distis? cuius erat expulsus is , qui rep.  
ex senatus auctoritate cum omnibus bo-  
nis defenderat , & expulsus non alio ali-  
quo , sed eo ipso crimine : erat autem ex-  
pulsus sine iudicio , ui , lapidibus , ferro ,  
seruitio denique concitato : lex erat lata  
uasto ac relicto foro , & sicariis seruisq;  
tradito , & ea lex , quæ ut ne ferretur , sena-  
tus fuerat ueste mutata . Hac tanta per-  
turbatione ciuitatis , ne noctem quidem  
consules inter meum discrimen , & eorum  
prædam interesse passi sunt . statim , me  
perculso , ad meum sanguinem haurien-  
dum , & spirante etiam rep. ad eius spo-  
lia detrahenda aduolarunt . omitto gra-  
tulationes , epulas , partitionem ærarii ,  
beneficia , spem , promissa , prædam , læti-  
tiam paucorum in luctu omnium . uexa-  
batur uxor mea : liberi ad necem quære-  
bantur:



bantur : gener , & Piso gener , à Pisonis  
 consulis pedibus supplex reiciebatur :  
 bona diripiebantur, eaq; ad consules de-  
 ferebantur : domus ardebat in Palatio :  
 consules epulabantur . quòd si meis in-  
 commodis lætabantur,urbis tamen peri-  
 culo commouerentur. sed ut à mea caus-  
 sa iam recedam; reliquas illius anni pestes  
 recordemini. sic enim facillime perspi-  
 cietis, quantam uim omnium remedio-  
 rum à magistratibus proximis resp. desi-  
 derarit.

## COMMENTARIUS.

Senatus auctoritate : quia senatus decreue-  
 rat , ut uiderent consules , ne quid respublica detri-  
 menti pateretur . Sine iudicio : populi . Va-  
 stato : placet , & quidem maxime , optimi ac  
 doctissimi uiri , & in emendandis libris eximia  
 cum laude uersati , Gabrielis Phaerni coniectu-  
 ra . putat enim , pro , Vastato , legendum , Va-  
 sto . uastus enim locus dicitur is , ubi solitudo est :  
 ut in I I. in Rullum genus agrorum uocat pro-  
 pter pestilentiam uastum , atque desertum . Sta-  
 tim me perculso : statim , lege de me lata , ad  
 mea bona diripienda conuolarunt . post reditum  
 in senatu . Sanguinem : trallationem conti-  
 nuat . sunt enim illa trallata : Me perculso , me-  
 um sanguinem hauriendum , spirante republi-  
 ca , spolia detrahenda . dicit autem , spirante re-

I 2 publica ,



COMMENTARIUS

publica, cum de se ipso loquatur; quia rempublicam una cum ipso perculsam confectamq; esse uult existimari. itaque & proxime, Eadem, dixit, mihi rei; publicæ perniciēs rogata est. & in Pisonem non modo suum, sed etiam patriæ funus appellat. & alibi sæpissime idem significat. Partitionem ærarii: cum Clodio: qui, lege lata de maximis pecuniis Pisoni & Gabinio dandis, quasi euntibus cum exercitu in prouincias necessariae magnopere essent, eas deinde pecunias cum ipsis partibus est. supra, & pro domo sua. Vexabatur uxor mea: quippe quæ etiam ad tabulam Valeriam ducta sit. epist. fam. lib. 14. Piso gener: tres generos habuisse Ciceronem constat, L. Calpurnium Pisonem Frugi, Furium Crassipodem, P. Cornelium Lentulum Dolabellam. qua in re Pediani error deprehenditur, qui in oratione in Pisonem duos fuisse commemorat, Pisonem, & Dolabellam. Crassipedis prænomen ignoratur. Ad consules deferebantur: ad Gabinium uilla Tusculana, ad Pisonem Palatina domus. nam in oratione post reditum in senatu, Domus, inquit, mea diripiebatur, ardebat: bona ad uicinum consulem de Palatio, de Tusculano ad item uicinum alterum consulem deferebantur. & pro domo sua: Cum domus in Palatio, uilla in Tusculano, altera ad alterum consulem transferebatur: columnæ marmoreæ ex ædibus meis, inspectante populo Romano, ad socrum



crum consulis ( sic enim ex oratione in Pisonem  
& ex Pediano correxi ) portabatur : in fundum  
autem uicini consulis non instrumentum , aut fun-  
damenta aulae , sed etiam arbores transfereban-  
tur . In ea uero in Pisonem . At tu , inquit , illo  
ipso tempore apud socrum tuam , cui domum  
meam exhauriendam patefeceras , sedebas .

Urbis tamen periculo commouerentur :  
uel quod ea simul cum salute Ciceronis pericli-  
taretur : uel quod ob ea , quae proxime com-  
memorabit , proprium urbis periculum ageretur .

## O R A T I O .

Legum multitudinem , cum earum , quae la-  
tae sunt , tum uero , quae promulgatae fue-  
runt , dicam ? nam latae quidem sunt con-  
sulis illis tacentibus , immo uero ap-  
probantibus etiam : ut censoria notatio ,  
& grauisimum iudicium sanctissimi ma-  
gistratus de rep. tolleretur : ut collegia ,  
non modo illa uetera , contra S. C. resti-  
tuerentur , sed ab uno gladiatore innu-  
merabilia alia noua conscriberentur : ut,  
remissis semisibus & trientibus , quinta  
prope pars uectigalium tolleretur : ut Ga-  
binio pro illa sua Cilicia , quam sibi , si  
remp. prodidisset , pactus erat , Syria da-  
retur : ut uni heliuoni bis de eadem re de-  
liberandi , & , rogata lege , potestas fie-  
ret prouinciae commutandae . Mitto ea m-

I 3 legem,



COMMENTARIUS

legem, quæ omnia iura religionum, auspiciorum, potestatum, omnes leges, quæ sunt de iure & de tempore legum rogandarum, una rogatione deleuit. Mitto omnem domesticam labem. etiam exterarum nationes illius anni furore conquassatas uidebamus. lege tribunicia Martius Magnæ Pesinuntius ille sacerdos expulsus, & spoliatus sacerdotio est; fanumq; sanctissimarum, atque antiquissimarum religionum uenditum pecunia grandi Brogitaro, impuro homini, atque indigno illa religione, presertim cum ea sibi ille non colendi, sed uiolandi causa appetisset: appellati reges à populo, qui id nunquam ne à senatu quidem postulassent: reducti exules Byzantium condemnati, tum cum indemnati ciues è ciuitate eiiciebantur. Rex Ptolemæus, qui si nondum erat ipse à senatu socius appellatus, erat tamen frater eius regis, qui, cum esset in eadem causa, iam erat à senatu honorem istum consecutus; erat eodem genere, iisdemq; maioribus, eadem uetustate societatis; denique erat rex, si nondum socius, at non hostis; pacatus, quietus, fretus imperio populi R. regno paterno atque auito, regali ocio perfruebatur.

Com-



Promulgatæ: aliquot igitur non perlata, tribuno  
 pl. aliquo, ut opinor, intercedente. quod & in-  
 fra patet, & pro domo sua. Dicam? non du-  
 bitat, utrum dicat, an omittat; sed indicat, le-  
 gum multitudinem oratione uix posse comprehen-  
 di. Ut censoria notatio: hac de Clodij lege  
 sic in oratione in Pisonem: Ab eodem homine,  
 in stupris inauditis nefarijsq; uersato, uetus illa  
 magistra pudoris & modestiæ, censoria seueri-  
 tas sublata est. Quem locum Pedianus sic expo-  
 nit: Tulit P. Clodius tribunus pl. legem, ne quem  
 censores in senatu legendo præterirent, ne ue qua  
 ignominia afficerent, nisi qui apud eos accusatus,  
 & utriusque censoris sententia damnatus esset.  
 Hac Pedianus. Dio autem libro XL. hanc legem  
 à Scipione consule, Magni Pompeij socero, esse  
 abrogatam tradit. Quod autem scriptum est,  
 Censoria notatio, & grauissimum iudicium; non  
 dubito quin rectius sit, Censoria notio. non enim  
 potest esse notatio ante iudicium: sed iudicabant  
 prius censores, quàm notarent. quare primum  
 ipsa me ratio mouet, ut, notio pro notatio, repo-  
 nendum putem: deinde habeo duo in duabus eius-  
 dem orationibus exempla. nam in ea de prouin-  
 ciis consularibus, in extremo fere, Statuendum,  
 inquit, uobis est, legem Aeliam manere, legem  
 Fusiam non esse abrogatam, non omnibus fastis  
 legem ferri licere; cum lex feratur, de calo ser-



COMMENTARIUS

uari, obnunciari, intercedi licere; censorium iudicium ac notionem, & illud morum seuerissimum magisterium non esse nefarijs legibus de ciuitate sublatum. In Pisonem autem: Centum prope annos legem Aeliam & Fusiam tenueramus, quadringentos iudicium notionemq; censoriam: quas leges ausus est non nemo improbus, potuit quidem nemo unquam conuellere. quam potestatem minuere, quo minus de minoribus nostris quinto quoque anno iudicaretur, nemo tam effuse petulans conatus est. Collegia: non sunt eadem iteranda. satis hac de lege, & de collegiorum nomine diximus supra. Vectigalium: lege enim lata, ut frumentum populo, quod antea semis æris, hoc est quadrante, ut uulgo nunc appellantur, cum dimidio, in singulos modios dabantur, gratis daretur, uectigalia quinta fere parte diminuebantur. hanc legem & Saturninus, & ante C. Gracchus tulerat. epitome Liuiana lib. LX. ad Herennium lib. I. & Pedianus. Vni helluoni: ipsi Vatinio; quod esset homo nequam, dissolutus, & intemperantia perditus. De eadem re: de prouincia, uide pro domo sua. Eam legem: quæ legem Aeliam & Fusiam euertit. uide supra. Religionum: nullam enim religionem, cum lex ferretur, impedimento esse uoluit. posuit autem primum genus, deinde speciem. nam inter religiones sunt auspicia. Auspiciorum: ne auspicia ualerent.

Pote-



Potestatum: ne quis intercederet. *supra.*

De iure, & de tempore: de iure, hoc est de auspiciis, erat *Melia*: de tempore, *Fusia*. *Clodius* utranque sua lege deleuit. tulit enim, & ne quis per eos dies, quibus cum populo agi liceret, de cælo seruaret: & ut omnibus diebus fastis legem ferri liceret. *supra.* Omnem domesticam labem: leges de rebus urbanis à *Clodio* latis. & dixit, Omnem: quasi præter ea, quæ iam commemorauit, supersint multa. Tribunicia: *P. Clodii* tribuni pl. *Brogitaro*: Gallo græco. de aruspicum responsis. Cum ea: uel Ea, quæ ad religionem pertinent, quæ illi *Clodius* sua lege assignauit: uel, Eam, lege: ut ad religionem referatur. Ne à senatu quidem: non à populo, sed à senatu reges appellabantur. primum igitur in eo peccat *Clodius*, quòd reges per populum, non per senatum appellat: deinde, quòd eos appellat, qui id nunquam, non modo à populo, sed ne à senatu quidem postularint. satis autem constat, hæc omnia significari à *Clodio* mercede & pretio esse facta. nam & in ea pro domo sua, Si tuus, inquit, scriptor in illo incendio ciuitatis non syngraphas cum *Byzantiis* exulibus, & cum legatis regiis faceret. & proxime infra, Regum appellationes uenales erāt. Condemnati: nimis iniuste, nimis tyrannicæ agit *Clodius*: exules, legibus condemnatos, reducit; ciues eiicit indemnos. in quo se ipsum Cice-



COMMENTARIVS

ro significat. qua de re saepe queritur & in oratione pro domo, & alibi. Ptolemæus: Cypri rex: qui, accepto de lege Clodia nuncio, quæ regnum uniuersamq; regiam gazam publicabat, ipse sibi, ueneno sumpto, mortem intulit. causam regni publicati scripsit Dio lib. xxxviii. quod olim Clodium à piratis captum Cypri rex Ptolemæus redimere nolisset. hac de re & in ea pro domo sua bis. Eius regis: Alexandrini; qui & ipse Ptolemæus uocabatur: de quo in libro epistolarum ad Lentulum. In eadem causa: cum meritis in populum Romanum fratri, Cyprio regi, non præstaret, sed pari cum eo conditione esset. Honorem istum: societatis. unde illa pro Rabirio Postumo: Non ei regi credit, qui alienus ab hoc imperio esset, sed ei, qui cum fædus fieri in Capitolio uiderat. Eadem uetustate societatis: non dicit, socium fuisse cum fratre, uetusta societate: (iam enim hoc negauit) sed utrunque à maioribus ortum uetusta populo Romano societate coniunctis. nam inde ab eo tempore, cum Pyrrhus rex in Italiam transiit, populus Romanus cum Aegypti rege Ptolemæo societatem coierat.

ORATIO.

DE hoc, nihil cogitante, nihil suspicante, eisdem operis suffragium ferentibus, est rogatum, ut sedens cum purpura, & sceptro, & illis insignibus regiis præconi publico

IN O  
blico sub  
lo R. qui  
reddere  
iuria cor  
bus, cur  
multa ac  
bulenta  
ri, quod  
haud sci  
cam. An  
nostri, m  
riq; super  
regnare il  
tarunt, A  
donaueru  
ne graue  
mus, cum  
inferendis  
& ipse per  
hostem hu  
sam Pont  
& à Lucull  
tore, pulsu  
liquis cop  
mansit. hi  
castris sup  
rexit; at  
suo capit  
ratis cert



blico subiiceretur; &, imperante populo R. qui etiam bello uictis regibus regna reddere consuevit, rex amicus, nulla iniuria commemorata, nullis repetitis rebus, cum bonis omnibus publicaretur. multa acerba, multa turpia, multa turbulenta habuit ille annus: tamen illi sceleri, quod in me illorum immanitas edidit, haud scio an recte hoc proximum esse dicam. Antiochum illum magnum maiores nostri, magna belli contentione terra marique superatum, intra montem Taurum regnare iusserunt: Asiam, qua illum multarunt, Attalo, ut is regnaret in ea, condonauerunt. cum Armeniorum rege Tigra ne graue bellum perdiuturnumque gessimus, cum ille, iniuriis in socios nostros inferendis, bello prope nos lacesisset. hic & ipse per se uehemens fuit; & acerrimū hostem huius imperii Mithridatem, pulsum Ponto opibus suis regnoque defendit; & à Lucullo, summo uiro, atque imperatore, pulsus, animo tamen hostili cum reliquis copiis suis in pristina mente permansit. hunc Cn. Pompeius, cum in suis castris supplicem abiectumque uidisset, erexit; atque insigne regium, quod ille de suo capite abiecerat, reposuit; & imperatis certis rebus, regnare iussit; nec minus



COMMENTARIUS

nus & sibi, & huic imperio gloriosum putavit, constitutum à se regem, quam con-  
\* strictum uideri. Tulit gesit, qui & ipse hostis fuit populi R. & acerrimum hostem in regnum recepit, qui confligit, qui signa contulit, qui de imperio pene certavit, regnat hodie, & amicitiae nomen, ac societatis, quod armis uiolarat, id precibus est consecutus. ille Cyprius miser, qui semper socius, semper amicus fuit, de quo nulla unquam suspicio durior aut ad senatum, aut ad imperatores nostros allata est, uiuus (ut aiunt) est, & uidens, cum uictu ac uestitu suo publicatus.

COMMENTARIUS.

Eisdem operis: *quarum suffragio & alias iniquissimas leges Clodius pertulerat*. Nulla iniuria commemorata: nota consuetudinem populi Romani: qui nemini, nisi ob acceptas iniurias, aut ablatas res, bellum aut damnum inferre solitus erat. quod utrunque à Clodio neglectum est. Illum magnum: *Asia regem*: qui, cum multi fuerint Antiochi reges, opibus & potentia cunctis antecelluit, ideo, ut ab alijs distingatur, apposuit, *Illum magnum*. Superatum: à L. Scipione, *Africani maioris fratre*: qui ob eam causam Asiatici cognomen est adeptus. Bello prope: non enim bello Tigranes Romanos laceffiuit: sed, uexandis socijs, quasi bellum inferre



inferre uidebatur . non satis habet Cicero , popu-  
 lum Romanum excusare , qui non laceffit bel-  
 lum intulerit ; sed excusat etiam cum laude , quòd  
 sociorum iniurias suas iniurias duxerit . Acerri-  
 mum : qui bellum per annos quadraginta cum  
 Romanis gesserit . A' Lucullo : qui Mithrida-  
 tem , atque etiam Tigranem ita iunxit , ut Pom-  
 peio , qui successit , non difficiles belli reliquias tra-  
 diderit . unde inimicitiarum inter eos origo fluxit :  
 cum uterque eius belli gloriam ad se traheret . Plus-  
 tarchus , & alij . Constitutum à se regem ,  
 quam constrictum : iucunditatem in uocum  
 similitudine quasiuit . nam constitutum & con-  
 strictum & similiter incipiunt , & similiter desi-  
 nunt . hanc figuram Græci παράσπασμα dicunt .  
 Tullit gessit : apertum mendum . nec dubium  
 est , quin Tigranes significetur . est enim argu-  
 mentum à maiori . si Tigrani , inquit , qui hostis  
 fuit populi Romani , regnum conseruastis : quanto  
 magis Ptolomæo , qui semper socius , semper ami-  
 cus fuit , conseruare debuistis ? postulat igitur sen-  
 tentia , ut pro , tulit gessit , reponatur , Tigranes  
 igitur , uel , igitur is . sed quoniam odi coniecturas ,  
 quæ à litterarum similitudine discedunt ; opem  
 ueterum librorum expectandam censeo . alioqui  
 nihil tentandum . De imperio pene : non om-  
 nino , sed pene actum esset de imperio populi Ro-  
 mani , si , cum Tigranes signa contulit , uictoriam  
 consecutus esset . alios enim exercitus parare ,  
 iterum



COMMENTARIVS

iterumq; belli fortunam experiri nobis licuisset.  
Qui semper socius: non ad ipsum Ptolemaeum,  
sed ad maiores eius referendum est. nam ipse, cum  
Clodius legem tulit, nondum erat socius. dixit  
igitur, semper socius, pro, qui uetustam nobiscum  
societatem habebat: quod maiores eius socij nostri  
semper fuerint. Viuius, & uidens: sumpsit à  
Terentio: apud quem in Eunucho ita loquitur  
Phædria: Prudens, sciens, uiuius uidensq; pereo.

ORATIO.

EN, cur ceteri reges stabilem esse suam for-  
tunam arbitrentur; cum, hoc illius fune-  
sti anni perduto exemplo, uideant per tri-  
bunum aliquem, & sexcentas operas se  
fortunis spoliari, & regno omni posse nu-  
dari. At etiã eo negotio M. Catonis splen-  
dorem maculare uoluerunt, ignari, quid  
grauitas, quid integritas, quid magnitu-  
do animi, quid denique uirtus ualeret:  
quæ in tempestate sæua quieta est, & lucet  
in tenebris, & pulsa loco manet tamen,  
atque hæret in patria; splendetq; per se  
semper; neque alienis unquã sordibus ob-  
solescit. non illi ornandum M. Catonem,  
sed relegandum; nec illi committendum  
illud negotium, sed imponendum puta-  
uerunt; qui in concione palam dixerint,  
linguam se euellisse M. Catoni, quæ sem-  
per contra extraordinarias potestates li-  
bera



bera fuisset. sentient, ut spero, breui tē-  
pore, manere libertatem illā, atque hoc  
etiam, si fieri poterit, esse maiorē, quod  
cum consulibus illis M. Cato, etiam cum  
iam desperasset aliquid auctoritate sua  
proficere posse, tamen uoce ipsa, ac do-  
lore pugnauit, & post meum discessum iis  
Pisonem uerbis, flens meū & reip. casum,  
uexauit, ut illum, hominem perditissi-  
mum, atque impudentissimum, pene iam  
prouinciæ pœniteret. cur igitur rogatio  
ni paruit? quasi uero ille non in alias quo-  
que leges, quas iniuste rogatas putaret,  
iam ante iuravit.

## COMMENTARIVS.

*Maculare: nam regiæ gazæ uendendæ, & pecuniæ  
deportandæ M. Catonem, lege lata, Clodius præ-  
fecit; non ut Catonem ornaret; sed partim ut ui-  
rum fortissimum, & improbis ciuibus insensum,  
à republica remoueret; partim ut, si quis deinde  
legem illam de Cypro publicatā uellet accusare,  
socium, ac defensorem haberet M. Catonem, ut-  
pote qui eius negocij particeps fuisset. quod sane  
ita contigit. pro domo sua, de prouincijs consula-  
ribus, Plutarchus, Velleius. Ignari, &c.  
laudat uirtutem; ut Catoni, uiro innocentissimo,  
et omni laude prædito, nullam ex illo negotio hæ-  
rere infamiam potuisse constet. turpis quidem  
Clodius, qui legem tulit; non tamen turpis Cato,  
qui*



COMMENTARIVS

qui negotium, ea lege impositum, administravit.  
Imponendum: & rei, & hominis causa hoc  
uerbo usus est: ut hoc significet, & rem Catone  
indignam esse impositam, & impositam inuito.  
quod & Dio tradit libro xxxviii. Euellisse:  
sic & in ea pro domo sua, quo modo autem euellisse?  
quia Cato, suscepto & administrato negotio,  
contra leges à Clodio in tribunatu latus pro sua ueteri  
constantia, ac libertate loqui iam non posset:  
quandoquidem inter eas leges esset ea, de Cypro  
publicata: quæ si tolleretur, ea simul, quæ Cato  
in Cypro gesserat, tolli necesse erat. nec sane parum  
callide Clodius cogitauit. nam, quod fore putauit,  
id ipsum euenit; ut Cato, ne, quæ ipse in Cypro  
& Byzantijs egisset, infirmarentur, Clodii  
tribunatum contra Ciceronem defenderet. de quo  
in oratione de prouinciis consularibus, et Plutarchus  
in Cicerone. Post meum discessum: errat igitur  
Plutarchus, qui Catonem ait ante Ciceronem à Clodio  
emissum. Prouinciæ pœniteret: cuius mercede, ac  
pactione inductus, cum Clodio de mea perniciē  
cōsenserat. Paruit? quod in Cyprum iuit.

ORATIO.

NON offert se ille istis temeritatibus, ut,  
cum reip. nihil profit, se ciue remp. priuet.  
consule me, cum esset designatus tribunus pl.  
obtulit in discrimen uitam suā: dixit eam  
sententiam, cuius inuidiam capitis



IN ORAT. PRO SEXTIO. 73

pitis periculo sibi præstādā uidebat: dixit  
uehementer: egit acriter: ea, quæ sensit,  
præ se tulit: dux, auctor, actor rerum il-  
larum fuit: non quo periculum suum non  
uideret: sed in tanta reip. tempestate ni-  
hil sibi, nisi de patriæ periculis, cogitan-  
dum putabat. consecutus est ipsius tri-  
bunatus. quid ego de singulari magnitu-  
dine animi eius, ac de incredibili uirtute  
dicam? meministis illum diem, cum, tem-  
plo à collega occupato, nobis omnibus  
de uita eius uiri & ciuis timentibus, ipse  
animo fortissimo uenit in templum, &  
clamorem hominum auctoritate, im-  
petum improborum uirtute sedauit.  
adiit tum periculum, sed adiit ob caus-  
sam, quæ quanta fuerit, iam mihi dicere  
non est necesse. at, si isti Cypriæ rogatio-  
ni sceleratissimæ non paruisset, hæreret  
illa nihilo minus in rep. turpitude. regno  
enim iam publicato, de ipso Catone erat  
nominatim rogatū. quod ille si repudias-  
set; dubitatis, quin ei uis esset allata, cum  
omnia acta illius anni per illum unum la-  
befactari uiderentur? atque etiam hoc ui-  
bebat: quoniam illa in rep. macula regni  
publicati maneret, quam nemo iam pos-  
set eluere; quod ex malis boni posset in  
rep. prouenire, id utilius esse per se con-  
K seruari,



COMMENTARIVS

seruari, quàm per alios amitti. atque ille, etiam si alia quapiam ui expelleretur illis temporibus ex hac urbe, facile pateretur. etenim qui superiore anno senatu caruisset; quò si tum ueniret, me tamen socium suorum in rep. consiliorum uidere posset: is æquo animo tum, me expulso, & meo nomine cū uniuerso senatu, tum sententia sua condemnata, in hac urbe esse posset? ille uero eidem tēpori, cui nos eidem furori, eisdem consulibus, eisdem minis, insidiis, periculis cesserit. luctum nos hausimus maiorem; dolorem ille animi non minorem.

COMMENTARIVS.

*Designatus tribunus pl. nonis Decembris: quem sepe diem sibi gloriosum, reipublicæ salutarem Cicero nominat, de coniuratis in senatu dictæ sententiæ sunt: factòq; in Catonis sententiam senatus consulto, in carcere necati. hinc apparet, quod in Pediano legitur, falsum esse magistratum iniisse tribunos pl. nonis Decembribus. nam designatum hic apparet fuisse tribunum M. Catonem, quo die dictæ sententiæ sunt de coniuratis: quæ fuisse nonas Decēbris, ex ea pro Flacco, ex epistola M. Bruti, è Salustio, & Plutarcho non dubie constat. primus autem magistratus dies tribunis pl. fuit, IIII. idus Decembris. quod à Dionysio & Liuiο cognouimus. Sibi præstandam.*



dum: ita grauem sibi inuidiam uidebat impen-  
 dere, ut eam subire sine uitæ periculo non posset.  
 subiit tamen, patria uitæ antelata. A collega:  
 Q. Metello Nepote, qui, ut iniquam legem fer-  
 ret, templum occupauit. non tulit autem, Cato-  
 ne cum uitæ periculo resistente. Plutarchus in eius  
 uita. Adiuturum periculum: cum designatus  
 tribunus pl. de coniuratis sententiam dixit. non  
 enim, tum refero ad illum diem, cum collega re-  
 stitit: ob ea, quæ sequuntur, Adiit ob causam,  
 quæ quanta fuerit, iam mihi dicere non est neces-  
 se. quæ de coniuratione Catilinæ dicta esse, facile  
 conicio. Hæreret illa nihilo minus in rep.  
 turpitude: nihilo minus omnia regia bona præ  
 coni subiecta uenissent. cum enim, ut negotium  
 illud Cyprium à Catone administraretur, lata lex  
 est; iam regnum erat publicatum. Quod ex  
 malis boni posset in rep. peruenire: malum  
 fuit, insonti regi sine causa suum eripere: bonum,  
 de bonis illius coactam pecuniam in ærarium in-  
 ferre. quod à Catone potius, integerrimo homi-  
 ne, quam à quouis alio fieri, è rep. fuit. Supe-  
 riore anno: Casare consule. quo anno, cum ni-  
 hil more maiorum gereretur, Casare leges & au-  
 spicia negligente; Cato desperatione quadam in-  
 sentitu non uenit. Sententia sua: cum enim  
 pulsus est Cicero, tum damnari, & senatus usus  
 est, sententia Catonis. pulsus enim est ob coniu-  
 ratorum necem. illi autem è senatus consulto, Ca-



COMMENTARIUS

tonis in sententiam facto, necati sunt. Cesit:  
cum Cypriæ rogationi paruit, & in Cyprum pro-  
fectus est.

ORATIO.

His de tot, tantisq; iniuriis in socios, in re-  
ges, in liberas ciuitates consulum querela  
esse debuit. in eius magistratus tutela re-  
ges, atque exteræ nationes semper fue-  
runt. ecquæ uox unquam est audita con-  
sulum? quanquam quis auderet, si maxi-  
me queri uellet? de Cyprio rege quere-  
rentur, qui me ciuem, nullo meo crimi-  
ne, patriæ nomine laborantem, non mo-  
do stantem non defenderunt, sed ne iacen-  
tem quidem protexerunt? cesseram, si a-  
lienam à me plebem fuisse uultis, quæ non  
fuit, inuidiæ; si commoueri omnia uide-  
bantur, temporis; si uis suberat, armis;  
si societas magistratuum, pactioni; si pe-  
riculum ciuium, reip. cur, cum de capite  
ciuis, (non disputo, cuiusmodi ciuis) &  
de bonis proscriptio ferretur, cum & sa-  
cratis legibus, & XII tabulis sancitum  
esset, ut neque priuilegium irrogari lice-  
ret, neque de capite, nisi comitiis centu-  
riatis, rogari, nulla uox est audita consu-  
lum? constitutumq; illo anno est, quan-  
tum in illis duabus huius imperii pestibus  
fuit, iure posse per operas concitatas  
quemuis



quemuis ciuem nominatim tribuni pl. consilio ex ciuitate exturbari? quæ uero promulgata illo anno fuerunt, quæ promissa multis, quæ conscripta, quæ sperata, quæ cogitata, quid dicam? qui locus orbis terræ iam nō erat alicui destinatus? cuius negotii publici cogitari, optari, fingi; procuratio potuit, quæ non esset attributa, atque descripta? quod genus imperii, quæ prouincia, quæ ratio aut auferendæ, aut conflandæ pecuniæ, non reperiabatur? quæ regio, ora ue terrarum paulo erat latior, in qua non regnum aliquod statueretur? quis autem rex, qui illo anno non aut emendum sibi, quod non habebat; aut redimendum, quod habebat, arbitraretur? quis prouinciam, quis pecuniam, quis legationem ab senatu petebat? damnatis de ui restitutio, consultus petitio ipsis illi populari sacerdoti comparabatur.

## COMMENTARIVS.

In socios, in reges, in liberas ciuitates: in Pessinuntem, in Ptolemæum, in Byzantium. supra. Quis auderet: transit à parte ad totum, hoc est à consulibus ad omnes ciues. quis, inquit, in ciuitate contra P. Clodium, facinorosum hominem, & audacem mittere uocem, si maxime uellet, auderet? rursus à toto ad partem,

K 3 hoc



C O M M E N T A R I V S

hoc est ad consules, orationem conuertit. mihi, inquit, quia patriam à coniuratorum scelere uindicare, laboranti, non modo ante discessum meum, sed ne post discessum quidem auxilio fuerunt. & metaphora, quæ fit per oppositionem, quam Aristoteles laudat, usus est. nam, stantem & iacentem, cum trallata sunt, tum etiam antitheta. Societas magistratuum: inter consules & tribunum pl. ut illi de mea pernicie, cum lex rogaretur, conuiuerent; hic provincias, quas uellent, sceleris mercedem daret. Sacratibus legibus: in Sacro monte latis, cum plebs à patribus secessit. Liuius, Dionysius, Cicero ipse pro C. Cornelio, Pedianus 59. Priuilegium: legem aduersus unum ciuem. De capite: cum caput diminuitur, hoc est cum aliquis ciuitate, ac libertate priuatur. ideo sæpe caput & fortunas Cicero coniungit: propterea quòd, quibus in causis de capite, in iisdem fere de bonis agitur.

Comitiis centuriatis: de his, & de omni comitiorum genere satis in libro de comitiis disputatum à nobis est. quod autem ad huius loci sententiam attinet: etsi, quid dicatur, apertum est; uerba tamen ex libro III. de legibus recitabo. Priuilegia, inquit, ne irroganto: de capite ciuis, nisi per maximum comitiatum, ne ferunto. & in eodem libro in extremo: Propterea quòd neque tributa capitis comitia rata esse possunt, neque ulla priuilegii. maximum comitiatum pro centuriatis comittis



mitis posuit: quod his & maiores magistratus  
mandari, & summa quaeque perfici solerent.  
Conscripta: priuatim, & occulte, ut synga-  
pha illæ cum Byzantiis exulibus, & legatis regiis  
factæ. pro domo sua. Descripta? unico uerbo  
duas res significat: primum, procurationum, quæ  
dabantur, multitudinem; ubi enim descriptio, ibi  
ordo; & ubi ordo, ibi numerus: deinde, Clodii  
infinitam licentiam, qui, quasi unus omnia tene-  
ret, ita, quæ cuique uellet, pro sua libidine descri-  
bebat. Quæ prouincia: ita omnes contrahen-  
dæ pecuniæ uias peruestigabat, ut prouincias no-  
uas faceret, easq; improbis hominibus admini-  
strandas pretio traderet. huc illud spectat, quod  
est in ea pro domo sua. Imperia scribebantur no-  
ua iuuentuti. Regnum aliquod: ut nouas pro-  
uincias, ita noua regna Clodius ad conflandam pe-  
cuniam statuebat. Ab senatu petebat? à Clo-  
dio petebant omnes, non, ut mos erat, à senatu.  
pecunia enim, & legationes senatus consulto da-  
bantur, prouinciæ uero primum senatus consulto,  
deinde lege curiata: nisi si quis, cum perferri le-  
gem curiatam non liceret, eo imperio, quod sena-  
tus lege Cornelia dabat, contentus, suo sumptu in  
prouinciam uellet ire. quod paucissimi fecerunt.  
Damnatis de ui: quos restituui, leges uetabant,  
eos restituere Clodius cogitabat. & apparet, de  
ui damnatos solum uertisse: cum dicat, Restitu-  
tio. sed capitali de ui est intelligendum. nec enim



omnis uis capitalis fuit . quod in libro de legibus ostendimus . Consulatus petitio : forte hoc significat in oratione pro domo sua , cum ait : Imperia scribebantur noua iuuentuti . Populari sacerdoti : P. Clodio : qui , ut Plutarchus et alii prodiderunt , libidinis causa ad aras Bonæ deæ , quasi sacerdos esset , penetrauit . ridiculum Cicero , quæsiuit in re turpi . quod ab iis , qui de arte rhetorica scripserunt , non modo conceditur , uerum etiam laudatur . πολλάκις , inquit Deme- trius , καὶ τὰ μὲν φράγματα ἀτερπῆ ἐσι φύσει , καὶ συγνὰ , ὑπὸ δὲ τῷ λέγοντος γίνεται ἰλαρά .

O R A T I O .

Hæc gemebant boni , sperabant improbi , agebat tribunus pl. consules adiuuabant . hic aliquando , ferius quàm ipse uellet , Cn. Pompeius , inuitissimis iis , qui men- tem optimi ac fortissimi uiri suis consi- liis , ac fictis terroribus à defensione meæ salutis auerterant , excitauit illam suam non sopitam , sed suspicione aliqua retar- datam consuetudinem reip. bene geren- dæ . non est passus ille uir , qui sceleratissi- mos ciues , qui acerrimos hostes , qui maximas nationes , qui reges , qui gentes feras atque inauditas , qui prædonum in- finitam manum , qui etiam seruitia uirtu- te , uictoriaq; domuisset , qui , omnibus bel- lis terra mariq; compressis , imperium po- puli



puli R. orbis terrarum terminis definisset, remp. euerit scelere paucorum, quam ipse non solum consiliis, sed etiam sanguine suo sæpe seruasset: accessit ad causam publicam: restitit auctoritate sua reliquis rebus: de præteritis quæstus est. fieri quædam ad meliorem spem inclinatio uisa est. decreuit senatus frequens de meo reditu kalendis Iun. dissentiente nullo, referente L. Mummius, cuius in mea causa nunquam fides uirtusq; contremuit. intercescit Ligus iste nescio qui, additamentum inimicorum meorum.

## COMMENTARIUS.

Serius, quam ipse uellet: excusat Pompeium, quod à principio nefarijs Clodij consilijs & actis obuiam non ierit. uoluisset enim obsistere: sed, ut Cæsari satisfacere, suorum actorum dissolutionem metuenti, hominem nefarium furere in Ciceronem atque in ipsam rempublicam passus est. Inuitissimis: maxime consules intelligi, possumus existimare. nam in Pisonem, Vestrae fraudes, inquit, uestrum scelus, uestrae criminationes insidiarum mearum, illius periculorum, nefarie fictæ; &c. Non sopitam: non usque eò suam diligentiam & uigilantiam in tuenda republica Pompeius omisit, ut omnino publicæ causæ indormiret, sed ut paululum con-  
niueret.



COMMENTARIUS

niueret . Sceleratissimos ciues: breui oratione omnes Pompeij laudes percurrit . Sceleratissimos ciues appellat , Cn . Carbonem , Cn . Domitium , Q . Sertorium : quorum unum in Sicilia , alterum in Africa , tertium Pompeius in Hispania uicit . Marcum etiam Brutum , Brutum illius , qui C . Casari manus intulit , in Gallia cisalpina occidit . quem ipsum cum tribus ijs , quos nominari , fortasse Cicero significauit . Plutarchus , Valerius , epitome Liuij , alij . acerrimos autem hostes , & maximas nationes , non dubito quin intelligat Afros , Gallos , & Hispanos : qui odio quodam in populum Romanum impulsu , Carbonis & Sertorij partibus haeserunt . pro lege Manilia . Quod autem sequitur , Qui reges , qui gentes feras atque inauditas ; manifeste dictum apparet de Hiarba , Mithridate , Tigraue , deq; nationibus illis , quas , antea fama minus notas , Pompeius , dum fugientem Mithridatem persequitur , transitum negantes uicit , & ad populi Romani ditionem adiunxit . unde illud in epistola quadam ad Atticum : Samplicerame quid dices ? uetigal te nobis in Antilibano constituisse , agri Campani abstulisse ? epitome Liuij , lib . 101 . Plutarchus . Praedonum : Pompeius bellum aduersus piratas , lege Gabinia sibi demandatum , unde quinquagesimo die felicissime confecit . pro lege Manilia , Plutarchus , & alij . Qui etiam seruitia : seruitia



tia re uera non Pompeius, sed M. Crassus deu-  
cit. sed eam laudem Cicero sæpe ad Pompeium co-  
natur transferre; cum dicat, aduentante Pom-  
peio seruillem manum timore consternatam, nul-  
lo labore à Crasso esse deuictam. Testis est, in-  
quit pro lege Manilia, iterum, & sæpius Italia:  
quæ cum seruili bello tetro periculosoq; premere  
tur, ab hoc auxilium absente expetiuit: quod bel-  
lum expectatione Pompeij attenuatum atque  
imminutum est, aduentu sublatum ac sepultum.  
& dixit, Etiam: quasi, contra quam uide-  
tur: cum aliter homines existiment; quia serui-  
le bellum duce Crasso confectum est. hinc illud li-  
bro I. ad Atticum de Crasso: Qui mihi laudem  
illam eo minus deberet, quod meis omnibus litte-  
ris in Pompeiana laude perstrictus esset. Vir-  
tute uictoriaq;: non, Virtute, seruili bello  
demonstrata; aut, Victoria, de seruis relata;  
sed, Virtute, quam superiore bello, aduersus  
Mithridatem & Tigranem gesto, iam ostende-  
rat; Victoria, quam eo bello consecutus erat.  
cuius uirtutis uictoriaq; opinione ac fama fractos  
esse, ac perturbatos seruilis exercitus animos si-  
gnificat: ut deinde Crasso non difficilis uictoria  
fuerit. cur autem neque uirtutem sine uictoria,  
neque uictoriam sine uirtute posuit, sed alteram  
cum altera coniunxit? quia neque semper, qui  
uirtute præditi sunt imperatores, hostem uin-  
cunt: neque, qui uincunt, ij semper uirtute ex-  
cellunt



COMMENTARIVS

cellunt . itaque cum uirtutem & uictoriam nominamus , summam & absolutam laudē exprimimus . alioqui neque uirtus imperatoris in bello sine fortuna , neque fortuna sine uirtute laudatur . Domuisset : caute , nec sine industria posuit hoc uerbum . non enim à Pompeio uicta seruitia , sed illius aduentu compressa debilitataq; sunt . Vicisset , igitur , aut , Debellasset , perspicue falsa erant : Domuisset , ut falsum refelli non potest . Omnibus bellis : Africano , transalpino , Hispaniensi , Mithridatico . de tribus enim orbis partibus Pompeius triumphauit , uicto in Africa Carbone , in Hispania Sertorio , in Asia Mithridate . Orbis terrarum terminis : ὁ περὶ βοιωτῶν : non enim uniuersus terrarum orbis , sed et maior , & nobilior pars imperio populi Romanitenebatur . Sanguine suo : cum , bello Sertoriano , Sucronensi praelio uulnus acceperit . Plutarchus in Sertorio , et Pópeio . Appianus libro I . Auctoritate sua : nō dixit , potestate ; quia priuatus erat . est enim magistratus potestas , priuati uero hominis auctoritas . sic infra , Princeps , inquit , P . Lentulus auctoritate ac sententia sua causam suscepit : quia nondum consulatum inerat Lentulus , sed designatus erat . L . Mummio : tribuno pl . Nunquam : nam & , antequam Cicero iret in exilium , cum alia praestitit officia , tum populo persuasit , ut tanquam in publica calamitate uestem mutaret . hoc apud



apud Dionem libro 38. scriptum est. idem Mummius uidetur & ad senatum de uestitu mutando retulisse. quod ex illis uerbis, quæ in hac ipsa oratione sunt, conijcio: Vir incredibili fide, magnitudine animi, constantia L. Mummius ad senatum de republica retuli; senatusq; frequens uestem pro mea salute mutandam censuit. Fides uirtusq;: Fides & uirtus, propterea dicit; quia pro amico non satis est uelle, nisi audeas; & multos, quibus animus non deest, fides & uoluntas deficit. Contremuit: in periculis. poetice magis, quàm oratorie, dictum. nam hoc uerbum potius in animalia conuenit. quòd si dixisset, L. Mummius, quia fide, ac uirtute esset singulari, nunquam in sua causa contremuisse: proprie dixisset, nò tamè, ut græco uerbo utar, ἐπερὶ τῆς αἰτίας. propriū igitur, quo re significatur omisit: trāslatū quo significatur simul et augetur, usurpauit. Ligus iste nescio qui: Aeliū Ligurē significat: et in ambigua nominis significatione ludit. nam Ligus et gentis Aeliæ cognomen est: et hominē in Liguria natū demonstrat. notat igitur ignobilitatē, cū ait, Ligus iste nescio qui. et, Ligus, nò ut familiæ Romanæ cognomē, sed ut nationis nomen posuit. supra, et pro domo sua, de aruspicum responsis. Additamentum: quia cum nouem tribunos pl. ante discessum suum Cicero habuisset, post discessum Ligus iste ex eo numero defluxit, seq; ad Clodij partes addidit.

O R A -



COMMENTARIVS

ORATIO.

Res erat & caussa nostra eo iam loci , ut  
erigere oculos , & uiuere uideretur .  
quisquis erat , qui aliquam partem in  
meo luctu sceleris Clodiani attigisset ,  
quocūque uenerat, quod iudiciū cunque  
subierat, damnabatur . inueniebatur ne-  
mo , qui se suffragium de me tulisse confi-  
teretur . decesserat ex Asia frater meus  
magno squalore , sed multo etiam maio-  
re mærore . huic ad urbem uenienti tota  
obuiā ciuitas cū lacrymis gemituq; pro-  
cesserat : loquebatur liberius senatus : cō-  
currebāt equites R. Piso ille, generus meus,  
cui fructum pietatis suæ neque ex me , ne-  
que à populo R. ferre licuit , à propin-  
quo suo socerum suum flagitabat : omnia  
senatus reiiciebat , nisi de me primum  
consules retulissent . quæ cum res iam  
manibus teneretur ; & cum consules pro-  
uinciarum pactione libertatem omnem  
perdidissent ; qui cum in senatu priua-  
tim , ut de me sententias dicerent , flagi-  
tabātur , legem illi se Clodiam timere di-  
cebant : cum hæc non possent iam diu-  
tius sustineri , initur consilium de interi-  
tu Cn. Pompeii . quo patefacto , ferroq;  
deprehenso , ille inclusus domi tam diu  
fuit , quàm diu inimicus meus in tribuna  
tu



tu. de meo reditu octo tribuni promulgarunt. ex quo intellectum est, non mihi absenti creuisse amicos, in ea preferim fortuna, in qua non nulli etiam, quos esse putaueram, non erant, sed eos uoluntatem semper eandem, libertatem non eandem semper habuisse. nam ex nouem tribunis, quos tunc habueram, unus me absente defluxit, qui cognomen sibi ex Aeliorum imaginibus arripuit, quo magis nationis eius esse, quam generis, uideretur. hoc igitur anno, magistratibus nouis designatis, cum omnes boni omnem spem melioris status in eorum fidem conuertissent, princeps P. Lentulus auctoritate ac sententia sua, Pisone & Gabinio repugnantibus, causam suscepit; tribunisque pl. octo referentibus, praestantissimam de me sententiam dixit. qui cum ad gloriam suam, atque ad ampliissimi beneficii gratiam magis pertinere uideret, causam illam integram ad suum consulatum reseruari; tamen rem talem per alios citius, quam per se tardius, confici malebat.

## COMMENTARIUS.

Qui aliquam partem in meo luctu &c. qui de mea pernicie cum Clodio sensisset. Quod iudicium cunque: sic et Terentius disiuncte locutus



COMMENTARIUS

cutus est: Cum quibus erat cunque una, his sese dedere. Damnabatur: deesse uerbum suspicor. nam cum duas res proposuerit, Quocunque uenerat, quod iudicium cunque subierat: quorum alterum de Clodianis candidatis, alterum de iisdem aut accusatoribus, aut reis dictum est: consentaneum erat, ut duobus item uerbis sententiam clauderet, sic, repudiabatur, & damnabatur: ut et repulsam, & damnationem demonstraret. in quo ne quis me inani coniectura ductum uaticinari & insanire putet: locum recitabo ex oratione pro domo sua, qui meam opinionem satis, ut opinor, comprobabit. sic igitur in ea scriptum est. Itaque cum tu florens ac potens per medium forum popularis uolitares: amici illi tui, te uno amico tecti et beati, qui se populo commiserant, ita repellabantur, ut etiam Palatinam tuam perderent: qui in iudicium uenerant, siue accusatores erant, siue rei, te deprecante damnabantur. Satis ne patet ex his uerbis, & de ijs, qui magistratum peterent, & de ijs, qui in iudicium uenirent; Ciceronem intelligere? ibidem, paucis interiectis uersibus, hæc sequuntur. De hac igitur lege dicimus, quæ iure rogata uideatur: cuius quam quisque partem tetigit, digito, uoce, præda, suffragio; quocunque uenit, repudiatus, conuictusq; discessit. Repudiatus, inquit, à populo; conuictus, in iudicio. non temere igitur mutilum esse locum suspicamar; et ante uerbum, Damna-

IN O  
damnabat  
repellebat  
sum esse C  
stratum est  
nim Clodi  
bus damna  
guum se tul  
dius tulerat  
sulari imp  
re: colenda  
inde squalor  
marore hic  
uit. alibi m  
mo significat  
a: Marorem  
possem,  
iaatus: l  
mfulam uol  
quis perijt a  
populo R  
populus R.  
ia, studiosi  
suo: Pison  
retur: met  
fugientes im  
tensos tene  
sius iam e  
sudio agere  
Pompeij.



## IN ORAT. PRO SEXTIO 81

*Damnabatur, scribendum, Repudiabatur, aut, Repellebatur. utroque enim uerbo eadem de re usum esse Ciceronem in ea pro domo sua, demonstratum est. Inueniebatur nemo &c. cum enim Clodij amicos à populo repudiari, à iudicibus damnari uiderent; negabant omnes suffragium se tulisse in illa rogatione, quam de me Clodius tulerat. Ex Asia: minore: quam proconsulari imperio per triennium rexerat. Squalore: colendi corporis curam omittimus in dolore. inde squalor, perculsi animi signum. Mærore: mærore hic pro animi solitudine manifeste posuit. alibi mærorem in corpore, dolorem in animo significat, ut ad Atticum in quadam epistola: Mærorem minui: dolorem non potui, nec, si possem, uellem. Loquebatur liberius senatus: liberius, quàm ratio temporum, aut consulum uoluntas ferret. Cui fructum &c. quia periit ante reditum Ciceronis. Neque à populo R. quia, si uixisset, honores ei petenti populus R. memor pietatis in meo casu declarata, studiosissime mandasset. A propinquo suo: Pisone consule. Iam manibus teneretur: metaphora sumpta ab ijs, qui eos, quos fugientes insecuti erant, affecuti, manibus prehensos tenent. item, inquit, mea res cum in manibus iam esset, cum à senatu & à bonis summo studio ageretur; initur consilium de interitu Cn. Pompeij. Priuatum: à priuatis senatoribus,*

L de



COMMENTARIUS

de mea salute laborantibus . Legem Clodiam :  
in qua caput hoc erat , ne quis de Ciceronis reditu  
referret , ne quis decerneret , ne disputaret , ne  
loqueretur , ne pedibus iret in sententiam , ne  
scribendo adesset . post reditum in senatu , & ad  
Att . Ferro deprehenso : in uestibulo sena-  
tus , in templo Castoris . nam uestibulum templi  
pars fuit . atque hoc aperte in oratione pro Milone  
significatur his uerbis . Comprehensus est in tem-  
plo Castoris seruus P . Clodij , quē ille ad Cn . Pom-  
peium interficiendum collocarat . extorta est con-  
fitei sica de manibus . caruit foro Pōpeius postea ,  
caruit senatu , caruit publico ; ianua se ac parieti-  
bus , non iure legum iudiciorumq̃ ; , textit . & in-  
fra . Insidiator erat in foro collocatus , atque in ue-  
stibulo ipso senatus . & in eadē infra : Quando il-  
lius postea sica conquieuit ? hæc insidiata Pom-  
peio est . Quem locum exponens Pedianus , Pifone ,  
inquit , & Gabinio consulibus , pulso Cicerone in  
exilium , cum III . idus Sextilis Pompeius in  
senatum uenit , dicitur , seruo P . Clodij sicam  
excidisse . eaq̃ ad Gabinium consulem delata , di-  
ctum est , seruo imperatum à P . Clodio , ut  
Pompeius occideretur . Pompeius statim domum  
rediit . ex eo domi tenus . Et in ea in Pifonē : De-  
prehensus cum ferro ad senatum is , quem ad Cn .  
Pompeium interimendum collocatum fuisse con-  
stabat . Dixit , Ad senatum , quia deprehensus  
erat in uestibulo senatus : ut in ea pro Milone . et  
pro

IN O  
pro domo  
curiaq̃ pri  
intellectu  
tentiam di  
particular  
ronis octo  
antea fere  
poterat al  
existimare  
mili amici  
me noluisse  
se exponit ,  
uis , quos tu  
flaxit . legen  
dum est ,  
Ex A  
maiorum sen  
tentiis , nomi  
cum  
inde cognom  
tam usam ef  
casam fecit  
fuit uiris , o  
contra quam  
ut ex illo cog  
quam ex A  
ceps P . I  
primo loco s  
senatu dictu



pro domo sua, Cn. Pompeium, inquit, foro, curiaq; priuauit, domumq; coniecit. Ex quo intellectum est &c. si quis animum in sententiam diligenter intendat, deesse negatiuam particulam intelliget. nam quia de reditu Ciceronis octo tribuni pro mulgarunt, cum eorum antea ferenti legem Clodio intercessisset nemo; poterat aliquis, absenti Ciceroni creuisse amicos, existimare. quod falsum esse arguit. non, inquit, mihi amici creuerunt, sed, cum antea idem pro me uoluissent, non idem tamen ausi sunt. & ipse se exponit, cum infert. Nam ex nouem tribunis, quos tunc habueram, unus me absente defluxit. legendum igitur sic opinor. ex quo intellectum est, non mihi absenti creuisse amicos, &c. Ex Aeliorum imaginibus: imagines maiorum seruabantur, cum inscriptione praenominis, nominis, cognominis. dicit igitur; Aelium, cum inscriptiones imaginum perlegisset, inde cognomen Liguris accepisse: quo gente Aeliam usam esse iam diximus. quod cisi ob eam causam fecit, ut ab illis Aelijs Liguribus, clarissimis uiris, originem uideretur ducere: tamen, contra quam ille putauerat, euenisse ait Cicero, ut ex illo cognomine potius ex Ligurina natione, quam ex Aelia gente, putaretur esse. Princeps P. Lentulus: consules enim designati primo loco sententiâ dicebant. qua de re in libro de senatu dictum est. Auctoritate: quam habebat,



COMMENTARIUS.

& quia magistratus gesserat, et quia consul erat designatus. est enim in eo, qui magistratum gerit, potestas, in eo, qui gesturus est, auctoritas. itaque in oratione in Pisonem de Q. Metello consule designato dixit: Ille designatus consul, cum quidam tribunus pl. suo auxilio magistratos ludorum ludos contra senatus consultum facere iussisset, priuatus uetuit, atque id, quod nondum potestate poterat, obtinuit auctoritate.

ORATIO.

Hoc interim tempore P. Sextius, iudices, designatus iter ad C. Cæsarem pro mea salute suscepit. quid egerit, quantum profecerit, nihil ad causam. equidem existimo, si ille, ut arbitror, æquus nobis fuerit, nihil ab hoc profectum; sin iratior, non multum. sed tamen sedulitatem, atque integritatem hominis uideritis. Ingredior iam in Sextii tribunatum. nam hoc primum iter designatus reip. causa suscepit. pertinere & ad concordiam ciuium putauit, & ad perficiendi facultatem, animum Cæsaris à causa non abhorre. Abiit ille annus. respirasse homines uidebantur, nondum re, sed spe reip. recuperandæ. exierunt malis ominibus, atque execrationibus duo uulturii paludati: quibus utinam ipsis euenissent ea, quæ tum homines precabantur; neque nos prouin-



prouinciam Macedoniam cum exercitu,  
neque equitatum in Syria, & cohortes  
optimas perdidissemus. ineunt magistra-  
tum tribuni pl. qui omnes de me promul-  
gatueros confirmarant. ex his princeps  
emittitur ab inimicis meis is, quem homi-  
nes in luctu irridentes Gracchum uoca-  
bant: quoniam id etiam fatum ciuitatis  
fuit, ut illa ex uepretulis extracta nitedu-  
la remp. conaretur arrodere. alter uero,  
non ille Serranus ab aratro, sed ex deser-  
to Gaii Oleli horreo, calatis granis, in  
\* Calatinos ac Lelios insitus, subito, no-  
minibus in tabulas relatis, nomen suum  
de tabula sustulit,

## COMMENTARIVS.

*Designatus: non paucis in libris manuscriptis le-  
gitur, iudex designatus, sed mendose. nam Sex-  
tium significat Cicero non iudicem designatum,  
sed tribunum pl. quod nemini, qui paulo sit hu-  
manior, ignotum existimo: cum tribunus pl. fue-  
rit Sextius eodem anno, quo P. Lentulus consul:  
ut, eodem anno designatum utrumque fuisse, ne-  
cesse sit. mendi causa fuit, quod, Designatus,  
unica dictio posita est, magistratus nomine prae-  
termisso. Equidem existimo: plus est in hac  
periodo artificij, quam fortasse aliquis opinetur.  
cum enim, ut Sextij beneficium in se maximum  
ostenderet, quod quidem ab hac narratione, & ab*

L 3 ipsa



COM MENTARIVS

ipsa causa alienum non erat ; posset dicere , iter illius in Galliam ad Caesarem magnopere fructuosum fuisse : non dicit tamen , & de industria rem implicat , ut neque affirmet , neque neget : callide sane , & ingeniose . nam , si profecisse eo itinere affirmaret ; Caesarem sibi antea fuisse inimicum ostenderet : quod pugnaret cum illis verbis , quae supra posuit , cum dixit : Ipse autem Caesar , quem maxime ignari homines veritatis mihi esse iratum putabant , erat ad portas . Sin profecisse Sextium negaret , uel quod iratum Caesarem non inuenerit , uel quod ita iratum , ut placari non potuerit ; inanem , & inutilem illam profectionem significaret . cum igitur ad utranque partem offensionem uideret , quod incurere , uel si affirmaret , uel si negaret , cogeretur : ad artem confugit ; rationemque , ut neque affirmaret , neque negaret , iniuit , hanc scilicet , ut dubitatione , quae inter affirmationem & negationem media est , uteretur . dixit igitur , Equidem existimo , si ille , ut arbitror , aequus nobis fuerit , nihil ab hoc profectum ; sin iratior , non multum . Verum dubitabit aliquis : cur , cum Sextij profectionem Cicero neque fructuosam uelit ostendere , neque negare ; tamen potius in eam partem inclinat , ut neget , quam ut affirmet ? imminuit enim dubitationem , cum ait , ut arbitror . Respondeo . quia nihilo minus laudatur Sextius , etiam si nihil profecerit . uoluntas enim

IN  
nim ipsa  
autem pe  
Caesari gr  
cat, ut Se  
in eam, i  
caret, S  
utilitate  
Caesaris a  
tia prae  
dulitate  
tatem :  
republica  
enim pro  
pit. Con  
dio consen  
tuendo Cice  
tem Ciceron  
hominem p  
irritaret: in  
m epistola a  
episset, nol  
fratre restat  
hominis cons  
cantes, Piss  
Volturii:  
milia nime  
mali omni  
consecuta e  
nos: signi



enim ipsa, & sedulitas laudabilis est. Pendet autem potius Cicero in hanc partem, in qua ita Cæsari gratificatur, cum sibi æquum fuisse indicat, ut Sextij tamen laudē non imminuat; quā in eam, in qua, si Cæsarem iratum fuisse significaret, Sextij quidem in se beneficium auget, utilitate profectionis illius demonstrata, uerum Cæsaris animum posset offendere: cum in amicitia præteriti odij commemoratio displiceat. Sedulitatem: quod iuerit ad Cæsarem. Integritatem: quod in Ciceronem, hoc est in ipsam rempublicam, optime fuerit animatus. laborem enim pro eo, quem non diligit, nemo fere suscipit. Concordiam ciuium: nam si cum Clodio consentiret Cæsar, haud paulo plus in restituendo Cicerone contentionis fuisset. causam autem Ciceronis nō aperte Cæsar iuuat, ne Clodium, hominem popularem, & factiosum, contra se irritaret: iuuat tamen, ut illa uerba demonstrant in epistola ad Lentulum: Sese, quæ de mea salute egisset, uoluntate Cæsaris egisse, ipsum meum fratrem testatus est. Ille annus: quo Piso et Gabinius consules fuerūt. Exierunt: in prouincias euntes, Piso in Macedoniam, Gabinius in Syriā. Vulturii: Vultures inter infausti ominis animalia numerantur. sic Piso, & Gabinius, quasi mali ominis aues, calamitatem reipublicæ, quæ consecuta est, portendere uidebantur. Neque nos: significat, non ipsis euenisse ea, quæ ho-



COMMENTARIUS.

mines exeuntibus precabantur, sed reipublica, de prouinciis consularibus, in Pisonem. Ineunt magistratum: IIII. Idus Decembris. Dionysius, Liuius. Gracchum uocabant; Gracchus & Quintia gentis, & Sempronie cognomen fuit. hic Numerium Quintium, de quo infra mentio fit, significat: & cognomen Gracchi ad irrisum transfert: quod in homine sibi inimico, nec alioqui satis insigni, tam honorificum cognomen non libenter agnoscat. forte autem ille, qui se Ti. Graccho natum simulabat, ex cognomine occasionem arripuit, quod Gracchus uocaretur: quanquam non esset de Sempronis, sed de Quintiis. appellat enim eum Quintium scriptor libri de uiris illustribus: & Valerius Maximus duobus libris, III. & IX. ter Equitium nominat: etsi non Valerii, sed librarii mendam puto fuisse: cum, Quintius, non Equitius, uideatur legendum. eundem & Cicero in oratione pro C. Rabirio perduellionis reo Gracchum uocat. Nitedula: uenuste cum perpusillo animali nitedula Numerium comparat, ut contemptissimum & infimae sortis hominem significet, qui rempublicam tamen, fato quodam, laeserit. Alter: emitur. Serranus: de Sex. Atilio Serrano loquitur. quem ne putetis, inquit, Caio illi Serrano, quem ferentem dati honores inuenerunt, cui a serendo agro cognomen est inditum, praestantissimo uero, similem esse. non hic ab illo Serrano, cuius cognomen



cognomen refert, originem ducit: sed, cum Gaii  
 cuiusdam Oleli filius esset, ab inopi ac uacuo pa-  
 tris horreo in Atiliam familiam per adoptionem  
 transiit. quod quasi iure quodam factum est. nam  
 cum in deserto illo Gaii horreo ita pauca grana  
 essent, ut calarentur, hoc est uoce numerarentur:  
 (paucitas enim mensuram non requirebat:) me-  
 rito hic eius filius à calatis granis in eam fami-  
 liam, quæ Calatini cognomen habet, insitus est.  
 fuisse autem è gente Atilia Calatinos, uetera mo-  
 numenta declarant. Ac Lelios: Atilios, re-  
 Etius; è qua gente Calatini fuere. Subito, no-  
 minibus in tabulas relatis: subito, dixit,  
 quasi nemo ita fore existimasset; cum Atilia illu-  
 stri gente Gaius, homo teterrimus ac turpissi-  
 mus, minime dignus indicaretur. uel, subito,  
 quasi occulte, & fraude aliqua in Atiliam gen-  
 tem irrepserit. In tabulas: quo in libro Ga-  
 ii nomen, cum prænominè, & cognominè, fue-  
 rat; ex eo libro priora nomina sustulit; & repo-  
 suit, Sex. Atilius Serranus. nomina autem hic  
 Cicero dixit, pro prænominè, nominè, cogno-  
 mine. quo modo & Plutarchus tria nomina di-  
 xit esse, Marcus, Tullius, Cicero: quorum pri-  
 mum prænomen, alterum nomen, tertium co-  
 gnomen proprie uocantur. alibi nomen usur-  
 patur pro familia. Nomen suum: Gaius.  
 uel, si nomen et hic prolixius accipias, Gaius Ole-  
 lus cum eo prænominè, quo ante usus erat, de ta-  
 bula sustulit.

O R A



VENIUNT kalendæ Ian. uos hæc melius  
 scire potestis: equidem audita dico: quæ  
 tum frequentia senatus, quæ expectatio  
 populi, qui concursus legatorum ex Ita-  
 lia cuncta, quæ uirtus, actio, grauitas P.  
 Lentuli consulis fuerit, quæ etiam colle-  
 gæ eius moderatio de me: qui cum inimi-  
 citias sibi mecum ex reip. dissensione su-  
 sceptas esse dixisset, eas se patribus con-  
 scriptis dixit, & temporibus, & reip. per-  
 missurum. tum princeps rogatus senten-  
 tiam L. Cotta, dixit id, quod dignissimū  
 rep. fuit; nihil de me actum esse iure, nihil  
 more maiorum, nihil legibus: non posse  
 quenquam de ciuitate tolli sine iudicio:  
 de capite non modo ferri, sed ne iudica-  
 ri quidem posse, nisi comitiis centuria-  
 tis: uim fuisse illam, flammam quassatæ  
 reip. perturbatorumq; temporum, iure,  
 iudiciisq; sublatis: magna rerum permu-  
 tatione impendente declinasse me paulu-  
 lum, & spe reliquæ tranquillitatis præsen-  
 tes fluctus, tempestatemq; fugisse: qua-  
 re, cum absens rep. non minus magnis  
 periculis, quàm quodam tempore præ-  
 sens, liberaissem, non restitui me solum,  
 sed etiam ornari à senatu decere. disputa-  
 uit etiam multa prudenter: ita de me il-  
 lum



lum amentissimum, & profligatissimum  
hostē pudoris, & pudicitiae scripsisse, quæ  
scripserat, iis uerbis, rebus, sententiis,  
ut, etiam si iure esset rogatum, tamen  
uim habere non posset: quare me, qui nul-  
la lege abessem, non restitui lege, sed reuo-  
cari senatus auctoritate oportere. hunc,  
nemo erat, quin uerissime sentire dice-  
ret. sed post eum rogatus Cn. Pompeius,  
approbata laudatq; Cottæ sententia, di-  
xit, sese ocii mei causa, ut omni popula-  
ri concitatione defungerer, censere, ut  
ad senatus auctoritatem populi quoque  
R. beneficium erga me adiungeretur.

## COMMENTARIUS.

*Kalendæ Ian. quo die magistratum consules inibāt.*

*Melius scire: nam ego tum aberant: uos affui-  
stis. Frequentia senatus: cum eo die de Cice-  
rone actum iri Lentulo consule non ignorarent.*

*Moderatio: cum enim Q. Metellus & P. Clo-  
dij frater esset, & inimicitias cum Cicerone exer-  
cuisset, qui etiā tribunus pl. consulatu abeuntem  
cōcionis habendæ potestate priuaret: tamen, Len-  
tulo referente, moderatione quadam usus, sese  
continuit, inimiciis reipublicæ remissis. Et  
temporibus, & reip. malim, & temporibus  
reipublicæ: quòd reipublicæ tempora ita ferrent.  
aut, si lectionem impressam retinemus, additum,  
Et reipublicæ, à Cicerone putandum est, ut quasi  
exponeret*



exponeret illud, Et temporibus. quæ enim tempora, nisi reipublicæ, potuit intelligere? Princeps: non, quod esset de consularibus antiquissimus: nam triennio ante illum P. Seruilius Isauricus consul fuerat: sed antiquissimus eorum consularium, qui tum erant in senatu. opinor enim, eo die Isauricum non affuisse, nondum autem designatos consules fuisse, qui sententias primi rogabantur, satis liquet, cum essent calendæ Ianuarij. Nihil de me &c. hoc scripsit & in oratione pro domo sua, & de legibus libro III. More maiorum: qui optimis reipublicæ temporibus ualuit ut lex. de legibus libro I. Non modo ferri: si ferenda lex de capite; ferri centuriatis comitiis necesse fuit: sin non dico ferenda lex, sed, quod iustius uidetur, ante iudices de capite ciuis disceptandum; neminem, nisi populum Romanum centuriatim coactum, oportuit iudicare. dicuntur autem comitia non modo cum ad magistratus creandos, sed etiam cum ad legem sciendam, aut de ciue iudicandum populus conuenit. quod in libro de legibus demonstratum est. Flammam quassatæ reipublicæ: quid simile est inter, Flamma, et Quassatæ? uitium hic uidebitur imperitis: quia duorum generum in eadem periodo metaphora damnantur. uerum, non est uitium, sed est potius absolutæ metaphoræ lumen et ornamentum. tunc enim est perfecta metaphora, cum & causam simul, & quod ex causâ fit, completur:



## IN ORAT. PRO SEXTIO. 87

Etitur: ut si dicas: Ex illo morbo languet respu-  
 blica: fructus uberrimos ex his seminibus licet ex-  
 pectare: in tempestate reipublicæ naufragium fe-  
 cit. item hic, cum ex motu uehementi excitetur  
 ignis, recte, & eleganter, quassata republica  
 flammam illam, qua ipse perustus est, extitisse  
 demonstrat. Impendente: pulcherrima tral-  
 latio, Impendente, Declinasse, Tranquillitatis,  
 Fluctus, Tempestatem. nam, Fugisse, neque  
 cum hac una metaphora conuenit: dicimus enim  
 &, flammam fugit illorum temporum; &  
 communem ciuitatis pestem fugit: neque ad me-  
 tum impendentis rei duntaxat, sed ad ea quoque,  
 quæ æquo loco sunt, accommodatur. Absens:  
 quia discessit, ne inter ciues cōtentio excitaretur.  
 Præsens: cum in consulatu meo exortam & e-  
 rumpentem coniurationem compressi, atque ex-  
 tinxī. Verbis, rebus, sententiis: lex in-  
 firmatur à se ipsa, cum in ea, quod non licet, scri-  
 ptum est. in oratione pro domo sua. Etiam si  
 iure: : etiam si de mea pernicie iure rogaretur,  
 ipsa tamen scriptione uim legis amitteret. Cn.  
 Pompeius: secundo loco rogatus est dignitatis  
 causa, non quòd esset post Cottam consularium  
 uetustissimus. nam ante illum consulatum gesse-  
 rant, qui tum uiuebant, M. Lucullus, & L. Gel-  
 lius. nisi si, non eo die fuisse eos in senatu, ali-  
 quis dixerit. Defungerer: liberarer: ne quis  
 tribunus pl. aliquādo concitandi in me populi oc-  
 casionem



COMMENTARIVS

*caſionem haberet , quia me , lege eiectum , ſine  
lege reſtitui non potuiſſe diceret .*

ORATIO.

**C**UM omnes certatim, aliusq; alio grauius,  
atque ornatius de mea ſalute dixiſſet, fie-  
retq; ſine ulla uarietate diſceſſio: ſurre-  
xit, ut ſcitis, Atilius hic Gauianus: nec  
auſus eſt, cum eſſet emptus, intercede-  
re: noctem ſibi ad deliberandum poſtula-  
uit. Clamor ſenatus, querelæ, preces, ſo-  
cer ad pedes abiectus. ille ſe affirmare po-  
ſtero die moram nullam eſſe facturũ. cre-  
ditum eſt: diſceſſum eſt. illi interea delibe-  
ratori merces, longa interpoſita nocte,  
duplicata eſt. cõſecuti dies pauci omni-  
no Ianuario menſe, per quos ſenatum ha-  
beriliceret: ſed tamen actum nihil, niſi  
de me. cum omni mora, ludificatione,  
calumnia, ſenatus auctoritas impedire-  
tur, uenit cõſilii de me agendi dies, VII I.  
kal. Febr. princeps rogationis, uir mihi  
amiciffimus, Q. Fabricius templum ali-  
quanto ante lucem occupauit. quietus  
eo die Sextius, is qui eſt de ui reus. actor  
hic deſenſorq; cauſæ meæ nihil progredi-  
tur, conſilia expectat inimicorum meo-  
rum. quid illi, quorũ conſilio P. Sextius  
in iudicium uocatur, quo ſe pacto gerũt?  
cum forum, Comitium, curiam multa de  
nocte



nocte armatis hominibus, ac seruis ple-  
risque occupauissent; impetum faciunt  
in Fabricium; manus afferunt; occidunt  
non nullos; uulnerant multos; ueniētem  
in forum uirum optimum, & cōstantissi-  
mum, M. Cispium, tribunum pl. ui depel-  
lunt; cædem in foro maximam faciunt;  
uniuersiq; districtis gladiis, & cruentis, in  
omnibus fori partibus fratrem meum, uiuum  
optimū, fortissimū, meiq; amantissimū,  
oculis quærebant, uoce poscebant.

## COMMENTARIUS.

Grauius, atque ornatius: *sententias, et uerba*  
*significat: quibus eloquentiam definimus. non*  
*enim eloquens est, cuius in oratione aut sententia-*  
*rum grauitas, aut uerborum elegantia desidera-*  
*tur. Ut sciatis: uel, ut sciatis, in contemptum*  
*Atilij: uel, ut scitis, lege: quia dixit iam, uos hæc*  
*melius scire potestis. Gaius: uetus nomen*  
*in anus producebant ij, qui adoptabantur. quod*  
*alibi quoque docuimus. Socr: Cn. Oppius. post*  
*reditum ad Quirites, & ad Atticum libro IIII.*  
*Longa nocte: mense Decembri. Dies pauci:*  
*quia nec à kalendis Ianuarii ad XVIII. kal Febr.*  
*quotidie senatum haberi licet, propter dies comi-*  
*tiales; nec unquam à XVII. kal. Febr. ad ka-*  
*lendas Febr. propter legem Pupiam. epist. fam.*  
*lib. I. ad Quinctum fratrem lib. II. Calumnia:*  
*cum falsa quedam ad moram interponendam af-*  
*ferrentur.*



COM M E N T A R I V S .

ferrentur . sic epistola 1. ad Lentulum , Calum-  
 niam religionis , dixit , cum falsam religionis in-  
 ductionem significaret . Senatus auctoritas :  
 alibi senatus auctoritas dicitur ea , quæ ne sena-  
 tusconsultum esset , tribunorum pl. intercessione  
 factum erat . de quo diximus in libro de senatu .  
 hic , senatus auctoritas , est senatus summa uolun-  
 tas : cum senatus consultum de Ciceronis reditu  
 factum cunctus senatus magnopere uellet . impe-  
 diebatur autem mora ; ut , cum Atilius noctem  
 sibi ad deliberandū postulauit : ludificatione ; ut ,  
 cum promisit se postero die moram nullam esse fa-  
 cturum , nec tamen , quod promiserat , præstitit :  
 calumnia ; ut , cum falsæ causæ differendi gratia  
 pro ueris adducerentur . Venit consilii de me  
 agendi dies : promulgata enim lege , expecta-  
 uerat Fabricius , ut trinundinum præteriret . nō  
 enim ante legem ferre licebat . & , Consilii agen-  
 di , dixit , pro populi conuocandi , ut promulgata  
 lex ferretur . proprie enim de creādis magistrati-  
 bus comitia dicuntur ; de sciscendis legibus , de ci-  
 uibus iudicandis , κατὰ χρεῖς : contraq̃ ; de le-  
 gibus , & de ciuibus consilium proprie uocatur ;  
 de magistratibus , non item . sic in ea post reditum  
 in senatu , Legem , inquit , tribunus pl. tulit , ne  
 auspiciis obtemperaretur ; ne obnunciare consilio ,  
 aut comitiis , ne legi intercedere liceret . Tem-  
 plum : augurata loca templa dicebantur : ob id  
 puto hic templi nomine Rostra significari . quod

ne



ne nouum, & insolens uideatur, uerba subscribe-  
 mas, quæ sunt in oratione in Vatinium: cum L.  
 Vettium, ait, in concionem produxeris; indicem  
 in Rostris, in illo, inquam, augurato templo, ac  
 loco collocaris. Præterea in hac ipsa pro Sextio,  
 tribunos pl. ferro è Rostris expulsos à Clodio, tra-  
 dit: cum Q. Fabricium manifeste significet. Hic  
 non Sextius, sed Fabricius. cum enim dicat, Hic  
 nihil progreditur: consilia expectat inimicorum  
 meorum: hæc ad Fabricium pertinere, dubium  
 non est: siquidem & de eodem paulo post illa uer-  
 ba subiunguntur: Nullo uerbo facto, nulla con-  
 cione aduocata, nulla lege, concitatam noctur-  
 nam seditionem quis audinit? Quid illi: de Clo-  
 dianis dici manifestum est. accusatum enim à Mi-  
 lone Cladium, quòd cædem cum gladiatoribus in  
 foro fecisset, Dio libro xxxix. scriptum reliquit  
 & de gladiatoribus, quos Appius prætor Clodio  
 fratri commodauit, infra bis significatur. M. Ci-  
 spium: in oratione post reditum in senatu le-  
 gitur, Mosopius: cum legendum sit, ut quidem ego  
 arbitror, M. Cispium. & in oratione pro Plancio,  
 pro, Crispio, non dubito quin reponendum sit,  
 Cispio: primum, quòd Crispianam familiam inter  
 Romanos nominatam non inueni: deinde, quòd,  
 cum in oratione pro Plancio bene de se meritum  
 appellet, conuenire hoc in M. Cispium, qui tri-  
 bunus pl. Ciceronis causam tutatus erat, merito  
 uidetur: postremo, quòd, cum in eadem pro Plan-  
 cio,

M cio,



COMMENTARIUS

cio, simultates eum, quas cum ipso habuerat, deposuisse dicat, suæq; salutis non modo non oppugnatorem, sed etiam defensorem fuisse; hoc ipsum quoque in Cispium optime quadrat: de quo sic in ea post reditum in senatu: Quid M. Cispus? (sic enim potius, ut dixi, quàm, Mosopius, lego) cui ego ipsi, parenti, fratriq; eius sentio quantum debeam: qui, cum mea sententia uoluntas eorum in priuato iudicio esset offensa, publici mei beneficii memoria priuatam offensionem oblitterauerunt.

ORATIO.

QVORVM ille telis libenter in tanto luctu, ac desiderio mei, non depugnandi, sed moriendi causa, corpus obtulisset suum, nisi suam uitam ad spem mei reditus referuasset. subiit tamen uim illā nefariā conscleratorum latronum: & cū ad fratris salutem à populo R. petendam deprecandamq; uenisset, pulsus è Rostris, in Comitio iacuit, seq; seruorū & libertorum corporibus obtexit, uitamq; tum suam noctis, & fugæ præsidio, non iuris, iudiciorumq; defendit. meministis tum iudices corporibus ciuium Tiberim compleri, cloacas referciri, è foro spongiis effingi sanguinem: ut omnes tantam illam copiam, & tam magnificum apparatus non priuatum, aut plebeium, sed patricium, & prætorium esse arbitrarentur: nihilq;



IN ORAT. PRO SEXTIO. 90

hilq; neque ante hoc tempus, neque hoc ipso turbulentissimo die criminationis esse in Sextium. atqui uis in foro uersata est. certe: quando enim maior? lapidationes sæpe uidimus; non ita sæpe, sed nimium tamen sæpe gladios; cædem uero tantam, tantos acervos corporum exstructos, nisi forte illo Cinnano, atque Octauiano die, quis unquam in foro uidit? qua ex concertatione animorum? nam ex pertinacia, aut constantia intercessoris oritur sæpe seditio, culpa, atque improbitate latoris, commodo aliquo imperitis, aut largitione proposita; oritur ex concertatione magistratuum; oritur sensim ex clamore primum, deinde aliqua dissensione concionis; uix, sero, & raro ad manus peruenitur: nullo uero uerbo facto, nulla concione aduocata, nulla promulgata lege, concitatam nocturnam seditionem, quis audiuit? an uerisimile est, ut ciuis R. aut homo liber quisquam cum gladio in forum descendere ante lucem, ne de me ferri pateretur, præter eos, qui ab illo pestifero, ac perduto ciue iampridem reip. sanguine faginantur?

COMMENTARIUS.

Seruorum, & libertorum: si ita legas, seruos & libertos

M 2



libertos de Clodiano exercitu accipiemus : quasi omnes aut serui , aut liberti fuerint . quod si probamus ; apparebit , eos , qui cæsi sunt , quorum se *Quinctus* corporibus textit , *Clodianos* omnes fuisse . quod aperte falsum uidetur . non enim multi de Clodianis , sed ab ipsis multi sunt interfecti . itaque iam dixit , eadem in foro maximam faciunt ; uniuersi q̃ ; districtis gladiis & cruentis , in omnibus fori partibus fratrem meum oculis querebant , uoce poscebant . quo planum fit , non uictam esse *Clodij* manum , sed uictricem fuisse . quocirca , ut significetur , ex utraque parte caesorum in foro corpora iacuisse ; legendum crederem , seruorum , & liberorum : quod in ea dimicatione tum serui de Clodiana factione , tum liberi de bonorum parte sint occisi . Effingi : exprimi . corrigitur locus è *Seruij Honorati* in *Virgilium* commentario . nam antea pro effingi , effundi uulgatis in libris legebatur . eadem est eiusdem uerbi apud *Afranium* significatio . Accedo , inquit , ad te , ut tibi ceruicem fingam linteo . Tantam illam copiam : quãtam fuisse eam constat , quæ eadem in foro maximam fecit . copiam enim pro multitudine hominum posuit . Magnificum apparatus : non casu ad manus uentum esse significat , sed apparatu iam ante facto : quem magnificum appellat in *Appium* prætorem , *Clodij* fratrem , iocans : quod exiguus apparatus esse non posset , quem prætor adornasset . non à priuato,

nato, inq̃  
Clodio, qu  
hac armat  
no, hoc est  
gentis erat  
eum gladi  
pinq̃ sui  
moda uit.  
hæc sunt:  
prehenfi,  
cula coniect  
rissime hæc  
xxxix.  
ianis prim  
Cinnano:  
ides in urbe  
Pedianus 65  
tantam, qua  
nunc natam  
ut Fabriciu  
utende pra  
hantia: per  
eg: constan  
no facto: h  
ur: Nihil pr  
orum meon  
metaphor  
e. Vnum  
tumq̃ nobis



IN ORAT. PRO SEXTIO. 91

uato, inquit, homine, aut plebeio, hoc est à P. Clodio, qui tum & priuatus, & plebeius erat, hac armata manus est; sed à patricio, & pretorio, hoc est ab Appio Pulchro; qui & patriciæ gentis erat, & præturam eo anno gerebat. hic enim gladiatores eos, quos in funere Marci propinqui sui daturus erat, P. Clodio fratri suo commodaui. quod non obscure significatur infra; ubi hæc sunt: Gladiatores ex prætoris comitatu comprehensi, in senatum introducti, confessi, in uinacula coniecti à Milone, missi à Serrano. Sed clarissime hæc tota res narratur à Dione libro xxxix. Nimum tamen sæpe: ut Gracchanis primum, deinde Marianis temporibus. Cinnano: cum inter Cinnam & Octauium consules in urbe pugnatum est. Appianus libro ii. Peditanus 69: Concertatione: cædem illam tantam, quæ in foro facta est, qua ex concertatione natam uidimus? nulla scilicet. nullam enim aut Fabricius, aut Cispus occasionem pugnae committendæ præbuerunt. Pertinacia, aut constantia: pertinacia, cum interceditur salutari legi: constantia, cum perniciosæ. Nullo uerbo facto: hoc iam ostendit, cum dixit de Fabricio: Nihil progreditur: consilia expectat inimicorum meorum. Sanguine faginantur? simili metaphora de iisdem usus est in ea pro Milone. Vnum, inquit, genus est aduersum infestumq; nobis, eorum, quos P. Clodij furor rapi-

M 3 nis



COMMENTARIUS

*nis, & incendijs, & omnibus exitijs publicis  
pauit.*

ORATIO.

Hic iam de ipso accusatore quæro, qui P.  
Sextium queritur cum multitudine in tri-  
bunatu, & cum præsidio magno fuisse,  
num illo die fuerit? certe non fuit. uicta  
igitur est causa reip. & uicta non auspi-  
ciis, non intercessione, non suffragiis,  
sed ui, manu, ferro. nam si obnunciasset  
Fabricio is tribunus pl. qui seruasse de cæ-  
lo diceret: accepisset resp. plagam, sed  
eam, quam acceptam gemere posset. si in-  
tercessisset collega Fabricio, læsisset rep.  
sed rep. iure læsisset. gladiatores tu no-  
uitos, pro expectata ædilitate supposi-  
tos, cum sicariis è carcere emis sis ante  
lucem in forum immittas? magistratus  
templo deiicias? cædem maximam fa-  
cias? forum purges? & cum omnia ui &  
armis egeris, accuses eum, qui se præsi-  
dio munierit, non ut te oppugnaret, sed  
ut uitam suam posset defendere? atqui ne  
ex eo quidem tempore id egit Sextius, ut  
à suis munitus, tuto in foro tum magi-  
stratum gereret, rep. administraret.  
itaque fretus sanctitate tribunatus, cum  
se non modo contra uim, & ferrum, sed  
etiam contra uerba, atque intercessio-  
nem



nem legibus sacratis esse armatum putaret; uenit in templum Castoris, obnunciavit consuli: cum subito manus illa Clodiana, in cæde ciuium sæpe iam uictrix, exclamat, incitatur, inuadit: inermem atque imparatum tribunum alii gladiis adoriuntur, alii fragmentis septorum, & fustibus: à quibus hic multis uulneribus acceptis, ac debilitato corpore, & contrucidato, se abiecit exanimatus, neque ulla alia re ab se mortem, nisi opinione mortis, depulit.

## COMMENTARIUS.

*Auspiciis: &c. lex enim uel auspicijs, & intercessionem impeditur; uel suffragijs antiquatur: quæ in Fabricij lege facta non sunt. ui, manu, ferro acta res est. Obnuntiasset: impediendæ legis duo genera sunt, obnuntiatio, & intercessio. utrunque ponit. Acceptam gemere posset: minorem, quàm accepit. minor enim est plaga, cum obnuntiatione, aut intercessione, quàm cum ui & armis respublica uincitur. ita graue uulnus, inquit, illatum est reipublicæ, ut ex eo statim occiderit, ut ne gemitum quidem edere potuerit. tralatio à uulnere ad damnum. Iure læsisset: non quòd iure intercessisset, sed quòd intercedens, legitimo & iusto impedimenti genere usus esset. Gladiatores nouitios: habuit igitur Clodius non eos modo gladiatores, quos ei frater Appius*

M 4 dedit;



COMMENTARIUS

dedit; de quibus iam dictum est; sed eos etiam, quos ipse sibi adilitatis causa comparavit. adiles enim ludos, & munera gladiatoria populo dabant. Suppositos: fraudem Clodii notat: qui gladiatores emit, non tam ut eos, quemadmodum simulabat, anno adilitatis suae populo daret, quam ut ad caedem faciendam in forum immitteret. suppositos igitur, per fraudem inductos, malo consilio paratos: cum aliud Clodius in sermone ostenderet, aliud in animo cogitaret. Carcere emisiss: à tribuno pl. P. Clodio. Magistratus: Fabricium intelligit. supra. & est artis oratoria, numero multitudinis uti pro singulari. augetur enim quodam modo res. Aristoteles rhetoricorum lib. III. Purges? mendosa dictio. nam, purgare forum, infamiam non habet. quid si, Spurces, unius litterae adiectione, legas? nam inter G & C, si, quo modo veteres scribebant, ut maiusculas consideres, minimum differt. spurcatum autem casorum hominum sanguine forum intelligemus: & ad illud, quod supra dictum est, optime referetur, Meministis è foro spongijs effingi sanguinem. Ne ex eo quidem tempore: tempus illud significat, de quo proxime dixit, cum Fabricius de templo deiectus. Cispinus depulsus, caedes facta maxima. Intercessionem: hoc falsum est: nam tribuno pl. intercedi à collega leges non uetabant. aut igitur, Intercessionem, exponendum est, non tribunorum pl. sed reliquorum



rum magistratum : quam tamen opinionem uix probari posse crediderim : quando enim tribuno pl. legem ferenti consulem , aut pratorem , aut ullum omnino magistratum , præter tribunum pl. intercessisse legimus ? aut correctione utendum ; ut aliquid à uetere scriptura non alienum excogitetur . certe , quod ad sententiam attinet , quam ego in emendandis locis potissimum soleo considerare , aliquid uidetur esse reponendum , quod & minus , quàm , uis , & plus , quàm , uerba , significet . Consuli : Metello , legem aliquam ferenti , quam Sextius minus è republica iudicaret . non enim hoc ad Ciceronis causam pertinuit . contra quem nihil egisse Metellum in consulatu , satis constat . iam enim edium suum in Ciceronem reipublicæ largitus erat .

## O R A T I O .

Q V E M cum iacentem , & concisum plurimis uulneribus , extremo spiritu , exanguem , & confectu uiderent , defatigatione magis , & errore , quàm misericordia , & modo , aliquando cadere destiterunt . & causam dicit Sextius de ui ? quid ita ? quia uiuit . at id non sua culpa . plaga una illa extrema defuit : quæ si accessisset , reliquum spiritum exhausisset . accusa Lentidium : non percussit locum . male dicito Sabino , homini Reatino , cur tam temere exclamarit occisum . ipsum uero quid accusas ?



COMMENTARIVS

accusas? num defuit gladiis? num repugnauit? num, ut gladiatoribus imperari solet, ferrum non recepit? an hæc ipsa uis est, non posse emori? an illa, quòd tribunus pl. templum cruentauit? an, quòd, cum esset ablatus, primumq; resipuisset, non se referri iussit? ubi est crimen, quod reprehenditis? hic quæro iudices: si illo die gens ista Clodia, quod facere uoluit, effecisset; si P. Sextius, qui pro occiso relictus est, occisus esset; fuistis ne ad arma ituri? fuistis ne uos ad patrium illum animum, maiorumq; uirtutem excitaturi? fuistis ne aliquando remp. à funesto latrone repetituri? an etiam tum quiesceretis, cunctaremini, timeretis, cum remp. à facinorosissimis sicariis, & à seruis esse oppressam, atque occupatam uideretis? cuius igitur mortem ulcisceremini, si qui dem liberi esse, & habere remp. cogitaretis; de eius uirtute uiui quid uos loqui, quid sentire, quid cogitare, quid iudicare oporteat, dubitandum putatis?

COMMENTARIVS.

*Errore: quia mortuum putarent. Locum: quem ad inferendam necem percuti oportuit. uel, Loco, ubi opus fuit. uetus enim locutio, loco dicere, loco insanire. Gladiatoribus: qui cum in arena pugnantes populo non satisfecerint, lanista*



IN ORAT. PRO SEXTIO. 24

nista eorum magister ceruicem dare iussos interficit. Tribunus pl. Sextius. Templum: Castoris: in quo obnunciavit consuli.

ORATIO.

AT uero ipsi paricidæ, quorum effræ-natus furor alitur impunitate diuturna, adeo uim facinoris sui perhorruerant, ut, si paulo longior opinio mortis Sextii fuisset, Gracchum illum suum, transferendi in nos criminis causa, occidere cogitarint. sensit rusticulus non incautus (neque enim homines nequam tacere potuerunt) suum sanguinem quæri ad restinguentem inuidiam facinoris Clodiani: mulionicam penulam arripuit, cum qua primū Romam ad comitia uenerat: messoria se corbe contextit: cum quærerent alii Numerium, alii Quinctium, gemini nominis errore seruatus est. atque hoc scitis omnes, usque adeo hominē in periculo fuisse, quoad scitum sit Sextiū uiuere. quod nisi esset patefactum, paulo citius, quam uellem; non illi quidem morte mercenarii sui transferre potuissent inuidiam in quos putabant; sed acerbissimi sceleris infamiā grato quodā scelere minuissent. ac si tunc P. Sextius, iudices, in templo Castoris animam, quam uix retinuit, edidisset: non dubito, quin, si modo esset in rep.



COMMENTARIUS

rep. senatus, si maiestas populi R. reuixisset, aliquando statua huic ob remp. interfecto in foro statueretur. nec uero illorum quisquam, quos à maioribus nostris morte obita positos in illo loco, atque in Rostris collocatos uidetis, esset P. Sextio, aut acerbitate mortis, aut in rep. animo, præponendus, qui, cum causam, ciuis calamitosi, causam amici, causam bene de rep. meriti, causam senatus, causam Italiae, causam reip. suscepisset, cumq; auspiciis, religioniq; parens obnunciaret, quod senserat; luce, palam, à nefariis pestibus, in deorum hominumq; conspectu, esset occisus, sanctissimo in templo, sanctissima in causa, sanctissimo in magistratu.

COMMENTARIUS.

Gracchum: Numerium Quinctium Gracchum, quem Clodiani occidere cogitarunt, ut à Sextianis interfectus putaretur. Transferendi criminis: ut ex tribuni pl. morte inuidiam in nos concitarent, eam, quam è Sextij morte ipsi metuebant. Ad comitia: ignobilem, & in agro educatum Numerium significat. Gemini nominis: & hic prænomen Numerii nomen appellat, ut supra. Acerbissimi sceleris: in occidendo Sextio commissum. Grato scelere: scelus esset, Numerium occidere, quia tribunus pl. erat: sed gratum ciuitati scelus, quia ciuis improbus.



probus. Reuixisset: perijsse enim uidebatur,  
 cum Clodij furor dominaretur. In Rostris col-  
 locatos: apparet, plures statuas eorum, qui  
 pro republica mortem obierant, in Rostris fuisse:  
 tamen in IX. Philippica unam Cn. Octauij nomi-  
 nat. nam de quatuor legatis à Larte Tolumnio,  
 Veientum rege, interfectis, cum ait, Quorum  
 statua in Rostris steterunt usque ad nostram me-  
 moriam: non tum esse in Rostris eorum statuas,  
 sed aliquot ante annis sublatas esse, uidetur indi-  
 care. nec dubito, quin tempus supra consula-  
 tum Marcellini & Philippi, quo anno Sextius est  
 accusatus, illa uerba significant, Steterunt usque  
 ad nostram memoriam. quid igitur existimabi-  
 mus, unam ne an plures in Rostris statuas fuisse?  
 plures omnino: quando hic de pluribus Cicero me-  
 minit. & quanquam in Philippica unam me-  
 morat, quæ tum fuerit: tamen unico exemplo  
 eum fuisse contentum, cum pluribus uti posset,  
 credendum est. Morte obita: locutio poetis  
 & oratoribus æque communis. nam & ipse in ea,  
 de qua proxime meminimus, oratione, & Lucre-  
 tius, ac Ouidius ita locuti sunt. Obnunciaret:  
 consuli Metello, legem ferenti. Senferat:  
 cum in auspicijs de cælo seruaret. &, senferat,  
 quod de sensu oculorum dicatur, nouum non est.  
 nam & Terentius in Hecyra, Voltum earum sen-  
 si immutari omnium. est enim commune uerbum  
 omnium sensuum: & quod generale est, idem  
 conuenit



# COMMENTARIVS

conuenit in particulare: contra uero, non item. non enim, quod oculorum aut aurium proprium est uerbum, id reliquos ad sensus recte transferes. Luce, palam: *ἐμφασις*, est in singulis ferre uerbis usque ad finem periodi. quod autem ait, Sanctissimo in templo, sanctissima in causa, sanctissimo in magistratu; satis patet, templum Castoris, causam reipublicæ, tribunatum pl. significari.

## ORATIO.

Eius igitur uitam quisquam spoliandam ornamentis esse dicet, cuius mortem ornandam monumento sempiterno putaretis? Homines, inquit, emisti, coegisti, parasti. Quid uti faceret? senatum obsideret? ciues indemnatos expelleret? bona diriperet? ædes incenderet? tecta disturbaret? templa deorum immortalium inflammaret? tribunos pl. ferro è Rostris expelleret? prouincias, quas uellet, quibus uellet, uenderet? reges appellaret? rerum capitalium condemnatos in liberas ciuitates per legatos nostros reduceret? principem ciuitatis ferro obsessum teneret? hæc ut efficere posset, quæ fieri nisi armis oppressa rep. nullo modo poterant; iccirco, credo, manū sibi P. Sextius & copias comparauit. At nondum erat maturum: nondum res ipsa ad eiusmodi præsidia



præsidia uiros bonos compellebat: pulsi  
 nos eramus, non omnino ista manu sola,  
 sed tamen non sine ista: uos taciti mære-  
 bamini. captum erat forum anno supe-  
 riore, æde Castoris, tanquam arce aliqua,  
 à fugitiuis occupata: ferebatis. omnia  
 hominum cum egestate, tum audacia per  
 ditorum, clamore, concursu, ui, manu  
 gerebantur: perferebatis. magistratus  
 templis pellebantur: alii omnino aditu,  
 ac foro prohibebantur: nemo resistebat.  
 gladiatores, ex prætoris comitatu, com-  
 prehensi, in senatum introducti, confes-  
 si, in uincula coniecti à Milone, missi à  
 Serrano: mentio nulla. forum corpori-  
 bus ciuium R. cōstratum cæde nocturna  
 non modo nulla noua quæstio, sed etiam  
 uetera iudicia sublata. tribunum pl. plus  
 uiginti uulneribus acceptis iacentem,  
 moribundumq; uidistis: alterius tribuni  
 pl. diuini hominis, (dicam enim, quod sen-  
 tio, & quod mecum sentiunt omnes) di-  
 uini, insigni quadam, inaudita, noua ma-  
 gnitudine animi, grauitate, fide præditi,  
 domus est oppugnata, ferro, facibus,  
 exercitu Clodiano.

## COMMENTARIUS.

*Homines emisti: hoc enim nomine reus erat Sex-  
 tius, quòd in tribunatu magnam armatorum ma-*

*num*



COMMENTARIUS

num circa se habuerit. Quid uti faceret? non potest Cicero, quod obicitur, inficiari: sed excusat, atque eleuat, cum dicat Sextium necessario fecisse, ut uitam suam praesidio muniret. quod ut ita esse credatur, à posterioribus arguit. multitudine usus est Sextius in tribunatu. factum. qua de causa usus est? an, ut senatum obsideret? ciues indemnatos expelleret? aut aliquid eorum faceret, quæ Clodius commisit? nihil omnino fecit eiusmodi. non igitur malo consilio, sed necessario praesidium comparauit. Enumerat autem Cicero Clodii facinora; quia quodam modo rei causa subleuatur, cum aduersariorum deprimitur. Senatum obsideret? obsessum à Clodio senatum significat in consulatu Pisonis & Gabinij; quia, ut apud Plutarchum in Ciceronis uita legimus, Clodius, cum armatis satellitibus curiam circumstans, omnia metu repleuerat. Ciues indemnatos: de ipso Cicerone dictum, usque ad illud, Tempia deorum. nam Clodius Ciceronem expulit indemnatum, bona diripuit, aedes incendit, tecta disturbauit. Tempia deorum: templum Nympharum significat: quod incendit Clodius, ut publicæ recensiois memoriam tolleret. pro Milone, & pro Cælio. Tribunos pl. de Q. Fabricio dicit. Prouincias: Macedoniam Pisoni, Syriam Gabinio, cum ei Ciliciam ante promississet, Clodius sua lege dedit. supra ter, & pro domo sua. Reges appellaret:



ret: & hoc à Clodio factum, iam dixit. Rerum capitalium: Byzantios exules, quos restituit Clodius, intelligit. Legatos: à Clodio missos, ut exules Byzantium populi Romani nomine reducerentur. Principem ciuitatis: Cn. Pompeium: quem Damio Clodij libertus obsedit. pro domo sua, & Pedianus. Nondum erat maturum: ut armis contra ciues improbos uiri boni uterentur. cur autem maturum nondum esset, causam subiungit. Non omnino ista manu sola: non à Clodianis tantum operis, sed & à consulibus ipsis. Taciti: tanquam oppressi, quibus ne queri quidem liceret, Clodiana arma, & consulum iniustam dominationem timentibus. uerum ita taciti, ut inclusum animo dolorem mærente uultu significaretis. Mærebamini: passim dixit: quod infrequens admodum est. unicum Matij exemplum apud Varronem libro sexto de lingua latina adhuc inuenimus,

Corpora Graiorum mærebat mandier igni.

Anno superiore: cū tribunus pl. Clodius esset, Pifone & Gabinio cos. Aede castoris: hac tota de re satis plane supra dixit his uerbis. Iisdem consulibus arma in templum Castoris palam comportabantur, gradus eiusdem templi tollebantur, armati homines forum & conciones tenebant, idem in oratione in Pisonem, & in ea pro domo sua. Cum egestate, tum audacia:

N. alios



# COMMENTARIVS

alios enim rei familiaris inopia, alios audacia,  
& peccandi consuetudo ad facinus impellit. Ma-  
gistratus templis pellebantur: de Q. Fa-  
bricio tribuno pl. dicit. Alii omnino &c. M.  
Cispium tribunum pl. significat. Prætoris:  
Ap. Claudij Pulchri, P. Clodij fratris. A.  
Serrano: Sex. Attilio Serrano. tribunus enim  
pl. alterius tribuni acta poterat rescindere. Fo-  
rum corporibus: &c. intelligit id, quod su-  
pra narravit. Cæde nocturna: aliquanto enim  
ante lucem cædes illa facta est, cū Q. Cicero ser-  
uatus est. Noua quæstio: noua quæstio est,  
cum ob criminis atrocitatem, noua lege lata, de  
aliquo quæritur, quod in caussa Milonis ob necem  
P. Clodij factum est. Vetera iudicia subla-  
ta: quia ne ueteribus quidem legibus de cæde in  
foro facta quæsitum est. iudicium enim interces-  
sio Serrani tribuni pl. impediēbat. Tribunum  
pl. manifestum est de P. Sextio dici. Alterius  
tribuni pl. Milonem significat. Domus  
est oppugnata: propterea de ui Clodium Milo  
accusauit. infra, & ad Atticum libro IIII.

## ORATIO.

ET tu hoc loco laudas Milonem, & iure  
laudas. quem enim unquam uirum tam  
immortali uirtute præditum uidimus,  
qui, nullo præmio proposito, præter  
hoc, quod iam contritum & contem-  
ptum putatur, iudicium bonorum, om-  
nia



nia pericula, summos labores, grauissimas contentiones, inimicitiasq; suscepit? qui mihi unus ex omnibus ciuibus uidetur docuisse, non uerbis, quid oporteret à præstâtissimis uiris in rep. fieri, & quid necesse esset: oportere hominum audacium, euersorum reip. sceleri legibus & iudiciis resistere: si leges non ualèrent, iudicia non essent, si resp. ui consensuq; audacium armis oppressa teneretur, præsidio & copiis defendi uitam & libertatem necesse esse. hoc sentire, prudentiæ est; facere, fortitudinis; & sentire uero, & facere, perfectæ cumulataq; uirtutis. Adiit ad remp. tribunus pl. Milo de cuius laude plura dicam: non quo aut ipse hæc dici, quàm existimari, malit; aut ego hūc laudis fructum præsentī libenter impartiam, presertim cū uerbis consequi non possim: sed quòd existimo, si Milonis causam, accusatoris uoce collaudatam, probaro, uos in hoc crimine parem Sextii causam existimaturos. Adiit igitur T. Annius ad causam reip. sic, ut ciuem patriæ  
 \*recuperare uellet, reip. tum. simplex causa, constans ratio, plena consensionis omnium, plena concordia. collegas adiutores habebat. consulis alterius summū studium, alterius animus pene placatus.



COM MENTARIVS

de prætōribus unus alienus, senatus incre-  
dibilis uoluntas, equitum R. animi ad caus-  
sam excitati, erecta Italia.

COM MENTARIVS.

Hoc loco: laudauerat, opinor, Milonem Sextij  
accusator, quod oppugnata a Clodio domum de-  
fendisset. Hoc loco, inquit, id est cum de oppu-  
gnata domo mentio fit. & est imperfecta oratio.  
deest enim, cum Sextium accusēs. quod absolute  
dixit infra. Iam contritum: nemo enim, iu-  
diciū bonorum tanti facit, ut hoc ad recte agen-  
dum præmio ducatur. Perfectæ cumulatæq;  
uirtutis: in agendo, & intelligendo perfecta uir-  
tus est: cum multi recte agant sine recto sensu;  
alii, qui recte sentiunt, metu tamen, aut alia de  
caussa recte non agant. ideo fortitudinem cum  
prudētia coniunctam, perfectam uirtutem ap-  
pellauit. Adiit ad remp. cum ad restituendum  
Ciceronem incubuit. Parem Sextii causam:  
quia, si laudatur Milo, qui suam uitam ar-  
mis tutatus est; non uideo, cur item Sextius non  
laudetur, qui & ipse, uim iam expertus, præsi-  
dio se muniuit. Sic, ut ciuem: mendo locus ob-  
scuratur, paululum tamen, ut in tenebris, elu-  
cet sententia: eaq; postulare uidetur, ut ita corri-  
gatur. Sic, ut ciuem patriæ recuperare uellet,  
reipublicæ uirum. ut, quemadmodum cum pa-  
tria ciuis, sic cum republica uir coniungatur. hæc  
enim duo nomina usurpare solet Cicero, cum lau-  
dat:



dat : ut infra : Cum omnibus Metellis , tum uero uni , uiro fortissimo , præstantissimo ciui , gratissimum fratri suo fecit . & oratione 1. in Catilinam . Summi uiri , & clarissimi ciues Saturnini , & Gracchorum , & Flacci , & superiorum complurium sanguine non modo se non contaminauerunt , sed etiam honestauerunt . & ad Atticum libro IIII . O uirum , ò ciuem Memmium . & alibi sæpe . quod autem ait , Ciuem patriæ , de ipso , dici non obscurum est . Simplex caussa : quia nihil in ea caussa , nisi de ipsa republica , uidebatur agi . propterea , ut opinor , simplicem caussam appellat . Constans ratio : in mala caussa pertinacia dicitur , in bona constantia . laudem igitur constantiæ ferebat Milo , cum in optima caussa tuenda perseveraret . Collegas : non tribunos pl. omnes , sed omnes , exceptis duobus , Numerio , Quintio , & Sex. Atilio Serrano . supra , pro Milone , & in Pisonem . in ea quoque post reditum in senatu tribunos pl. quorum opera & studio restitutus fuerit , octo commemorat , Milonem , Sextium , Cestilium , Cispium , Fadium , Curium , Messinium , Fabricium : omittit Numerium , & Serranum : qui etsi legi non intercesserunt , quòd tantum senatus omniumq; magistratuum consensum timerent ; male tamen animatos in Ciceronem fuisse , & antea satis patuit , & tum maxime , quòd cum collegis in ferenda lege non consenserunt . Alterius sum-



mum studium: P. Lentuli. Alterius ani-  
 mus pene placatus: Q. Metelli. qui cum nec  
 aduersatus est, nec adiuuit, non omnino placa-  
 tus esse uisus est. post autem etiam adiuuit. de  
 quo sic in ea post reditum ad Quirites: Hoc duce,  
 (Lentulum consulem dicit) collega autem eius,  
 clementissimo atque optimo uiro, primo non ad-  
 uersante, post etiam adiuuante, reliqui magistra-  
 tus pene omnes fuerunt defensores salutis meae.  
 Et in ea in senatu, & in Pisonem. Unus alie-  
 nus: Appius P. Clodii frater: de quo plane in  
 Pisonem. De me, inquit, cum omnes magistra-  
 tus promulgassent, praeter unum praetorem, a  
 quo non fuit postulandum, fratrem inimici mei,  
 praeterq; duos de lapide emptos tribunos pl. le-  
 gem comitiis centuriatis tulit P. Lentulus consul  
 de collega Q. Metelli sententia. nec dubito, quin,  
 ubi scriptum est in oratione pro Milone, Septem  
 praetores, recte scriptum sit, contra quam non nul-  
 li existimant, quibus, Nouem, reponendum ui-  
 detur. octo enim tum fuisse praetores, non de-  
 cem, probauimus in commentario ad Quintum  
 fratrem.

## O R A T I O.

Duo soli erant empti ad impediendum: qui  
 si, homines despecti & contempti, tan-  
 tam rem sustinere non potuissent, se caus-  
 sam, quam susceperat, nullo labore per-  
 acturum uidebat. agebat auctoritate: age-  
 bat



bat consilio : agebat per summum ordinem : agebat exemplo bonorum & fortium ciuium : quid rep. quid se dignum esset, quis ipse esset, quid sperare, quid maioribus suis reddere deberet, diligentissime cogitabat. huic grauitati hominis uidebat ille gladiator se, si moribus ageret, parem esse non posse : ad ferrum, ad faces, ad quotidianam cædem, incendia, rapinas se cum exercitu suo contulit : domum oppugnare, itineribus occurrere, ui lacerare, & terrere cœpit. non mouit hominem summa grauitate, summaq; constantia : sed, quanquam dolor animi, innata libertas, prompta excellensq; uirtus fortissimum uirum hortabantur, uiuim, oblatam presertim sapius, ut frangeret, & refutaret, tanta moderatio fuit hominis, tantum consilium, ut contineret dolorem, neque eadem se re ulcisceretur, qua esset lacesitus; sed illum, tot iam funeribus reip. exultantem, ac tripudiantem, legum, si posset, laqueis constringeret. descendit ad accusandum : quis unquam tam proprie reip. causa? nullis inimiciis, nullis præmiis, nulla hominum postulatione, aut etiam opinione id unquam esse facturum. fracti erant animi hominis : hoc enim accusante, pristini illius



fui iudicii turpitudinem desperabat. ecce tibi consul, prætor, tribunus pl. noua noui generis edicta proponunt: ne reus adfit, ne citetur: ne quæratur: ne mentio nem omnino cuiquam iudicum, aut iudiciorum facere liceat.

## COMMENTARIUS.

Duo soli: tribuni pl. Numerius & Serranus: qui tamen non intercesserunt. Sustinere: si consilium intercedendi omitterent, quod contra uniuersum senatum omnesq; magistratus pugnare non auderent. quod sperare Miloni licebat: cum, homines despectos & contemptos in suscepto negotio fortes & constantes fore, non admodum uerisimile uideretur. Auctoritate: auctoritas est in iis, quorum extant in rempublicam præclare facta. qui deinde cum aliquid agunt, recte agere putantur, ob eam, quam de ipsis iam homines præceperunt, opinionem. Consilio: non temere, sed sapienter: cum in agendo nihil per imprudentiam committeret. Per summum ordinem: auctore senatu: qui est ordo in ciuitate princeps. Bonorum, & fortium ciuium: qui contra perditos ciues rempublicam fortiter defenderunt. ut Abala, Nasica, Opimius, Marius. pro Milone. Et bonos, ac fortes dixit; quia neque boni, si timidi sint, neque strenui, si non boni, reipublicæ rationibus utiles sunt. ideo supra, & sentire, & facere, perfectæ cumulataq; uirtutis



tutis esse dixit . Quid rep. republica dignum  
erat , ut is , qui sceleratissimos ciues pro salute pa-  
triae necarat , ab indignissima exiliij fortuna in pa-  
triam summa cum dignitate reduceretur . Quid  
se dignum esset : qui antea in rempublicā mul-  
ta beneficia contulisset , eius maxime partes uide-  
bantur esse , ut optimum uirum , salutarem pa-  
triae ciuem , ui pulsum , legibus restitueret . Quis  
ipse esset : erat enim is , qui & sperare summos  
honores posset , & egregia maiorum facta debe-  
ret imitari . Si moribus ageret : si more insti-  
tutoq; omniū ei resisteret . sic in Cæcinam locu-  
tus est . Nisi forte , inquit , hoc rationis habuit ,  
quoniam , si facta uis non esset , moribus superior  
in possessione retinenda non fuisset . Descendit  
ad accusandum : sic in Diuinatione locutus est :  
Subito nūc , mutata uoluntate , ad accusandum de-  
scendere . Habitant enim in collibus fere : & in  
foro , quod erat in planitie , iudicia fiebant . alibi ,  
Descendere in campum . accusauit autem Clodiū  
Milo , quòd eadem in foro cum gladiatoribus fe-  
cisset . Dio libro xxxix . Pristini illius sui iu-  
dicii : uidetur significare , Clodij accusatorem in  
aliquo iudicio , pecunia corruptum , prauarica-  
tum esse : cum dicat , hoc enim accusante . uerum ,  
quo in iudicio id acciderit , compertum non habeo .  
nam , in iudicio de sacris Bonæ deæ uiolatis id fa-  
ctum non esse , declarant illa ad Atticum uerba  
libro 1 . Cum accusator , tanquam censor bonus ,  
homines



homines nequissimos reuiceret. De insigni tamen, ac noto iudicio uidetur loqui, cum dicat, Illius sui iudicij. Consul, prætor, tribunus pl. Metellus, Appius, Serranus. Ne quærat: ne res in iudicio cognoscatur. unde quæstio. Iudicium, aut iudiciorum: opinor, quia edixerat, ne iudicium ullum ante comitia fieret. uide hæc de re Dionem libro xxxix.

## O R A T I O.

Q V I D ageret uir ad uirtutem, dignitatem, gloriam natus, ui sceleratorum hominū corroborata, legibus iudiciisq; sublati? ceruices tribunus pl. priuato, præstantissimus uir profligatissimo homini daret? an causam susceptam affligeret? an se domi contineret? & uinci turpe putauit, & \*deterreri. etiam eripi reiecit: ut, quoniam sibi in illum legibus uti non liceret, illius uim neque in suo, neque in reip. periculo pertimesceret. Quo modo igitur in hoc genere præsidij comparati accusas Sextium, cum idem laudes Milonem? an qui sua tecta defendit, qui ab aris, focis ferrum, flammamq; depellit; qui sibi licere uult tuto esse in foro, in templo, in curia; qui uitæ præsidium cōparat; qui uulneribus, quæ cernit quotidie toto corpore, mouetur, ut aliquo præsidio caput, & ceruices, & iugulum, ac latera tutetur; hunc



hunc de ui accusandum putas? quis enim  
 uestrum iudices ignorat, ita naturam re-  
 rum tulisse, ut quodam tēpore homines,  
 nondum neque naturali, neque ciuili iu-  
 re descripto, fusi per agros, ac dispersi  
 uagarentur, tantumq; haberent, quantū  
 manu, ac uiribus per cædem, ac uulnera  
 aut eripere, aut retinere potuissent? qui  
 igitur primi uirtute & consilio præstanti  
 extiterunt, ii, perspecto genere humanæ  
 docilitatis, atque ingenii, dissipatos u-  
 num in locum congregarunt, eosq; ex fe-  
 ritate illa ad iustitiam, atque mansuetu-  
 dinem traduxerunt. tum res communem  
 utilitatem continentes, quas publicas ap-  
 pellamus; tum conuenticula hominum,  
 quæ postea ciuitates nominatæ sunt; tum  
 domicilia cōiuncta, quas urbes dicimus;  
 inuento & diuino & humano iure, mœ-  
 nibus sepeferunt.

## COMMENTARIUS.

*Corroborata: ex impunitate: sublato enim iudi-  
 ciorum metu, aucta est hominum improborum  
 audacia. Sublatis: hoc totum licet uidere in o-  
 ratione post reditum in senatu. etiam in epistola,  
 Periucundæ, ad Lentulum, hoc significat, cum  
 ait: Qui, cum tribunus pl. pœnas à seditioso ciue  
 per bonos uiros iudicio persequi uellet, exemplum  
 præclarissimum in posterum uindicandæ seditio-  
 nis*



nis de republica sustulerunt. Etiam eripi re-  
 iecit: mendum patet: nec est, unde tollatur. con-  
 sentiunt enim cum impressis libri, quos uiderim,  
 manuscripti. uideo sane tertium quiddam deside-  
 rari, quod referatur ad illud, *An caussam susce-*  
*ptam affligeret?* nam cum dixit, *Et uinci*, spe-  
 ctauit illud, *Ceruices daret: cum autem, Deter-*  
*rer*, respondit ad illud, *Se domi contineret. ue-*  
*rum*, et si fortasse licet sententiam diuinare; qui-  
 bus tamen uerbis explicetur, apertum non est.  
 certe aliquid huiusmodi congrueret. Et caus-  
 sam affligere. Fecit, ut &c. uel, & caussam a-  
 buicere. est tamen hac ex eo genere coniectura,  
 quod ego minime soleo probare; cum inter men-  
 dum & correctionem similitudo & tanquam af-  
 finitas litterarum non est. An qui sua tecta  
 defendit: suspicor aliquid in hoc uerborum am-  
 bitu desiderari. nam cum illa conclusio, *Hunc de*  
*ui accusandum putas*, ad Sextium manifeste per-  
 tineat: tamen hac prima, *Qui sua tecta defendit*,  
 qui ab aris focis ferrum flammamq; depellit, ad  
 Milonem sine dubio referuntur. quare totum hoc,  
 ut ego sentio, apte quadraret hoc modo: *An, qui*  
*sua tecta defendit*, qui ab aris focis ferrum flam-  
 mamq; depellit, eum laudas: qui autem sibi li-  
 cere uult tuto esse in foro, in templo, in curia,  
 qui uitae praesidium comparat, qui uulneribus,  
 quae cernit quotidie toto corpore, mouetur, ut a-  
 liquo praesidio caput, & ceruices, & iugulum,  
 ac



ac latera tutetur, hunc de ui accusandum putas?  
 si sic legeretur, perfecta, ut opinor, sententia es-  
 set. sic autem legendum, cum ea, quæ à me dicta  
 ratio est, declarat, tum ea uerba, quæ supra pro  
 xime scripta sunt: Quo modo igitur in hoc genere  
 præsidii comparati accusas Sextium, cum idem  
 laudes Milonem? Toto corpore: plus uigin-  
 ti uulneribus acceptis. Neque Naturali, ne-  
 que ciuili iure: ius naturæ, omnium gentium  
 commune est; ius ciuile, particulare ciuitatum,  
 ad loci rationem, aut ad hominum ingenia accom-  
 modatum. Descripto: quædam enim in legi-  
 bus ex naturali iure scripta sunt, quædam ex eo  
 iure, quod ciuium sententia comprobauit.

## O R A T I O.

Atque inter hanc uitam perpolitam huma-  
 nitate, & illam immanem nihil tam in-  
 terest, quàm ius, atque uis. horum utro  
 uti nolimus, altero est utendum. uim uo-  
 lumus extinguere: ius ualeat necesse est,  
 id est iudicia, quibus omne ius contine-  
 tur. iudicia displicent, aut nulla sunt,  
 uis dominetur, necesse est. hæc uident:  
 omnes, Milo & uidit, & fecit, ut ius ex-  
 periretur, uim depelleret, altero uti uo-  
 luit, ut uirtus audaciam uinceret: altero  
 usus necessario est, ne uirtus ab audacia  
 uinceretur. eademq; ratio fuit P. Sextii,  
 si minus in accusando, ( neque enim per  
 omnes



omnes fuit idem necesse fieri) at certe in  
necesitate defendendæ salutis suæ, præ-  
sidioq; contra uim & manum comparan-  
do. ò dii immortales, quemnam osten-  
ditis exitum nobis? quam spem reip. da-  
tis? quotusquisque inuenietur tanta uir-  
tute uir, qui optimam quanque causam  
reip. amplectatur, qui bonis uiris deser-  
uiat, qui solidam laudem, ueramq; qua-  
rat? cum sciat, illa duo reip. pene fata,  
Gabinium, & Pisonem, alterum haurire  
quotidie ex pacatissimis, atque opulen-  
tissimis Syriæ gazis innumerabile pondus  
auri, bellum inferre quiescentibus, ut  
eorum ueteres, illibatasq; diuitias in  
profundissimum libidinum suarum gur-  
gitem profundat; uillā ædificare in ocu-  
lis omnium tantam, tugurium ut iam ui-  
deatur esse illa uilla, quam ipse tribunus  
pl. pictam olim in concionibus explica-  
bat, quo fortissimum, ac summum ci-  
uem in inuidiam homo castus, ac non  
cupidus: uocaret alterum Thracibus;  
ac Dardanis primum pacem maxima  
pecunia uendidisse, deinde, ut illi pe-  
cuniam conficere possent, uexandam his  
Macedoniam & spoliandam tradidisse;  
eundemq; bona creditorum ciuium R.  
cum debitoribus Græcis diuisisse: coge-  
re



re pecunias maximas à Dyrrhachinis ?  
spoliare Thessalos , certam Achæis in an-  
nos singulos pecuniam imperauisse , ne-  
que tamen nullo in publico , aut religio-  
so loco signum , aut tabulam , aut orna-  
mentum reliquisse : hos sic illudere , qui-  
bus omne supplicium , atque omnis iure  
optimo pœna debetur ? reos esse hos  
duos , quos uidetis ?

## COMMENTARIUS.

*Displicent : uel displicent ea , quæ sunt ; uel omni-  
no nō sunt . Ut uirtus audaciam uinceret :  
ut audacem uirtute praditus legibus puniret .*

*Necessario : illatam enim uim ui repellere coa-  
ctus est . Si minus in accusando : non enim  
in accusando Clodio Milonem est imitatus , sed in  
salute sua defendenda . O' dii immortales :  
cum ciues improbi summis honoribus & potesta-  
tibus fruuntur , boni tanquam nocentes accusen-  
tur ; quid sperandum est ? nihil scilicet nō triste .*

*Alterum haurire : Gabinium , qui Syriæ præ-  
erat . Gurgitem : gurgis , quod inijcitur , ab-  
sorbet : sic libidines Gabini diuitias quamuis im-  
mensas exhauriebant . Villā : in Tusculano : quā  
Tusculanum montem uocat in oratione in Piso-  
nem : quòd ob altitudinem monti similior , quàm  
uillæ , uideretur . meminit etiam pro domo sua  
bis . Tugurium : ut illa uilla , cuius nomine  
summum cinem olim in concione accusabat , tu-  
gurium*



COMMENTARIVS

guriū præ sua, quam extruit, esse uideatur. Tribunus pl. consulibus C. Calpurnio Pisone, & M. Acilio Glabrione tribunus pl. Gabinus fuit. quod è Plutarcho licet conijcere. Fortissimum, ac summum ciuem: L. Lucullum puto significari, qui, ut in eius uita scripsit Plutarchus, uillam præclaram habuit in Tusculano: quam cum Gabinij uilla comparatam, tuguriū uideri Cicero nunc asserit. sunt etiam hæc libro de officiis II. quæ Luculli magnificentiam in ædificando declarant. L. Luculli, summi uiri, uirtutem quis? quàm multi uillarum magnificentiam imitati sunt? præterea, Fortissimum, ac summum ciuem, optime conuenit in Lucullum; qui & bellica laude, & honoribus, atque opibus maxime inter ciues enituit. ut omittam eam rationem, quòd ob simultatem, quæ iam inde à Syllæ testamento, ut indicat Plutarchus, inter Lucullum & Pompeium fuit. credibile est Gabinium Lucullo inensum fuisse. nam Pompeium Gabinus semper coluit atque obseruauit: qui etiam tribunus pl. legem tulerit de bello illi aduersus piratas demandando. Castus, ac non cupidus: alterum ad corpus, alterum ad animum pertinet. qui enim aliena neque attingit, neque appetit, is homo castus, ac non cupidus recte uocatur. ironia in Gabinium, qui omni intemperantia luxuq; dissolutus ac perditus, quæ in alijs uehementer accusauerat uitia, ijs ipse uehementer laborabat.

Alterum:

IN O  
Alterum.  
Vexanda  
in Pisonem  
ea tamen d  
ces ait in M  
nias, quas  
rimas cog  
empta, e  
que modo  
Ciuium  
magnas pe  
permisum e  
tis pecunias  
ita dixit, ut  
eius consul. p  
fisse: Apoll  
derunt, ne c  
nem. de Dyr  
magno auri p  
ptis, mentio  
nem. Neq  
religioso le  
maximas cog  
si non peper  
aditus uniu  
porticus: re  
Sextium, &  
cassante M.  
nifola III.



Alterum ; Pisonē ; qui Macedoniam regebat .  
 Vexandam Macedoniam : hoc est , quod ait  
 in Pisonem : Macedonia condonata barbaris . In  
 ea tamen de prouincijs consularibus nō ideo Thra-  
 ces ait in Macedoniam impetum fecisse , ut pecu-  
 nias , quas Pisoni pro emptā pace soluerent , ma-  
 ximas cogerent , sed ut , pace antea magno pretio  
 emptā , exhaustas domos replere possent . utro-  
 que modo grauitē , & contumeliose in Pisonem .  
 Ciuium R . cum enim Græci Romanis ciuibus  
 magnas pecunias deberent , Pisoni lege Clodia  
 permissum est , ut ius in liberos populos de credi-  
 tis pecunijs diceret . deinde aut ius non dixit , aut  
 ita dixit , ut bonis ciues R . euerteret . de prouin-  
 cijs consul . pro domo sua , & in Pisonem . Diui  
 fuisse : Apolloniata CC talenta Pisoni Romæ de-  
 derunt , ne creditas pecunias soluerent . in Piso-  
 nem . de Dyrrhachinis autē , Thessalis , Achæis ,  
 magno auri pondere à Pifone multatis , aut dire-  
 ptis , mentio fit in ea de prouincijs , & in Pifone-  
 nem . Neque tamen ullo in publico , aut  
 religioso loco : mirum uidetur , cum pecunias  
 maximas cogeret , locis eum publicis , ac religio-  
 sis non pepercisse . Publica loca sunt , quò patet  
 aditus unicuique , ut fora , theatra , basilicæ ,  
 porticus : religiosa , dijs dicata . Hos duos :  
 Sextium , & Milonem , de ui reos , Sextium ac-  
 cusante M . Tullio Albinouano , ut partim ex e-  
 pistola III . libri II . ad Quinctum fratrem , para-

O tim



COMMENTARIUS

*tim ex oratione in Vatiniū colligitur ; Milonem accusante P. Clodio ædile, ut & hic infra patet, & in oratione in Vatinium, et in Dione libro 39. utrunque tamen in eodem iudicio affuisse crediderim: cum dicat Cicero, Hos duos, quos uidetis.*

ORATIO.

Omitto iam Numerium, Serranum, Aelium, quisquilias seditionis Clodianæ. sed tamen hi quoque etiam nunc uolitāt, ut uidetis: nec, dum uos de uobis aliquid timebitis, illi unquam de se pertimescent. Nam quid ego de ædile ipso loquar? qui etiam diem dixit, & accusauit de ui Milonem. neque hic tamen ulla unquam iniuria adducetur, ut eum tali uirtute, tantaq; firmitate animi se in remp. fuisse pœniteat: sed, qui hæc uident, adulescentes quonam suas mentes cōferent? ille, qui monimenta publica, qui ædes sacras, qui domos inimicorum suorum oppugnauit, excidit, incendit, qui stipatus semper sicariis, septus armatis, munitus indicibus fuit, quorum hodie copia redundat, qui & peregrinam manum facinorosorum concitauit, & seruos ad cædem idoneos emit, & in tribunatu carcerem totum in forum effudit, uolitat ædilis, accusat eum, qui aliqua ex parte eius furorem exultantem represcit: hic, qui se  
est

IN O  
est tutatu  
res suos,  
ciaq; defe  
te, a que  
natus au  
hoc illud  
in accusa  
natio op  
quaris p  
nec mihi  
qua pauca  
nec ab uti  
ab officio  
tū abhorre  
C  
merium, S  
pl. fuerunt  
anno Cicero  
um Cicero p  
no. supra.  
ad puniendo  
unquam, in  
na reprimet  
in istam man  
republica  
nunc, quia  
his memori  
ca, qua in  
mescent.



est tutatus sic, ut in priuata re deos penates suos, in rep. iura tribunatus, auspiciaq; defenderet; accusare eum moderate, à quo ipse nefarie accusatur, per senatus auctoritatē non est situs. nimirum hoc illud est, quòd de me potissimum tu in accusatione quæstisti, quæ esset nostra ratio optimatum: sic enim dixisti. rem quæris præclarā iuuentuti ad discendum, nec mihi difficilem ad perdocendum. de qua pauca iudices dicam: et, ut arbitror, nec ab utilitate eorum, qui audient, nec ab officio nostro, nec ab ipsa causâ P. Sextii abhorrebit oratio mea.

## COMMENTARIUS.

Numerium, Serranū, Aelium: primi duo tribuni pl. fuerunt consulibus Lentulo & Metello, quo anno Cicero restitutus est: tertius anno superiore, cum Cicero pulsus est, consulibus Pisone et Gabinius. supra. Timebitis: tacite iudices hortatur ad puniendos Clodianorum scelerum satellites. nunquam, inquit, eorum arrogantia, atque audacia reprimetur, nisi uos, obiecto metu, fortiter in istam manum hominum perditorum irruentes, rempublicam à nefario dominatu uindictis. nunc, quia languetis, quòd fortasse uos mei casus memoria timidos reddit; isti uolitant, quasi ea, quæ improbe agendo meriti sunt, nihil extimescant. Aedile ipso: P. Clodio. hinc appa-

O 2 ret,



COMMENTARIUS

ret, ut alia prætermittam, hanc orationem consulibus Marcellino & Philippo habitam esse. nā Clodius eo anno ædilis fuit, ut uel una de aruspicum responsis oratio demonstrat. Accusauit de ui: hic, Accusauit, infra uero, Accusat, dicit: quia & iam acta res erat, & in Quirinalia dilata fuerat, indeq; in nonas Maias. est enim accusatus Milo, ante quàm Sextius postularetur: & tamen, absoluto iam Sextio, reus adhuc fuit, re dilata: ut in libro II. ad Quinti fratrem epistola III. & IIII. scriptum est. accusatus autem est de ui: quòd cum bestiarijs obse- disse rempublicam dicebant. in Vatinius: Dio autem libro XXXIX. Clodium ait Miloni diem dixisse ijs de rebus, quas ipse commiserat. Monimenta publica: opinor intelligi porticum Catuli, de Cimbricis manubijs extructam: quam Clodius, quia cum Ciceronis domo coniungebatur, euertit. Aedes sacras: templum Nympharum; de quo iam diximus. Inimicorum: M. Tullij, Quinti fratris, Milonis. ad Atticū lib. IIII. Indicibus: quorum corrupto indicio, bonos uiros in iudicium uocare consueuerat. Peregrinam manum: forte ex Etruria conductam. pro Milone. Carcerem totum: homines audacia perditos Clodius in tribunatu carceribus liberauit. quos significauit Cicero, cum dixit, Cum sicarijs è carcere emissis. Hic: Milo. Auspiciaq;: cum tribunum pl. Milo-



Milonem Clodius ferro peteret, cōtemnere prorsus ea iura, eaq; auspicia uidebatur, quibus tribunatus pl. ab initio institutus erat. lege enim auspicato lata sancitum fuerat, ut sacrosancta essent corpora tribunorum. Per senatus auctoritatem: supra non à senatu prohibitum esse Milonem dixit, ne Clodium accusaret, sed à cōsule, prætore, tribuno pl. qui mentionem ullam iudicum aut iudiciorum à quoquam fieri, propositis edictis, uetuerunt. sed credendum est, edicta illa prius in senatu, sententijs dictis, esse comprobata. nam in epistola, Periuicundæ, ad Lentulum, cum ait, Impunitatem est eorum sententys affecutus, qui, cum tribunus pl. pœnas à seditioso ciue per bonos uiros iudicio persequi uellet, exemplum præclarissimum in posterum uindicandæ seditionis de republica sustulerunt; non significat Clodium sententys iudicum esse absolutum: non enim iudicium illud, quo Milo tribunus pl. Clodium de ui accusauit, factum est: sed senatorum sententijs esse decretum, ne causam prius diceret, quàm habita comitia essent. quibus cum ædilis esset Clodius designatus, institutam accusationem Milo persequi noluit, opinor ne plebem offenderet, cum ei, cui magistratum ipsa mandasset, perniciem quærere uideretur. Nimirum hoc illud est: non satis patet, quo modo hoc ad superiora pertineat: & tamen disiunctum esse non potest: cum dicat Cicero, Hoc illud est. forte,

O 3 quia



COM M E N T A R I V S

quia Miloni Clodium accusare per senatus auctoritatem non licuerat, accusator Sextij, inde arrepta occasione, quasiuit à Cicerone; qui essent optimates illi, quos ipse & Sextius iactarent; cum senatus, impedienda Milonis accusatione, suam in Clodium uoluntatem ac studium declarasset. Officio nostro: qui defendimus.

O R A T I O.

Duo genera semper in hac ciuitate fuerunt eorum, qui uersari in rep. atque in ea se excellentius gerere studuerunt: quibus ex generibus alteri se populares, alteri optimates & haberi, & esse uoluerunt. qui ea, quæ faciebant, quæq; dicebant, multitudini iucunda esse uolebant, populares: qui autem ita se gerebant, ut sua consilia optimo cuique probarentur, optimates habebantur. quis ergo iste optimus? quis? de numero si quæris, innumerabiles: neque enim aliter stare possemus. sunt principes cōsiliū publici: sunt, qui eorum sectam sequuntur: sunt maximorum ordinum homines, quibus patet curia: sunt municipales rusticiq; Romani: sunt negocia gerentes: sunt etiam libertini optimates. numerus, ut dixi, huius generis late & uarie diffusus est: sed genus uniuersum (ut tollatur error) breui circumscribi, & definiri potest. omnes opti-



optimates sunt, qui neque nocētes sunt, nec natura improbi, nec furiosi, nec malis domesticis impediti. esto igitur, ut hi sint, quam tu nationem appellasti. horū qui uoluntati, cōmodis, opinioni in gubernanda rep. seruiunt, defensores optimatum, ipsiq; optimates grauisissimi, & clarissimi ciues nominantur, & principes ciuitatis. quid est igitur propositum his reip. gubernatoribus, quod intueri, & quò cursum suum dirigere debeant? id, quod est præstantissimum, maximeq; optabile omnibus sanis, & bonis, & beatis, cum dignitate ociū. hoc qui uolunt, omnes optimates; qui efficiunt, summi uiri, & conseruatores ciuitatis putantur. neque enim rerum gerendarum dignitate homines efferri ita conuenit, ut ocio nō prospiciant; neque ullum amplexari ociū, quod abhorreat à dignitate.

## COMMENTARIUS,

Optimus iste? rectius opinor, optimas iste? cum de optimatibus sermo sit. Consilii publici: senatus. sic enim eum appellat in epistola quadam ad Ap. Pulchrum. Quibus patet curia: non enim omniū ordinum hominibus in senatum aditus est, sed ijs tantum, qui neque libertini sint, et dccc millia possideant. municipibus autem, et rusticis, et negocia gerentibus, de quibus pro-

O 4 xime



xime loquitur, patere curiam non dicit: quia municipales in municipijs uiuunt, suisq; legibus utuntur; rustici senatorium censum non habent: negocia gerentes, quia quæstum aperte curant, non ualde honorati. maximorum igitur ordinum homines dixit, qui optima conditione sunt in ciuitate. sic infimi ordinis homo, qui obscuræ sortis est. Natura improbi: hos à nocentibus distinguit: quia multi peccant, et re nocentes sunt, cum natura tamen improbi non sint. Furiosi: auget uitium. qui enim et nocentes sunt, et natura improbi, possunt à furore abesse. addit igitur id, quo pessima fit improbitas. Malis domesticis: egestas enim facile homines ad facinus impellit. Impediti: maximum est ad præclare agendum impedimentum rei familiaris inopia. unde illud, Non facile emergunt, quorum uirtutibus obstat Res angusta domi.

Nationem: quo uerbo quasi per contemptum accusator usus erat. Appellasti: post hoc uerbū sequebantur hæc: Qui et integri sunt, & sani, et bene de rebus domesticis constituti. quæ non leguntur in libro manuscripto, nec, ut accuratius consideranti facile patebit, necessaria sunt. uidentur enim ex eo genere, quæ glossemata appellatur quæ in ueterum libros quàm multa irrepserint, notum est. Gubernatoribus: gubernare de nauigantibus proprie dicitur, de rempublicam administrantibus μεταφορικῶς. & est uerbum ad inducen-



ducendam metaphoram accommodatum: quia usu  
 pene proprium factum est. hoc enim uerborum  
 genere facile à proprijs ad translata deducimur:  
 cum ad diuersa coniungenda medium quiddam  
 requiratur. Sanis, & bonis, & beatis: tri-  
 bus modis idem dixit, primum, Neque nocen-  
 tes, nec natura improbi, nec furiosi, nec ma-  
 lis domesticis impediti: deinde, Sanis, & bonis,  
 & beatis. solet enim eos beatos appellare, qui  
 diuitijs abundant, extra egestatis incommo-  
 da constituti. Cum dignitate ocium: ut &  
 magistratus consequantur, &, ne quid in re-  
 publica contra ueteres mores ac leges nouetur,  
 diligenter animaduertant. Efficiunt: qui &  
 recte sentiunt, &, quod sentiunt, re presta-  
 re possunt.

## O R A T I O.

Huius autem ociosæ dignitatis hæc funda-  
 menta sunt, hæc membra, quæ tuenda  
 principibus, & uel capitis periculo de-  
 fendenda sunt, religiones, auspicia, po-  
 testates magistratuum, senatus auctori-  
 tas, leges, mos maiorum, iudicia, iu-  
 risdictio, fides, prouinciæ, socii, impe-  
 rii laus, res militaris, ærarium. harum re-  
 rum tot, atque tantarum esse defensorem,  
 & patronum, magni animi est, magni in-  
 genii, magnæq; constantiæ. etenim in tan-  
 to ciuium numero magna multitudo est  
 eorum



eorum, qui aut propter metum pœnæ, peccatorum suorum conscii, novos motus cōuersionesq; reip. quærant; aut qui, propter insitum quendā animi furorem, discordiis ciuium, ac seditione pascantur; aut qui, propter implicationem rei familiaris, communi incendio malint, quàm suo, deflagrare. qui cum auctores sunt, & duces suorum studiorum, uitiorumq; nacti, in rep. fluctus excitantur: ut uigilandum sit iis, qui sibi gubernacula patriæ deposcerunt; enitendumq; omni scientia, ac diligentia, ut, cōseruatis iis, quæ ego paulo ante fundamēta, ac membra esse dixi, tenere cursum possint, & capere ocii illum portū, & dignitatis. hanc uiam, iudices, si aut asperam, atque arduam, aut plenam esse periculorum, aut insidiarum negem, mentiar; presertim cum id non modo intellexerim semper, sed etiam præter ceteros senserim.

COMMENTARIVS.

*Religiones: ut ea, quæ ad deos pertinent, studiosè seruentur. Auspicia: rectè post religiones auspicia posuit. nam & ipsa deorum à uoluntate pendent: nec omitti & negligi possunt, quin simul religio deseratur. Potestates magistratum: seruanda enim sunt iura magistratum: ut tantum possint, quantum eis à legibus tribuitur.*



IN ORAT. PRO SEXTIO. IIO

tur. Fides: ne quid utilitatis caussa præter fidem committamus. de officijs lib. I I. Socii: qui nobis tuendi sunt: etsi non à magistratibus nostris, sicuti prouinciæ, regantur. Qui aut propter metum: in tres partes diuisa sententia est. prima nocentes significat, altera furiosos, tertia malis domesticis impeditos. quæ hominum genera ab optimatum numero iam exclusit. Implicationem rei familiaris: egestatem significat: in qua quisunt, eos appellari latine & eleganter, malis domesticis impeditos, non bene de rebus domesticis constitutos, supra cognoscitur. hic autem, cum dicat, Implicationem rei familiaris, difficultatibus rei familiaris implicati, recte de eodem hominum genere dicemus. Tenere eursum: metaphoræ initium fecit in communi uerbo, Vigilandum: deinde subiunxit, gubernacula; quod est translatum illud quidem, usu tamen ita tritum, ut pene proprium uideatur: deinde, cum quasi uiam munisset, apertam translationem induxit.

O R A T I O.

Maiores præfidiis & copiis oppugnantur resp. quàm defenditur: propterea quòd audaces homines & periti nutu impelluntur, & ipsi etiam sponte sua contra remp. incitantur: boni nescio quo modo tardiores sunt, &, principiis rerum neglectis, ad extremum ipsa denique necessitate



sitate excitantur : ita, ut non nunquā cun-  
 ctatione ac tarditate, dum ocium uolunt  
 etiam sine dignitate retinere, ipsi utrun-  
 que amittant. propugnatores autē reip.  
 qui esse uoluerunt, si leuiiores sunt, descen-  
 scunt; si timidiiores, desunt : permanent  
 illi soli, atque omnia reip. causa perfe-  
 runt, qui sunt tales, qualis pater tuus M.  
 Scaure fuit; qui à C. Graccho usque ad C.  
 Marium seditiosis omnibus restitit; quē  
 nulla unquam uis, nullæ minæ, nulla inui-  
 dia labefecit; aut qualis Q. Metellus, pa-  
 truus matris tuæ : qui cum florentem ho-  
 minem in populari ratione L. Saturninū  
 censor notasset; cumq; insitium Grac-  
 chum contra uim multitudinis incitatæ  
 censu prohibuisset; cumq; in eam legem,  
 quam non iure rogatam iudicaret, iura-  
 re unus noluiisset; de ciuitate maluit,  
 quàm de sententia, dimoueri : aut, (ut ue-  
 tera exempla, quorum est copia digna hu-  
 ius imperii gloria, relinquam, ne ue eo-  
 rum aliquem, qui uiuūt, nominem) qua-  
 lis nuper Q. Catulus fuit : quem neque  
 periculi tempestas, neque honoris aura  
 potuit unquam de suo cursu, aut spe, aut  
 metu, dimouere. Hæc imitamini per de-  
 os immortales, qui dignitatem, qui lau-  
 dem, qui gloriam quæritis. hæc ampla  
 sunt,



sunt, hæc diuina, hæc immortalia: hæc fama celebrantur, monumentis annaliū mandantur, posteritati propagantur.

## COMMENTARIUS.

Leuiiores: non admodum fortes. Desciscunt: à reipublicæ caussa: susceptam defensionem abijciunt. Desunt: uolunt quidem, sed præ timore non aggrediuntur. Illi soli: tria facit hominum genera, de reipublica recte sentientiū: unum eorum, qui pro communi commodo labores & pericula subeunt; quia tamen uirtute non magna sunt, non permanent in incepto: alterum eorum, qui metu deterriti à contentione abstinent: tertium eorum, qui omnia pro salute reipublicæ & suscipiunt, et perferunt. Pater tuus: M. Scaurus, princeps senatus: cuius in tuenda reipublica constantiam declarat etiam in ea pro C. Rabirio, his uerbis. Cum armatus M. Aemilius, princeps senatus, in Comitio constitisset: qui cum ingredi uix posset; non ad insequendum sibi tarditatem pedum, sed ad fugiendum impedimento fore putabat. Eundem in ea pro Scauro, quæ integra non extat, custodem reipublicæ uocat. M. Scaure: apud hunc, ut opinor, prætorem Sextij causam Cicero agebat. nam et infra: Ex te igitur Scaure potissimum quero. Quod ad prætorē potius, quàm ad iudicem, uidetur esse dictum. præterea, si quis cum Pediano supputet, prætorem hoc anno fuisse reperiet. ait enim Pedianus, accusatum esse Scaurum



rum L. Domitio Ahenobarbo & Ap. Claudio Pulchro cos. cum Sardiniam prouinciam pro præ-tore anno proximo administrasset. annus autem, qui Domitij & Claudij consulatum proximus antecessit, fuit is, quo consules Pompeius & Crassus fuerunt. quod si statim post præturam iuit Scaurus in Sardiniam; quod & uerisimile est, et à Pediano uidetur indicari, cum ait, Ex prætura prouinciam Sardiniam obtinuit: necesse est prætorem fuisse Marcellino & Philippo cos. quo anno habita pro Sextio hæc oratio est. hi enim ante Pompeium & Crassum consulatum gesserunt. tribus igitur continentibus annis fuit Scaurus primo prætor, Marcellino & Philippo cos. secundo Sardinie rector, Pompeio et Crasso; tertio reus, Ahenobarbo & Pulchro. In hac satis explorata ratione quiddam tamen est, quo ualde conturbor. nam in hac ipsa oratione infra ludos à Scauro ædile datos Pisone & Gabinio cos. Cicero significat. et ab ædilitate biennio prætura distat. quod cum ita sit: qui potest his consulibus prætor Scaurus esse? Ad C. Marium: quem sextum consulatum gerentem hortatus est, ut contra Saturninum tribuum pl. et Glauciam prætorem libertatem legesq; manu defenderet: protinusq; arma sibi afferri iussit: quibus allatis, ultima senectute confectum corpus induit: spiculoq; innixus ante fores curiæ constitit. Q. Metellus: satis ostendunt ea, quæ sequuntur, de Numidico dici. patruus autem



tem fuit Scauri matris hoc modo. M. Scaurus,  
 ille Senatus princeps, uxorem habuit Cæcilianæ  
 Metellam: è qua scaurum hunc, quem appel-  
 lat Cicero, filium suscepit. patet hoc ex Plinij  
 libro XXXVII. cap. XV. hæc L. Metel-  
 li, pontificis maximi, filia fuit, ut à Plutarcho  
 in Sylla, & à Cicerone ipso in oratione pro hoc  
 Scauro habita traditum est: quem Numidici Me-  
 telli fratrem fuisse, etiam si exemplis non pro-  
 betur, hic tamen Ciceronis locus plane declarat.  
 post obitum Scauri, nupsisse eam L. Syllæ, qui  
 dictaturam, armis cepit, & sponte deposuit, tum  
 ij, quos nominari, scriptum reliquere, tum e-  
 tiam ex Pediano licet cognoscere. ait enim, Scau-  
 ro, quem de repetundis accusatum Cicero de-  
 fendit, utricum Syllam fuisse, Scaurique fratrem  
 ex eadem matre faustum fuisse, eum, quem ci-  
 nili Cæsaris, & Pompeij bello perisse Suetonius  
 tradit. geminos enim peperit Cæcilia, Fau-  
 stum, de quo diximus, & Faustam, quæ Mi-  
 lonis uxor fuit. Censor notasset: notatum  
 tamen alter censor, Metelli collega, restituit:  
 non enim senatu moueri passus est. testis Ap-  
 pianus lib. I. collegam autem in censura Q.  
 Metelli Numidici opinor fuisse C. Metellum  
 Caprarium, Metelli Macedonici filium. hoc  
 ex Velleij Paterculi uerbis coniicio: ait enim duos  
 Capiones fratres germanos censuram simul ges-  
 sisse, duos autem postea Metellos, non germa-  
 nos



COMMENTARIVS

nos fratres, sed patruels. porro Numidicum, & Caprarium, fratres patruels fuisse, antiquarum familiarum, de quibus librum institui-  
mus, obseruatio demonstrabit. de filiis autem Ma-  
cedonici cur Caium potius, quàm Quinctum,  
aut Lucium, aut Marcum, (quatuor enim  
fuere) cum Numidico censorem fuisse existimem.  
ea ratio facit, quod Quinctus, & Lucius, ille  
cum Geta, hic cum Ahenobarbo, ante Nu-  
midici censuram, censores fuere. Caium au-  
tem censorium fuisse, ex duabus Ciceronis post  
reditum orationibus plane cognoscitur. Infiti-  
uum Gracchum: C. Quinctium Gracchum: qui  
se Ti. Gracchi filium simulabat esse. quo men-  
dacio plebem usque eò decepit, atque induxit,  
ut tribunus pl. designatus sit: cum tamen è Fir-  
mo Piceno, obscurissima stirpe, atque adeo ser-  
uili sanguine genitus esset. sic enim Cicero in  
ea pro C. Rabirio significat, cum ait: Armatus  
esset cum Saturnino C. Glaucia, C. Saufeius,  
etiam ille ex compedibus atque ergastulo Grac-  
chus. & Valerius Maximus monstrum appellat  
libro IX. cap. ultimo. prænomen Caii tribuit illi  
Florus, nomen Quinctij auctor de uiris illustri-  
bus. In eam legem: L. Saturnini tribuni pl.  
de qua supra meminit. Q. Catulus: filius  
eius, qui cum C. Mario consul fuit. Nuper:  
periit enim post consulatum Ciceronis. post redi-  
tum in senatu. de hoc etiam Plutarchus, & alii.  
Aut



Aut spe, aut metu: spe honorum, metu periculorum: quod iam dixit, Neque periculi tempestas, neque honoris aura. Propagantur: non breui temporis definiuntur spatio, sed ita producantur, ut ad posteritatem perveniant.

## O R A T I O.

Est labor, non nego: pericula magna, fateor:

-Multæ insidiæ sunt bonis, uerissime dictum est:

Sed te id, quod multi inuideant, multiq; expetant,

Inscitia sit, inquit, postulare, si tu laborem: summa cum cura efferas nullum. idem alio loco dixit, quod exciperent improbi ciues, Oderint, dum metuant. præclara enim illa præcepta dederat iuuentuti. sed tamen hæc uia, hæc ratio reip. capeßendæ olim erat magis pertimescenda, cum multis in rebus multitudinis studium ad populi commodum ab utilitate reip. discrepabat. tabellaria lex ab L. Cassio ferebatur: populus libertatem agi putabat suam: dissentiebant principes, & in salute optimatum temeritatem multitudinis, & tabellæ licentiam pertimescebant. agrariam Ti. Gracchus legem ferebat: grata erat populo: fortunæ constitui tenuiorum uidebantur. nitebantur

P contra



COMMENTARIUS

contra optimates, quòd ea discordiam excitari uidebant; &, cum locupletes possessionibus diuturnis mouerentur, spoliari remp. propugnatoribus arbitrabantur. frumentariam legem C. Gracchus ferebat: iucunda res plebi R. uictus enim suppeditabatur large sine labore: repugnabant boni, quòd & ab industria plebem ad desidiam auocari putabant, & ararium exhauriri uidebatur. multa etiam nostra memoria, quæ còsulto prætereo, fuerunt in ea contentione, ut popularis cupiditas à consilio principum disideret. nunc iam nihil est, quòd populus à delectis, principibusq; dissentiat: nec flagitat rem ullam, neque nouarum rerum est cupidus: & ocio suo, & dignitate optimi cuiusque, & uniuersæ reip. gloria delectatur. itaque homines seditiosi ac turbulentissimi, quia nulla iam largitione populum R. concitare possunt, quòd plebs perfuncta grauissimis seditionibus ac discordiis ocium malle uideatur, conductas habent conciones; neque id agunt, ut ea dicant, aut ferant, quæ illi uelint audire, qui in concione sunt; sed pretio ac mercede perficiunt, ut, quicquid dicant, id illi uelle audire uideantur.

COMO



Multæ insidiæ: Iouis filium, *Aeacum* fortasse *Accius* poeta induxit suis liberis hæc præcipientem: quæ Cicero & hic, & in oratione pro *Planicio* ad suam sententiam accommodat. *Accij* uero ut hæc esse existimem, facit illud, quod sequitur, *Oderint, dum metuant*: quod Cicero eiusdem poetæ dicit esse. porro id ex *Accij* tragiædia, *Atreo*, ut opinor, sumptum esse, ostendit *Anneius Seneca* libro de clementia 11. quod officiorum libro 1. plane cognoscitur. usurpantur & *Philippica* 1. Exciperent: improbi, cum pro eorum sensu ac uoluntate scriptum legunt, arripiunt, & memoria tenent, atque etiam imitatione usq; comprobant. itaque, quod *Accius* de *Atreo* dixerat, ab improbis hominibus auide est exceptum. Præclara: excusat poetam, qui dixerit, *Oderint, dum metuant*: quod est ad confirmandas improborum ciuium mentes aptissimum dictum. scripsit, inquit, hoc, quia scripserat iam illa, *Multæ insidiæ sunt bonis, & quæ sequuntur*. non enim uerebatur, ut in eo, quod *Atreum* dicentem facit, iuuentuti noceret, quam utilissimis ac saluberrimis illis præceptis, ex *Aeaci* persona prolatis, iam imbuerat. Ad populi commodum: ad suum ipsius commodum. populum enim hic usurpat Cicero pro ea multitudine, quæ senatui & optimatibus aduersatur. *Ta bellaria lex*: ut populus non, ut antea, uoce,

P 2 sed



sed per tabellas de ciuibus sententiam ferret. quatuor leges tabellarie fuerunt, Gabinia, Cassia, Papiria, Caelia. libro III. de legibus. In salute optimatium: cum aliquis de numero optimatum a populo iudicaretur, cum de salute optimatum in iudicio ageretur. primus enim L. Cassius populo tabellam dedit in iudicio. dederat biennio ante Gabinius in creandis magistratibus. Licentiam: maior enim est licentia, ubi per tabellas sententie feruntur. Agrariam: ne quis ultra quingenta iugera possideret. quod aliquando lege Licinia cautum erat. Plutarchus, Appianus, Velleius, epitome Liuij: in qua pro, quingenta iugera, mendose legitur, decem iugera. errato causam praeiuit antiqua nota De ignorantio. Mouerentur: quas enim possessiones contra legem Liciniam, quae multis ante Tiberium annis quingentorum iugerum numerum definierat, locupletes homines tenebant, eas Tiberii lege tenuioribus tradere cogeantur. Frumentariam: ut frumentum semisse & triciente populo daretur. epitome Liniana, Velleius, Plutarchus. hanc legem mox & L. Saturninus, & postea Ciceronis aetate P. Clodius tulit. supra. Sine labore: ut, etiam si plebs inerti ocio tempus consumeret, ei tamen, unde uiueret, non deesset. Aerarium exhauriri: cum frumentum publicum, cuius uenditione quotannis in aerarium magna pecuniae inferebantur, plebi gratis dari lex Gracchi iuberet.

Nostra



Nostra memoria: Marij & Syllæ temporibus. nam deinde plebs à patribus aut non dissensit, aut sine seditione dissensit. A consilio principum: à senatu, ab optimatibus. A delectis: à delectis in summum ordinem, à senatu: qui de uniuerſa ciuitate pro cuiusque uirtute ac meritis à censoribus legi solitus erat. Conductas: mercede coactas: quando sua sponte plebs ad eas conciones, quæ à turbulentis ac seditiosis tribunis pl. habentur, coire non uult.

## O R A T I O.

Num uos existimatis, Gracchos, aut Saturninum, aut quenquam illorum ueterum, qui populares habebantur, ullum unquam in concione habuisse conductum? nemo habuit. ipsa enim largitio, & spes commodi propositi, sine mercede ulla multitudinem concitabat. itaque temporibus illis, qui populares erant, offende-  
bant illi quidem apud graues & honestos homines, sed populi iudiciis, atque omni significatione florebat. his in theatro plaudebatur: hi suffragiis, quod contenderant, conſequebantur: horum homines nomen, orationem, uultum, incessum amabant. qui autem aduersabantur ei generi; graues & magni homines habebantur; sed ualebant in senatu multum, apud bonos uiros plurimum; multitudi-



COMMENTARIVS

ni iucundi non erant ; suffragiis offende-  
batur sæpe eorum uoluntas ; plausum ue-  
ro etiam si quis eorum aliquando accepe-  
rat, ne quid peccasset, pertimescebat. at-  
tamen si qua res erat maior, idem ille po-  
pulus horum auctoritate maxime com-  
mouebatur. nunc, nisi me fallit, in eo sta-  
tu ciuitas est, ut, si operas conductorum  
remoueris, omnes idem de rep. sensuri es-  
se uideantur. etenim tribus locis signifi-  
cari maxime populi R. iudicium, ac uo-  
luntas potest, concione, comitiis, ludo-  
rum gladiatorumq; confessu. quæ concio  
fuit per hos annos, quæ quidem esset non  
conducta, sed uera, in qua populi R. con-  
sensus perspicui posset? habitæ sunt mul-  
tæ de me à gladiatore sceleratissimo :  
ad quas nemo adibat incorruptus, ne-  
mo integer : nemo illum fœdum uul-  
tum aspicere, nemo furialem uocem bo-  
nus audire poterat. erant, erant illæ con-  
ciones perditorum hominum necessario  
turbulentæ.

COMMENTARIVS.

Populi iudiciis : *iudicium suum in magistratu  
mandando populus ostendit. Significatione:  
cum in theatrum populares ciues ingrediebantur,  
populus ad beneuolentiam significandam plau-  
sum dabat. quod autem Cicero dixit, Iudicijs at-  
que*



que omni significatione, proxime se ipse exponit, cum infert, His in theatro plaudebatur: hi suffragijs, quod contenderant, consequebantur. Apud bonos uiros: distinguit à senatu bonos uiros: ut ostendat, etiam in populo fuisse, qui recte de republica sentirent. Eorum uoluntas: cum aut ipsi, aut eorum propinqui, aut amici, magistratum petentes, repulsam ferebant. Ne quid peccasset: solidam lætitiā ex eo plausu non capiebant, sed tenuem & suspitione diminutam. uerebantur enim, ne qua re antea populi uoluntatem offendissent. Tribus locis: in foro, in campo Martio, in theatro. in foro enim conciones habebantur, munus gladiatorium dabatur, ludi interdum fiebant: in campo comitia, & conciones, in theatro ludi. Gladiatores: P. Clodio. gladiatores enim homines audaces, & facinorosi: à quibus natura & factis Clodius minime differebat. Necesario: quia conductā concio erat hominum perditorum: qui cum pretium ac mercedem acceperant, concionanti de me Clodio assentiri cgebantur. erant igitur eæ conciones necessario turbulente.

## O R A T I O.

HABUIT de eodem me P. Lentulus consul concionem: concursus est populi R. factus: omnes ordines, tota in illa concione Italia constitit: egit causam summā cum grauitate copiaq; dicendi, tan-



COMMENTARIUS

to silentio, tanta appobatione omnium, nihil ut unquam uideretur tam popolare ad populi R. aures accidisse. productus est ab eo Cn. Pompeius, qui se non solum auctorem meae salutis, sed etiam supplicem populo R. exhibuit huius oratio & pergrauis, & grata concioni fuit. sic contendendo, nunquam neque sententiam eius auctoritate, neque eloquentiam iucunditate fuisse maiorem. quo silentio sunt auditi de me ceteri principes ciuitatis? quos iccirco non appello hoc loco, ne mea oratio, si minus de aliquo dixero, ingrata; si fatis de omnibus, infinita esse uideatur. cedo nunc eiusdem illius inimici mei de me eodem ad uerum populum in campo Martio concionem. quis non modo approbavit, sed non indignissimum facinus putauit, illum, non dicam loqui, sed uiuere ac spirare? quis fuit, qui non eius uoce maculari remp. seq; si eum audiret, scelere astringi arbitraretur? Venio ad comitia, siue magistratuum placeat, siue legum. leges uidemus saepe ferri multas. omitto eas, quae feruntur ita, uix ut quini, & hi ex alia tribu, qui suffragium ferant, reperiantur. de me, quem tyrannum atque ereptorem libertatis esse dicebat, in illa ruina reip. dicat

IN  
cit se leg  
tra me  
reatur?  
comitiis  
qui non  
gium de  
  
roductus  
neque co  
nisi a mag  
triguitatib  
locutio Cice  
dico approb  
magistratib  
citantur &  
monstrant  
est Cicero,  
est ciuitate  
opera, omni  
ut iam ex  
bus nititur  
lex, que  
non dico cum  
frequens  
suffragium  
tunc Clodiu  
ex alia tribu  
nam, sed et  
centuriat



cit se legem tulisse. quis est, qui se, contra me ferebatur, inisse suffragium confiteatur? cum autem de me eodem ex S. C. comitiis centuriatis ferebatur; quis est, qui non profiteatur se affuisse, & suffragium de salute mea tulisse?

## COMMENTARIUS.

Productus est: quia priuatus tunc erat Pompeius: neque concionem habere cuiquam priuato licebat, nisi à magistratu produceretur. hoc in nostris antiquitatibus. Quis non modo approbavit: locutio Ciceroni usitata, pro eo, quod est, Quis, nō dico approbavit & c. Comititia: comitia, & de magistratibus, & de legibus dici, hic planum est. dicuntur & de iudicijs, ut in libro de comitijs demonstrauimus. Vix ut quini: plurimus in hoc est Cicero, ut probet, id, quod dixit; in eo statu esse ciuitatem, ut si conductorum remoueantur operæ, omnes idem de republica sentiant. probauit iam exemplo concionum. nunc idem & legibus nititur confirmare. Consideretur, inquit, ea lex, quæ de meo reitulata est. conferatur, non dico cum ijs legibus, quæ cum feruntur, ita infrequens populus adest, uix ut quini in tribu suffragium ferant; sed cum ea, quæ de mea pernicië Clodius tulit. quod autem adiungit, Et hi ex alia tribu, notat populi non modo infrequentiam, sed etiam confusionem. Ex s. c. comitiis centuriatis: lex Clodij neque ex S. C. neque comitiis



# COMMENTARIUS

mitiis centuriatis lata erat, sed contra uoluntate senatus, tributis comitus, in foro: ea uero, quam de reducendo Cicerone P. Lentulus consul tulit, ex S. C. comitijs centuriatis, in campo Martio: quam dissuasisse P. Clodium opinor ex eo, quod dictum est proxime: Cedo nunc eiusdem illius inimici mei de me eodem ad uerum populum in campo Martio concionem. suadere enim & dissuadere leges, ante quam ferrentur, non modo magistratibus, uerum etiam priuatis hominibus licebat. quod in libro de legibus copiose ostendimus.

## ORATIO.

UTRA igitur causa popularis debet uideri; in qua omnes aetates ciuitatis, omnes ordines una consentiunt; an in qua furiae concitatae tanquam ad funus reip. conuolant? an, sicubi aderit Gellius, homo & fratre indignus, uiro clarissimo, atque optimo, & ordine equestri, cuius ille ordinis nomen retinet, ornamenta confecit: id erit popolare? est enim homo iste populo R. deditus. nihil uidi magis. qui, cum eius adolescentia in amplissimis honoribus summi uiri L. Philippi uitrici florere potuisset, usque eo non fuit popularis, ut bona solus comesset. deinde ex impuro adolescente & petulante, posteaquam rem paternam ab idiotarum diuitiis ad philosophorum regulam perduxit,

Græ-



Græculum se atque ociosum putari uoluit, studio litterarum se subito deditit. \* nihil sane à te iuuabatur, anagnostæ, libelli etiam pro uino saepe oppignerabantur: manebat insaturabile abdomen, copix deficiebant: itaque semper uersabatur in spe rerum nouarum, ocio, & tranquillitate reip. consenescebat. ecquæ seditio unquam fuit, in qua non ille princeps? ecquis seditiosus, cui ille nō familiaris? ecquæ turbulenta concio, cuius ille non concitator? cui bene dixit unquam bono? bene dixit? immo, quē fortem & bonum ciuem non petulantissime est insectatus? qui ut credo non libidinis causa, sed ut plebicola uideretur, libertinā duxit uxorem. is de me suffragium tulit: is affluit: is interfuit epulis & gratulationibus paricidarum. in quo tamen est me ultus, cum illo ore inimicos est meos suauitatus: qui quasi mea culpa bona perdidit, ita ob eam ipsam causam est mihi inimicus, quia nihil habet.

## COMMENTARIUS.

*Vtra igitur causa: interpretis officium est, si modo, quas suscepit partes, eas cum laude sustinere uult, tria considerare, uerba, sententiā, sententiæ causam. hic, si uerba tantum consideres; & quid singula significent, & quam sententiam effi-*



COMMENTARIUS

efficiant, omnibus intelligere facile est. sin autē,  
quò sententia referatur, & quid Cicero spectau-  
rit, indagamus: fortasse non eadem ratio est, nec  
similiter omnes intelligunt. quare pro eorum cō-  
modo, qui non admodum in litteris acute uident,  
uisum est ut totam rem paulo latius explicarem.  
Ciniū duo genera Cicero iam dixit esse, optima-  
tes, & populares. de optimatium numero &  
erat ipse, & haberi uolebat: Clodius popularis  
putabatur. contendebat Clodius, se non esse mi-  
nus optimatē, quā Ciceronem: Cicero con-  
tra, se popularem magis esse, quā Clodium. ar-  
gumento Clodius hoc utebatur, quòd Milo, qui ei  
diem dixerat, accusationem persequi per senatus  
auctoritatem prohibitus erat. itaque dixerat ac-  
cusator Sextij: Quæ est ista uestra natio optima-  
tium; cum senatus, in quo principes optimatium  
sunt, Clodio contra Milonem studuerit? Cicero  
nihil ad hoc respondit: quia neque id esse factum,  
negare poterat; neque, iniuria esse factum, di-  
cere: quòd in altero manifesta ueritas obstabat;  
in altero senatum reprehendere nolebat. quoniam  
igitur primum est in contentionibus iudiciarijs,  
obiecta refellere; alterum, obijcere quod refelli  
ab aduersario non possit: primum non attingit,  
ob ea, quæ iam dixi: obijcit autē Clodio, ut quasi  
parem gratiam referat, non esse populares eos,  
quos operæ conductorum sequantur, sed eos, qui-  
bus integer populus faueat. probat hoc quinque  
argu



argumentis . primum sumit à concionibus , alterum à legibus , tertium à magistratibus , quartum à ludis , quintum à gladiatoribus . huius uniuersæ argumentationis duas partes iam absoluit , eam , quæ ad conciones , et eam , quæ ad leges pertinet . ad singula argumenta conclusionem non apponit : quia non ubique necesse est : cum ex ijs , quæ dicuntur , facile iudices , quæ conclusio sequatur , ipsi per se possint intelligere . conclusiones tamen , quia uim quandam addunt orationi , tribus argumentis apponit , post leges , post magistratus , post gladiatores ; primam & secundam particulares , tertiam uniuersalem , quæ ad argumenta omnia , quæ quinque esse diximus , pariter spectet . uerum , quia declarandæ artis negotium suscepimus , non alienum est , in ipso conclusionum usu quæ ratio seruetur , ostendere . nihil enim est ad eloquentiam utilius , quam duorum perfectissimorum oratorum ingenia ex utriusque scriptis considerare ; eamque putare esse rectissimam diserte ornatèque loquendi regulam , qua illi , siue naturæ præcipuo quodam munere , siue diligentia studioque adiuti , cum causas agerent , usi sunt . Concludit igitur Cicero primum interrogando , cum ait : *Utra igitur causa popularis debet uideri ; in qua omnes ætates ciuitatis , omnes ordines una consentiunt ; an in qua furie concitatae tanquam ad funus rei publicæ conuolant ?* deinde affirmando , his uerbis : *Videtis igitur populum ipsum , ut ita dicam , iam*  
non



COMMENTARIUS

non esse popularem; qui ita uehementer eos, qui populares habentur, respuat; eos autem, qui ei generi aduersantur, honore dignissimos iudicet. postremo interrogando, hoc modo: Videtis ne igitur, quantum inter populum Romanum & concionem intersit? dominos concionum omni odio populi notari; quibus autem consistere in operarum concionibus non liceat, eos, omni populi Romani significatione decorari? harum trium conclusionum primam uideo à sensu communi esse ductam. nam totum illud, Vtra igitur caussa, & quæ sequuntur, ita dictum uidetur, quasi omnes homines popularem esse Ciceronis, non Clodij, caussam iudicaturi sint. Alteram conclusionem, itemq; tertiam à persona iudicum sumptam esse constat. sed hoc inter eas differre iam ostēdi, quod secunda per affirmationem, tertia per interrogationem fit. placet enim, ut in pictura, sic in oratione uarietas. possumus igitur, si doctrinam ex obseruatione uolumus efficere, conclusionem tanquam genus in tres partes diuidere, in unam, quæ est à sensu communi; alteram, à persona iudicū; tertiam, à persona nostra. primæ duæ Ciceronis exemplis, proxime recitatis, manifestæ sunt. tertia testimonio non indiget. in eam enim uel sine artificio nostra sponte incidimus: ut, si quis, diuitiis cum uirtute comparatis, post argumenta in utranque partem allata, ita concludat: est igitur diuitiis uirtus anteponeunda. sed siue à sensu communi-



*communi, siue à persona iudicum, siue à nostra  
 concludamus: orationem aut affirmatione, aut  
 interrogatione, aut negatione terminari necesse  
 est: affirmatione sic: Videtis igitur Clodium non  
 esse popularē: interrogatione hoc modo, Videtis  
 ne igitur Clodium non esse popularem? nega-  
 tione sic: Non est igitur ut Clodium popula-  
 rem esse possitis existimare. Pariterq; à sensu  
 communi tribus modis concludemus: Facile igi-  
 tur est omnibus intelligere, Clodium non esse  
 popularem: Quis igitur Clodium esse popu-  
 larem dixerit? Nemo igitur est, cui popu-  
 larem esse Clodium liceat existimare. Et à  
 persona nostra eadem ratio est: Clodius igitur  
 popularis non est: Clodium igitur esse popularem  
 putabo? Non igitur, popularem esse Clodium,  
 existimabo. Atque hæc de conclusione satis sint.  
 Honestates: Phaernus de mendo suspicatur: si-  
 milia enim sunt, Honestates, & Omnes ætates:  
 ut fortasse, cum à Cicerone scriptū fuisset, Omnes  
 ætates, deinde librariorum culpa, duabus dictio-  
 nibus corruptis, & in unum contractis, factum  
 sit, Honestatis. placet opinio uiri optimi & inge-  
 niosissimi: presertim cum, honestas, in hanc sen-  
 tentiam nemo ex antiquis. quod quidem ex libris  
 cognosci possit, usurpauerit. Tanquam ad fu-  
 nus reip. significat, Clodii conciones esse fune-  
 ra reipublicæ: quod in iis nihil, nisi de interitu  
 reipublicæ, agatur. & recte, furia conuolant:  
 quod*



COMMENTARIUS

quòd uolare furias poetæ dicunt. recte etiam, Concitata: nihil enim placidum aut temperatum in Furias cadit. rectissime uero, Furia ad funus conuolant: quòd nihil iucundum aut letum furia diligunt. operas igitur Clodianas, ad reipublice perniciem libentissime coeuntes, uere & proprie furias appellauit. Gellius: is, quem Cicero in oratione in Vatinius nutriculum seditiosorum nominat: quòd seditiones libenter foueret, atque aleret. dixit & hic testimonium in Sextium. Fratre: L. Gellio: qui cum Cn. Lentulo consul, cum eodem censor fuit, & in censura C. Antonium, qui deinde consulatum cum Cicerone gessit, senatu mouit. Pedianus in commentario orationis contra competitores. pro Cluentio. Optimo consule: quem locum hic habet, consule, cum Gellius multis ante annis consul fuerit? equidem suspicor de mendo, eo magis, quòd antiquus liber Caroli Sigonij, iuuenis eloquentia doctrinaq; laude præstantis, has duas dictiones non habet. quæ si retinendæ sunt, alteram mutarem, & pro, Consule, reponerem, Ciue: ut, Viro, ad res gestas; Ciue, ad uoluntatem sensumq; de re publica referatur. & fere uirum & ciuem Cicero in laude coniungit, ut libro IIII. ad Atticum, O uirum, & ciuem Memmium: post reditum in senatu, Quid ego de præstantissimo uiro T. Annio dicam? aut quis de tali ciue satis digne unquam loquatur? pro Plancio: Quid dicam? C. Virgilio,



Virgilio, tali cini, & uiro, beneuolentiam in me, memoriam communium temporum, pietatem, humanitatem, fidem defuisse? Ordine equestri: qui eques R. erat, is si nondum in senatum peruenerat, ordinis equestris dicebatur esse: si senator factus erat, senatorii. erant igitur duo fratres Gellij, alter ex ordine equestri, quia nondum ampliorem ordinem erat assecutus: alter, etsi equum publicum haberet, à nobiliori tamen ordine, quem adeptus erat, hoc est à senatorio, nominabatur. non enim posterior ordo prioris auferebat insignia, sed ad equum publicum, & anulum, quæ equestris ordinis erant, addebat latum clauum, hoc est tunicam purpuream, qua soli senatores utebantur. itaque Claudium Neronem, & Liuium Salinatorem, cum non modo senatores, uerum etiam censores essent, utrumque tamen habuisse publicum equum, eosq; alterum ab altero in censura esse priuatum, legimus apud Liuium lib. x. Ornamenta confecit: quadringenta millia nummum. hæc enim ad equestrem dignitatem ornandam necessaria erant. quòd si cui minus esset, eques esse non poterat. itaque Horatius:

Si quadringentis sex septem millia desunt,  
Plebs eris.

& in epistola ad D. Brutum libro x. de equite Romano nescio quo; qui magna rei familiaris detrimenta passus, nix quadringenta millia posside-

Q lat:



COMMENTARIUS

bat: *Equestrem, inquit, dignitatem uix sustinet. nec ad aliam sententiam, ut quidem ego existimo, spectat ille locus in oratione pro Plancio: Qui ne equestrem quidem splendorem incolumem à calamitate iudicii retinere potuisset. significat enim, M. Seium, iudicio damnatum, non existimationis modo iacturam fecisse, uerum etiam ex ea multa, quam ei iudices dixerant, de suis fortunis tantum amisisse, ut infra censum quadringentorum millium redactus sit. Seium, inquit, cui, præter existimationem, equestris quoque ordinis dignitatem iudicij calamitas abstulit, populus tamen M. Pisoni, homini nobilissimo, innocentissimo, eloquentissimo, in honoris petitione præposuit. Queritur autem hic, nec iniuria: qui potest Gellius equestris ordinis nomen retinere, si ornamenta confecit? iam enim & ex Horatio, & ex ipso Cicerone probatum est; qui equestri censu non esset, hoc est qui quadringenta millia non haberet, cum in equestri ordine locum non habuisset. Ad hanc dubitationem suppeditat facile, quod respondeam, antiquitatis observatio. primum illud dicimus: equites equestri loco à censore motos esse, uel ob tenuitatem, uel ob culpam. Gellius ob tenuitatem mouendus erat: ideo tamen moueri non potuerat, quia detrimentum illud rei familiaris post conditum lustrum fecerat: ut, etiam si quadringenta millia possidere desisset, in equestri tamen ordine eò usque permanere*

IN

manere p  
rem exist  
dices uel i  
nel eicere  
quia legen  
adeft, præ  
dicemus  
de quo in  
oratore,  
meflet:  
men in eos  
populum  
bidines, &  
me in adol  
rum: hom  
dam, sine  
quibus Cic  
lectura in  
dam uita g  
cum, diuiti  
rum imitar  
& regulam  
to & in diu  
altero nece  
dotarum a  
ruditi diu  
notat, & a  
nde, ut pl  
ne diffolue



manere posset, donec censores creati cuiusque rem aestimarent, eque censu senatores, equites, iudices uel in ordine quenque suo ac loco retinerent, uel eiicerent. Iderit popolare? an, inquit, quia legem fereti, aut concionanti Clodio Gellius adest, propterea popolare legem, aut concionem dicemus? L. Philippi: hominis eloquentissimi, de quo in libro de claris oratoribus, in tertio de oratore, in oratione pro Quintio. Solus commisset: quo modo igitur popularis; cum hoc nomen in eos conueniat, qui benefici, ac liberales in populum sunt? Impuro, & petulante: ob libidines, & impudentiam. laudatur enim maxime in adolescente castitas, & pudor. Idiotarum: hominum imperitorum, qui uulgarem quamdam, sine modo, uiuendi rationem sequuntur: quibus Cicero philosophos hic opponit; quod hi, a doctrina instructi ac temperati, exquisitum quoddam uitae genus accurate seruant. Diuitiis: cum, diuitijs consumptis, regulam philosophorum imitari cepisset. miror autem, cur diuitias & regulam quasi antitheta Cicero posuerit: quando & in diuitijs regula licet uti, nec alterum ab altero necessario seiungitur. praeterea, cur, Ab idiotarum diuitijs? non & sapientes multi, atque eruditi diuitijs abundant? mutationem in Gellio notat, & ait: nixit primum, ut idiotae solent; deinde, ut philosophi; hoc est, primum luxuriose, ac dissolute, deinde moderate, et parce. uelim igitur,



COMMENTARIUS

tur, ut paria paribus respondeant, ita legi, sic ta-  
men, si quid adiuvant libri manuscripti: Po-  
stea quam rem paternam ab idiotarum nequitis  
ad philosophorum regulam perduxit. Græcu-  
lumi: græcarum litterarum studiosum, scientiæ  
cupidum. omnis enim tunc à græcis litteris do-  
ctrina petebatur: cum latina lingua nondum ex-  
culta disciplinis esset. Ociosum: qui enim se  
ad litterarum studia contulerunt, ocio delectan-  
tur. Subito: cum antea nihil eiusmodi cogi-  
tasset. absumptis enim paternis bonis, à libidine,  
ac nequitia subito se ad litteras conuertit. A te  
iuuabatur: quid, si, Arte iuuabatur? nam  
certe, A te, sincerum non est. erit autem, Ar-  
te, ad quam se Gellius subito contulit, studio ui-  
delicet litterarum. hanc enim quasi artem parsi-  
moniæ cœpit colere, ne in luxu pergens ad ulti-  
mam inopiam redigeretur. & tamen nihil ab ar-  
te sua iuuabatur: nam exiguas rei paternæ reli-  
quias quotidie perdebat. posset etiam ita corrigi:  
Nihil sane adiuvabatur. ueritas autem à libris  
antiquis petenda. nam nobis indicare corrupta  
loca satis est. coniecturis neque plane confidi-  
mus, neque omnino tamen diffidimus. sunt enim  
non nullæ ita non dubiæ, ut, qui obtusa prorsus  
ingenii acie non sit, in iis primo aspectu ueritatem  
possit agnoscere. Spe rerum nouarum: res  
nouas querunt, qui ueterem male perdiderunt:  
ut, quando de suo non habent unde uiuant, de alie  
no



no rapiant. Consenescebat: mature consene-  
 scunt, quos animi curæ solitudinesq; macerant.  
 inde consenescere dicimur ex iis rebus, quarum mo-  
 lestissima cogitatio senilem nobis pallorum ac ma-  
 ciem quotidie magis inducit. Non libidinis  
 causa: ironia: nam plane libidinis causa liber-  
 tinam ab eo uxorem esse ductam significat. Ple-  
 bicola: quasi nobiles mulieres contempserit, stu-  
 dio quodam in plebem. nam ex infima plebe li-  
 bertini fuerunt, utpote qui libertatem paulo ante  
 essent adepti. ideo in urbanis tribubus, quæ ignobi-  
 liores erant, censebantur, In quo tamen: sua  
 cuique tribuenda laus est. correxit hunc locum ex  
 ingenio, quo excellit, multis adhuc annis Octa-  
 vius Patagathus, homo eruditissimus, omniumq;  
 integerrimus: quem ego nostræ ætatis Varroem  
 soleo nominare: ita multas multarum rerum ac  
 disciplinarum notitias mente scientiaq; compre-  
 hendit. is igitur ita correxit, nulla litterarum mu-  
 tatione, sententia restituta. In quo tamen est me-  
 ultus, cum illo ore inimicos est meos suaviatus.  
 præclare, nã in gratulationibus suaviari mos est:  
 & Gellius nefandam libidinem ore exercere dice-  
 batur: de quo est apud Catullum hoc epigramma.

Quid dicam, Gelli, quare rosea ista labella

Hiberna fiant candidiora niue;

Mane domo cum exis, & cum te octaua quiete

E' molli longo suscitatur hora die?

Nescio quid certe est, an uere fama susurrat,

Q 3 Grandia



COMMENTARIUS

*Grandia te medii tenta uorare uiri :  
Sic certe est. clamant Victoris nupta miselli*

*Ilia, demulso labra notata sero.  
dicit igitur, Illo ore, impurissimo, ac sœdissimo,  
quo uirorum obscœna membra concipere solitus  
est. Antea pro, Me ultus, multus, pro, ore,  
reo, legebatur in uulgatis libris.*

ORATIO.

VTRUM, ego tibi patrimonium eripui,  
Gelli, an tu comedisti? quid? tu meo pe-  
riculo, gurges, ac uorago patrimonii, he-  
luabare; ut, si ego consul remp. contra  
te & gregales tuos defendissem, in ciui-  
tate esse me nolles? te nemo tuorum ui-  
dere uult: omnes aditum, sermonem,  
congressum tuum fugiunt: te sororis fi-  
lius Postumius, adolescens grauis, senili  
iudicio notauit, cum in magno nume-  
ro tutorem liberis non instituit, sed elat-  
us odio, & meo & reip. nomine; quo-  
rum ille utri sit inimicior, nescio; plura  
dixi, quàm dicendum fuit, in furiosissi-  
mum atque egentissimum ganeonem. Il-  
luc reuertor: contra me cum sit actum,  
capta urbe atque oppressa, Gellium, Fir-  
midium, Titium, eiusdem modi furias il-  
lis mercenariis gregibus duces & aucto-  
res fuisse; cum ipse lator nihil ab horum  
turpitudine, audacia, sordibus abhorre-  
ret.



ret. at cum de dignitate mea ferebatur, nemo sibi nec ualeitudinis excusationem, nec senectutis satis iustam putauit: nemo fuit, qui se non remp. mecum simul reuocare in suas sedes arbitraretur. Videamus nunc comitia magistratuum. Fuit collegium nuper tribunicium, in quo tres minime, uehementer duo populares existimabantur. ex iis, qui populares non habebantur, quibus in illo genere conductarum concionum consistendi potestas non erat, duo à populo R. prætores uideo esse factos: &, quantum sermonibus uulgi, & suffragiis intelligere potui, præ se populus R. ferebat, sibi illum in tribunatu Cn. Domitii animum constantem, & egregium, atque Q. Ancharii fidem, ac fortitudinem, etiam si nihil agere potuissent, tamen uoluntate ipsa gratum fuisse.

## COMMENTARIUS.

Meo periculo heluabare: *inde enim mihi factus es inimicus. damnum igitur mihi ex heluatione illa tua parabatur. Si ego: hæc est causa, cur Gellius eum in ciuitate esse noluerit; quòd rempublicam contra coniuratos defendisset. hoc enim nomine lege Clodia pulsus est. Ipse lator: P. Clodius, qui legem tulit. Nuper: biennio ante, Cæsare & Bibulo cos. fuit enim tribunus pl.*

Q 4 eo



COMMENTARIUS

eo anno P. Vatinius : de quo hic significari , paulo post ostendimus . Tres : Cn. Domitium , Q. Ancharium , C. Fannium : quos infra nominat . & Dio libro XXXVIII. cum ait Bibulum consulem in agraria Caesaris lege impedienda tribus tribunis pl. usum esse , sine dubio Domitium , Ancharium , Fannium significat . de quibus ipsis & in oratione in Vatinium Cicero intelligit , cum ait : Collegas habuisti uiros nouem : ex his tres erant , quos tu quotidie sciebas seruare de calo . Duo : Vatinius , & alter nescio quis . Duo : Domitium , & Ancharium . Prætores : præturam hoc anno gerebant . nam in oratione in Vatinium , quæ iisdem consulibus , quibus hæc pro Sextio , habita est , cum ait , Duos prætextatos sedentes uides , Domitium & Ancharium sine dubio significat . erat autem prætexta magistratum toga . Et est animaduertendum , licui se præturam petere ædilitate omissa . nam Domitius & Ancharius , qui tribuni pl. fuerant Cesare Bibulo consulibus , non uideo qui potuerint præturam gerere consulibus Marcellino & Philippo si post tribunatum ædilitatem gesserunt : cum à Cesare & Bibulo ad Marcellinum & Philippum duo tantum anni numerentur : quo spatio tria fieri non possunt , peti ædilitas , geri , peti prætura : quæ suum singula annum requirunt : ut omit tam , quod inter ædilitatem & præturam duo potius anni , quàm unus , uidentur interfuisse . quod indi-

IN

indiat ep  
Domitii  
& Lucio ,  
scriptum e  
unum , qu  
Messalla  
est . quod  
oratione in  
bunatu se  
sic homine  
tuenda co  
charii : lu  
prætorius  
fortitudin  
se , id & uol  
cum sine al  
re : quia , li  
nio leges fe  
uspicius neg  
sas , pro  
tum : an D  
nis longe re  
in fidem ac  
magis proba  
emq ; ac for  
usi me rum  
uersum desi  
de C.



indicat epistola ad Furnium, fam. lib. x. Cn. Domitii: duobus tantum prænominibus, Cneo & Lucio, Domitios esse usos, apud Suetonium scriptum est. hunc opinor esse Cn. Domitium Calpurnum, qui deinde consul fuit cum M. Valerio Messalla. etsi Cæsarem in bellis civilibus secutus est. quod cum hoc loco pugnat. hic enim, & in oratione in Vatinius, eum contra Cæsarem in tribunatu sensisse, manifestum est. Sed, ut tempora, sic homines saepe mutantur. Constantem: in tuenda contra Vatinius senatus causa. Ancharii: hic L. Pisoni in Macedoniam successit, prætorius consulari. in Pisonem. Fidem, ac fortitudinem: quia quod è republica duxit esse, id & uoluerit semper, & ausus sit. alterum enim sine altero infructuosum est. Nihil agere: quia, licet quotidie de calo seruarent, ut Vatinio leges ferenti impedimento essent; ille tamen, auspiciis neglectis, & multas, & reipublicæ exitiosas, pro Cæsaris potentia, pertulit. Gratum: an Domitii animum? non placet: quia nimis longe referetur. malo Gratum: ut ad Ancharii fidem ac fortitudinem pertineat. Grata, sane magis probarem: ut ad animum Domitii, fidemq; ac fortitudinem Ancharii æque spectaret: nisi me numerus impediret: in exametrum enim uersum desineret oratio.

## O R A T I O.

I A M de C. Fannio quæ sit existimatio, uideamus:



COMMENTARIVS

demus: quod iudiciū populi R. in honoribus eius futurum sit, nemini dubium esse debet. quid populares illi duo, quid egerunt? alter, qui tamen se continuerat, tulerat nihil, senserat tantum de rep. aliud, atque homines expectabant, uir, & bonus, & innocens, & bonis uiris semper probatus, quod parum uidelicet intellexit in tribunatu, quid uero populo probaretur, & quod illum esse populum R. qui in concione erat, arbitrabatur, non tenuit eum locum, in quem, nisi popularis esse uoluisset, facillime peruenisset. alter, qui ita se in populari ratione iactarat, ut auspicia, legem Aeliam, senatus auctoritatem, consulem, collegas, bonorum iudicium nihil putaret, ædilitatem petiuit cum bonis uiris, & hominibus primis, sed non præstantissimis opibus, & gratia: tribum suam non tulit, Palatinam denique, per quam omnes illæ pestes uexare populum R. dicebantur, perdidit, nec quidquam illis comitiis, quod boni uiri uellent, nisi repulsam, tulit. Videtis igitur populum ipsum, ut ita dicam, iam nō esse popularem; qui ita uehementer eos, qui populares habentur, respuat; eos autē qui ei generi aduersantur, honore dignissimos iudicet, Veniamus ad ludos: facit enim,



enim, iudices, uester iste in me animorū  
oculorumq; contuitus, ut mihi iam lice-  
re putem remisfiore uti genere dicendi.

## COMMENTARIUS.

Quæ sit existimatio: quid homines opinentur.  
consularem auctoritatem eum esse consecutum,  
dicit in oratione in *Vatinium*. [Quod iudiciū:  
hoc dicit, non esse dubitandum, quin *C. Fannio*  
magistratus eos, quos petet, populus studiose da-  
turus sit. Tulerat nihil: legem quidem pro-  
mulgauit, sed non tulit: quia seruantibus de cælo  
tribus tribunis pl. *Domitio*, *Anchario*, *Fannio*,  
nemo ex toto collegio tribunicio, præter unum *Va-*  
*tinium*, legem promulgatam ferre ausus est. quod  
in oratione in *Vatinium* plane constat. quis au-  
tem hic sit, quem Cicero popularem tribunum pl.  
fuisse dicit, non satis liquet. certe, amicum fuisse  
Ciceronis, inde conijcio, quòd, cum eius in tribu-  
natu sententiam improbet, in eo tamē laudando,  
& quasi excusando multus est. *C. Cosconium* pu-  
tarem: de quo sic in ea in *Vatinium*: Omnes tri-  
buni pl. collegæ tui habuerunt leges promulgatas,  
in his multas meus necessarius, etiam de mea sen-  
tentia, *C. Cosconius* iudex noster: quem, tu di-  
rumperis, cum ædilicium uides. Sed rationes ad-  
uersantur duæ, una, quòd, cum in *Sextij* causa  
iudex fuerit, quod proxima, quæ recitauit, uer-  
ba declarant, non placet hæc de iudice dici: non  
enim æquo animo audisset illa uerba, Non tenuit  
eum



eum locum, in quem, nisi popularis esse uoluisset, facillime peruenisset. altera uero ratio est, quod manifeste significat eum in honoris petitione repulsam tulisse, cum ait: Non tenuit eum locum. quod in Cosconium conuenire non potest: quem hoc anno edilem fuisse, ex oratione in Vatinius proxime demonstratum est. Non tenuit eum locum: non obtinuit aeditatem, aut praturam. est enim hic, tenere, obtinere: quod ex insequenti uerbo, Peruenisset, conicitur. Auspicia: qui sunt in historia uersati, Vatinius significari facile sentiunt. is enim, seruantibus de caelo tribus eius collegis, Domitio, Anchario, Fannio, de auspicijs nihil laborans leges, quas uoluit, pertulit. quod ipsius Ciceronis uerbis, quae scripta sunt in oratione in Vatinius, ostendemus. Tribunus plebis, inquit, fuisti: collegas habuisti uiros fortes nouem: ex his tres erant, quos tu quotidie sciebas de caelo seruare, quos irridebas, quos priuatos esse dicebas. & in eadem paulo post: Num quem post urbem conditam scias tribunum ple. e- gisse cum plebe, cum constaret seruatum esse de caelo? Et infra: Eam rempublicam, quae auspicijs inuētis constituta est, iisdem auspicijs sublatis peruertere conatus es. eundem significat in epistolis ad Atticum libro II. 28. cum ait: Orbis hic in rep. est conuersus, citius omnino, quam potuit: id culpa Catonis: sed rursus improbitate istorum, qui auspicia, qui Aeliam legem, qui Iuniam,

niam, &  
plexerunt  
perri, cum  
neglexit.  
storitate  
rendisti: le  
per populi  
sul, & V  
lem: M.  
duci iussit.  
tia populari  
tuit, quam  
qui in tribu  
um ab homi  
a aeditatis  
Vatini trib  
illis uerbi  
lucissimori  
um uirorum  
nam tuor  
modum, p  
tergiam per  
ne, si quis e  
tribum non  
is hoc ipsum  
tem, sed iis  
manifestum  
pedientes  
pos apert



niam, & Liciniam, qui Cæciliam, & Didiam ne-  
 glexerunt. Legem Aeliam: lex Aelia legem  
 ferri, cum obnunciaretur, uetabat. Vatinius  
 neglexit. in oratione in ipsum bis. Senatus au-  
 thoritatem: qui, quid senatus uellet, nihil at-  
 tendisti: leges tulisti, quas senatus improbat.  
 per populum enim, non per senatum, Cæsar con-  
 sul, & Vatinius tribunus pl. egerunt. Consu-  
 lem: M. Bibulum: quem Vatinius in carcerem  
 duci iussit. in oratione in ipsum. Primis: non gra-  
 tia populari, sed familiæ dignitate. quo magis pa-  
 tuit, quàm non carus populo Vatinius esset, is,  
 qui in tribunatu popularis maxime putabatur,  
 cum ab hominibus non magnopere gratiosis tamē  
 in ædilitatis petitione uictus sit. Tribum suam:  
 Vatinij tribus fuit Sergia. id ex oratione in ipsum  
 ex illis uerbis didici: Ob hæc omnes res scias te  
 seuerissimorum hominum Sabinorum, fortissimo-  
 rum uirorum Marforum, ac Pelignorum, tri-  
 bulium tuorum, iudicio notatum, nec post Romā  
 conditam, præter te, tribulem quenquam tribū  
 Sergiam perdidisse? erat autem ignominia maxi-  
 mæ, si quis candidatus in honoris petitione suam  
 tribum non ferret. ideo in ea de aruspicum respon-  
 sis hoc ipsum eidem Vatinio, non nominatim qui-  
 dem, sed ijs tamen uerbis obijcit, ut illum notari  
 manifestum sit. ait, enim. Quos ad omnia pro-  
 gredientes, quos munera gladiatoria parantes,  
 quos apertissime largientes, non solum alieni, sed  
 etiam



etiam sui, uicini, tribules, urbani, rustici repulerunt. & in oratione in ipsum. Palatinam: studiosam perditorum ciuium, ut hic apparet, maxime uero ex oratione pro domo sua: sic enim in ea scriptum est: *Amici illi tui, te uno amico testi & beati, qui se populo commiserant, ita repellentur, ut etiam Palatinam tuam perderent.* Non enim, in hac tribu censum esse Clodium, etsi, Tuam, Cicero dicat, credibile uidetur. tribum ueterem Claudiam, gentis Claudiae propriam, mutauerit: concedam: tamen in aliqua potius rustica tribu, quam in Palatina, quae urbana fuit, locum habuisset. nam cum, in urbanis tribubus non nisi libertinos fuisse, aut homines à re domestica pessime constitutos, planum exploratumque sit, qui potuerit in ea tribu censeri P. Clodius, qui neque libertinus erat, & ut Plutarchus in Caesare testatur, diuitijs abundabat, equidem non intelligo. an à censoribus ob flagitium è rustica tribu in urbanam reiectum dicemus? simile ueri non est. non enim id Cicero tacuisset. obiecisset omnino, ut alia multa, in aliqua oratione: cum illi saepe, collectis omnibus criminibus, acerbissime male dicat. quod si census in Claudia non est: malim omnino in Arnienensi, quam in Palatina: in qua & Claudium Neronem, qui cum Salinatore censuram gessit, esse censum, *Liuius lib. IX.* significat. Verum, qui translatus est à Claudia in Arniensem Nero? forte censorum permissu, ex uetere

uere Ap  
tione tribu  
um liberti  
uillet tribu  
legimus.  
licuisse, ex  
illæ peste  
pulum Ro  
barent, op  
cione et con  
quo populus  
fauet, is ual  
rum est id A  
uinitie, sine l  
MITIO  
nones inte  
riata, at  
uatiq; c  
ere, leuita  
is & exiles  
ile est, cui  
quibus fiat  
uat, uider  
bus uiris,  
applaudat  
hoc sane l  
optimo c  
homini gi



ueterē *Ap. Claudij censoris instituto*: qui mutationē tribuum omnibus non modo ingenuis, uerum libertinis quoque concessit, ut in qua quisque uellet tribu censeretur: quod in *Diodoro Siculo* legimus. puto etiam id ante *Appium censorem* licuisse, ex lege *Quinia*, de qua meminit *Festus*. Illæ pestes: homines nefarios multa, quæ populum Romanum excernerent, ualdeq; perturbarent, opera, ac studio *Palatinæ* tribus in concione et comitijs peregisse significat. *Opibus*: de quo populus bene existimet, quæ ciuitas diligit, cui fauet, is ualere opibus recte et latine dicitur. opes enim est id, quo possumus: siue bona fama sit, siue diuitiæ, siue bellica copia, siue quiduis aliud.

## O R A T I O.

**C O M I T I O R V M** & concionum significationes interdum ueræ sunt, non nunquam uitiatæ, atque corruptæ: theatrales gladiatoriiq; confessus dicuntur omnino solere, leuitate non nullorum, emptos plausus & exiles & raros excitare: attamen facile est, cum id fit, quemadmodum, & à quibus fiat, & quid integra multitudo faciat, uidere. quid ego nunc dicam, quibus uiris, aut cui generi ciuium maxime applaudatur? neminem uestrum fallit. sit hoc sane leue: quod non ita est; quoniam optimo cuique impertitur: sed si est leue, homini graui leue est: ei uero, qui pendet à rebus



COMMENTARIUS

à rebus leuissimis, qui rumore, & ut ipsi loquantur, fauore populi tenetur, & ducitur, plausum immortalitatem, sibilum mortē uideri necesse est. Ex te igitur Scaure potissimum quaero, qui ludos apparatusissimos magnificentissimosq; fecisti, ecquis istorum popularium tuos ludos asperit? ecquis se theatro, populoq; R. commiserit? ipse ille maxime ludius, non solum spectator, sed actor, & acroama, qui omnia fororis embolia nouit, qui in cætū mulierum pro psaltria adducitur, nec tuos ludos aspexit in illo ardenti tribunatu suo, nec ullos alios, nisi eos, à quibus uix uiuus effugit. semel, inquam, se ludis, homo popularis, commisit omnino, cum in templo Virtutis honos habitus esset uirtuti, C. q; Marii, conseruatoris huius imperii, monumētum municipi eius, & reip. defensori sedem ad salutem prae buisset. quo quidem tempore quid populus R. sentire se ostenderit, utroque in genere declaratum est: primo, cum, \* audito S.C. ore ipsi atque absenti senatui plausus est ab uniuersis datus: deinde, cū senatoribus singulis, spectatum ē senatu redeuntibus. cum uero ipse, qui ludos faciebat, consul assedit; stantes, & manibus passis gratias agentes, & lacryman-  
tes

IN O  
es gaudi  
ne miseri  
C  
mitiorur  
aquit, &  
sensus, u  
nam etsi m  
fessu excita  
sus appare  
rari; & a  
tutudo facia  
gladiatorib  
entiat, opti  
glatoriiq;  
theatro, gla  
et. distingi  
theatralibus  
inquit, Q  
atores aute  
one infra m  
uentario Di  
memint, id  
publicam ca  
maxime sole  
rationibus  
im dari. su  
ur. Homi  
am epistol  
ingredienti



IN ORAT. PRO SEXTIO. 129  
tes gaudio, suam erga me beneuolentiam  
ac misericordiam declararunt.

COMMENTARIUS.

Comitiorum, & concionum: ex comitijs,  
inquit, & concionibus non ita cognoscitur popu-  
li sensus, ut ex ludorum, gladiatorumq; confessu.  
nam etsi non nunquam empti plausus in eo con-  
fessu excitantur, tamen hi, quo minus populi sen-  
sus appareat, non efficiunt. exiles enim sunt, &  
rari; & a quibus dentur, quidq; integra mul-  
titude faciat, facile est uidere. quare ex ludis, et  
gladiatoribus, quid de Clodio populus Romanus  
sentiat, optime cognoscemus. Theatrales, gla-  
diatoriiq; confessus: ex his uerbis, ludos in  
theatro, gladiatores in foro datos esse, satis pa-  
tet. distinguuntur enim gladiatorij confessus à  
theatralibus. infra quoque, cum de Scauri ludis  
loquitur, Quis, inquit, se theatro cōmisit? Gla-  
diatores autem in foro datos, tum in hac ipsa ora-  
tione infra manifestum est: tum Pedianus in com-  
mentario Diuinationis, ubi de Menia columna  
meminit, idem tradit. Quibus uiris: bonis, et  
publicam caussam studiose tuentibus applaudi  
maxime solebat: exempla sunt in epistolis, &  
orationibus nō pauca. Sit hoc sane leue: plau-  
sum dari. sit plausus de minimis leuissimisq; re-  
bus. Homini graui: itaque Cicero cum in qua-  
dam epistola ad Atticum scripsisset, sibi theatrici  
ingredienti plausum à populo magnum atque æ-

R qua-



COMMENTARIUS

quabilem esse datum, subiunxit proxime: sed hoc ne curaris. ego, ineptus, qui scripserim. quasi, plausum curare, homini consulari turpe esset.

Qui pendet: qualis est Clodius. quam enim rem maximi aestimat, ex ea ipsa re, hoc est ex populi plausu, argumento ducto, popularem non esse confirmat. Ut ipsi loquuntur: fauor, & urbanus, Ciceronis ætate noua fuisse, nec ante usitata, asserit Quintilianus libro V I I I. cap.

I I I. itaque Cicero, ut nouam dictionem uideatur agnoscere, quasi se excusans ait, Ut ipsi loquuntur, ij scilicet, qui à rebus leuissimis pendunt, qui populi gratiam quauis arte aucupantur. sic in epistola ad Ap. Pulchrum, usus noua dictione, Te, inquit, hominem, ut nunc loquuntur, urbanum. Fauor autem cur Ciceronis ætate noua dictio uisa sit, mirari aliquis possit, cum ea Lucretium multis ante annis usum esse constet. scripsit enim libro V I. - obuia rursum Quæ fuerant, sint placato conuersa fauore. Plausum immortalitatem, sibilum mortem: plausu populus amorem, sibilo odium indicabat. itaque cum M. Roscius Otho tribunus pl. legem tulisset, ut equites seiuncti à plebe, in quatuordecim gradibus sedentes, ludos spectarent; plebs irata, quòd ignominiam quandam tulisse uidetur, ingredientem eum in theatrum sibilis excepit, còtra uero plausu equester ordo. Plutarchus.

Scaure potissimum: qui prætor es. hoc enim  
supra



supra in eo loco, Qualis pater tuus M. Scaure  
fuit, probatū est. Ludos fecisti: in ædilitate.  
Plinius libro xxxvi. cap. xv. Pedianus, de  
officijs libro i. Ecquis iltorum: cum enim  
se populares haberi uelint, tamen populi sibila  
metuentes ad ludos ire non sunt ausi. Ipse ille:  
P. Clodius. Ludius: ludios fuisse credo, ut ex  
oratione de aruspicum responsis conijcio, qui, dum  
agerentur ludi, in scena psallerent. ludium hic  
appellat credo P. Clodium, quòd ludis magnope-  
re delectari solitus esset: qui tamen Scauri ludos  
noluit aspicere, cum populi clamores, & sibila  
metueret. Acroama: recitator. Sic enim expo-  
no, primum ex Cicerone in Verrem: Ne tan-  
quam, inquit, festiū acroama è conuiuiō sine  
corollario discederet: deinde ex Macrobio: cuius  
hæc sunt lib. i. Saturn. Delectatus inter ce-  
nam erat Augustus pueris symphoniācis Turo-  
nij Flacci mangonis, atque eos frumento donaue-  
rat, cum in alia acroamata fuisset liberalis num-  
mis. Alibi, ut in oratione pro Archia, satis cō-  
stat, acroama etiam pro ipsa re, quæ recitatur,  
usurpari. Tribuit hic Cicero omnes partes Clo-  
dio, quæ in fabulam conueniunt: ludius, inquit,  
est, spectator, actor, recitator: nouit omnia so-  
roris embolia: adducitur pro psaltria in cætum  
mulierum: tamen ludos tuos aspicere noluit. Sed  
quæritur. agebat ne Clodius, aut recitabat fabu-  
las in scena? Non hoc uere sentit Cicero, sed io-

R 2 catu,



# COMMENTARIVS

catur in psaltria uestem, quam Clodius induerat, ut uniuersam quasi fabulam perageret, hoc est, Pompeia C. Cæsaris uxore potiretur. Sororis embolia: reconditas partes: cum sorore enim rem habuisse Clodius dicebatur. et, Embolia, dixit, ambigua significatione, ut et ingressum adiutusq; ad sororem indicaret, (sicuti embolium est ingressus argumentumq; scenicum) & in ludorum similitudine persisteret: quod mirum uideri posset, Clodium, qui sororis embolia nosset, interesse ludicro spectaculo noluisse. Pro psaltria: horum uerborum sententiam historia patefacit. scribit enim Plutarchus in uita Ciceronis, P. Clodium psaltria ueste indutum, ut Pompeiæ Cæsaris uxori stuprum inferret, ingressum esse eò, ubi sacra Bonæ deæ mulieres faciebant. spectauit igitur Cicero ad illud flagitium: nec argute minus, quàm contumeliose, dixit: quasi mirum uideretur eum, qui psaltriam simulare solitus esset, ludis abstinuisse, quibus fere psaltria, pretio conductæ, solerent interesse. eadem significatione dixit in ea de aruspicum responsis. P. Clodius à coma, à mitra, à muliebribus soleis, purpureisq; fasciis, à strophio, à psaltrio, à flagitio, à stupro est factus repente popularis. nisi eum mulieres exornatum ita deprehendissent; nisi ex eo loco, quò eum adire fas non fuerat, ancillarum beneficio emissus esset: populari homine populus Romanus, respu-

IN O  
respublica  
tu: fait e  
quandoqu  
ra institut  
die de Cic  
tusconsult  
P. Clodiu  
populus  
suum à co  
pressum  
Ciceronis  
esset uirte  
colebatur, a  
publicam a  
dicar. affi  
tus. Hic ma  
ut expedire  
de suo reditu  
Cicero dicat  
Plancio, &  
quoque Max  
oratione,  
in ea pro don  
fultum non  
memoret. m  
nihil enim h  
dam huiusm  
ducere, non  
Honoris te



respublica ciue tali careret. Ardenti tribuna-  
 tu: fuit enim tanquam incendium reipublicæ:  
 quandoquidem ueteres leges, maiorumq; præcla-  
 ra instituta cōsumpsit. Vix uiuus effugit: quo  
 die de Ciceronis reditu in templo Virtutis sena-  
 tusconsultum factum est, eo die ludi fuerunt. quod  
 P. Clodius, dimisso senatu, cum uenisset; uix se  
 populus Romanus tenuit; uix homines odium  
 suum à corpore eius impuro, atque nefando re-  
 presserunt. placet enim in re demonstranda ipsius  
 Ciceronis usurpare uerba. Honos habitus  
 esset uirtuti: quod in eo templo, in quo Virtus  
 colebatur, de salute ciuis eius actum est, qui rem-  
 publicam à coniuratorum scelere sua uirtute uin-  
 dicarat. affuit igitur, & opem tulit uirtuti Vir-  
 tus. Hic magna me dubitatio tenet, sic inquam,  
 ut expedire me nō possim: cur senatusconsultum  
 de suo reditu in templo Virtutis esse factum hic  
 Cicero dicat: quod etiam infra, et in oratione pro  
 Plancio, & de diuinatione libro i. & Valerius  
 quoque Maximus confirmat: cum idem in hac ip-  
 sa oratione, & in ea post reditum in senatu, &  
 in ea pro domo sua factum esse illud senatuscon-  
 sultum non in Virtutis, sed in Iouis templo cō-  
 memoret. magna me in hoc loco torquet ἀπορία.  
 nihil enim habeo, quod ipse mihi uidear ad tollen-  
 dam huiusmodi dubitationem probabiliter posse  
 dicere. non enim adduci possum, ut Virtutis &  
 Honoris templum idem fuisse Iouis existimem;

R 3 quan-



COMMENTARIUS

quandoquidem, disiunctum fuisse, non obscure Festus ostendit, cum ait Virtutis & Honoris ædem à C. Mario summissiorem alijs esse factam, ne, si forte officeret auspicijs, augures eam demoliri cogerent. licet opinari, appendicem fuisse templi Iouis, reliquo templo, alijsq; item sacris ædibus summissiorem: uerum nec in hac penitus opinione animus acquiescit. Marii monumentum: quod extruxit de manubijs Cimbricis, & Teutonicis. inscriptio fuit hæc in eius arcu. De manubijs Cimbricis Teutonicis ædē Honori & Virtuti uictor ueste triumphali calceis puniceis. Alterum fuit Honoris & Virtutis templum, quod M. Marcellus, qui consul quinquies fuit, non longe ab Appia uia fecit. Pedianus, & alij. Municipi eius: Ciceroni: cui eadem, quæ C. Mario, patria fuit Arpinum. Reip. defensori: presertim in consulatu: iungit autem suam laudem cum Marij laude. nam illum Romani imperij conseruatorem, se reipublicæ defensorem nominat. Sedem ad salutem præbuisset: cum excepit eos, qui de Ciceronis salute decreuerunt. Vtroque in genere: amore erga senatum, odio in Clodium declarando. Ore: quis non uidet corruptam esse dictionem? Cōsuli, cum sententia quadraret: nec à scripto nimium recedit: si quis antiquam scribendi rationē teneat. Ipsi: qui retulerat ad senatum. Faciebat: extra ordinem, sumptu suo. ludos enim omnes



omnes solennes, publica impensa, adiles curabant, præter Apollinares, qui à prætore urbano fiebant. Consul: P. Lentulus: nam huic potius, quàm Metello, gratias populum egisse, consentaneum est: quando is ad reducendum Ciceronem senatui dux & auctor fuerat. utrum autem de ludis anniuersarijs, an ex consulis uoluntate factis intelligendum sit, non apparet. sed si anniuersarij: cur ab altero potius consule, quàm ab utroque dati? nisi si, uel sorte, uel quòd eius muneris cura ad eum consulem pertinebat, qui priore loco creatus erat. Stantes: sedentes enim in theatri gradibus ludos spectabant. Passis: apertis, diductis: à pando.

## O R A T I O.

At cum ille furibundus incitata illa sua uerborum mente uenisset, uix se<sup>r</sup> populus Romanus tenuit, uix homines odium suum à corpore eius impuro, atque infando represserunt; uoces quidem, & palmarum intentus, & maledictorum clamorem omnes profuderunt. sed quid ego populi Romanum uirtutemque commemoro, libertatem iam ex diuturna seruitute respicientis, in eo homine, cui tum petenti iam adilitatem ne<sup>r</sup> histriones quidem coram sedenti pepercerunt? nam cum ageretur togata, simulans, ut opinor, cæterua tota, clarissima confectione, in ore impu-

R 4 ri ho-



COMMENTARIUS

ri hominis imminens concionata est,  
Huic uitæ tuæ = & post,  
= Principia atque exitus Vitiosæ uitæ.  
sedebat exanimatus; & is, qui antea can-  
torū conuicio conciones celebrare suas  
solebat, cantorum ipsorū uocibus eiicie-  
batur. Et quoniam facta mentio est ludo-  
rum, ne illud quidem prætermittam, in  
magna uarietate sententiarum nunquam  
ullum fuisse locum, in quo aliquid à poe-  
ta dictum cadere in tempus nostrum ui-  
deretur, quod aut populum uniuersum  
fugeret, aut non exprimeret ipse actor.  
& quæso hoc loco, iudices, ne qua me le-  
uitate ductum ad insolitum genus dicen-  
di labi putetis, si de poetis, de histrioni-  
bus, de ludis in iudicio loquar. non sum  
tam ignarus, iudices caussarum, non tam  
insolens in dicendo, ut omni ex genere  
orationem aucuper, & omnes undique  
flosculos carpam, atque delibem. scio  
quid grauitas uestra, quid hæc aduoca-  
tio, quid illi conuentus, quid dignitas P.  
Sextii, quid periculi magnitudo, quid æ-  
tas, quid honos meus postulet. sed mihi  
sumpsi hoc loco doctrinam quandā iuue-  
nuti, qui essent optimates. in ea explican-  
da demonstrandum est, non esse popula-  
res omnes eos, qui putentur. id facilli-  
me

IN O  
me cōse  
perum &  
sus ciuit  
enisset: &  
P. Clodius  
Metello,  
te quā  
quā ple  
sua, in qu  
quā uen  
lentem, a  
populi Rom  
seruitute:  
sibus Cæ  
Tum: eo d  
in theatrum  
am, non, a  
ille Clodius  
atum prima  
let: sed ei,  
es tamen e  
gata: coma  
um, a togat  
toga n  
mi, hoc sen  
atione cate  
re Clodij, n  
ducitæ t



IN ORAT. PRO SEXTIO. 133  
me cōsequar, si uniuersi populi iudicium  
uerum & incorruptum, & si intimos sen-  
sus ciuitatis expressero.

COMMENTARIVS.

Venisset: è senatu in theatrum. fuit enim senator  
P. Clodius, idq; non modo consulibus Lentulo &  
Metello, gesto iam tribunatu, uerum etiam an-  
te quàm tribunatum gereret, atque adeo ante  
quàm plebeius fieret. patet ex oratione pro domo  
sua, in qua sunt hæc: Quæ maior calumnia est,  
quàm uenire imberbem adolescentulum, bene ua-  
lentem, ac maritum; dicere, filium senatorem  
populi Romani sibi uelle adoptare? Diuturna  
seruitute: quam per biennium pertulerat, con-  
sulibus Casare & Bibulo, Pisone & Gabinio.  
Tum: eo die, quo, senatusconsulto de me facto,  
in theatrum uenit. Petenti iam: particula,  
iam, non, ante legitimum tempus ædilitatem pe-  
tijssè Clodium, significat: anno enim, qui tribu-  
natum primus sequebatur, ædilitatem petere lice-  
bat: sed ei, etsi iam peteret ædilitatem, histrio-  
nes tamen coram sedenti non pepercisse. To-  
gata: comædia, quæ Romanum habet argumen-  
tum, à togatis personis acta. Simulans: potest  
esse togatæ nomen. potest etiam ad cateruam re-  
ferri, hoc sensu. non casu, sed consulto, et simu-  
latione caterua omnis histrionum, imminens in  
ore Clodij, uersus illos poetæ ueteris pronunciauit,  
Huic uitæ tuæ etc. Concentione: histriones  
olim,



COMMENTARIUS

olim, cum fabulas agerent, numeroso cantu recitasse, uel hic locus argumento esse potest. Concionata: uoce clarissima: qualis eorum solet esse, qui in populo concionantur. Cantorum conuicio: etsi locus uocare mendo non uidetur: tamen, hoc opinor, Cicero significat. adhibere Clo dius cantores ad suas conciones antea solebat, quo libentius populus audiret, eorum modulatis uocibus, quæ concionantis uocem subsequerentur, de lenitus. tunc autem cantorum ipsorum uocibus quibus alios congregarat, ipse euehebatur. hæc, nisi fallor, est horum uerborum sententia. uerum, quid sibi uellit, dictio, conuicio, & quem hic locum habeat, non discipio. nisi si, conuicio, pro multis uocibus à Cicerone dictum uelis, quasi, concio. qua significatione accipitur & ab Ulpiano iuriconsulto. Celebrare: frequentare: cum ad eas frequens populus conueniret. sic per oppositionem dicimus, loco celebri, loco deserto. & infra de gladiatoribus, Id, inquit, spectaculi genus omni frequentia, atque omni genere hominum celebratur. Sententiarum: in togata. Fugeret: quod populus uniuersus non intelligeret in meam fortunam conuenire. Actor: is, qui primas in togata partes agebat: quem fuisse Aesopum, infra patet. is autem in agendis fabulis gra uiter animo comouebatur: ut eius personæ, quam agebat ingenium plane referre uideretur. tradit Plutarchus; cum is Atreum repræsenteret, de Thyestis



Thyestis supplicio deliberantem, ita esse rei argu-  
mento affectum, ut ministrum quendam, quia  
non satis mature aduenisset, sceptro percussum  
occiderit. Aduocatio: ij, qui suam praesentiam  
(ut Pediani uerbis utar) commodant reo. Ille  
conuentus: populus, qui ad iudicium conuene-  
rat: quā in oratione pro Milone coronam uocat:  
quod populi circa stantis frequentia, quasi corona  
quadam, iudicum subsellia cingerentur.

## O R A T I O.

Quid fuit illud, quod, recenti nuncio de il-  
lo S. C. quod factum est in templo Virtu-  
tis, ad ludos scenamq; perlato, confessu  
maximo, summus artifex, & mehercule  
semper partium in rep. tanquam in scena,  
optimatum, flens, & recenti lätitia, &  
mixto dolore, ac desiderio mei, egit a-  
perte multo grauioribus uerbis meā caus-  
sam, quā egomet de me agere potuis-  
sem? summi enim poetæ ingenium non so-  
lum arte sua, sed etiam dolore exprime-  
bat. Quā enim certo animo, - qui  
remp. adiuuerit, Steterit cum Achiuis.  
uobiscum me stetisse dicebat, uestros or-  
dines demonstrabat. reuocabatur ab uni-  
uersis. - re dubia, Nec dubitarit uitam  
offerre, nec capiti pepercerit. hæc quan-  
tis ab illo clamoribus agebantur? cum  
iam, omisso gestu, uerbis poetæ, & stu-  
dio



COMMENTARIUS

dio actoris, & expectationi nostræ plauderetur.

Summum amicum summo in bello.

nam illud ipse actor adiungebat amico animo: et fortassis homines propter aliquod desiderium approbabant: - summo ingenio præditum. tum illa quanto cum gemitu populi R. ab eodem paulo post in eadē fabula sunt acta? O pater.

COMMENTARIUS.

Optimatum: optimarum, non dubito quin rectius sit: ut cum rep. & cum scena pariter congruat. partes, inquit, optimas, ut in scena, sic in rep. tuetur. Summi poetæ: qui fabulam, quæ agebatur, composuerat. Sed etiam dolore: cum enim poetæ uersus meum casum referentes pronunciaret, ad eorum sententiam non modo corporis motum, et uocem, et uultum, uerum etiam animū, intimosq; sensus accommodabat. summo enim cum dolore, multisq; cum lacrymis agebat. Steterit cum Achiuis: cum hæc ab homine græco dici facile conijciam, qui post multa in Achiuos collata beneficia uitam in exilio miser ducat: fortasse, Telamonem hunc esse, Aiacis & Teucris patrem, non absurde putabimus: de quo hæc Cicero libro III. Tusculanarum. Huius ne uitæ propositio & cogitatio aut Thyestem leuare poterit, aut Aetam, aut Telamonem pulsum patria, exulantem atque egentem? in quo



in quo hæc admiratio fiebat : deinde subiunxit trochaicos quadratos catalecticos .

Hicine est Telamon ille, modo quem gloria ad cælum extulit ,

Quem aspectabant , cuius ob os Graij ora obuertebant sua ?

nec dubito , quin ij duo uersus ex eadem fabula sint , ex qua hi , quos in oratione Cicero commemorat . etenim illud ,

Exulare sinitis , sistis pelli , pulsum patimini , aptissime ad Telamonem referuntur . fabulam autem fuisse opinor Accij Andromacham . nam illa quæ sequuntur ,

O pater ,

Hæc omnia uidi inflammari ;

quæ Cicero ex eadem fabula esse dicit ; ex Accij Andromacha sumpta esse , plane constat in III .

Tusculana . utrumque autem in eadem fabula ,

Telamonem & Andronacham , suam miseriam deplorantem esse inductum , primum hic licet conijcere : deinde ex ea , de qua memini Tusculana ,

possum suspicari . nam ex una parte Telamonem , ex altera Andromacha , suam calamitatem misere conquærentes , uidetur Accius collocasse : cum

Cicero , tribus uersibus de Telamone recitatis , Pol mihi fortuna magis nunc defit , quàm genus :

Nanque regnum suppetebat mihi : ut scias , quanto è loco ,

Quantis opibus , quibus de rebus lapsa fortuna occi-

dat :



dat: subiungat,  
 Ex opibus summis, opis egens Hector tuæ;  
 Quid petam præfidi, aut exequar? quo ue nunc  
 auxilio, aut fuga,  
 Freta sim? -

Et quæ sequuntur: quæ sunt ex Andromachæ,  
 Hectoris uxoris, persona. Vestros ordines.  
 senatum, equites, plebem: quos à me ordines de-  
 fensos esse demonstrabat. Reuocabatur: coge-  
 bat populus histriones, quæ semel dicta placue-  
 rant, sæpius eadem iterare. Clamoribus:  
 non actoris, sed populi. Omissio gestu: non  
 iam populus gestu, sed plausu significabat, quid  
 de poeta sentiret, qui illa scripserat; quid de acto-  
 re, qui tantum studium, animiq; affectionem in  
 agendo declarabat; quid de nobis, quorum redi-  
 tus expectabatur. Summo in bello: opinor,  
 in priore bello Troiano; in quo ab Hercule & Te-  
 lamone euersa Troia est. Adiungebat: de suo,  
 non à poeta scriptum. nam, Summo ingenio præ-  
 ditum, non ita conueniebat in hominem milita-  
 rem, de quo proxima superiora dicta sunt; ut in  
 Ciceronem, qui inter omnes ciues ingenij laude  
 scientiaq; eminebat. O pater: Andromachæ  
 uerba apud Accium, suam fortunam euersa Tro-  
 ia deplorantis. et est ad patrem Eetionem, quem  
 Thebis in Asia regnantem Achilles occiderat, mi-  
 serabilis inuocatio. integer uersus est,  
 O pater, ò patria, ò Priami domus:

cuius



IN ORAT. PRO SEXTIO. 136  
cuius et in III. libro Tusculanarum, et in III.  
de oratore mentio fit.

ORATIO.

ME, me ille absentem, ut patrem, deploran-  
dum putabat, quem Q. Catulus, quem  
multi alii sæpe in senatu patrem patriæ, no-  
minarant. quãto cum fletu de illis nostris  
incendiis, ac ruinis? cum patrem pulsum,  
patriam afflictam deploraret, do mum in-  
censam euersamq; , sic egit, ut, demon-  
strata pristina fortuna, cum se conuer-  
tisset,

Hæc omnia uidi inflammari,  
fletum etiam inimicis, atque inuidis exci-  
taret. pro dii immortales, quid illa, quæ-  
admodum dixit idem? quæ mihi quidem  
ita & acta, & scripta uidentur esse, ut uel  
à Catulo, si reuixisset, præclare posse di-  
ci uiderentur: (is enim libere reprehен-  
dere & accusare populi nonnunquam te-  
meritatem solebat, aut errorem senatus)  
O' ingratifici Argiui, inanes Graii, imme-  
mores benefici. nō erat illud quidem ue-  
rum: nō enim ingrati, sed miseri, quibus  
reddere salutem, à quo acceperant, non  
liceret: nec unus in quenquam unquam  
gratior, quàm in me uniuersi. sed tamen  
illud scripsit disertissimus poeta pro me,  
egit fortissimus actor, non solum opti-  
mus,



COM M ENTARIVS

mus, de me. cum omnes ordines demon-  
straret, senatum, equites R. uniuersum  
populum R. accusaret, Exulare finitis,  
sistis pelli, pulsum patimini: quæ tum si-  
gnificatio fuerit omnium, quæ declara-  
tio uoluntatis ab uniuerso populo R.  
in caussa hominis popularis, equidem au-  
diebamus: existimare facilius possunt,  
qui affuerunt. & quoniam huc me proue-  
xit oratio, histrio casum meum toties col-  
lacrymauit, cum ita dolenter ageret causa  
sam meam, ut uox eius illa præclara la-  
crymis impediretur. neque poetæ, quo-  
rum ego semper ingenia dilexi, tempori  
meo defuerunt: eaquæ; populus R. non so-  
lum plausu, sed etiam gemitu suo cõpro-  
bavit. utrum igitur hæc Aesopum potius  
pro me, aut Accium dicere oportuit, si  
populus R. liber esset, an principes ciui-  
tatis? nominatim sum appellatus in Bru-  
to Tullius: Qui libertatem ciuibus stabi-  
liuerat: millies reuocatum est. parum ne  
uidebatur; populum R. iudicare id à me,  
& à senatu esse constitutum, quod perditioni  
ciues sublatum per nos criminabantur?

COM M ENTARIVS.

Patrem pulsum: cum diceret histrio, ò pater, ò  
patria, ò Priami domus, me, patrem patriæ,  
pulsum, patriam afflictam, domum incensam &  
euerfam,



*euerſam, cum lacrymis ſignificabat. Priſtia  
fortuna: cum enim aëtor illa pronunciaſſet,*

*O pater, ò patria, ò Priami domus,*

*Septum altiſono cardine templum,*

*Vidi ego te, aſtante ope barbarica,*

*Tectis cælatis, laqueatis,*

*Auro, ebore inſtruētam magnifice,*

*ſubiunxit ea, quæ idem poeta proxime ſcripſit:*

*quæ in III. Tuſculana notauimus:*

*Hæc omnia uidi inflammari,*

*Priamo ui uitam euitari,*

*Iouis aram ſanguine turpari.*

*de quibus uerſibus primum duntaxat hic Cicero*

*ponit; cum tamen omnes hiſtrio in ſcena recitarit.*

*primus enim ad repræſentanda ædium ſuarum in-*

*cendia pertinebat: duo reliqui in fortunam illius*

*non cadebant. Si reuixiſſet: perierat inter Cice-*

*ronis conſulatum, & exilium. Pro me: ut in*

*me multis poſt annis conuenirent, ut in eum tem-*

*pus cadere poſſent. quod non poetæ conſilio, ſed*

*caſu ita factum eſt. Fortiſſimus: quia libere*

*egerit, ſuumq; mei deſiderium, nullo metu per-*

*territus, aperte demonſtrarit. De me: ſen-*

*tiunt proſeëto neſcio quid aures, quo inuentur,*

*cum duo proxima κῶλα iſdem audiunt ſyllabis*

*terminari: ut hic: Scripſit diſertiſſimus poeta pro*

*me, egit fortiſſimus aëtor, non ſolum optimus, de*

*me: ἐμὸς τέλει & τὸν Græci uocant. Fletum e-*

*tiam inimicis: hoc dixit, uel quia re uera fa-*

S Etiam



COMMENTARIUS

etum erat; uel quòd, graues calamitates cum significamus, miserabiles etiam inimicis appellare consueuimus. sic apud Sophoclem Tecmessa de Aiaçe, sua ipsius manu interfecto:

ὦ δύσμορ' Αἴας, οἷός ὢν οἷός ἐχθρὸς,  
ὥς καὶ παρ' ἐχθροῖς ἀξίος θρήνων τυχεῖν.

Et apud eundem nuncius in tyranno:

— θέαμα δ' εἰσόψαι τάχα

τοιοῦτον, οἷόν, καὶ συγούτα ἐποικτίσαι.

Hominis non popularis: se ipsum intelligit: qui etsi nomine popularis non erat, summam tamen erga se populi uoluntatem cognouisse dicit. Equidem audiebamus: sic libro III. de finibus: Equidem, diligentius sæpiusq; ista loque mur inter nos! Et ad Atticum lib. III. Adhuc equidem ualde me pœnitet. Toties: in omnibus à me recitatis uersibus. Impediretur: debilitatur enim fletu uox. pro Cælio, et pro Milone. Poetæ: qui quasi diuinantes illa pro me scripserunt. Aesopum: histrionem, Ciceronis familiarem: qui, ut Roscius in comædijs, sic ipse primas in tragædijs ferebat. epistola ad Marium, fam. libro VII. reliquit filium ditissimum, Et nequissimum. Plinius. In Bruto: Accij tragædia, de qua libro I. de diuinatione, Et apud Varronem de lingua latina lib. IIII. mentio fit. Tullius: cum enim Brutum Aesopus nominare deberet, Tullium nominabit: quòd ut Brutus, Tarquinio rege pulso, sic Cicero, coniuratione

IN O

irratione op  
Reuocatur  
am ad Att  
illies coact  
strutum: li  
perea Clodiu  
plum Libertat  
tyrannidem in  
libertas uidere  
quidem, sed pr  
indicat Laet  
tom a ludis man  
rant, qui illud i  
tatis, de ludis d  
par retulerunt

AXIMVM  
uerfo conse  
est: erat eni  
eo ipso, &  
tur. id aute  
omni frequ  
minum cele  
me delectat  
tius trib. pl  
magistratu  
se populo  
sed ut ipsi  
uerfi popi



*iuratione oppressa, libertatē ciuibus stabiliuerat. Reuocatum est: à populo. sic in epistola quadam ad Atticum lib. 11. de Diphilo tragædo: Millies coactus est dicere eadem. Id à me constitutum: libertatem. Criminabantur: propterea Clodius ex euersa Ciceronis domo templum Libertatis exædificauit: quasi, eo pulso, qui tyrannidem in suo consulatu exercuisset, restituta libertas uideretur. Munus: de gladiatoribus quidem, sed proprie de uenationibus usurpatur, ut indicat Lactantius libro v 1. distinguuntur autem à ludis munera: nec satis intelligenter fecerunt, qui illud in Verrem, Vltimum munus adilitatis, de ludis dictum existimarunt, suaq; in scripta retulerunt.*

## O R A T I O.

MAXIMUM uero populi R. iudicium uniuerso confessu gladiatorio declaratum est: erat enim munus Scipionis, dignum & eo ipso, & illo Q. Metello, cui dabatur. id autem spectaculi genus erat, quod omni frequentia atque omni genere hominum celebratur, quo multitudo maxime delectatur. in hunc confessum P. Sextius trib. pl. cum ageret nihil aliud in eo magistratu, nisi meam causam, uenit, & se populo dedit, non plausus cupiditate, sed ut ipsi inimici nostri uoluntatem uniuersi populi uiderent. uenit, ut scitis, ad

S 2 colum-



COMMENTARIVS

columnam Maniam . tantus est ex omnibus spectaculis usque à Capitolio, tantus ex fori cancellis plausus excitatus, ut nunquam maior consensio, aut apertior populi R. uniuersi fuisse ulla in causa diceretur . ubi erant tum illi concionum moderatores, legum domini, ciuium expulsores? alius ne est aliquis improbis ciuibus peculiaris populus, cui nos offensi inuisiq; fuerimus? equidem existimo, nullum tempus esse frequentioris populi, quàm illud gladiatorium; neque concionis ullius, neque uero ullorum comitiorum. hæc igitur innumerabilis hominum multitudo, hæc populi R. tanta significatio sine ulla uarietate uniuersi, cum illis ipsis diebus de me actum iri putaretur, quid declarauit, nisi optimorum ciuium salutem & dignitatem populo R. caram esse uniuerso?

COMMENTARIVS.

*Q. Metello: Pio, Numidici filio: cuius memorie P. Scipio, is, qui postea Pompeij Magni socer fuit, gladiatores dedit. erat enim, ut scripsit Dio, ab eo adoptatus: ideoq; & Metellum, & Scipionem appellari in epistolis Ciceronis, atque etiam in antiquis nummis, licet animaduertere. opinor autem & hunc Scipionem, & duos Lucullos fratres, & Seruilium Isauricum Metelli Pij amita,*

IN O  
mita, Num  
m fratrum  
ideo in da  
uari. & P  
Numidici fore  
debat: no  
at annis Cicer  
fuisse, Dio  
Galium pati  
post dedisse,  
columnam M  
in foro (re  
constat. E  
gladiatores d  
Plutarchus  
o  
vero & ille  
aris, aui,  
orum om  
neo conc  
ellet ne m  
narum sem  
os, popu  
um quotid  
quam est co  
gebat subi  
ferat, ut  
Mater te a  
ticturus v



amita, Numidici sorore natos. nam Metellarum sororum filios Lucullos, Seruilius, Scipiones uideo in duobus orationibus post reditum nominari. & Plutarchus, L. Lucillum Metelli Numidici sorore genitum esse, plane narrat. Dabatur: non statim post obitum: nam aliquot ante annis Cicerone consule Metellum Pium uita excessisse, Dio libro XXXVII. declarat. sic & Q. Gallium patri mortuo munus gladiatorium anno post dedisse, apud Pedianum obseruauimus. Columnam Mæniam: è qua gladiatorum pugna in foro spectabatur. quod ex Pediano satis constat. Ex fori cancellis: ergo in foro gladiatores dabantur. quod et Pedianus ait, & Plutarchus in Gracchorum uita confirmat.

## O R A T I O .

AT uero & ille tribunus pl. qui de me non patris, aui, proaui, maiorum denique suorum omnium, sed Graculorum instituto concionem interrogare solebat, uellet ne me redire; &, cum erat reclamatum semiuiuis mercenariorum uocibus, populum R. negare dicebat: is, cum quotidie gladiatores spectaret, nunquam est conspectus, cum ueniret: emergebat subito, cum sub tabulas subreperat, ut,

Mater te appello,

dicturus uideretur. itaque illa uia late-

S 3 brosa,



COMMENTARIUS

brofa, qua spectatum ille ueniebat, Appia iam uocabatur, qui tamen quoquo tempore conspectus erat, non modo gladiatores, sed equi ipsi gladiatorum repentinis sibilis extimescebant. Videtis ne igitur, quantum inter populum R. & concionem intersit? dominos concionum omni odio populi notari; quibus autem consistere in operarum concionibus non liceat, eos omni populi R. significatione decorari? Tu mihi etiam M. Atilium Regulum commemoras, qui redire ipse Carthaginem sua uoluntate ad supplicium, quam sine iis captiuis, à quibus ad senatum missus erat, Romæ manere maluerit? & mihi negas optandum redditum fuisse per familias comparatas, & homines armatos? uim scilicet ego desiderauim: qui, dum uis fuit, nihil egi; & quem, si uis non fuisset, nulla res labefactare potuisset. hunc ego redditum repudiarem? qui ita florens fuit, ut uerear, ne quis me studio gloriæ putet idcirco exisse, ut ita redirem. quem enim unquam senatus ciuem, nisi me, nationibus exteris commendauit? cuius unquam propter salutem, nisi meam, senatus publice sociis populi R. gratias egit?

COM-

IN C  
C  
tribunus  
ello cos. trib  
micos Cicero  
Sex. Atil  
ed actor adu  
ndus Ian. re  
reditum C  
al. Atticum,  
la Cicronis de  
sententiam fie  
pius intelli  
Patis: non si  
nem is Gaius  
omestica male  
ritum supra  
atrem adopt  
maiores clari  
ms, deq; repu  
Gaius A  
meritum, u  
lorum: qui  
nomina solet  
se re uera tal  
lebant enim  
multis a stan  
queret:  
quorum ma  
ridet. eor



Ille tribunus pl. ex omnibus, qui Lentulo & Metello cos. tribuni pl. fuerunt, duos duntaxat inimicos Ciceroni fuisse, Numerium Quinctium, & Sex. Atilium Serranum, supra cognouimus. sed acrior aduersarius Atilius: qui etiam, ne kalendis Ian. res conficeretur, impedierit; idemq; post reditum Ciceronis, ut est libro IIII. epist. ad Atticum, senatusconsulto, quod de restituenda Ciceronis domo in Marcellini consulis designati sententiam fiebat, intercesserit. quare hic eum potius intelligi, quam Numerium, existimo. Patris: non significat patrem Atilij naturalem: nam is Gaius quidam fuit, homo ignobilis, à re domestica male paratus: cuius horreum Cicero desertum supra uocauit. significat igitur Atilium patrem adoptiuum: qui & ipse, & pater, & maiores clari uiri fuerant, optimeq; de bonis ciuibus, deq; republica senserant, quorum dissimilis Gaius Atilius, Ciceronem, bene de patria meritum, uehementer oppugnabat. Graculorum: qui se omnia scire profitentur. quorum nomina solet Cicero diminuere, ut indicet, non esse re uera tales, quales ipsi se esse prædicent. solebant enim ex Gorgiæ Leontini uetere instituto multis astantibus interrogare, Num quis aliquid quæreret: & ad omnia quæsitæ respondebant. quorum inanem ostentationem & alibi Cicero deridet. eorum igitur consuetudinem Atilius uide-



batur imitari, cum interrogaret in concione, *Vel-  
lent ne me redire. Cum ueniret: non conspe-  
ctus est, cum in forum ad spectandos gladiatores  
ueniret: sub eas enim tabulas, quæ spectaculi caus-  
sa temporaria compinguntur, occulte subrepe-  
bat; cum populi sibila metueret. qui tamen, po-  
stea quàm confederat, à populo conspectus, ita  
exsibilabatur, ut repentino sonitu non modo gla-  
diatores, sed ipsi gladiatorum equi perturbaren-  
tur. Vt, mater te appello: ut Memnoni,  
Auroræ filio, similis uideretur: cuius imago in-  
terfecti & insepulti per quietem matri apparens  
ita fatur:*

*Mater te appello, quæ curam somno suspensam  
leuas,*

*Neque te mei miseret. surge, & sepeli natum.  
sunt enim hi uersus Tusculanarum questionum  
lib. 1. quemadmodum igitur Memnonis umbra  
de terra subito existit, & ad matrem illa pro-  
nunciat: sic Atilius, cum sub tabulas subrepse-  
rat, emergebat subito, ut, quasi Memnon, Ma-  
ter te appello, dicturus uideretur. Latebro-  
sa: celebres enim uias fugiebat, ut occulte ueni-  
ret. Appia: nisi me coniectura fallit; Atilia,  
rectius legetur, quàm Appia: ut ab Atilii tri-  
buni pl. nomine uia illa, qua spectatum ueniebat,  
à ridiculis ac facetis hominibus Atilia diceretur.  
Equi gladiatorum: ex equis gladiatores pu-  
gnasse, nisi me locus hic monuisset, non putassem.  
cetera*

terea exem  
quo solo sur  
odium in la  
Decorari:  
omnium &  
gladiatorio  
Sextij  
ueroni, quo  
ueram reuer  
mat: qui redi  
republica con  
tati. nota l  
uerone libro  
mat enim fac  
reuer: disces  
Nullares: n  
ne omnino r  
tati, quam  
ma pulsum  
tastant.  
me uno p  
ut qui pro  
rent, qui q  
uitam n  
causa pos  
ut litteris  
Italia om  
conuocari



cetera exempla, quod meminerim, de peditibus  
 a quo solo sunt. Notari: *Vatinium* in comitijs,  
*Clodium* in ludis, *Atiliū* in munere gladiatorio.  
 Decorari: *Lentulum* in concionibus & ludis,  
*Domitium* & *Ancharium* in comitijs, *Sextium*,  
 in gladiatorio consensu. Tu mihi etiam: accu-  
 sator *Sextij M. Tullius Albinouanus* obiecerat  
*Ciceroni*, quod per seruos & homines armatos in  
 patriam reuertisset: exemplumq; *Reguli* protu-  
 lerat; qui redire *Carthaginem* ad supplicium, ut  
 reipublicæ consuleret, quā *Romæ* manere ma-  
 luisset. nota hystoria est ex *Polybio*, *Gellio*, ipso  
*Cicerone* libro III. de officijs. Nihil egi:  
 quid enim facerem, cum uis & arma intenta-  
 rentur? discessi è patria, ne ui contra uim uterer.  
 Nullares: nam neque leges, neque iudicia, ne-  
 que omnino res ulla eam mihi calamitatem inue-  
 xisset, quam uis intulit. Socijs: qui eum, pa-  
 tria pulsum, comiter exceperant, benigneq;  
 tractarant.

## O R A T I O.

DE me uno patres conscripti decreuerunt,  
 ut qui provincias cum imperio obtine-  
 rent, qui quæstores legatiq; essent, salutē  
 & uitam meam custodirent. in mea una  
 causā post *Romam* conditam factum est,  
 ut litteris consularibus ex S. C. cuncta ex  
 Italia omnes, qui remp. saluam uellent,  
 conuocarentur. quod nunquam senatus  
 in



COMMENTARIUS

in uniuersæ reip. periculo decreuit, id in  
unius meæ salute conseruanda decernen-  
dum putauit. quem curia magis requisi-  
uit? quem forum luxit? quem æque ipsa  
tribunalia desiderauerunt? omnia disces-  
su meo deserta, horrida, muta, plena lu-  
ctus & mæroris fuerunt, quis est Italiæ lo-  
cus, in quo non fixum sit in publicis mo-  
nimentis studium salutis meæ; testimo-  
nium dignitatis? nam quid ego illa de me  
diuina S. C. commemorem? uel quod in  
templo Iouis optimi maximi factum est,  
cum uir is, qui tripartitas orbis terra-  
rum oras, atque regiones tribus trium-  
phis adiunctas huic imperio notauit, de  
scripto sententia dicta, mihi uni testimo-  
nium patriæ conseruatæ dedit: cuius sen-  
tentiam ita frequentissimus senatus secu-  
tus est, ut unus dissentiret hostis, idq; ip-  
sum tabulis publicis mādaretur ad memo-  
riam posteri temporis sempiternam: uel  
quod est postridie decretum in curia, po-  
puli ipsius R. & eorum, qui ex municipiis  
conuenerant, admonitu; ne quis de cæ-  
lo seruaret; ne quis morā ullam afferret.  
si quis aliter fecisset, cum plane euerso-  
rem reip. fore, idq; senatum grauisime la-  
turum; & ut statim de eius facto referre-  
tur. qua grauitate sua cum frequens se-  
natus

IN

atus nor  
ardasset,  
minque, q  
actum,  
mini recup  
ore senatu  
is meæ ca  
pitiæ; atq  
uenirent

Co

imperio:  
erant.  
provincijs  
nominat  
non enim  
non nisi  
uocabant  
gerande c  
locus in  
uerbis: Q  
micipiis ne  
dissent, rog  
diuina S. C  
esse fact  
latu planu  
emp. salua  
defenden  
utroque con  
mplo, de



natus non nullorum scelus audaciamq;  
tardasset, tum illud addidit: nisi diebus  
quinque, quibus agi de me potuisset, es-  
set actum, redirem in patriam dignitate  
omni recuperata, decreuit eodem tem-  
pore senatus, ut iis, qui ex tota Italia sa-  
lutis meae causa conuenerant, agerentur  
gratiae; atque ut iidem ad res redeunt,es,  
ut uenirent, rogarentur.

## C O M M E N T A R I V S .

Cum imperio: qui pro consulibus, et qui pro prae-  
toribus erant. nam quaestores, & legati imperiū  
in prouincijs non habebant. ideo eos separatim  
Cicero nominat. Cuncta ex Italia: ὁπερβολι-  
κός. non enim Italia cuncta suffragium ferebat.  
porro non nisi ad ferendum de Cicerone suffragiū  
conuocabantur. dixit igitur, cuncta ex Italia, rei  
exagerandae causa, pro, cunctis ex municipiis.  
quod locus in ea post reditum in senatu declarat,  
his uerbis: Quid? ut agerentur gratiae ijs, qui ē  
municipiis uenissent? quid? ut iidem, ad res cum  
redissent, rogarentur ut pari studio conuenirent?  
Diuina S. C. quatuor de Cicerone restituendo  
S. C. esse facta, & hic, & in ea post reditum in  
senatu planum fit: unum, ut ab omni Italia, qui  
remp. saluam uellent, ad Ciceronem restituendū  
& defendendum Romā uenirent: alterum, quod  
utroque consule referente, in Capitolio, Iouis in  
templo, de reuocando Cicerone factum est: ter-  
tium,



COMMENTARIUS

tium, quod in curia; ne quis ad impediendam legem de caelo seruaret; ne quis morā ullam afferret: quartum, ut ijs, qui ex municipijs uenerant, agerentur gratia, atque ut ijdem ad res redeuntes, ut uenirent, rogarentur. postea, centuriatis comitijs, à P. Lentulo consule, magistratibusq; cunctis, præter unum prætorem, Ap. Claudium, P. Clodij fratrem, & duos tribunos pl. Sex. Atilium Serranum, & Numerium Quinctium, pridie nonas Sext. lata lex est. Vir is: Cn. Pompeius: qui, uictis in Africa Carbone, in Hispania Sertorio, in Asia Mithridate, de tribus orbis terrarum patribus triumphauit. Unus dissentiret hostis: et unus de plurimis, et hostis: nam ne unus quidem, nisi hostis esset, dissensisset. manifestum est, P. Clodium designari: de quo sic in ea post reditū in senatu: Quo quidē die cū ccccx. senatores essetis, magistratusq; omnes adessent; dissensit unus, qui sua lege coniuratos etiam ab inferis excitandos putarat. Ibi enim Clodium significari, declarant in eadem orationē illa uerba: Meus inimicus promulgauit, ut, si reuixissent ij, qui hac pene dclerent, tum ego redirem. & pro domo sua sic: Cum de mea dignitate in templo Iouis optimi maximi senatus frequentissimus, uno isto dissentiente, decreuisset. De caelo seruaret: cum lex de me feretur, agere enim cum plebe, cum de caelo seruaretur, non licebat. supra, & in Vatinium. miror autem, cur senatus

IN OR  
ita decer  
ari de celo  
clodij sancit  
eas eam le  
centis anni  
stellis esse a  
in oratio  
eam adh  
Marcelli  
statuen  
Fusiam n  
legem ferr  
uari, obnu  
nuntur. quid  
um, etsi leg  
nen improba  
republica  
gem facieba  
uidebatu  
eraret, cui  
mod de omni  
referretur  
um esset, de  
cessione r  
ocum 54: l  
senatus con  
esse, Cesar  
ptum reliq  
ne tribune



tus ita decerni necessarium putarit: cum, ne seruari de cælo liceret, cum lex ferretur, lege P. Clodij sancitum iam esset. non enim suspicari possumus eam legem, quæ auspicia tollebat, ab insequentis anni tribunis pl. in consulatu Lentuli, & Metelli esse abrogatam. siquidem illa uerba, quæ sunt in oratione de prouincijs cōsularibus in extremo, eam adhuc ualere significant, cum essent consules Marcellinus & Philippus. Aut uobis, inquit, statuendum est, legem Aeliam manere, legem Fusiam non esse abrogatam; non omnibus fastis legem ferri licere; cum lex ferretur, de cælo seruari, obnunciari, intercedi solere. & quæ sequuntur. quid igitur dicendum est? an hoc? senatum, etsi leges Clodii ualere intelligeret, quia tamen improbas iudicaret, ita decreuisse, quasi eæ in republica non essent. non enim aduersus Clodij legem faciebat senatus, sed cum ea potius consentire uidebatur, cum decernebat, ne quis de cælo seruaret, cum de Ciceronis reditu lex ferretur. quod de omnibus legibus Clodii lege cautum erat. Referretur: in senatu: ut, quid agendum in illum esset, decerneretur. de Serrani tribuni pl. intercessione relatū esse, legimus in epistolis ad Atticum 54: sic etiam de tribunorum pl. facto, qui senatus consulto de Galliis intercesserant, relatū esse, Cæsar his uerbis libro 1. de bello ciuili scriptum reliquit. Refertur confestim de intercessione tribunorum. dicuntur sententiæ graues. ut quisque



COMMENTARIVS

quisque acerbissime crudelissimeq; dixit, ita quā-  
maxime ab inimicis Cæsaris collaudatur. hac to-  
ta de re meminit Cicero & in ea post reditum in  
senatu. Diebus quinque: comitialibus: qui-  
bus agi cum populo licebat. non enim dicit, quin-  
que continentibus diebus, sed, quinque, qui-  
bus agi potuisset. Ex tota Italia: uerius,  
ex omnibus Italiæ municipiis: quod iam osten-  
di. Ad res: ad sua negocia. in oratione post  
reditum in senatu. Quid? inquit, ut agerentur  
gratiæ, qui è municipiis uenissent. quid? ut, ad  
illam diem res cum redisset, rogarentur ut pari  
studio conuenirent. dicit idem, quod in hac pro  
Sextio, sed ita corruptis uerbis, ut, nisi locus lo-  
co illustraretur, facile sententia lateret in men-  
do. correctio desideratur huiusmodi fere: Quid?  
ut iidem, ad res cum redissent, rogarentur ut pa-  
ri studio conuenirent?

O R A T I O.

HÆC erat studiorum in mea salute con-  
tentio, ut ii, qui à senatu de me rogaban-  
tur, iidem senatui pro me supplicarent.  
atque ita in his rebus unus est solus inuen-  
tus, qui ab hac tam impensa uolūtate bo-  
norum palam disideret; ut etiam. Q. Me-  
tellus consul, qui mihi uel maxime ex ma-  
gnis cōtentionibus reip. fuisset inimicus,  
de mea salute retulerit. qui excitatus  
summa cum auctoritate P. Seruili, qua-  
dam



dam grauitate dicendi , cum ille omnes  
 prope ab inferis euocasset Metellos , &  
 ad illius generis , quod sibi cum eo com-  
 mune esset , dignitatē propinqui sui mentē  
 à Clodianis latrociniis reflexisset ; cumq̃;  
 eum ad domestici exempli memoriam , &  
 ad Numidici illius Metelli casum uel glo-  
 riosum , uel grauem conuertisset : colla-  
 crymauit uir egregius , ac uere Metellus ,  
 totumq̃; se P. Seruilio dicenti etiam tum  
 tradidit , nec illam diuinam grauitatem ,  
 plenam antiquitatis , diutius homo eiuf-  
 dem sanguinis potuit sustinere , & mecum  
 absens summo suo beneficio rediit in gra-  
 tiam . quod certe , si est aliquis sensus in  
 morte præclarorum uirorum , cum om-  
 nibus Metellis , tum uero uni , uiro for-  
 tissimo , præstantissimo ciui , gratisimū  
 fratri suo fecit , socio laborum , pericu-  
 lorum , consoliorum meorum . Reditus  
 uero meus qui fuerit , quis ignorat ? quē-  
 admodum mihi aduenienti tanquam to-  
 tius Italiæ , atque ipsius patriæ dexteram  
 porrexerint Brundusini ; cum ipsis nonis  
 Sext. idem dies aduentus mei fuisset , qui  
 natalis idem carissimæ filiæ , quam ex gra-  
 uissimo tum primum desiderio luctuq̃; cō-  
 spexi ; idem etiam ipsius coloniæ Brun-  
 dusinæ ; idem Salutis ; cumq̃; me domus  
 eadem



COMMENTARIUS

eadem optimorum & doctissimorum uirorum, Lenii Flacci, & patris, & fratris eius, lætissima accepisset, quæ proximo anno mærens receperat, & suo præsidio periculoq; defenderat; cumq; itinere toto urbes Italiæ festos dies agere aduentus mei uidebantur, uix multitudinem legatorum undique missorum celebrabantur: ad urbem accessus incredibili hominum multitudine & gratulatione florebat: iter à porta, in Capitolium ascensus, domum reditus erat eiusmodi, ut summa in lætitia illud dolerem, ciuitatem tam gratam, tam miseram, atque oppressam fuisse.

COMMENTARIUS.

Vnus: P. Clodius. sic post reditum in senatu: Dissensit unus, is, qui sua lege coniuratos etiam ab inferis excitandos putarat. Idem pro domo sua. Auctoritate P. Seruili: Isaurici, uiri consularis, triumphalis, Censorii. Isauros in Sicilia domuerat: ex quo Isaurici cognomen accepit. epitome Liuii libro XCII. Velleius lib. II. Cicero lib. III. in Verrem, & Pedianus, & Florus in bello piratico. Retulerit: in eo S. C. quod in templo Iouis factum est. post reditum in senatu, de prouinciis cons. Quadam grauitate dicendi: non placet, ita dici. non enim, cum laudamus, ita loquimur, quædam uirtus, quædam eloquentia, sed, summa quædam uirtus, eximia quædam



quædam eloquentia . quare , cum auctoritatem  
 Seruiliū summam dixerit ; uelim , ut ad eiusdem  
 grauitatem dicendi adiiciatur item aliquid , quod  
 augeat . præterea particula , Cum , aliam parti-  
 culā , quæ respondeat , deesse demonstrat , nempe ,  
 tum . sic igitur legerem : Excitatus summa cum  
 auctoritate P. Seruiliū , tum incredibili quadam  
 grauitate : uel , Tum diuina quadam grauitate di-  
 cendi . utrumque enim æque probo ; Incredibili , ex  
 oratione de provinciis cōsularibus , ubi hanc ipsam  
 Metelli reconciliationem Cicero commemorans  
 ita loquitur . Quid ? Q. Metellus Nepos non ne  
 consul in templo Iouis opt. max. permotus cum  
 auctoritate uestra , tum illius P. Seruiliū incredi-  
 bili grauitate dicendi , absens mecum summo suo  
 beneficio rediit in gratiam ? Placet etiam , Diui-  
 na quadam grauitate dicendi , ob exemplum eius-  
 dem rei in oratione post reditum in senatu : quod  
 est huiusmodi : Q. Metellus , & inimicus , & fra-  
 ter inimici , per spectā uestra uoluntate , omnia pri-  
 uata odia deposuit : quem P. Seruilius , uir cum  
 clarissimus , tum uero optimus , mihiq̃ ; amicissi-  
 mus , & auctoritatis , et orationis suæ diuina qua-  
 dam grauitate ad sui generis , communisq̃ ; sangui-  
 nis facta uirtutesq̃ ; reuocauit . Etiam in oratione  
 de aruspiciis resp. P. Seruiliū grauitatem in dicen-  
 do singularem , ac pene diuinam appellat . Ab  
 inferis : induxit enim uiuentes , Metellumq̃ ;  
 hortantes ad res præclaras Metellos omnes , cla-



# COMMENTARIUS

ros viros, qui iam obierant. *ποστωποποίτα* dicitur, oratoribus ad animos audientium commouendos familiaris. sic in ea post reditum in senatu: ut haberet in consilio & fratrem ab inferis, socium rerum mearum, & omnes Metellos, praestantissimos ciues, pene ex Acheronte excitatos. Sibi cum eo commune: quia Metellus hic & Seruilius à Metello Macedonico originem ducebant, Metellus ex patre, Seruilius ex matre. nam ex Macedonico Balearicus, ex Balearico Nepos, ex Nepote Nepos hic natus est, qui cum P. Lentulo consulatum gessit. hoc cum aliis argumentis, tum Pediani uerbis probare possum. is enim in commentario orationis pro Cornelio ita scriptum reliquit. Fuere tunc plures Q. Metelli: ex quibus duo consulares, Pius, & Creticus; duo adolescentes, Nepos, & Celer: ex quibus nunc Nepotem significat. eius enim patrem Q. Metellum Nepotem, Balearici filium, Macedonici filium, qui consul fuit cum T. Didio, Curio is, de quo loquitur, accusauit. Ex his uerbis plane constat, hunc Metellum Macedonici pronepotem fuisse. eiusdem autem Macedonici nepotem ex filia fuisse Isauricum Seruilium, Cicero demonstrat in ea pro domo sua, cum ait: C. Atinius patrum memoria bona Q. Metelli, qui eum è senatu censor eiecerat, aui tui Q. Metelle, & tui P. Seruili, & proau tui P. Scipio consecrauit. Loquitur enim in eo loco Cicero de Metello Macedonico: quod

IN O  
quod Livia  
mo VII.  
minis pro  
cio citius  
interpret  
con similia  
his illis dicit  
mendam: ne  
ut ex ingenu  
curi ad finem  
in senatu. leg  
necum, ubi  
Ad uero de  
am esse,  
quod ut alijs  
tam, qua su  
heret in con  
rum mearum  
ciues, ex A  
dicum illum  
trua discessu  
sus usus est  
dico Metell  
ne, ille, n  
praestantiss  
Erat tem  
Numidic  
lus: qu  
noribus t



quod *Liuiana* epitome lib. LIX. & *Plinius* libro VI. declarant. sed in *Plinio* mendose, *Catinius* pro *C. Atinius*, legitur. Ad unum dicto citius *Metelli* casum: optima est non modo interpretandi ratio, uerum etiam corrigendi, cum similia similibus conferuntur. uidebam in tribus illis dictionibus, Vnum dicto citius, latere mendum: nec tamen aut ex libris manuscriptis, aut ex ingenio sinceram lectionem assequabar. recurri ad similem locum in oratione post reditum in senatu. legi: continuo ueritas illuxit. intellexi enim, ubi nunc est in omnibus impressis libris, Ad unum dicto citius *Metelli* casum, reponendum esse, Ad *Numidici* ullius *Metelli* casum. quod ut alijs quoque ita uideatur, uerba subscribam, quae sunt in oratione post reditum. Ut haberet in consilio & fratrem ab inferis socium rerum mearum, & omnes *Metellos*, praestantissimos ciues, ex *Acheronte* excitatos, in quibus *Numidicum* illum *Metellum*, cuius quondam de patria discessus honestus ipsi, bonis omnibus luctuosus uisus est. Solet autem *Cicero*, cum de *Numidico* *Metello* mentionem facit, eum hoc praenomine, ille, insignire, ut pote *Metellorum* omnium praestantissimum. sic in oratione pro *Archia*: Erat temporibus illis iucundus *Q. Metello* illi *Numidico*, & eius *Pio* filio. Vere *Metellus*: quia *Metellorum* familia, etsi plebeia, honoribus tamen, & dignitatibus erat nobilissima.



COMMENTARIUS

& intra XII. ferme annos aut consules fuisse ,  
aut censores , aut triumphasse amplius XII. Me-  
tellos , Velleius Paterculus memoriae tradidit .  
unde illud Næuij , quod Cicero in oratione I I. in  
Verrem significauit ,

Fato Metelli Romæ fiunt consules .

Plenā antiquitatis : erat enim Seruilius admo-  
dum senex , ut qui consulatum XXII. annis an-  
te cum Ap. Claudio , P. Clodij patre , gessisset .  
Beneficio : uel addendum , uel subaudiendum ,  
suo : sed addi malim , quàm subaudiri : ut hoc mo-  
do legatur : Mecum absens , suo beneficio , redijt  
in gratiam . nam & in ea de prouincijs consula-  
ribus , Metellus , inquit , Nepos , permotus cum  
auctoritate uestra , tum illius P. Seruiliij incredi-  
bili grauitate dicendi , absens mecum , summo suo  
beneficio , redijt in gratiam . beneficium au-  
tem in Ciceronem illud fuit , quòd ad senatum una  
cum Lentulo collega de reducendo Cicerone retu-  
lit . quod in orationibus , ad Quirites post redi-  
tum , & in senatu , & pro domo . Fratri suo :  
Q. Metello Celeri , Q. Metelli Celeris filio , qui  
tribunus pl. fuit cum Q. Vario , C. Curione , C.  
Carbone , Cn. Pomponio : ut est apud Ciceronem  
in Bruto . Hic cum Nepotis frater fuerit ; de Ma-  
cedonici stirpe fluxerit , necesse est . nec tamen hu-  
ius plane cognationis rationem inire adhuc po-  
tui . nisi si Celeris & Nepotis patres fratres fue-  
re . quod nix uidetur posse fieri : cum uterque

Quin-

IN

Quincti pr  
Claudios ne  
nonis pro A  
tum Cicero  
P. Clodium  
transire con  
uidente sen  
tum resp. S  
cum prator  
ista disperi  
tum ab armi  
uicem a dom  
descenderet . i  
sorum rerum  
reuerint : p  
digni excepi  
sum usque p  
quod officium  
tus . Ipsu  
ego die in It  
fuerat . Id  
III. ad  
monstrat .  
de nonis Se  
Salutis : ut  
fuit in coll  
tum . Et  
Lenios &  
ticuloq;



Quinti prænomen habuerit. tametsi duos Ap.  
 Claudios nominat Pedianus in commentario ora-  
 tionis pro Milone. recte autem fortissimum ui-  
 rum Cicero eum appellat. consul enim cum esset;  
 P. Clodium, fratrem suum, à patribus ad plebem  
 transire conantem, sua se manu interfectorum  
 audiente senatu dixit. pro Cælio, & de aruspici-  
 cum resp. Socio: coniurationis tempore: fuit  
 enim prætor Cicerone consule: officiumq; inter  
 eos ita dispartitum fuisse legimus, ut Metellus Ita-  
 liam ab armis & ab occulta coniuratione, Cicero  
 urbem à domesticis insidijs & ab intestino scelere  
 defenderet. iccirco & in ea post reditum in senatu  
 socium rerum suarum nominat. Dexteram por-  
 rexerint: primi enim eum aduenientem Brun-  
 dusini exceperunt. Tum primum: Brundu-  
 sum usque patri redeunti Tulliola obuiam iuit.  
 quod officium Terentia obire neglexit. Plutar-  
 chus. Ipsius colonix: quæ nonis Sext. quo  
 ego die in Italiam appuli, Brundisium deducta  
 fuerat. Idem ut scitis: epistola prima libri  
 IIII. ad Atticum huius loci correctionem de-  
 monstrat. eadem enim ibi narrantur, quæ hic,  
 de nonis Sext. corrigendum autem sic: Idem &  
 Salutis: ut significetur, templum Salutis, quod  
 fuit in colle Quirinali, nonis Sext. esse dedica-  
 tum. Et patris, & fratris eius: duos fratres  
 Lenios & in ea pro Plancio commemorat. Pe-  
 riculoq; propter legem Clodiam, quæ pœnam

T 3 irro-



COMMENTARIUS

irrogabat ijs, qui Ciceronem exulem intra quadringenta millia passuum tecto excepissent. quade re sic in oratione pro Plancio. In hortos me M. Lenij Flacci contuli, cui cum omnis metus, publicatio bonorum, exilium, mors proponeretur; hæc perpeti, si acciderent, maluit, quàm custodiam mei capitis dimittere. Etiam in epistolis, quæ familiares uocantur, lib. XIIII. de Leniorum hospitio, & de legis Clodia pœna meminit. In Capitolium: primum enim ad agendas Ioui optimo maximo gratias iuit, quòd se patriæ compotem fecisset: deinde ad suos penates à Capitolio reuertit. ad Atticum lib. IIII. 53. Domum: non Palatinam; in qua euersa Clodius templum Libertatis exædificauerat; sed eam, opinor, quam habebat in Ceramio: de qua libro ad Atticum IIII. 56.

ORATIO.

HABES igitur, quod ex me quæstisti, qui essent optimates. non est natio, ut dixisti: quod ego uerbum agnoui: est enim illius, à quo uno maxime P. Sextius se oppugnari uidet, hominis eius, qui hanc nationem deleri & concidi cupiuit, qui C. Cæsarem, mitem hominem & à cæde abhorrentem, sæpe increpuit, sæpe accusauit, cum affirmaret illum nunquam, dum hæc natio uiueret, sine cura futurum. nihil profecit de uniuersis: de me agere

IN O  
agere no  
num per  
dione de  
rogauit: i  
ut eodem  
iuerit gra  
mis & fort  
postea mih  
bonis place  
das sceler  
eos, à quit  
euid defect  
in amicis fir  
bat, ut me  
que à me ip  
nico meo  
scriptionis  
dus, homi  
uit, tabula  
ille unus o  
du uestro  
moui: int  
cum Vatim  
quem etiam  
ceronis or  
in epistola  
petua eun  
cum trib



agere non destitit: me oppugnauit primum per indicem Vectium, quem in concione de me, & de clarissimis uiris interrogauit: in quo tamen eos ciues coniunxit eodem periculo & crimine, ut à me inierit gratiam, quòd me cum amplissimis & fortissimis uiris congregauit. sed postea mihi nullo meo merito, nisi quòd bonis placere cupiebam, omnes est insidias sceleratissime machinatus. ille ad eos, à quibus audiebatur, quotidie aliquid defecti afferebat: ille hominem mihi amicissimum Cn. Pompeium monebat, ut meam domum metueret, atque à me ipso caueret, ille se sic cum inimico meo copularat, ut illum meæ proscriptionis, quam adiuuabat Sex. Claudius, homo iis dignissimus, quibuscum uiuit, tabulam esse, se scriptorem diceret: ille unus ordinis nostri, discessu meo, luctu uestro palam exultauit.

## COMMENTARIUS.

Agnoui: intellexi cuius sit, à quo usurpaueris. est enim Vatinij, qui Sextium maxime oppugnat, in quem etiam testimonium dixit. unde in illum Ciceronis oratio: quam appellat interrogationem in epistola, Periucunda, ad Lentulum: quia perpetua cum interrogatione accusat. Increpuit: cum tribunus pl. ipse, consul Caesar esset. De



uniuersis: non obtinuit à Cæsare, ut in uniuer-  
 sam optimatum nationem ui & armis irrueret.  
 De me: dixi iam, in hac oratione, atque omnino  
 in omnibus orationibus, quas post exilii sui cala-  
 mitatem habuit, diligenter cauiffe Ciceronem, ne  
 C. Cæsaris animum offenderet: uel quòd Pom-  
 peii socer esset, cuius maxime opera se esse resti-  
 tutum intelligebat: uel quòd, malo doctus, pu-  
 gnare cum potentibus deinde nollet; sibiq; non,  
 ut antea, dignitatis solum, sed salutis cum digni-  
 tate rationem esse habendam existimaret. quo  
 consilio præteritas in se Cæsaris iniurias partim  
 silet, partim excusat. Hic, cum dixisset, Nihil  
 profecit de uniuersis, locus postulabat, ut adiunge-  
 ret de se ipso, quid apud Cæsarem profecisset Va-  
 tinius, & traductionem illam Clodij ad plebem,  
 cuius auctor atque aëtor in consulatu Cæsar fuit,  
 ex Vatinii sermone consilioq; manasse criminare-  
 tur. uerum, ne uideatur ea meminisse, quæ ut  
 ex animo deleantur, gratiæ reconciliatio requi-  
 rit; odiosam commemorationem callide præter-  
 mittit, & orationem ad ea traducit, quæ propria  
 Vatinii sunt, non cum Cæsare communia. In  
 dicem Veëtium: indicauit L. Veëtius, nego-  
 cium sibi à clarissimis uiris esse commissum, ut  
 Cn. Pompeium occideret. id à Vatinio tribuno pl.  
 & Cæsare consule fictum, suspicio fuit: quia, cum  
 indicis falsitas manifestis signis argueretur, Ve-  
 ëtius in carcere occulte strangulatus est: de quo  
 sic

se in orati-  
 purissime  
 ut amplifi-  
 mia ampli-  
 lum non ue-  
 geris ne in e-  
 ndicium co-  
 nte ipsum e-  
 ludio Veëtii  
 re, ut credit  
 communia co-  
 tin auctor a-  
 sem. Claris-  
 sime; L. Luc-  
 Carione, co-  
 Menobarb-  
 Lentulo, qu-  
 Paullo, qui  
 bat; aliis pr-  
 Aticum p-  
 Aliquid d-  
 & apparet  
 Aliquid fi-  
 in. ex his  
 sententia,  
 brimans  
 nimum d-  
 lam attul-  
 de pro do



sic in oratione in *Vatinium* : Promulgaris ne, im-  
 purissime & perditissime hostis, quæstionem de  
 tot amplissimis & talibus uiris, indici *Veſtio* præ-  
 mia amplissima? quibus rebus omnium mortu-  
 lorum non uoluntate, sed conuicio repudiatis, fre-  
 geris ne in carcere ceruices ipsi illi *Veſtio*, ne quod  
 indicium corrupti indicii extaret, eiusq; sceleris  
 in te ipsum quæstio flagitaretur? Et *Suetonius* in  
*Iulio Veſtium* ueneno sublatum significat, aucto-  
 re, ut creditum est, *Cæsare*; cuius cum *Vatinio*  
 communia consilia erant. De me: an ego *Ve-*  
*ſtio* auctor atque impulsor ad necem *Pompeii* fuis-  
 sem. Clarissimis uiris: *M. Bibulo*, tum con-  
 sule; *L. Lucullo*, consulari, & triumphali; *C.*  
*Curione*, consulari, & triumphali; *L. Domitio*  
*Ahenobarbo*, qui tum præturam petebat; *L.*  
*Lentulo*, qui consulatum petebat; *L. Aemilio*  
*Paullo*, qui tum quæstor *Macedoniam* obtine-  
 bat; aliis priuatis, quos enumerat in epistola ad  
*Atticum* penultima libri I I. & in *Vatinium*.  
 Aliquid defecti: non agnosco latinam uocem:  
 & apparet mendum. tribus modis corrigi potest,  
 Aliquid ficti, Aliquid effecti, aliquid de me fi-  
 cti. ex his correctionibus, quia non differunt in  
 sententia, eam probari maxime uelim, quam li-  
 bri manuscripti comprobabunt, aut cum qua mi-  
 nimum dissentient. Afferebat: forte quere-  
 lam attulit *Ciceronis* in iudicio *C. Antonii*. ui-  
 de pro domo sua. Monebat: de *Vatinio* igitur  
 supra



supra intellexit, cum dixit: Quem, domi meae, certi homines, ad eam rem compositi, monuerunt, ut esset cautior: eiusque uitae à me insidias apud me domi positas esse dixerunt. & in Pisonem, cum ait: Qui familiaritatis licentia, suorum improbissimorum sermonum domicilium in auribus eius impulsu uestro collocauerunt, Vatinius potuit significare. Meae proscriptionis: legem qua pulsus est, proscriptionem appellat; quia, cum contra leges, moremque maiorum esset rogata, lex esse non posset. est autem proscriptionis odiosum nomen: quod eas facere consueverunt ii, quorum potentia supra leges est, qualis L. Sylla fuerat. eadem sententia dixit supra, Cum proscriptio denunciaretur. & post, Cum de capite ciuis, & de bonis proscriptio ferretur. Adiuuabat Sex. Clodius: homo seditiosissimus; qui P. Clodii interfecti corpus in forum detulit, populoque concitato cremauit. quo incendio & curiam, & basilicam Aemiliam conflagrasse, eoque deinde crimine Sex. Clodium esse damnatum, Pedianus in suis commentariis tradidit: & M. Antonii consulis extat epistola, Cicero- nem rogantis, ut Sex. Clodium restitui patiatur. hic leges Clodii sua scriptione adiuuabat. itaque in ea pro Milone, Exhibe quaeso, inquit, librum illud legum uestrarum. in ea uero pro domo sua: Hanc tibi legem Clodius scripsit spurcior- em lingua sua, ut interdictum sit, cui non sit inter-

interdictum  
curiam dia  
mon factu ne  
ut uerbis ull  
testi? hoc tu  
pro republi  
gis Vatiniu  
m adiutorem  
mum more;  
illa fert, a  
ut: uuebat  
brasac seditio  
pro Clodio:  
brasac seditio  
ne, sine fide, si  
tama, uita  
ini: senatori

quo ego  
feci iudices  
omnibus m  
citu, copii  
rio me que  
splicere, q  
nat, quae d  
nio, quo  
dare. in q  
rari iudic  
contra le



interdictum? Sexte noster, bona uenia dic: quoniam iam dialecticus es, & hoc quoque liguris: quod factum non est, ut sit factum, ferri ad populum, aut uerbis ullis sanciri, aut suffragiis confirmari potest? hoc tu scriptore, hoc consiliario, hoc ministro rempublicam perdististi. Hic scriptorem eius legis Vatinius uidetur agnoscere, scriptoris autem adiutorem & participem Sex. Clodium: oratorum more; qui res ad personas uarie solent, ut causa fert, accommodare. Quibuscum uiuit: uiuebat maxime cum P. Clodio, cumque necessariis ac seditiosis hominibus: de quo sic in oratione pro Caelio: Quem uos per biennium aut ministrum seditionis aut, ducem uidistis, hominem sine re, sine fide, sine spe, sine fortunis, ore, lingua, manu, uita omni inquinatum. Ordinis nostri: senatorii.

## O R A T I O.

DE quo ego, cum quotidie rueret, uerbum feci iudices nunquam: neque putau, cum omnibus machinis, ac tormētis, uir, exercitu, copiis oppugnarer, de uno sagittario me queri conuenire. Acta mea illi displicere, quis nescit? qui legem contemnat, quæ dilucide uetat gladiatores biennio, quo quis petierit, aut petiturus sit, dare. in quo eius temeritatem satis mirari iudices non queo. facit apertissime contra legem; facit is, qui neque elabi ex iudicio



COMMENTARIUS

iudicio iucūditate sua, neque emittigra-  
tia potest, neque opibus, & potentia le-  
ges, ac iudicia perfringere. quæ res homi-  
nem impellit, ut sit tam intemperans? ista  
nimia gloriæ cupiditate familiam gladia-  
toriam, credo, nactus est speciosam, no-  
bilem, gloriosam: norat studia populi: ui-  
debat clamores & concursus futuros. hac  
expectatione elatus homo flagrans cupi-  
ditate gloriæ, tenere se non potuit quin  
hos gladiatores induceret, quorum esset  
ipse pulcherrimus. si ob eam causam pec-  
caret, pro recenti populi R. in se benefi-  
cio, populari studio elatus: tamen igno-  
sceret nemo. cum uero ne de uenalibus  
quidem homines electos, sed ex ergastu-  
lis emptos, nominibus gladiatoriiis orna-  
rit, & sortito alios Samnites, alios Pro-  
uocatores fecerit: tanta licentia, tanta  
legum contemptione non habitura sit  
exitum, pertimescit: sed habet defensio-  
nes duas: primum, do, inquit, bestiarios:  
lex est scripta de gladiatoribus. Festiue.  
accipite aliquid etiam acutius. Dicit se  
non gladiatores, sed unum gladiatorem  
dare, & totam ædilitatem in munus hoc  
translulisse. præclaca ædilitas, unus leo,  
ducenti bestiarii.

Com-

IN OR  
C  
eret: aliqu  
mnes impro  
bantur. Vi  
ercitu Cæsa  
gitario: V  
extremo uerb  
pugnato.  
gem: a Cicer  
ut: quia, cu  
mo, & hoc  
ues tamen da  
de: ne populus  
ia, aut futura  
et. Elabi ex  
ore, accusabi  
menditas in h  
latimum pau  
tatores induc  
e, strumis at  
te, & in or  
Scatia: quen  
nde supra, &  
potentia: d  
Cæsar quiden  
cherrimus  
er: siquiden  
p pulcherr  
pda, famil



Rueret: aliquid furiose faceret. feruntur enim homines improbi ad facinus eo impetu, ut ruere uideantur. Vi, exercitu, copiis: ui Clodij, exercitu Caesaris, copiis improborum ciuium. Sagittario: Vatinio. pulcherrima cōcluditur hoc extremo uerbo metaphora, à similitudine urbis oppugnatae. Acta mea: pro republica. Legem: à Cicerone consule rogatam. Contemnat: quia, cum aedilitatem & petierit anno proximo, & hoc ipso anno praeturam petat, gladiatores tamen dare uult. in Vatinium. Vetat: reate: ne populus, aut praeteritae uoluptatis memoria, aut futurae spe delectatus, indignis honores mādēt. Elabi ex iudicio: si quia contra legem fecerit, accusabitur. Iucunditate: non est enim iucunditas in homine turpissimo. deformem autē Vatinium paulo post significat, cum ait, Hos gladiatores induxit, quorum esset ipse pulcherrimus. & strumis affectum, notatumq; fuisse, patet infra, & in oratione in ipsum, & ad Atticum. Gratia: quem sui tribules, nedum alij, respuunt. uide supra, & in oratione in ipsum. Opibus, & potentia: de quo nemo bene existimat, cui ne Caesar quidem ipse fauet. in oratione in ipsum. Pulcherrimus: ergo turpissimi omnium gladiatores: si quidem Vatinus, deformitate insignis, praesijs pulcherrimus uidebatur. Ob eam causam: quòd, familiam gladiatoriam speciosam, nobilem, gloriosam



COMMENTARIUS

gloriosam nactus, tenere se non potuerit homo flagrans cupiditate gloriae, quin eam induceret. Beneficio: si populus R. aedilitatem Vatinio, quam denegauit, dedisset. est in his uerbis tacita repulsa significatio. quasi dicat: certe populari studio efferrī non debuit, cum populum sui minime studiosum in aedilitatis petitione cognouerit. Sortito: ut fors cuique obtigit, alios, Samnites, alios Prouocatores fecit. Samnites, plura gladiatorum erant genera, Samnites, Prouocatores, Retiarii, Mirmillones. ex his oppositi in pugnis Samnites, & Prouocatores: quod hic Ciceronis locus ostendit: Retiarii, & Mirmillones, quod Valerius Maximus libro I. Quintilianus lib. VI. declarat. Samnites ad pugnandum primo lenti: Prouocatores ex se nomen sumpserunt, quia certaminis initio prouocare aduersario solerent. unde Horatius in epistola quadam,  
Lento Samnites ad limina prima duello.  
Mirmillones, & Secutores dicebantur: quod, si quis Festum, & Quintilianum lib. VI. & Suetonium in Caligula legerit, facile poterit conicere. de Secutoribus meminit et Cicero li. VII. ad Atticum, & Iuuenalis sat. VIII. Habet defensiones duas: totum hoc eō pertinet, ut ostendat Vatinium populo uerba dare, qui bestiarios gladiatorum nomine sit inducturus. refert autem ad Vatinii defensionem, quia quod per irrisionem obijcitur aduersario; iucunditatem parit, neque tamen

IN OI

amen uim  
bestiis pugna  
pugnat ex il  
uolat, unum  
mnes bestiar  
ere hominum  
mes, sed besti  
gladiatorem d  
mes, dari net  
intelligit; n  
ari uetat. T  
pore Vatinia  
la, qua supra  
torem suam u  
quidquam illis  
u repulsam r  
natione in ip  
antes uidet, t  
infecerat, ne  
cientem, se q  
adulis creat  
nunc dare  
at, quam mo  
ula futura fu  
leuonem, ducer  
leo: quem e  
tem praclay  
s, quod leo  
tur Vatinia



tamen uim amittit. Bestiarios : seruos, qui cum  
 bestiis pugnabant. Vnum gladiatorem : si-  
 gnificat ex iis, quos *Vatinius* gladiatores nomi-  
 nabit, unum reuera gladiatorem esse, reliquos  
 omnes bestiarios. duplex igitur est defensio, à ge-  
 nere hominum, & à numero. non enim gladia-  
 tores, sed bestiarios; non plures, sed unum modo  
 gladiatorem dare se dicit. lex autem, cum gladia-  
 tores, dari uetat; de gladiatoribus, non de bestia-  
 riis intelligit; nec unum gladiatorem, sed plures  
 dari uetat. Totam ædilitatem : ædilitatem  
 gerere *Vatinius* non existimabit qui meminert  
 illa, quæ supra dicta sunt : Aedilitatem petiuit :  
 tribum suam non tulit : Palatinam perdidit : nec  
 quidquam illis comitiis, quod boni uiri uellent,  
 nisi repulsam tulit. & qui legerit illa, quæ sunt in  
 oratione in ipsum : de quibus duos prætextatos se-  
 dentes uides, te ædiliciam prætextam togam, quæ  
 confecerat, uendidisse. Fingit igitur *Vatinius*  
 dicentem, se quos ludos, quæ munera *Vatinius*,  
 si ædis creatus esset, populo daturus erat, id om-  
 ne nunc dare. fingit autem propterea, ut signifi-  
 cet, quàm non magnifica, quàm tenuis, ac sor-  
 dida futura fuerit illius ædilitas, qui tantum unū  
 leonem, ducentos bestiarios dare cogitabat. Vnus  
 leo : quem conficerent ducenti bestiarij. esset au-  
 tem præclara ædilitas, & spectaculum iucundū,  
 si, quod leones, tot bestiarij pugnarent. & uide-  
 tur *Vatinius* eodem munere daturus, qui certa-  
 rent



COMMENTARIVS

rent tanquam gladiatores, etiam si non gladiatores, sed bestiarum essent; & qui cum uno leone congrederentur. alterum patet ex eo quod dixit: Cum ex ergastulis emptos nominibus gladiatorum ornarit, & sortito alios Samnites, alios Prouocatores fecerit. alterum ex his uerbis cognoscitur, Vnus leo, ducenti bestiarum.

ORATIO.

VERVM utatur hac defensione: cupio eum suae causae confidere: solet enim tribunos pl. appellare, & ui iudicium disturbare, cum diffidit. quem non tam admiror, quod meam legem contemnat, hominis inimici, quam quod se statuit omnino consularem legem nullam putare. Aciliam, Didiam, Liciniam, Iuniam contempsit: etiam ne eius, quem sua lege, & suo beneficio ornatum, munus, armatum solet gloriari, C. Caesaris legem de pecuniis repetundis non putat esse legem? & aiunt alios esse, qui acta Caesaris rescindant, cum hac optima lex & ab illo socero eius, & hoc assecla negligatur? & cohortari ausus est accusator in hac causa uos iudices, ut aliquando essetis seueri? aliquando medicinam adhiberetis reip.? non est ea medicina, cum sanae parti corporis scalpellum adhibetur, atque integrae: carnificina est ista, & crudelitas, si medentur reip. qui execant pestem

IN O

stem aliquis. Sed, ratio mea, quam, quadi; concluamq; primosq; adolad maiorum

citabo; & rarem potest qua mult gloria florum Colet enim tribus, apertum. Quaro e. Licinia & yator ex ea. nes uenisset, in factum a. ma sit inaud. causam dicer. hoc eiusdem. exponam. quis in hac e. pl. appella. in tribunat. turbar it d. omnes i e.



stem aliquam, tanquam strumam, ciuitatis. Sed, ut extremum habeat aliquid oratio mea, & ut ego ante dicendi finē faciam, quā uos me tam attente audiendi; concludam illud de optimatibus, eorumq; principibus, ac reip. defensoribus: uosq; adolescentes, & qui nobiles estis, ad maiorum uestrorum imitationem excitabo; & qui ingenio, & uirtute nobilitatem potestis consequi, ad eam rationē, in qua multi homines noui & honore, & gloria floruerunt, cohortabor.

## COMMENTARIUS.

Solet enim tribunos pl. appellare: quid significet, apertū est in oratione Vatinius. ait enim sic. Quæro etiam illud ex te, postulatus ne sis lege Licinia & Iunia? edixerit ne C. Memmius prætor ex ea lege, ut adesses die tricesimo? cum is dies uenisset, feceris ne, quod in hac rep. non modo factum ante nunquam est, sed in omni memoria sit inauditum? appellaris ne tribunos pl. ne causam diceres? Vi iudicium disturbare: & hoc eiusdem Ciceronis uerbis in eadem oratione exponam. Quæro, inquit, ex te Vatini, num quis in hac ciuitate post urbem conditam tribunos pl. appellarit, ne causam diceret? num quis reus in tribunal sui quæstoris ascenderit, eumq; ui deturbari? subsellia, urnas deleuerit? eas denique omnes res in iudicio disturbando commiserit, qua

V rum



COMMENTARIUS

rum rerum caussa iudicia sunt cōstituta? Quod  
se statuit: omnino prænomen, Se, latinæ lin-  
guæ ratio postulat ut tollatur: sed, nisi uetera cō-  
sentiant exemplaria, mutandum nihil statuo.  
Aciliam, Didiam: malim Cæciliam, Didiam:  
quam consules tulerunt Q. Metellus T. Didius,  
anno ab urbe condita DCLV. de qua libro ad  
Atticum II. 28. & in Philippica V. ubi hanc  
legem cum Iunia Licinia uideo coniungi: quæ tri-  
nundinum in lege seruari, iuebant: sed pœnam  
grauiore Iunia Licinia irrogabat. illa uero Cæci-  
lia Didia, de qua in oratione pro domo sua scri-  
ptum est, ab iisdem quidem consulibus, alia ta-  
men de re lata est, nempe de hac: ne unam in le-  
gem diuersa capita inculcarentur; ne populo ne-  
cesse esset, in coniunctis rebus compluribus aut  
id, quod nollet, accipere, aut id, quod uellet, re-  
pudiare. Liciniam, Iuniam: nullam uideo  
causam esse, cur duas esse leges existimem. sed  
quemadmodum una lex est Cæcilia Didia, de qua  
proxime dixit, à duobus consulibus lata: sic, ut  
una sit Licinia Iunia, à duobus item consulibus la-  
ta, consentaneum uidetur. mouet etiam me non  
nihil illa ratio, quòd in oratione in Vatinius cum  
dixisset Cicero, Quæro etiam illud ex te, postula-  
tus ne sis lege Licinia & Iunia? Subiunxit, edixe-  
rit ne C. Memmius prætor ex ea lege, ut adesses  
die tricesimo? Liciniam, & Iuniam cum nomi-  
nasset, intulit, ex ea lege. fecerat autem contra  
legem

IN O

gem Licin  
nundinum  
feret, leg  
pro dom  
dicet. ea  
guia, &  
na cum Cæ  
hec eni  
fuit: ea  
legem ferr  
cognatis,  
ne manda  
proximis annis  
in Antoni  
dixit: ubi pro  
nanti lege Iu  
nam non rece  
fuit fuisse: ea  
nominat.  
um ei Gallia  
pennium leg  
tus, Patere  
in consule nih  
pra, de pro  
ætonius.  
bitimente, e  
lata duxit  
prio colloca  
tibus auge



legem Liciniam & Iuniam Vatinius, quia trinundinum in legibus ferendis non seruasset. quod ne fieret, lege Licinia cautum esse, aperte in oratione pro domo sua, & in v. in Antonium Cicero docet. ea uero Licinia, qua de meminit in i i. agraria, & pro domo sua, diuersa fuit ab hac, quæ cum Cæcilia Didia semper à Cicerone coniungitur. hæc enim, ut dixit, de spatio legis promulgatæ fuit: ea uero de legum latoribus sanxit, ut, qui legem ferret, is non modo sibi, sed nec collegis, cognatis, affinis potestatem ullam curationem ue mandaret. omitto, quod Iuniam Liciniam proximis annis latam uidetur Cicero significare in v. in Antonium his uerbis: Vbi lex Cæcilia & Didia? ubi promulgatio trinundinum? ubi pænæ recenti lege Iunia Licinia? at uero alteram Liciniam non recentem, sed ueterem in i i. agraria dicit fuisse: eamq; non cum Iunia, sed cum Aebutia nominat. Solet gloriari: uere gloriabatur. nam ei Galliam cisalpinam cum Illyrio in quinquennium lege lata dederat. Suetonius, Plutarchus, Paterculus, Dio. Rescindant: quod ab eo consule nihil saluis auspicijs actum esse dicant. supra, de provincijs, in Pisonem, pro domo sua, Suetonius. Socero: L. Pifone, Macedoniam obtinente, cuius filiam Calpurniam Cæsar in consulatu duxit uxorem, suamq; filiam Iuliam Pompeio collocauit, ut suam potentiam nouis affinitatibus augeret. quod euenit. hac de lege à Pifone

V 2      negle



COMMENTARIUS

neglecta, quia de creditis pecunijs ius in liberos  
populos dixit, mentio fit in oratione de prouincijs,  
& in Pisonem, & pro domo sua: ubi, Soceri,  
pro Generi, mendose legitur. Hoc asseccla: *Va*  
*tinus* enim in tribunatu pecunias iniquissime coe-  
git, contra legem de repetundis eo ipso anno à Cæ-  
sare consule rogatam, qua de re hæc sunt uerba in  
oratione in *Vatinium*: Quæro ex te, sis ne ex pau-  
perimo diues factus illo ipso anno, quo lex lata  
est de pecunijs repetundis acerrima? ut omnes in-  
telligere possent, à te non modo nostra acta, quos  
tu tyrannos uocas, sed etiam amicissimi tui legē  
esse contemptam. Sanæ parti: significat, ut in  
corpore sanam partem, sic *P. Sextium*, uirum  
bonum, atque innocentem, esse conseruandum.  
Tanquam strumam: *Vatinium*, qui strumis  
laborabat, de republica tollendum, quasi pestem  
aliquam, intelligit. *Plutarchus* in *Cicerone*, &  
in *Vatinium*. & ad *Atticum* libro *II.*: *Va-*  
*tinij* strumā, inquit, διστάτω uestiant. Vosque  
adolescentes: totum hoc, quod sequitur, usque  
ad illud, sed me repente, de moribus oratio est:  
quam ἡδίκηδον λόγόν *Græci* nominant: & maxime  
illam quidem in dialogo & epistola, sed in omni  
etiam sermone conuenire, *Demetrius* tradidit.  
oratoris enim imago quædam et index animi est  
oratio.

ORATIO.

HÆC est una uia, mihi credite, & laudis,  
&

IN C  
& dignit.  
pientibu  
dari, & di  
tis à maio  
sticutam:  
culissent,  
runt, ut co  
rent sempi  
id cōsiliu  
in illum sun  
uii industr  
reip. cultor  
rem colloca  
ritate uti m  
grauissimi  
tem ipsum  
dore confir  
moda tuer  
qui pro ui  
tes sunt,  
autem præ  
nia, atque  
biti sunt o  
& conseru  
generi fat  
sarios, in  
poni per  
magnos  
labores



& dignitatis, & honoris, à bonis uiris, sapientibus, & bene natura constitutis laudari, & diligere; nosse descriptionem ciuitatis à maioribus nostris sapientissime constitutam: qui cum regum potestatem non tulissent, ita magistratus annuos creauerunt, ut consilium senatus reip. præpōnerent sempiternum, deligerentur autem in id cōsiliū ab uniuerso populo, aditusq; in illum summum ordinem omnium ciuiū uiū industriæ, a cuius uirtuti pateret. senatum reip. custodem, præsidem, propugnato-rem collocauerunt. huius ordinis auctoritate uti magistratus, & quasi ministros grauisissimi consilii, esse: senatum autem ipsum proximorum ordinum splendore confirmari, plebis libertatem, & cōmoda tueri, atque augere uoluerunt. hæc qui pro uirili parte defendunt, optimates sunt, cuiuscunque sint ordinis: qui autem præcipue suis ceruicibus tanta munia, atque remp. sustinent, ii semper habitī sunt optimatium principes, auctores & conseruatores ciuitatis. uic hominū generi fateor, ut ante dixi, multos aduersarios, inimicos, inuidos esse, multa proponi pericula, multas inferri iniurias, magnos esse experiundos, & subeundos labores: sed mihi omnis ratio est cum uir

V 3 tute,



COMMENTARIVS

tute , non cum desidia ; cum dignitate , non cum uoluptate ; cū iis , qui se patriæ , qui suis ciuibus , qui laudi , qui gloriæ , nō qui sommo , & conuiuiis , & delectationi natos arbitrantur . nam si qui uoluptatibus ducuntur , & se uitiorum illecebris , & cupiditatum lenociniis dediderūt ; miseros faciant honores ; ne attingant remp . patiantur uiros fortes , laborum patientes , frui . qui autem bonam famam bonorū , quæ sola uere gloria nominari potest , expetunt ; aliis ocium quærere debent , & uoluptates , nō sibi . sudandum est his pro communibus commodis , adeundæ inimicitia , subeundæ sæpe pro rep . tempestates , cum multis audacibus , improbis , non nunquam etiam potentibus dimicandum .

COMMENTARIVS .

Ab uniuerso populo : ante creatos censores . nam deinde non à populo , sed à censoribus senatores lecti sunt . à populo autem deligebantur consule nominante . Proximorum ordinum : intelligit eos , qui senatoribus dignitate proximi sunt , ut equites & iudices . Cuiuscunque sint ordinis : siue senatores , siue equites , siue municipales , siue rustici , siue negocia gerentes , siue etiam libertini . sic enim optimates definiunt . Mihi omnis ratio : non hæc , inquit , propono  
ijs ,



ijs, qui desidia languent, sed ijs, quorum animos  
uirtutis cupiditas excitat. ignauorum et inertium  
hominum in hac mea cohortatione rationem non  
habeo: strenuis, & fortibus, & uirtutem dili-  
gētibus hac dico. Laborum patientes, frui:  
soleo mirari & hic, & quibusdam in locis, unde  
factum sit, ut impressi libri, ut appellantur, à  
manuscriptis tam ualde dissentiant. hic omnes  
impressi, Labore se ocio suo perfrui. omnes anti-  
qui, Laborum patientes frui. ego, cur ab utris-  
que dissentiam, habeo: quid ipse afferam de meo,  
non habeo. facilius enim possum, quid displiceat,  
iudicare, quàm inuenire quod placeat. non gra-  
uate relinquo, in quo aliorum exerceri possit in-  
dustria.

## O R A T I O.

H AEC audiuius de clarissimorum uiro-  
rum consiliis, & factis, hæc accepimus,  
hæc legimus. neque eos in laude positos  
uidemus, qui incitarunt aliquando popu-  
li animos ad seditionem, aut qui largitio-  
ne cæcarunt mentes imperiorum, aut qui  
fortes, & claros uiros, & bene de rep.  
meritos in inuidiam aliquam uocauerūt:  
leues hoc semper nostri homines, & auda-  
ces, & malos, & perniciosos ciues puta-  
uerunt. at uero, qui horum impetus, &  
conatus represserūt, qui auctoritate, qui  
fide, qui constantia, qui magnitudine a-



COMMENTARIUS

nimi consiliis audacium restiterunt ; ii graues , ii principes , ii duces, ii auctores huius dignitatis , atque imperii semper habiti sunt . Ac ne quis ex nostro, aut aliquorum præterea casu hanc uitæ uia per- timescat : unus in hac ciuitate , quem qui dem ego possum dicere , præclare uir de rep. meritis , L. Opimius indignissime cō- cidit. cuius monimentum celeberrimum in foro, sepulcrum desertissimum in lito- re Dyrrhachino relictum est. atque hūc ta- men, flagrantem inuidia propter interi- tum C. Gracchi, semper ipse populus R. periculo liberauit. alia quædam ciuem e- gregiū iniqui iudicii procella peruertit. ceteri uero , aut repentina ui perculsi, ac tempestate populari, per populum tamen ipsum recreati sunt , atque reuocati ; aut omnino inuulnerati , inuiolatiq; uixerūt. at uero ii, qui senatus consilium , qui au- ctoritatem bonorum, qui instituta maio- rum neglexerunt , & imperitæ aut concia- tata multitudini iucundi esse uoluerunt , omnes fere reip. pœnas aut præsentī mor- te , aut turpi exilio pependerunt.

COMMENTARIUS.

Hæc audiuius: uiros clarissimos sudasse pro com- munibus commodis , adiisse inimicitias , subiisse tempestates , cum audacibus , improbis , poten- tibus

IN O  
tibus dim  
iderunt :  
berant : L  
nt. ascen  
radus ad e  
tis : qui  
terant. I  
nonarent  
unt. In  
quo crimi  
es, & mal  
ne eos inter  
no animos a  
nem, altera  
conem in re  
na nero, &  
ua. Male  
uores mini  
uiros, &  
u. quos gr  
a, partim  
im hoc cin  
nam sua ip  
ulus erat.  
um, & u  
Romanorum  
am Conce  
bus tradit  
unit Var



IN ORAT. PRO SEXTIO. 157  
tibus dimicasse. & , *Audiuimus* , ab iis , qui ipsi  
uiderunt : *Accepimus* , ab iis , qui ab aliis au-  
dierunt : *Legimus* in libris , antiqua referenti-  
bus . ascendit enim à propinquis rebus quasi per  
gradus ad ea , quæ longe distant . *Consiliis* , &  
*factis* : qui ea , quæ proposui , & iudicarunt , &  
fecerunt . *Incitarunt* : ut aliquid in republi-  
ca nouarent . *Cæcarunt* : ut honores conseque-  
rentur . In inuidiam aliquam uocauerunt :  
aliquo crimine accusarunt . *Leues* , & auda-  
ces , & malos , & perniciosos : *leues* , & au-  
daces eos intelligit , qui incitarunt aliquando po-  
puli animos ad seditionem . & alterum ad uolun-  
tatem , alterum ad actiones refertur . nam , mu-  
tationem in republica cogitare , leuitatis est ; ag-  
gredi uero , & conari ea , unde mutatio fit , au-  
daciæ . *Malos* uocat eos , qui ambitu sibi uiam ad  
honores muniunt : perniciosos , qui fortes & cla-  
ros uiros , & bene de republica meritos insectan-  
tur . quos grauiore , quàm alios , nomine appel-  
lat , partim quidem quòd ita sentiret , ( quid  
enim hoc ciuium genere detestabilius ? ) deinde  
etiam sua ipsius caussa , quòd ab his indignissime  
pulsus erat . *L. Opimius* : qui consul *C. Grac-  
chum* , & una cum eo circiter tria millia ciuium  
*Romanorum* occidit . *Monimentum* : tem-  
plum *Concordiæ* ; quod ab eo factum esse *Plutar-  
chus* tradit : aut basilicam *Opimiam* ; de qua me-  
minit *Varro* lib. I I I I . de lingua lat . & forte  
de



COMMENTARIUS

de basilica potius, quàm de templo, intelligendum. nam cum, celeberrimum, & desertissimum, tanquam antitheta, Cicero posuerit; & in altero solitudinem, in altero frequentiam hominum significauerit: rectissime de basilica dictum possumus conicere. ubi enim maior hominum frequentia, quàm in basilicis? in quibus iudicia fiebant. quod à Vitruuio didicimus. Semper ipse populus R. apparet, non à populo Romano, sed à prætore & iudicibus Opimium esse damnatum. quod & Cicero in Bruto significat his uerbis: Inuidiosa Manilia quæstione C. Galbam sacerdotem, & quatuor consulares, L. Bestiam, C. Catonem, Sp. Albinum, ciuemq; præstantissimum L. Opimium, Gracchi interfectorem, à populo absolutum, cum is contra populi studium stetisset, Gracchani indices sustulerunt. Damnatus autem est Opimius, ut ait Plutarchus in uita Gracchorum, quòd legatus ad Iugurtham Numidiæ regem missus, pecunias ab eo accepisset. Pedianus tamen in commentario orationis in Pisonem, in extremo, Opimium ob inuidiam, quæ illum ex interitu M. Fuluij Flacci consularis, & L. Gracchi tribunicij secuta est, iudicio circumuentum, & in exilium actum esse narrat. sed Plutarchus, quasi Gracchorum studiosus, & Opimio, quòd in consulatu primus dictatoris potestatem exercuisset, infensus, affirmat eum à Iugurtha esse corruptam.

Pedianus

IN

Pedianus  
ca damna  
idem Cice  
ut, iniqui  
uatione pi  
Opimij dan  
atum esse  
ha contra  
accusabat  
dat; sed q  
ius esset.  
de Opim  
semper liber  
e Opimio, c  
alato, non f  
notum accu  
Decius tribu  
mulatorum.  
ne pitome L  
n Cicero  
Bruto obser  
lo damnati  
pro domo su  
re annales  
tatis loq  
Furius Ca  
optime de  
tium irac  
tis centur



Pedianus infontem eo crimine significat, & ob ea damnatum, quæ in consulatu fortiter egisset. idem Cicero declarat; quia, Ciuem egregium, ait, iniqui iudicii procella peruertit: quod & in oratione pro Plancio confirmat. ergo, quod ad Opimij damnationem attinet, ita statuemus; uocatum esse in iudicium pecuniæ nomine, à Iugurtha contra leges acceptæ, damnatum non eo, quo accusabatur, crimine, quandoquidem culpa uacabat; sed quod regia potestate in ciues Romanos usus esset. Liberauit: in iis iudiciis, in quibus ipse de Opimio indicauit. & cum dicat Cicero, Semper liberauit; apparet, populum Romanum de Opimio, ob C. Gracchii aliorumq; necem accusato, non semel iudicem fuisse. ego tamen unius tantum accusationis mentionem inuenio, cum P. Decius tribunus pl. Opimio, proximo post eius consulatum anno, ad populum diem dixit. quod in epitome Liuiana, in libello de uiris illustribus, in Ciceronis partitionibus, in II. de oratore, in Bruto obseruauimus. Perculsi: ab irato populo damnati. quos intelligat, cognoscitur ex ea pro domo sua: in qua ita scriptum est. At uero, ut annales populi Romani, & monumenta uetustatis loquuntur, censor ille Quinctius, & M. Furius Camillus, & M. Seruilius, cum essent optime de republica meriti, tamen populi incitati uim iracundiamq; subierunt: damnatiq; comitijs centuriatis, cum in exilium profugissent, rursus



COMMENTARIUS

sus ab eodem populo placato sunt in suam pristinam dignitatem restituti. quo in loco, ut aliud ex alio, duo menda, alterum manifeste uideo, in ditione censor, alterum suspicor esse in prænominē Seruiliū Censorem quidem Quinctium esse damnatum, nulli annales populi Romani, quos habemus, loquuntur: cum tamen de homine notissimo significare Cicero uideatur, prænominē usus, ille; quod ad eximie cuiusdam atque extraordinarie rei, aut excellentis & insignis maxime hominis significationem usurpatur. Sequor igitur primum, ut soleo, cum aliquid corrigo, similitudinem litterarum, deinde historię testimonium; & ex utrisque, pro censor, repono Ceso: ut Ceso ille Quinctius intelligatur, quem sæpe pro patribus contra plebem certasse, eoq; nomine accusatum in exilium, non expectata iudicij die, abuisse, T. Liuius historiarum suarum libro III. A scriptum reliquit. quod & Dionysius Halicarnassensis libro x. tradidit. Alterum esse mendum opinor in prænominē Seruiliū. nemo enim de M. Seruilio scripsit, optime de republica merito, à populo damnato. utrunque autem uideo conuenire in C. Seruiliū Ahalam: qui et Sp. Melium sua manu occidit, de tyrannide cogitantem; & præclari facti pœnas iniquissimo exilio pependit. de Melio Liuius, Plutarchus, hic noster sæpe memorant: de exilio unus, quod sciam, Valerius Maximus memoriæ prodidit. Inuulnerati: ut,  
exempli



exempli causa, Ap. Claudius Sabinus: qui cum senatus atque optimatum causam constantissime tueretur, plebi uero acerrimus esset aduersarius, tranquillam tamen atque honoratam in patria uitam duxit, nec ab infenso populo iniuriam ullam tulit. Præsenti morte: ut Sp. Melius, M. Manlius Capitolinus, duo, Gracchi L. Apuleius Saturninus, P. Sulpicius. Turpi exilio: hos necesse est non à populo, ut Cesonem, Camillum, Seruiliū, sed à senatu esse damnatos. agitur enim hic de iis, qui populares esse uoluerunt. hi qui fuerint, in historijs, quæ nunc extant, non satis apparet. M. tamen Lepidi, eius, qui cum Q. Catulo consul fuit, in epitome, Floro, & alijs mentio fit. is, quia Syllæ acta rescindere conatus esset, hostis iudicatus, exul in Sardinia decessit.

## O R A T I O.

QVOD si apud Athenienses, homines Græcos, longe à nostrorum hominum grauitate disiectos, non deerant, qui reip. contra populi temeritatē defenderent, cum omnes, qui ita fecerant, è ciuitate eiicerentur; si Themistoclem illum, conseruatorem patriæ, non deterruit à rep. defendenda nec Milciadis calamitas, qui illam ciuitatē populo ante seruarat, nec Aristidis fuga, qui unus omnium iustissimus fuisse traditur; si postea summi eiusdem



COMMENTARIVS

dem ciuitatis uiri, quos nominatim appellari non est necesse, propositis tot exēplis iracundiæ, leuitatisq; popularis, tamen suam remp. illam defenderunt: quid nos tandem facere debemus? primum in ea ciuitate nati, unde orta mihi grauitas, & magnitudo animi uidetur; tum in tanta gloria insistentes, ut omnia humana leuiora uideri debeant; deinde ad eam remp. tuendam aggressi, quæ tanta dignitate est, ut eam defendentem occiderē non aliud sit, quàm oppugnantem rerum potiri. homines Græci, quos antea nominaui, inique à suis ciuibus damnati, atque expulsi, tamen, quia bene sunt de suis ciuitatibus meriti, tãta hodie gloria sunt non in Græcia solum, sed etiam apud nos, atque in ceteris terris, ut eos, à quibus illi oppressi sunt, nemo nominet, horum calamitatem dominationi illorum omnes anteponant. quis Carthaginensium plaris fuit Annibale consilio, uirtute, rebus gestis, qui unus cum tot imperatoribus nostris per tot annos de imperio, & de gloria decertauit? hunc sui ciues è ciuitate eiecerūt: nos etiam hostem litteris nostris & memoria uidemus esse celebratū.

COMMENTARIVS.

Conseruatorem patriæ: bello Xerxis Persarum



rum regis. Calamitas: accusatus enim proditi-  
 tionis, quod, cum parum expugnare posset, à  
 rege Persarum corruptus infectis rebus à pugna  
 discessisset, capitis quidem absolutus est, pecu-  
 nia uero tanta multatus, quantam cum soluere  
 non posset, in uincula publica coniectus, miserri-  
 ma atque indignissima morte diem obiit. Ser-  
 uarat: Marathonica pugna, caeso & fugato Da-  
 rij Persarum regis, Xerxis patris, exercitu. Fu-  
 ga: res augetur nomine: ut Themistoclis animi  
 magnitudo, & constantia clarius indicetur. di-  
 cimus enim, Abijt in exilium, &, In exilium  
 profugit: cum utrunque idem sit, pro discessu igitur  
 Aristidis ab urbe in exilium proficiscentis,  
 fugam Cicero dixit. damnatum opera Themisto-  
 clis, decem annorum exilio, quasi nimiam in li-  
 bera ciuitate potentiam haberet, Aemilius Pro-  
 bus, & Plutarchustradiderunt. uterque tamen  
 ab ipsa ciuitate reuocatum commemorat. Vnus  
 omnium: uni enim contigit, ut iustus appella-  
 retur. Aemilius Probus. Tot exemplis:  
 nam quicumque uel generis nobilitate, uel elo-  
 quentia, uel rerum gestarum gloria, uel omnino  
 aliqua re ceteros anteiret, hunc Athenienses, qui  
 ciuium aequalitatem in republica uellent, testula  
 damnatum eiiciebant: ut etiam Damonem, Pe-  
 riclis præceptorem, quod nimium sapere uideretur,  
 in exilium miserint. Tot imperatori-  
 bus: P. Cornelio Scipione, Africani maioris  
 patre,



# COMMENTARIUS

patre , *Ti. Sempronio Longo , C. Flaminio , C. Centenio , C. Terentio Varrone , L. Aemilio Paullo , Q. Fabio Maximo , Ti. Sempronio Graccho , M. Claudio Marcello , P. Scipione , eius filio , quem primum apud Rhodanum , iterum apud Padum , tertio apud Trebiam fugauerat . Tot annos : sexdecim . Eiecerunt : non eietum esse , sed ipsum profugisse , ne Romanis dederetur , Aemilius Probus in eius uita memoria mandauit .*

## ORATIO.

**Q**VARE initemur nostros Brutos , Camillos , Ahalas , Decios , Curios , Fabricios , Maximos , Scipiones , Lentulos , Aemilios , innumerabiles alios , qui hanc remp. stabiliuerunt ; quos equidem in deorum immortalium cœtu , ac numero repono : amemus patriam ; parcamus senatui ; consulamus bonis ; præsentis fructus negligamus ; posteritati & gloriæ seruiamus ; id esse optimum putemus , quod erit rectissimum ; speremus , quæ uolumus , sed , quod acciderit , feramus ; cogitemus denique , corpus uirorum fortium , magnorumq̃ hominum esse mortale , animi uero motus & uirtutis gloriam sempiternam ; neque , hanc opinionem si in illo sanctissimo Hercule consecratam uidemus , cuius corpore ambusto uitam eius , & uirtutem



tutem immortalitas excepisse dicitur, minus existimemus eos, qui hanc tantam remp. suis consiliis, aut laboribus aut auxerint, aut defenderint, aut seruarint, esse immortalem gloriam consecuturos. Sed me repente iudices, de fortissimorum, & clarissimorum ciuium dignitate, & gloria dicentem, & plura etiam dicere parantem, horum affectus in ipso cursu orationis represit. uideo P. Sextium, meæ salutis, uestre auctoritatis, publicæ causæ defensorem, propugnatorem, auctorem, reum; uideo hunc prætextatum eius filium oculis lacrymantibus me intuentem: uideo Milonem, nindicem uestre libertatis, custodem salutis meæ, subsidiū afflictæ reip. extinctorem domestici latrocinii, repressorem cædis quotidianæ, defensorem templorum atque tectorum, præsidium curiæ, sordidatum & reum: uideo P. Lentulum, cuius ego patrem deū, ac parentem statuo fortunæ, ac nominis mei, & fratris, rerumq; nostrarum, in hoc misero squalore & sordibus; cui superior annus idem & uirilem patris, & prætextam populi iudicio togam dederit, hunc hoc anno in hac toga rogationis iniustissimæ subitam acerbitem pro patre fortissimo, & clarissimo ciue deprecantem-

X COM.



COMMENTARIUS.

**Brutos:** *L. Iunium Brutum*, qui *Tarquinium* regem eiecit. **Camillos:** *M. Furium Camillum*, qui *Veios* cepit, urbem *Romam* à *Gallis* liberauit, alia pro patria præclariſſima geſſit. **Ahalas:** *C. Seruilius Ahalam*, qui *Sp. Melium*, male de patria cogitantem, magiſter equitum interemit. **Decios:** patrem, & filium: de quibus ſupra. **Curios:** *Man. Curium*, qui ter triumphauit, de *Pyrrho* *Epirotarum* rege, de *Samnitibus*, de *Lucanis*. **Fabricios:** *C. Fabricium Luſcinum*, qui cum *Pyrrho* rege pugnauit. **Maximos:** *Q. Fabium Maximum*, qui *Annibalis* uictoris impetus arte, & patientia retardauit. **Scipiones:** duos *Africanos*. **Lentulos:** eum fortasſe, qui ſenatus princeps fuit: quem ſæpe *Cicero* commemorat. ſed hic ætate poſt *Aemilium* fuit. ut fortasſe, *Caton*, uerius fuerit. ſed litteræ nimium differunt. uide de nat. deo. lib. II. ubi non *Lentulum* nominat, ſed *Catonem*. **Aemilios:** *L. Aemilium Paullum*, qui *Macedoniæ* regnum, *Perſe* rege capto, in populi *Romani* poteſtatem redegit. **Conſecratam:** *Herculem* dicit in deorum numerum relatum eſſe, quòd ea fuerit opinione, quam præſcripſit: ut conſulatur bonis: præſentes fructus negligantur: & reliqua. **Corpore ambuſto:** in monte *Oeta*. **Tuſculana** II. **Veſtræ auctoritatis:** ueſtra enim uoluntas & auctoritas in me reſtituendo *Sextium* adiun-



adiutorem, defensoremq; habuit. Publicæ causæ: quod in mea re publica res agebatur. bonis enim iacentibus, iacere simul ipsa res publica uideatur. Defensorem, propugnatorem: ociosa esse multa in Cicerone imperiti putant. non ita est. nam, quæ supernacanea uideri possunt, ad augendum inducta sunt. sed homines inepti, uel quia Romanæ linguæ uim, et propriam significationem ignorant, uel quia diligenter singula non examinant, optima fastidiunt, ac respuunt. Defendere, & propugnare, idem sunt, aliquis dixerit. idem, sed idem in genere, non idem omnino. est enim quiddam, quo alterum ab altero differat. defendere, non plane est propugnare: at propugnare, est defendere. defendimus etiam leuiter: propugnamus acriter, & cum actione uehementi: ut quasi pugnam, unde uerbum propugnare deductum est, referre uideamur. quare non solum defendisse Sextium publicam causam Cicero significat, sed ita defendisse, ut ualde contenderit, quippe qui etiam uulnera ab ijs, qui eam oppugnabāt, plurima grauissimaq; acceperit. augetur igitur res, & demonstratur maxime nominibus multiplicatis, idq; trāslatis potius, quā propriis. nam propria non possunt esse unius rei multa, sed unū tantum cuiusque rei proprium est: translata uero eidem rei multa possunt inferuire, nec ex uno tantum, sed ex diuerso genere sumpta, modo sint è frequenti usu ita nota, ac familiaria, ut cū pro-

X 2 priis,



COMMENTARIUS

*prijs, quasi peregrini cum ciuibus, facile conso-*  
*cientur. quod autem augeri rem, & demonstra-*  
*ri multiplicatis nominibus dixi, idq; maxime*  
*translatis: utrunque accipi & intelligi absolute*  
*nolo. Alterum enim semper fit alterum non illud*  
*quidem semper, sed plerunque tamen. semper*  
*translatione res demonstratur: quia semper à re-*  
*bus notissimis translatio fit. plerunque res auge-*  
*tur: quia id, unde transfertur, cum eo quò transf-*  
*ertur, comparatum, plerunque maius est. Au-*  
*ctorem: defensorem, ac propugnatorem eius-*  
*modi, ut præcipuas in eo munere partes sustine-*  
*ret. Auëtor enim dicitur is, qui alios sua auëto-*  
*ritate, suo ue exemplo ad aliquam rem excitat.*  
*Reum: quod in sententia magis ualet ad mouen-*  
*dum, id oratores in extremo collocare consuerunt.*  
*quæ enim ad animum extrema perueniunt, ea*  
*firmius, ac diutius inhaerent. quo consilio & illa*  
*insequentibus periodis ultima Cicero constituit,*  
*Me intuentem, Sordidatum, & reum, in squa-*  
*lore, & sordibus, Pro patre deprecantem, Pro-*  
*pter unum me. Prætextatum: prætexta ue-*  
*ste utebantur usque ad annum ætatis xvi.*  
*Vestræ libertatis: quia P. Clodij furorem*  
*exultantem represit; ne ue ille, quod cogitabat,*  
*omnia ui teneret, effecit. Latrocinii: Clodiani.*  
*Templorum, atque rectorum: templa pu-*  
*blica, quibus iniicere flammam Clodius solitus*  
*erat: teëta Milonis, quæ idem Clodius oppugna-*  
*uerat,*



uerat, intellige. utrumque cognoscitur supra.  
 Sordidatum: ad eliciendam misericordiam inculti et sordida ueste induti ad iudicium rei ueniebant. Reum: de ui, accusante P. Clodio ædile.  
 P. Lentulum: cuius pater anno proximo consul Ciceronem ab exilio restituerat. hic ob eam causam erat in squalore, & sordibus, quia C. Cato tribunus pl. legem promulgauerat, ut P. Lentulo eius patri, Ciliciam administranti, imperium abrogaretur. ex quo filius uestitum mutauit: quod in maximis calamitatibus factum esse notum est. de hac in Lentulū rogatione meminit Cicero epist. fam. libro I. & ad Q. fratrem libro II. epistola III. in qua iisdem fere diebus & Milonem à Clodio, & Sextium à M. Tullio Albinouano esse accusatos, & legem à Catone promulgatam, licet cognoscere. Superior annus: anno superiore, & uirilem togam sumpserat, à patre datam; & prætextam. (sic enim lego, non, ut antea, Prætextatam) hoc est honorē aliquem à populo acceperat. nam prætexta magistratum, aut honorē aliquem indicat. de magistratu non est ut existimemus: cum adolescentulus adhuc esset Lentulus, annum agens XVII. quo anno uirilis toga sumebatur. honore, hoc est de sacerdotio, possumus intelligere. nam Lentulum hunc patre consule, hoc est anno superiore, in augurum collegium esse cooptatum, in Dionis historia legimus, libro XXXI. dicit autem, populi iudicio: quia po-



COMMENTARIUS

pulus hoc tempore sacerdotia mandabat ex lege,  
quam T. Atius Labienus tribunus pl. tulerat. qua  
de re scripsit idem Dio lib. XXXVII. ante Labie-  
ni legem sacerdotes à pontificum collegio creaban-  
tur. hoc in libro de legibus copiose demonstraui-  
mus. Prætextam: prætexta quatuor hominum  
genera utebantur, pueri ad usque tirocinii diem,  
hoc est ad annū ætatis XVII. magistratus omnes  
urbani: quod utrunque nemo, ut opinor, paulo hu-  
manior ignorat: præterea, quod observatum non  
ita uulgo credimus, magistri collegiorum, dum  
ludos compitalicios faciebant; & senatores om-  
nes, cum deorum festos celebrabant dies. de ma-  
gistris collegiorum docuit me locus in oratione in  
Pisonem, quo in loco sunt hæc. Q. Metellus, de-  
signatus consul, cum quidam tribunus pl. suo au-  
xilio magistros ludorum ludos facere iussisset, pri-  
uatus fieri uetuit. tu, cum in kalendas Ian. com-  
pitaliciorum dies incidissent, Sex. Clodium, qui  
nunquam antea prætextatus fuisset, ludos facere,  
& prætextatum uolitare passus es. Quibus uerbis  
Pedianus hæc subiungit. Solebant magistri colle-  
giorū ludos facere. faciebāt compitalicios prætex-  
tati. Erat autem satis turpe mendum in iis uer-  
bis, magistros ludorum ludos facere. nam legitur  
in omnibus, qui ad hanc diem impressi leguntur,  
libris, Magnos ludos facere. cum loquatur Cice-  
ro non de magnis ludis, sed de compitaliciis. ut  
omittam duo argumenta, unum, quòd illud, Fa-  
cere



cere iussisset, aliquid omnino desiderabat: quem enim tribunus ille ludos facere iussisset? alterum, quod Pedianus ita loquitur, ut significet magistrorum in oratione fieri mentionem. quàm facile autem ex, magistris, fieri potuerit, magnos, litterarum declarat similitudo, presertim si, magistris, paucioribus litteris, apice superimposito, scribatur. De senatoribus autem ex iis uerbis, quæ sunt oratione 11. in Antonium, conieci: Nescis, heri quartum in circo diem ludorum Romanorū fuisse? te autem ipsum ad populum tulisse, ut quintus præterea dies Cæsari tribueretur? cur non sumus prætextati? cur honorem Cæsaris, tua lege datum, deserui patimur?

## O R A T I O .

ATQVE hic tot & talium ciuium squalor, hic luctus, hæ sordes susceptæ sunt propter unum me, quia me defenderūt; quia meum casum, luctumq; doluerunt; quia me lugenti patriæ, flagitanti senatui, poscenti Italiæ, uobis omnibus orantibus reddiderunt. Quod tantum est in me scelus? quid tantopere deliqui illo, illo die, cum ad uos indicia, litteras, confessiones communis exitii detuli? cum parui uobis? Ac, si scelestū est amare patriam, pertuli poenarum satis: euerfa domus est, fortunæ uexatæ, dissipati liberi, raptata coniux: frater optimus, incredibili pie-

X 4 tate,



COMMENTARIUS

tate, amore inaudito, maximo in squalore uolutatus est ad pedes inimicissimorum: ego pulsus aris, focus, diis penatibus, distractus à meis, carui patria, quam uti leuissime dicam: certe texeram: pertuli crudelitatem inimicorum, scelus infidelium, fraudem inuidorum. si hoc non est satis, quòd hæc omnia deleta uidentur reditu meo: multo mihi, multo, inquam iudices præstat, in eandem illam recidere fortunam, quàm tantam importare meis defensoribus, & conseruatoribus calamitatem. an ego in hac urbe esse possum his pulsus, qui me huius urbis compotem fecerunt? non ero, non potero esse iudices: neque hic unquam puer, qui his lacrymis, qua sit pietate, declarat, amisso patre suo propter me, me ipsum incolumen uidebit; nec, quotiescunque mi uiderit, ingemiscet, ac pestem suam, & patris sui sese dicet uidere. ego uero uos in omni fortuna, quæcunque erit oblata, complectar; nec me ab iis, quos meo nomine sordidatos uidetis, unquam uilla fortuna diuellet; neque ex nationes, quibus me senatus commendauit, quibus de me gratias egit, hunc exulem propter me, si ne me uidebunt. sed hæc dii immortales, qui me suis templis aduenientem receperunt,



IN ORAT. PRO SEXTIO. 165.  
runt, stipatum ab his uiris, & P. Lentulus  
consul, atque ipsa resp. qua nihil est san-  
ctius, uestræ potestati iudices commi-  
serunt. uos hoc iudicio omnium bono-  
rum mentes confirmare, improborum  
reprimere potestis: uos his ciuibus uti  
optimis, uos me reficere, & renouare  
remp. potestis. quare uos obtestor atque  
obsecro, ut, si me saluum esse uoluistis,  
eos conseruetis, per quos me recupe-  
rauistis.

COMMENTARIUS.

Quod tantum est in me scelus? ubi aliquid ex-  
posuimus factum; statim, quasi nos commouerit  
indignitas rei, erumpimus uel in interrogatio-  
nem, uel in ironiam, uel in exclamationem. in  
interrogationis exemplum est hoc, & huic similli-  
mum, ac pene idem, in oratione pro Milone: in  
qua sunt hæc in extremo. Quid respondebo liberis  
meis, qui te parentem alterum putant? quid tibi  
Quintæ frater qui nunc abes, consorti mecum tē-  
porum illorum? me non potuisse Milonis salutem  
tueri per eosdem per quos nostram ille seruasset?  
at in qua caussa non potuisse? quæ est grata gen-  
tibus. à quibus non potuisse? ab iis, qui maxime  
P. Clodii morte acquirerunt. quo deprecante? me.  
quodnam concepi tantum scelus, aut quod in me  
tantum facinus admisi iudices, cū illa iudicia com-  
munis exitii indagaui, patefeci, protuli, extinxi?  
omnes



COMMENTARIUS

omnes in me meosq; redundant ex illo fonte dolores. Ironia est illa in hac pro Sextio. En, cur ceteri reges stabilem esse suam fortunam arbitrentur. & illa apud Virgilium libro IIII.

Egregiam uero laudem, & spolia ampla refcrtis  
Tuq; puerq; tuus: magnum et memorabile nume,  
Vna dolo diuum si fœmina uicta duorum est.

Exclamatio post iniustæ rei mentionē est illa pro Balbo: Vtrum, inscientē uultis Cn. Pompeiū contra fœdera fecisse, an scientem? si scientem, ò nomen nostri imperij, ò populi Romani excellens dignitas, ò Cn. Pōpei sic late longeq; diffusa laus, ut eius gloriæ domicilium communis imperij finibus terminetur; ò nationes, urbes, populi, reges, tetrarchæ, tyranni, testes Cn. Pompeij non solum uirtutis in bello, sed etiā religionis in pace. Communis exitii: de coniuratione dici, satis constat. Parui uobis: mihi enim S.C. mandastis, ut coniu-ratos carnifici necandos traderem. Texerā: plus esset, Conseruaram: quod alibi dixit: sed Texeram, modestiæ caussa maluit. Crudelitatem inimicorum: apte nominibus Cicero nomina coniungit, ex eo, quod cuiusque natura fert. oritur enim ex inimicijs crudelitas, ex infidelitate scelus, ex inuidia fraus. sic in Diuinatione, Quas res, inquit, luxuries in flagitijs, crudelitas in supplicijs, auaritia in rapinis, superbia in contumelijs efficere potuisset, eas omnes sese hoc uno præatore per triennium pertulisse. Simile & illud est in oratione pro Cælio,

Cælio, C  
de, cum  
cum faci  
se. Dele  
& in me  
nera com  
nem, & u  
perit. cu  
meo nom  
tuna diue  
actionem  
exilio redi  
genas Ion  
potem feci  
petit. epis  
domo sua.  
sordibusq;  
sul resitui  
stis id, qu  
meis defen  
mecum sim  
esse non po  
hac in uest  
uri: quos  
nobis corn  
bit. Refic



Cælio, Cum tristibus seuerè, cum remissis iucunde, cum senibus grauius, cum iuuentute comiter, cum facinorosis audacter, cum libidinosi luxuriose. Deleta: uidentur hæc non fuisse, quia rediui: & in me nouæ calamitates, noua iniuriarum genera comparantur. Ego uero uos: & orationem, & uultum ad eos, qui sordidati aderant, conuertit. cum uero subiungit, Nec me ab ijs, quos meo nomine sordidatos uidetis, unquam ulla fortuna diuellet, à sordidatis ad indices uultum, & actionem refert. Receperunt: cum enim ab exilio rediit, à porta Capena in Capitolium ad agendas Ioui opt. max. gratias, quod se patriæ compotem fecisset, recta profectus est. inde suos lares petiit. epistola I. libri IIII. ad Atticum, & pro domo sua. Ab his uiris: qui nunc in squalore, sordibusq; sunt. P. Lentulus: qui cum me consul restituit, commisit hæc uestre potestati: ut possitis id, quod uobis hoc iudicio licet, uel me cum meis defensoribus & conseruatoribus perdere, uel mecum simul eos seruare, sine quibus in hac urbe esse non possum, nam nisi ille me restituisset, non hæc in uestra potestate nunc essent. His ciuibus uti: quos sordidatos uidetis: quos si eiicietis, uti uobis eorum opera in tuenda republica non licebit. Reficere: tot malis afflictum.

F I N I S.



SERIES LITTERARVM.

ABCDEFGHIKLMNOPQRSTVX.

*Omnes sunt quaterniones.*

VENETIIS, M. D. LIX.

Apud Paulum Manutium,  
Aldi F.



M.

VII.



005812846



